

DE
PRAESTIGIIS

DAEMONVM, ET INCANTATIONIBUS, ac ueneficjs, Libri v.

Authore IOANNE VVIERO Medico.

Totius Operis Argumentum in Praefatione comperies.

Nolite uos consortes esse daemoniorum.


1. Corinth. 10.

Resistite diabolo, & fugiet à uobis,

Iacobi 4.

Cum Cæsareæ Maieſt. gratia
& priuilegio,

BASILEAE, PER IOANNEM Oporinum. 1563. 6.



~~7440 V. 376~~

A. 9476.

ILLUSTRISSIMO
ATQUE EXCELLENTIS-
simo Principi ac domino, D. Guilielmo,
Clivia, Iulia & Mont. Duci, Comiti
Marchie ac Rauesburgi, Domino in
Rauestein, &c. suo Domino Clemen-
tissimo perpetuam in Chri-
sto IESU felici-
tatem.

IN tam perniciofa uarie-
tate fanaticarum & pesti-
lentium opinionum, qui-
bus æuo hodierno mise-
rè orbem concutit Chri-
stianum satan, non minimum pondus
eam habere sentio, Princeps illustrissi-
me, quam idē ille uelut perditissimum
seminarium, mētibus hominum inse-
uit incantamentorum nomine. Et si e-
nim multifariam in religionis nostræ
cōtrouersijs, uel ob ceremoniarum ri-
tus, uel non æquè intellecta Scripturæ
loca, animi distrahantur, sententiæq;
a 2 uariant,

uariant, faces subdēte antiquo serpente: non tamē perinde deploranda hinc subsequitur calamitas, quā ex semel imbibita, ipsius instinctu, persuasione de eo mali genere, quod hominibus & bestijs citra ueneni uel propinationem uel applicationē, inferre creduntur quædā dementatæ anus, quas Lamiæ uel sagas nuncupant. Vt enim ex prioribus quidem disceptationes hinc inde oriuntur diuersæ pro hominum uel affectu, uel prout quilibet in suo abundare sensu uidetur, aut pro talenti à Deo donati pondere & qualitate: tamen momenti tātum eæ sæpius non habebūt, ut uel animæ salutem aliquo attingant modo, uel etiam amicitias omnino turbent aut dirimant. Quā uerò execrabilē à Deo alienationem, coniunctissimamq; cum dæmone necessitudinem, quanta inter proximos odia, quā rixosas uiciniarum factiones, quas rusticorum simultates, quæ urbium dissidia, quā frequentes infontium cædes, parente tragædo diabolo, gignat foecundissima illa calamitatum

tatum mater, opinio nimirum concepta de Lamiarū maleficij (non inquam ueneficij) prodigiosa potestate, quotidiana docet experientia. Et quum pauci sint morbi, quorū causas ad Lamiarum opus non referat, peruersē in religione Christiana institutū uulgus: uix alij comperiuntur, quibus uniuersum hoc impietatis negociū penitius innotuit, & iustior de hoc actionē instituendi occasio incumbat, quā medicī, quorum ab eo incredulitatis genere ita turbantur animi & aures raduntur, ut nihil in ijs equē concrepet apud ægrotos, quā mordax illa falsaq; innocentium muliercularū ob inflictum eiusmodi malum criminatio. Quam Camarinam aliquandiu non tam uirulentum expirantē foetorem, cum paulatim sana ex Dei uerbo institutione prorsum interiturā spes esset, eam denū grauiter motam, ut contagionis uirus longē lateq; cum plurimorū perniciē, procellarum spiritu horribiliter afflante, exhalet, indies magis ac magis experior, Tanta uigilantia quam-

cunq; obseruat occasionem ueterator
ille, somnolenter illius artes permitten-
tibus ijs, quorū intererat die noctuq;
doctrinē Euangelicæ machinis, ipsius
propugnacula concutere, funditusq;
euertere. Propterea operæ precium fa-
cere uisus sum, dum ad grauē hanc
impietatem silentio conuiuent Theo-
logi pleriq; omnes; opinionum falsita-
tem in morborum causis, eorumq; im-
pijs curationibus tolerant Medici: sen-
tentiasq; ex persuasionē, longa anno-
rum serie & præscriptione non ita di-
scussa, quā uelut præiudicio citra cō-
tradictionē cōfirmata, hic pronuntiāt
Iurisconsulti: nec ullum hominem exi-
tiali medendo uulneri, aut Labyrinthi
huius explicationi manum admoliri,
ad multorum interitū, audiatur: si ego
uelut *κολοιός γὰρ τὰς μύσας*, garritu sal-
tem alijs ueternū excussero: & arduam
hanc rem, qua nostræ religioni Chri-
stianæ summa fit cōtumelia, altius per-
scrutandi, discutiendiq; qualemcunq;
ansam fusiori deductione & qualicum-
que demonstratione subministrauero.

Quan-

Quamquam non ignorem, prauæ opi-
 nionis lineatione pertinaciam, inex-
 piabilem esse tincturā, & quæ elui ne-
 queat, scitè à Galeno nostro cēseri his
 uerbis: *ὅτι δὲ ὁ δὲ μὴ βαρὺ δ' οὐσοποιὸς οὐ-*
τως, ὡς τὸ τὸ ἀνδρ' λογισμῷ πρὸς τὰ μοχθηρὰ
δῶγματα πάθος ὁ γὰρ ὅτι μεταπίσσει αὐ-
τοῖς γνῶσιν φγνίτας. Sic enim educatos, ad
 resipiscentiam aut ueritatis frugē non
 posse reduci arbitratur. Tam non faci-
 le esse, nouam rem ad communem ho-
 minum mentē & assensum accommo-
 dare, haud inficior.

*Praua opinio, inexpia-
 bilis tinctura.*

Nec tamen hoc meum institutum
 quisquam calumniabitur, quasi nimis
 Suffenus, minusq; tenuitatis meæ con-
 scijs, quicquā præ alijs intelligere aut
 posse, mihi temerè præsумam. Quàm
 sit mihi curta supellex, probè noui, &
 me certius nemo: atq; hoc scio, quod
 nescio. Nemini hic præiudicatur. Acce-
 dunt quotidianę medicationes, & pro-
 fectiones assiduæ, quę certè ferias eius
 modi lucubrationibus sedulò donan-
 das præcīdunt: ut hoc nomine superio-
 ribus uenationibus Hambachi institur-

tis, dum tuæ Cels. atq; eiusdem illustri
generosæq; soboli ex officio inseruire,
huic potissimum studio uacauerim.

Innumeros itaq; alios infinitis parti-
bus longè meam hanc infantiam exu-
perare potuisse ueritatis inquisitione
penitiori, oratione lucidiore doctio-
req;, & demonstratione euidentiore,
magisq; neruosa, ob ingenij acumẽ, do-
ctrinæ excellentiam, & ocij accessio-
nem, libèter fateor: at ieiuno meo scri-
pto foelicia illa ingenij prouocatum iri
sperare uolo, ut dicẽdo, me rectius eru-
diant, qui eiusmodi collationum solet
esse fructus: uel, ut tacẽdo, mea hæc sen-
tẽtia ab inolita religioso illo seculo opi-
nionẽ *ἡ δὲ διὰ τῶν αἰσῶν* dissiliens, cõpro-
bari uideatur. Hac ratione reportasse
ex laboribus usuram satis uberem con-
fidam: nec me præstitæ pœnitebit ope-
ræ, si saniore doctrina in ueritatis co-
gnitionẽ reuocor, uel in rara paucisq;
audita opinione confirmor.

Veritas in
profundo
abstrusa.

Naturam in profundo ueritatẽ pe-
nitùs abstrusisse, rectissimè docuit De-
mocritus: hanc uigilantius inquirere,
inuesti-

investigare & rimari decet. Id siquidē cum maiori æquitate coniunctum est, quàm sententiam, quam temerè quis amplexus sit, pertinaciter defendere.

Argumentum est partim Theologi cum, quo diaboli & studia, sacrarum literarum testimonijs prodūtur: & quo ijs modo tutissimè obuiam iri possit, docetur. Partim etiā Philosophicum, dum naturalibus conuincuntur rationibus satanæ ludibriorum uanitas, & sagarum corrupta imaginatio. Partim item Medicum, ubi secundum naturę legem, morbos, eorum causas & symptomata Lamījs perperam imputata, oriri demonstratur. Partim id etiam Iurisperudentiæ placita spectat, quum de magorum infamium, lamiarum & ueneficorum punitione, pro delicti qualitate & magnitudine, alio quàm hactenus usurpatum est modo, agatur.

Ne autem hic mei ingenij metas & professionis limites temerè præfractaque opinione, nimis proprio fisis cerebro, transilisse censerer, hæc mea *ωα-ε&σλο&α* plerisque doctissimis, etiam ex

Argumentū operis Theologicum.

Philosophicum.

Medicum.

Iuridicum.

*Te dodi
C. 10
1005*

tuæ Cels. familia uiris, Theologis, legū
peritis, & collegis excellentissimis, eo
animo legenda excutiendaq; propo-
sui, ut horū censura, illa uel castigaren-
tur, mutarentur, starent: uel caderent,
repulsamq; paterentur.

Si Maleficarum malleum hoc absol-
uisse p̄sum quis obijciat, is amabō il-
lius libri congestas à Theologis Hen-
rico Institoris & Iacobo Sprēger ine-
ptias absurdas, sæpe etiā impias, legat:
& cum hoc nostro scripto, affectu om-
ni seiuncto, conferat, iudicetq;: & sen-
tentiam omnino aliam, imō contra-
riam me sustinere ac defendere intelli-
get. Penelopes enim telam retexere,
actūq; agere, profectō lubet minimē.
Pauca quidem in hanc rem dixit Vlri-
cus Molitor, Sigismundi Bohemiæ re-
gis consiliarius, in Dialogis de Lamīs
& Pythonicis: nōnihil quoq; de Strigi-
bus scripsit Ioannes Franciscus Picus,
abbas itē Spanheimensis Ioānes Trite-
mius quæstiones quinq; Maximiliano
Cæsari proposuit: quo autem iudicio,
operis nostri collatione innotescet.

Cæterum

Cæterum præter multiplicem rationem, quæ ut tuæ Cels. hanc meam qualem cūq; foeturā consecrarem, me impulit, hæc quoq; iuuit potissimū: quod quum iam decimūtertium annum tuæ Cels. à medicinis sim, ac uariā sæpenu-
mero in tuæ Cels. aula audierim de Lamiarum iam denuò in amplissimis ditionibus tuis renatarū, potentia & incantamentis sententiam: uix à nemine tamen certio-rem, meæ consonam & e-
ueritatis fontibus erutam penitius, unquam hic cognoscere licuit: quàm aliquoties à tuæ Cels. ore his me hausisse auribus, uelim nolim fateri cogor: nimirum Lamias nemini ulla uoluntate maligna, quacumq; dira imprecatione, aut intuitu malitioso nocere posse: at uitiata dæmonis conatu occulto phantasia, eas tanquam melancholia agitata, in mentē sibi inducere, quæcūq; mala ab ipso satana illata, uel naturali occasione ex abstruso Dei consilio prognata, abs se perpetrari. Vbi enim actionum modus ad trutinam uocatur, & earum organa indagine circū-
spectio-

spectiore obseruatur, luce clarius mox
 omnium oculis patet rei ἀδυναμία &
 falsitas. Veneficiū solūmodo à φαρ-
 μακουργία uel ueneficis, ueneno uel
 propinato uel illito, noxiē fieri in ho-
 minum & animātium internecionem,
 doctē, prudenter & piē concedit tua
 Cels. Hinc fit, quòd nō multorū more,
 poenam delusis aniculis statim seuerē
 infligi iubeas: sed matura deliberatio-
 ne prius de uenenatione exactē inqui-
 ri, ac si de ea indubitanter constet, legū
 Rom. 13. præscripto satisfieri, à Deo ad hoc con-
 stituta tua Cels. uelit. Hoc profectò ac-
 cedit meritò ad reliquas præclarissi-
 mas & innumeras animi ingenijq; do-
 tes, quibus mirē quam nactus es Spar-
 tam adornas, illustrasq;. Nihil hic præ-
 ter institutum dicā de non uulgarī tuæ
 pietatis studio: cuius plurima, & quidē
 memorabilia, ac imitatione dignissi-
 ma possem adducere exempla: nī hinc
 potius inclementiam expectandam,
 quā fauorem, uererer. Sit autem hoc
 unum, quòd solē exorientē nunquam
 uideas, nec uesperī te lecto componas,
 quin

quin ardentè prius fusis ad Deū præci-
bus, à sacra lectione te totū, tuęq; Cels.
commisiam Spartā, ipsius patrocínio
fideliter cōmiseris. Nihil addā de tem-
perantia in potu, quo unico nomine
nō modò tuis subditis omnibus nume-
rosissimis exēplar existis admirabile:
sed & tui ordinis illustrissimis, eisdēq;
potentissimis heroibus optimo prælu-
ces iure: ut ebrīā tuā Cels. uidisse nemi-
nem, non minima laus sit: imò ratā esse
uelis Assueri regis legem, qua ne quis *Esther. i.*
poculorum certamen urgeat, seuerè ca-
uetur. Longum itē esset recensere, tuę
Cels. omnes esse exosos, qui assiduus
suis deierationib. tremendū Dei nomē
prophanare non erubescunt: qua blas-
phemia omnes propemodum horribi-
liter concrepare aulas, est quòd Chri-
stianæ religionis homines meritò do-
leant, lugeantq; plagas hinc enatas pa-
lām conspicientes. Taceo continuos
in quorumcunq; libellorū supplicum,
& aliorum scriptorū quotidie affluen-
tium lectione, maturaq; respōsione la-
bores: quo uel unico incōparabili exē-
plo,

plo, uerè paternū affectum erga commiſſum tuæ tutelæ ſubditorū gregem, quis nō demiretur? quibus ut nec contemptum hīc Carlorū nomen in aliorū ore innatans aſſidue, unquā à tua Celf. uſurpatum fuiſſe, quis audiuit, ita ſæpe numero eos blandiſſimo filiorum nomine dignariſ: nec quicquam uſque adeo tuę Celf. ſtudio cureꝑ eſſe norunt omnes, quā tuā rempubl. in ſumma tranquillitate perpetuò conſeruare: id quod cum rara, imò diuina prudentia proximis aliquot annis turbulentiſſimis, unde quacꝑ bellico ſtrepitu circū maximas tuæ Celf. ditiones ſæuiente, nec eas concutiente, teſtatus es. Nec poſtremam meretur laudem, quinimò apud omnem poſteritatem propagandam, quòd uelut unicus doctorum uirorū Mecœnas, ſingularē faciās ingeniorū delectū in iſs, quos ad exterarum regiones & præclaras in quacūꝑ facultate Academiās tuę Celf. impēſis ablegari, ali, ſtudiorumꝑ curriculum feliciter perficere, ut tuæ Celf. & reip. decori uſuiꝑ eſſe quandoꝑ queant, prouidē
admo-

admodum uolueris: ut ea ratione insignibus doctrina, prudentia, existimatione, & rerum cognitione usuq; uiris, illustrem illam tuæ Cels. familiam esse ornatam, ad reliqua celeberrima tuæ aulæ ornamenta, non immeritò referri debeat. Nec id tamen mirū est, quum ipse doctus, eruditos semper eo persecutus sis studio, ut quibuscūq; honorarijs & stipēdijs honestis eos in tuam amplissimam pellicere accireq; familiam, à regni primordijs non intermiseris. Sic prouidentia non uulgarī factū est, quòd hic in uenerādo ordinis Senatorij cōfessu, primo sit dignata loco tua Cels. uirū doctrina multijuga, nec uulgarī prudētia, rerūq; uariarū usu & eximij animi corporisq; dotib. clarissimum, D. HENRICVM BARZIVM, Olisle gerū nuncupatū, Ll. doctore & Cancellariū Cliuensem uigilātissimū, patriæq; amātissimū: sit is certē *πολλῶν αὐτῶντος ἄλλων*. At prorsus calāmo hic imperasse præstat, quā leuiter oratione ieiuna uerē heroicas tuæ Cels. uirtutes, omnem omnium laudem post se relinquen-

D. Henricus
Barzius Cā
cellarius Cli
uens.

linquentes attigisse: quas non aliorum
relatu cognoui, sed hisce oculis in tua
Cels. uelut in lucidissimo speculo quo
tidie contueor. Tali itaque ac tanto
Principe patrociniū nō denegante,
mordaces uilitigatorum insolescen-
tium dētes haud difficulter uicturum
me confido: præsertim cum à meis par-
tibus in procinctu stare inuictam ueri-
tatem non dubitem. Precor Deum
opt. max. patrem Domini nostri I E-
S V C H R I S T I, ut quod pro sua boni-
tate immensa in tua Cels. feliciter cœ-
pit, maiore sui Spiritus accessione ube-
rius augeat, ad nominis sui gloriam;
Cels. tuæ salutem, & florentissimarum
ditionum tuarum fœlicitatem.

Tuæ Celsitudinis
obsequentissimus,
Ioan. Vuierus
Medicus:

A V T H O R A D
Lectorem.

Omnigenas uasri præpono demonis artes,
Quid potis est, & quæ iure negata sient.
Quid magus infamis monstratur, sagaq; mente
Turbata, hinc meritò quæq; uenefica erit.
Ordine succedunt uarijs cruciatibus acti
Astu demonij, nec renuente Deo:
Hi quibus auxilijs licitæ sanarier artis
Ritè queant sine ui carminis, inde uides.
Post, quæ pœna Magis statuenda est, quæ Lamij sue,
Quæue ueneficijs, ultima clâssis habet.

I O A N N E S E V V I C H
Doctor Medicinæ.

Demonis exortum, studium, uiresq; dolosq; ,
Qui uelut in media luce uidere cupis:
Qui quæ carminibus sit uis, & quanta nocendi,
Si desint sacris philtra parata modis:
Qui miserè uarijs homines cruciatibus actos
Nosse cupis, quæq; hos arte leuare queas:
Tandem quæ pœna infandæ legitima sectæ,
Infanti ut parcas, constituenda siet:
Hunc lege quem Ianus Vneicrus condidit arte,
Iudicio & magna sedulitate, librum.
Viue opus eximium, meritumq; attolle trophæum,
Victa est Circeæ turba prophana scholæ:
Viue etiam æternos, author, foeliciter annos,
Non erit ingenij fama sepulta tui.

IOANNES BRACHELIUS LL.

Licentiatus, ad Lectorem.

Cum Deus immensi spaciōsa uolumina cœli
Conderet, & medio suspenderet æthere terras,
Ornaretq; polum stellis, atq; æthera nimbis:
Ille sibi pariter famulos, diuina creauit
Corpora, qui tenues ferrent sua iussa per auras,
Quiq; procul curis agerent terrestribus æuum.
Horum de numero genitor iustissimus unum,
Sic meritum, Stygias cœlo detrusit ad undas:
Illic & manicis & dura compede uinctus,
Ad scelerum pœnas sedet, æternumq; sedebit,
Tristia commissæ persoluens crimina culpæ.
Quas tamen interea fraudes, quasq; improbus artes
Nocte dieq; struat miseris, quæ retia tendat:
Quidûe potis, si fortè tibi cognoscere curæ est,
Hoc lege, Lector, Opus, docti monumenta Vueri:
Hinc optata feres, hinc te tua uota docebis.
Insuper & magicis quæ sit fiducia rebus
Attribuenda, modò crudelia pharmaca desint:
Quaûe ueneficijs presso medicaberis arte,
Quamûe satis dignam pendet sub iudice pœnam
Sagarum furiale genus, miro ordine narrat.
Sed tibi cur tantos memorande Vuiere labores
Sumpseris, haud equidẽ sat adhuc discernere possum.
Publica me, dicis, mouerunt commoda. Sed quis
Publica nunc curat, præclaraq; pectora uulgò
Suspicit, & meritos rebus persoluit honores?
Tu tamen hoc fessam nimium solabere mentem,
Quòd tua non ullo moritura est tempore fama.

19
P R A E F A T I O A D L E

*ctorem, de totius Operis
argumento.*

REm profectò arduam, & longè tenuitatis meæ vires exuperatè aggressum me esse fateor, qui cum fraudulentis spiritibus, laruis & mundi dominis in theatrum prodire, luctariq; audeam: quum tot illi habeant modos fallendi incōprehensibiles, & cuniculos, occultosq; elabēdi recessus, quibus ob essentiae subtilitatem, motus celeritatem, uitæ longissimæ usum, & peruersitatem uoluntatis, longè lareq; crassitiem nostram terream eludant, ut quibuscūque eos adoria ris rationibus, defraudatum te esse palàm uideas. Quanquam uera hæc esse non inficiar: in alia tamē enutritus schola, atque ab alijs institutus præceptoribus, quàm Plato ethnicus apud supersticiosos suos Aegyptios & uates Memphiticos, uel Proclus apud suum Marcū, dæmonum clientem, ex D. Pauli, uasis electionis & pugilis aduersus spirituales astutias in cœlestibus inuicti consilio, manibus indubitatae fidei firmissimis arripui doctrinam Conditoris

AR. 9.

Philip. 2. cœli & terræ, omniumq; quæ in eis sunt,
& uerbū Christi (in cuius nomine horum

Ephes. 6. spirituum genua flectuntur, ipsiq; dicto citius fugantur) gladiū quippe spiritus ancipitem, tentaturus quid cum diuini luminis radio & rationū machinis, in luce cum rectoribus tenebrarum seculi huius poterō, in eo potissimū fraudiū genere, quo illi hactenus tam densas hominum oculis offuderunt nebulas: ut quò se conuertere securè debuerint, tanquam in ipsa caligine palpitantes, ignorarint quamplurimi. Id autem existit ille incantamentorum labyrinthus: ex quo ut, uelut inuento qualicumque filo, se explicādi commonstrarem uiam multo aliam, quàm hactenus obseruatam uidere licuit, hoc institui Opus. Ne uerò obscuritatem gigneret orationis perpetuitas, in quinque illud distribui libros, ut eius ordo tamen, quasi rectè instituta rerum œconomia, suis conuenienter cohæreret partibus.

Occasio operis.

*ARGVMENTVM
libri primi.*

Cæterū quū uniuersum id negocium sit dæmonum præstigijs ac dolo implicatum, ut ad eorum quæ in reliquis dicetur libris intelligētiam sternatur uia: in Primo libro, diabolus quid sit, quæ eius origo, qui primi dolosi eius conatus, perniciosiq; progrel-

progressus ab Eva in rerū primordijs, usq;
 in hæc tempora: quæ item ipsius potētia,
 quid etiam prorsus non potest, & quodd li-
 mires illi à Deo præfigūtur, ultra quos fer-
 ri nequit, describitur. Hinc, quid per suam *Secundi.*
 clientelam operetur, ostēsurus: ad magos
 infames, dæmonum operā quascunque
 præstigias oculis nostris destinato studio
 multifariam obijcientes, diuinationumq;
 uarijs laruis deludentes alios, & medicinę
 sacra suis imposturis satanicis fœdè cōspur-
 cantes, progredior: quos etiam à Lamijs se-
 grego, ut quæ sexu inconstātes, fideiq; lu-
 bricæ, & ætate non satis mētis compotes,
 diaboli ludibrijs magis sint obnoxia, qui
 in illarum uim imaginatiuam siue uigilan-
 tibus siue dormientibus se insinuās, quas-
 cunque formas ipsis inducit: ea dexterita-
 te concitatis in hunc dolum humoribus
 & spiritibus, ut nihil aliud illæ sciant, aut
 fateri cogantur, quàm rerum à dēmone ex
 Dei abstrusa uoluntate uel consensu pera-
 ctarum, aut plagarū hominibus bestijs uel
 insectarum, siue designatorū flagitiorum,
 aut malorum pronatorum naturæ ductu,
 se effectrices esse: quemadmodum mētem
 quoque lædi, multifarijsq; imbui imagini-
 bus: læpe in ijs, quorum cerebrum atra bi-

lis uel eius uapor uitiarit, spectamus. Nul-
 los quoque libros eæ habēt, nullos exor-
 cismos, characteres, aut similia monstra, ue-
 lut magi infames: nullos etiam præcepto-
 res alios, præter læsam à dæmone mētem,
 aut corruptam imaginationem. Hinc à Ma-
 gis illis infamibus nō parum eas differre,
 omnibus erit perspicuum. Illi namque ui-
 ri sunt sæpe docti & cordati, sed curiosi,
 longius etiam peregrinantes, ut artem im-
 bibant dæmoniacā, qua saltem præstigias
 & rerū ludibria præter naturalem morem
 ostentant: hæ uerò ut plurimum fœminæ,
 eædēq; uetule, & mēte titubantes, domiq;
 latentes: in quarum, uti organorum con-
 uenientium, phantasiā propè torpidam,
 uelut sedem suis studijs accommodatam,
 in melancholiæ morbo, mœrore, uel extre-
 ma desperatione, ut spiritus est, illabitur,
 nec ita præstigijs deludēs, quàm quacun-
 que hominum infortunia, calamitates &
 interitus tanta uehementia imprimens, ut
 qualia quantaq; ea sint, se perpetrasse, ut
 dixi, arbitrentur: à quibus tamen hæ tam
 fuere alienæ, infontesque, quàm quiuis
 alius. Has itidem à ueneficis, quos *φαρμα-
κονοι* Græci dicūt, separo: qui ueneno uel
 propinato uel illito, uel eo loco ubi habi-
 tu feriat,

tu feriat, collocatio, homines uel bestias le-
dunt. Sic plurimum interesse inter prophe-
nos magos, Lamias & ueneficos intelligen-
tur: de quibus tamen, uelut ijsdem, hacten-
nus confuse actum est, disputatum, & pro-
nunciata sententia. Vt autem hæc inno-
tescerent clarius, Tertio libro eos qui La-
miarum maleficio affici putantur, propo-
no, demonstras eos omnes à dæmonibus
exerceri, uel obsessos esse, ex occulta Dei
permissione, citra ullam ullius Lamiæ aut
hominis alterius cooperationem. Hinc TERTII.
iusto ordine, libro Quarto, ad eorum qui
eiusmodi maleficio collisi creduntur, cura-
tionem, infinitis partibus aliâ quàm huc-
usque obseruatum sit, me confero: ubi,
quæcunque curationes illicitæ à dæmo-
nijs in sui regni confirmationem efficiantur,
per ueritas coniurationes, characteres, li-
gaturas, periapta uel appenta, annulos, si-
gilla, imagines, & similes umbrarû furias,
sacro sanctæ Scripturæ autoritate & ratio-
num pondere conuincuntur, explodun-
turque: ut ab ijs fæcibus, uelut expurgato
Augiæ stabulo, liberatæ mæres, in quacun-
que afflictione ad ordinata à Deo media
posthac confugiant, puris manibus in cœ-
lum sublatis, ac medicinæ sacra in hoc ne-
gocio

gocio incorruptius conscientia synceriorè tractentur. Qui præcipuus fuit huius instituti mei laboris scopus.

In hac tamen graui meditatione aliquãdiu suprâ quàm dici potest occupatus, doloribusq; immensis excruciatuſ (nouit ille quẽ nihil latet) quòd uetulas illas demen-
tatas, à dæmone illuſas, Lamias uulgo dictas, quæ nihil flagitij ſingularis commiſſent (non autem loquor de ueneficis) tam atrociter, ſine ulla cõmiſeratione multis in locis in caliginoſos ſqualidoſque carceres, horrida umbrarum hoſpitia & dæmoniorum domicilia incõſideratiuſ præcipitari, inde in carnificinam truculentiuſ rapi, ac demum flammis deuorandas temerè obijci uiderem: propriæque amentium anicularum confeſſioni ſtari, nec ſatis inter Lamias & ueneficas diſcerni: & Magos ſacrilegos, in lege ueteri mulctatoſ grauiter, iam impunitiuſ, imò cû laude apud pleroſque uerſari: non potui non inquam argumenti ratione, conſcientiæ impulſu actus, meam hac de re ſententiam qualem
Q V I N T I. cunque, quatuor iſ libris adiungere: Quin toque libro uelut appêdice declarare, quid & quibuſ rationibuſ nixuſ, ſentiã de punitione Magorum infamium, à c h r i s t i ueritate

ueritate rempublicā cum Simone & Eli- Aet. 13.
ma auertentium, eamque sedatam turban-
tium: quid itē de modo puniendi Lamias
à diabolo seductas, uelut melancholia agi-
tatas, uix autem hæreticas: (eę enim men-
te illæsa, sed præfracta constant) postremò
etiam, quid de ueneficorum supplicio sta-
tuam, subiunxi: ubi locum habet promul-
gatum ex Dei uoluntate Mosis edictum,
Græcè à Septuaginta senioribus redditū,
& uelut explicatum in uaria illa Hebrai-
carum uocum significatione, *φαρμάκους &*
πεισιώστες, Veneficos (uel, ut Hebræi ha-
bent, ueneficas) non sinetis superuiuere.

Contra ue-
neficis edi-
ctū Mosis.

Nec sibi hic leges à me arrogātius præ-
scribi crimentur magistratus, aut legum
periti: hoc enim meum fuisse institutum
minimè, testor Deum: sed ex commiseratione
meditationem meam solummodo
alijs cordatioribus & pijs, ueritatis inqui-
rendæ potius, quàm opinionis inconside-
ratiùs multis seculis imbibitæ, affectu de-
fendendæ studiosis excutiendam sereno
mentis oculo, summissè offero. Qui ope-
ræ precium me præstitisse agnoscent, in-
genuam hanc libertatē bene interpreten-
tur: qui secus censebunt, ignoscant bene-
uolenti. Interim mea qualiacunque argu-

menta, quibus toto hoc Opere nitor, conferri posito affectu cupio, dū in consilium uocantur Speculator & Iohan. And. titulo de Sortilegijs: aut Summistæ, Hostien. Gotfridus Reinerius in Summ. de sortilegijs, Canon in c. 1 & 2. ubi Alb. post Ioh. And. de sortil. in antiquis, Alb. cons. 55. 1. uolum. incip. Casus talis per Olbrad. consilio illo 210. incip. Regularis: uel etiam recentiores post gl. in c. accusatus. §. de hæretic. initijs, Alber. de Rosatis in Dictionario super uerbo Sortilegium: siue Bonif. de Vitalin. in tit. de sortilegijs, in tractatu criminalium, aut Matth. de Afflict. in constitution. Neapolit. de malis & noxijs medicamentis parte tertia: itē auditor eius Grillandus, aut etiam 2. lib. Syluestri Prieratis de Strigomagis: seu Bonauent. super 3. Sent. Quibus autem firmamentis sua scripta munierit quilibet author, horum librorum collatione manifestius intelliget æquus Lector.

Porro de re ipsa & materia quoniam ad ueritatis doctrinam, & Ecclesiæ CHRISTI quietem, ac proximi utilitatē spectat, non est quod multis agam: quum ea sit huiusmodi, ut quantūlibet inelegantem sit sortita artificem, satis tamen ipsa per se, omnium

nium oculis sese queat & debeat commenda-
 dare: præsertim ob res nō paucas in lucem
 magis erutas, quæ hætenus uel ut incogni-
 tæ, uel ut obscuræ latuere. Solitum uerò es-
 se apud Græcos olim prouerbij loco, ho-
 minibus parum scitè in re præclara uersan-
 tibus obijci, Proba quidem materia, si pro-
bum nacta fuerit artificem, non ignoro: at
cui libet liberum permitto de artificis ope-
re statuere, quod illi libitum erit. Quod
 enim ad me attinet, ut nullius uel nasuti
 Momi aut perspicacis Aristarchi reprehen-
 sionem, siue seueri Catonis censuram de-
 precor, si merear: ita nec auram popularem
 aliam uel laudem magnopere uenor, bona
 fretus consciëntia, qua hanc aggressus sum
 telam. Dies erit, quando unicuique à Do-
 mino laus sua accedet: dūmodo illius ac-
 crescat gloria, & satanæ tyrannis im-
 minuatur, abunde satis erit fa-
 ctum meis uotis.

DE DIABOLO,

EIVS ORIGINE,

STUDIO ET POT-

tentia, Liber I.

Dæmonum præstigias & incantamenta explicaturus, à primario eorum authore diabolo, huius artibus, studijs & potestate exordiar: ut eo cognito, illiusq; autoritate ac existimatione perspecta, euidentius de omni ipsius opere censeatur: atq; cunctas eius actiones unusquisq; dilucido mentis oculo introspicere, & posthac minus impedite penitusq; peruidere queat.

Religionis autem Christianæ sacram amplexus doctrinam, fideiq; indubitata confessionem, quemadmodum Aristotelis Peripateticorumq;, nō esse dæmones in rerum natura contendentium, placita prorsus reijcio: sic & Platonis commenticiam distinctionem omnino approbare, aut etiam Porphyrij, Pselli, Procli, Plotini, Iamblichi, copiose quidem de dæmonibus, uerū multa quæ non uidere, tanquam rei natæ historiam conscribentium, opinionibus subscribere nequeo.

Omnipotentem itaq; uniuersi architectum Deum, ante aspectabilis huius mūdi opificium, incorporeum illum admirandis spirituum ordinibus in ministerium pulchrè ornatum condidisse, ex Mosis, diuinæ Maiestatis legati,

Non esse dæmones. putauit Aristoteles.

De dæmonibus finxerunt multa Platonici.

Genesi I.

Hebr. I.

Angeli quādo creati.

statis legati, atq; fidelissimi scribæ (cum quo facie ad faciem quasi cum amico loquutū esse Deum, perhibet sacrarum literarum ueritas) historia sancta, firmiter credo. Boni uerò hi spiritus erāt omnes, quemadmodum omnia à summo bono creata: naturæ nimirum intelligentes, absq; corporibus: essentia diuinæ naturæ quadantenus conformi, sed finita: à quibus agnosceretur & coleretur Deus eo: quo ipse uellet & præscriberet, modo: quibus & suam uicissim bonitatem in omni æternitate communicaret. quare illis excellentem intelligentiam, eximiam perspicaciam, notionesq; æternæ & immotæ iusticiæ suæ illustres, tanquā radios de æterna sapientiæ suæ lucē accenso, indidit.

Sed ubi quidā, ob dotes quibus condecorati erant, præstantissimas, proprio efferrentur arbitrio, & insolescerent, seq; Deo assimilarent, non seruantes suam originem, relinquentes suum domicilium, ac peccantes: hos honoribus nudatos, ministrorum suorum numero exclusit iratus Deus, repulit ac præcipites egit, uinculisq; perpetuis sub caligine ad magni illius diei iudicium seruauit. Huc Esaia prophetiam de Babylonis regis (quem Luciferum uates nuncupat) factu & altissimo lapsu contorquent quamplurimi. Hic draco ille magnus, in terram proiectus cum suis angelis, serpens antiquus, qui uocatur Diabolus & Satan, ut Ioannes ait, tortuosus serpens Esaie. Hunc casum, non solum nostri & Hebræorum Theologi docent: uerum etiam Assyrii, Arabes, Aegyptij & Græci suis dogmati-

Exodi 33:

Angeli
quid.

Dæmonum
origo.
2. Petr. 2.
Iud. epist.
Iob 4.
Lu. 10.
Esaie 14.
Apoc. 12.
Esaie 27.

dogmatibus confirmant. Pherecydes dæmonum lapsus describit: & Ophin, hoc est serpentem dæmoniacum, rebellantis, & à diuinæ mentis placito deficientis exercitus caput & antesignanum fuisse tradit. Eandem ruinā & Trismegistus in Pimandro depingit: & uetustissimū Empedoclem, dæmones *ὀφεινοπέτας*, cœlo ruentes uocantem, eorum casum nouisse, significat Plutarchus in sermone de Fœnore.

Hebr. 1.
Psalm. 103. &
104.

Ephes. 2. 6.
1. Corinth. 2.
Zachar. 13.
Matth. 8. 12.
Marc. 1. 3. 5.
Luc. 8. 9. 11.
Act. 19.
Iudic. 9.

Hi ergo spiritus antea diuini, cœlestes, puri, lucidi, nullius maliciæ conscij, Dei solius nutum obseruantes, in ministerium emittēdi propter eos qui hæredes futuri essent salutis, angelicam essentiam non omnino perdidērunt: sed perditissimè, lumine gratiæ priuati, uitiarunt, denigraruntq; ut iam aerei, mundani, obscuri, tenebricosi, & (uno uerbo) immundi maliq; dicantur & sint: ac licet lumen intellectus naturalis etiamnum obtineant, lapsus tamen pœnam infinitis partibus duriores, obscurata offuscataq; diuinæ sapientiæ luce sustinēt, & grauiorem expectant, quàm ex transgressione genus humanum. Quàquam si hoc quoq; supremæ prudentiæ radios, quos in primorum parentum animis de suo aeterno lumine Deus incenderat, retinuisset, plurima acumine mentis perspicacissimò intueretur clarius, penitius intelligeret, certiusq; dijudicaret: quæ nunc hebetato mentis oculo, ceu solis faciem, per densas nubes aut atras in aere nebulas conspicit.

Porrò ex hac sui exclusione, repulsa, ac ignominiosa ex

Liber primus.

31

uiosa ex patrijs sedibus deturbatione, tam ingens & immedicabile erga Deum odium conceperunt hi spiritus, ut quæ eum offendere, uel eius gloriam labefacere, aut quod admiranda prouidentia fabricatus fuerat mundi opificium, deformare, uitiare & corrumpere posse uiderentur, acerrima indagine inuestigare, et studio indefesso conari cœperint. Ac primum nobilissimam inter creaturas, clarissimo sapientiæ cœlestis lumine illustratam, absq; labe Deo fœdere confociatam, primam pareniem nostram Euam adoriuntur: quam à Deo alienare, suiq; exitij sociam reddere satagunt, deluduntq; astu quàm blandissimo, ubi nullus uidebatur subesse fucus, submota mortis minarū opinione his quippe uerbis, Nequaquam moriemini. Diaboli erga Deum odium immedicabile.

Deinde fraudulenter elusis & abiectis præceptionibus à Deo impositis, Euam erigunt falsis pollicitationibus in spem longè maiorum ornamentorum, excellentiorisq; potentiae, hoc modo scilicet: Deus nouit, quòd ipso die quando comederitis ex ipsa arbore, aperientur oculi uestri, eritisq; sicut dii, scientes bonum & malū. Sic perfecerunt tandem, ut hæc à mandato descisceret, sequereturq; consilia in ipsius inter-

Genes. 3.

necionem contra Deum instituta atq; ordinata. Nam

Ene transgressio.

satan iam malus, malumq; transgressione edocius, & causæ sui lapsus probè conscius, quòd nimirum præscriptas sui ministerij metas fastu transilire cogitasset, in idem studium Euam pertrahere conatus est gratæ persuasionis illecebris, quòd ab esu uetito oculis Eue

& Adæ

Hostis dei factus homo ex inobedientia.

Diabolus quid

Et Ade referatis, dijs adæquarentur, scientes bonum antea solummodo cognitum, & malum nondum notum. Nec illi, subsequuturæ ex inobedientia calamitatis præscio, labor fuit inanis: licet illa se à serpente falsam, serò agnosceret: confitereturq; uiolata siquidem obedientia factus est hostis Dei homo, in pœnas illapsus transgressionis diuinitus consitutæ, condemnationem nempe, & diaboli tyrannidem, ac mortem æternam: atq; exutus honoribus, dignitate & dominatu, quibus maxima cum authoritate ipsum ornat Deus. Scitè admodum hinc Augustinus scribit ad Iulianum Comitè: Diabolus est angelus per superbiam separatus à Deo, qui in ueritate non stetit: & doctor mendacij, quia ab ipso primum inuentum est mendacium. Ipse est aduersarius effectus generis nostri, inuentor mortis, superbiæ institutor, radix maliciæ, scelerum caput, princeps omnium uitiorum, persuasor turpium uoluptatum. Hinc ergo, cum illum primum hominem à Deo factum, Adam patrem omnium nostrum intueretur, uideretq; hominem ex limbo terræ ad imaginem Dei factum, pudicitia ornatum, temperantia compositum, charitate circumdatum, immortalitate uestitum: æmulus atq; inuidus tantam beatitudinem hominē accepisse, quam ipse dum angelus esset, per superbiam agnoscitur amisisse, inuidit statim insatiabilis homicida, primumq; parentem nostrum tantis & talibus bonis expoliavit, & nos interemit.

Hoc

Liber primus.

33

Hoc auspicio primi conatus successu effrenatus
 insolentes hi maligni spiritus, potissimum recepto
 à Deo rursus in gratiam homine, multa imposita, ac
 promissione facta de CHRISTO, mulieris semine
 caput serpentis cōtrituro, *λύτρω* & mediatore apud
 Deum, pro genere humano aduersus eorū uiolētiam:
 deinceps porro furere, uarijsq; modis ferocius insidia
 ri occipiunt, & machinari omni arte doloq; ea quæ
 ad promissionis huius deprauationem abolitionemq;
 in Dei contumeliam, & hominū perniciem facerent.
 Sic Cainum, tertium hominem, inuidiæ facibus mox
 inflammant in Abelis iusti, numero quarti, crudelem
 cædem, homicidiæ ab initio: sic deinde uniuersum ge-
 neris humani figmentum paulatim ea maliciæ exupe-
 rantia & enormitate deprauarunt, ut Deum fecisse
 hominem pœnituerit: eumq; prorsus, exceptis octo
 in arca conseruatis, aquarum inundatione absorpse-
 rit. Hic deleto propemodum homine ob prosperas
 horum spirituum machinationes, triumphum se actu-
 ros ipsi sperabant. Quapropter siccata aquarum di-
 luuie, statim in alterius huius mundi renascentis quasi
 infantia, in Nohe patris inebriati irrisiōnem, ueren-
 dis eius denudatis, Chamum filium minorem, ut inde
 patris execrationem audierit, extimulāt: cuius filium
 Misraim, ab his spiritibus haud dubiè institutum; ma-
 giæ infamis blasphemam impietatem primum compe-
 risse, atq; hinc Aegyptiorum, Babyloniorum & Per-
 sarum duci originem, postea intelligetur. Ad Nohe

Cain Abe-
 lem fratrem
 occidit.

Genes. 4.

Ioann. 8.

Diluuio mū-
 dus interit.
 Genes. 6.

Execratio
 Cham.
 Genes. 9.
 Magia infā-
 mis quando
 cæperit.
 Clem. lib. 4.
 Recog.

c item

*Iouis Hæmo
his oraculū à
Chamo dedu-
ctum.*

*Dodonæum
à Dodanum
Nohe nepo-
te.*

*Epirus prius
uocata Do-
dona.*

*Sodomæ &
Gomorræ
exitium.*

Genes. 19.

Esaiæ 13.

2. Petr. 2.

*Loth ebrij
incestus cū
filiabus.*

Genes. 27.

Genes. 37.

Genes. 39.

2. Regū 24.

1. Paralip. 21.

item sobolē, Iouis Hammonis oraculū, tanquā à Cha-
mo (quod nomen Hebræi aspiratione paulò duriore
pronunciant) refertur alicubi: quē admodū Dodonēū
ad Dodanim, Nohe nepotē, qui Epirum, Dodonam
prius uocatū, occupauit, excoluit, suoq; insigniuit no-
mine: ut sanctas patrum Ecclesiæ sedes in prostibula
dæmonū, impediō flagitiosa, degenerasse sit uerisimi-
le. Horrēdas uerò idololatrias cōfestim à diluuiō, No-
ba adhuc superstite, indefesso dæmonū studio in Ec-
clesiā Dei irrupisse, quas in sua posteritate non sine
ingenti animi dolore miserū senem cōtueri & tolera-
re oportuit, cum prohibere nō posset, testatur sacra
Historia. Inde tā inauditis turpiſsimæ libidinis furijs,
populosissimas Sodomorū et Gomorræ ciuitates exa-
gitat ille spirituū cœtus, ut ne decē quidē in tanto nu-
mero inuenti sint iusti: et missis à Domino de cœlis sul-
phure & igne, subuersæ sint ciuitates illæ, & in cine-
rē redactæ, cū tota illa planicie, omnibus quoq; habi-
tatoribus illarū urbiū, simulq; germine terræ. Hinc
cuestigiō Loth egressum, ebrietate & incestu cū filia-
bus nefario grauiter uulnerat. Nōne & Esau de in-
nocētis fratris Iacobi nece inferēda, strenuē sollicitatē
Pōst et in iustū Iosephū æmulatione fratres excitauit,
propemodū fratricidas factos: illū etiam, obiecta adul-
terij occasione captiosa, tādē perdere uoluit. Nōne
quō Israelē numeraret, Dauidem excitauit satanas: ut
pestilentia inde ceciderint uirorū septuaginta millia.
Eiusmodi denuō felicibus auspicijs audaciores red-
diti dæ-

'diti demones, in huius mundi principatū exules pro-
teruius graſſati ſunt, cultusq; ſimul multifarios & o-
racula inde diuerſa diuinis contraria effinxerunt, ac
ad ea inuitarunt pellexerūtq; animas uacillātes, ita ut
uniuerſum propè orbē pedetentim quaſi obſidione
quadā ſubiugarint, obſtrepuerintq; diuinæ legi, cōtu-
macem, idololatriarū & contēptus eorū quibus mo-
rē gerere decuit, ac cuiuſcunq; uicioſitatis plenū redi-
derint. Eò demū audaciæ & petulantis faſtus excre-
uit horū insolentia et ars, ut pro dijs haberi apud pe-
ritos imperitoſq; uoluerint, et præſidere regionibus,
populis, inſulis, mōtibus, locis, urbibus, uicis, familijs;
tanquā dij proprij, tutelares & patrij: quorū nomen
claturas partim Hiſtoria ſacra, partim Origenes, Ter-
tullianus, Apuleius, Diodorus, partim alij recēſent hi-
ſtoriographi et ſcriptores eximij. Eorū uerò nominū
explicatione, ut plurimū ſtudia demonū prodi obſer-
uamus. Sic Bel, uetuſtum, nihil confuſum ſonans, Ba-
byloniorum habebatur deus: Eſaie 46. Daniel. 14.

Beelzebub, dominus muſcæ: qui omnibus retia ten-
dens, muſcā ſaltem, id eſt infirmum capit. Spurcij ſimū
Accaronitarū idolū, qui ſunt quidē in regione Iudææ,
ſed impij: 4. Reg. 1. Ab hoc, principē demoniorū Beel-
zebub nūcuparūt Hebræi: Matth. 12. Luc. 11. Plutonē
Græci *Δαιμόνιον* dixerunt: à gentibus Priapus
appellabatur. Serapin & Proſerpinam malignorum
demonum primarios uocat Porphyrius.

Baal, idolum aut dominās uel ſubijciens, aut poſ-
ſidens,

Tertull. in
Apolog. ad
uerſus gentes
ca. 23.

De dijs gen-
tium ingens
opus extat
Lilij Greg.
Gyraldi: itē
tres libri de
Cognomini-
bus deorum,

Juliani Au-
relij Leſſ.

Dæmoēs pro
dijs habitū, et
eorum nomi-
nā.

Beelzebub.

Lactant. li. 2.

cap. 15. de

orig. err.

Trimegi-
ſtus.

Bel

36 De præstigijs dæmonum

fidens, nomen idoli à Sidonijs ad Iudæos profecti, Samariæ & Moabitarum numinis: Martem Græci putant. Num. 22. Rom. 11. Id Gedeon destruxit, Iudic. 6.

Beelphegor, dominus hians, aperiens, nudus, aut dominus hiatus siue nuditatis, Moabitarum deus: Osee 9. 22. Num. 25. Deuter. 4. Sic & Phegor: Num. 25. Deut. 3. 4. Iosue 22.

4 .eg. 17. Adramelech, pallium regis, siue magnitudo uel potentia regis uel cōsiliij, idolu Sepharuaim: 4. Reg. 17.

Anamelech, afflictio siue responsio regis, deus Sepharuaim. Succot Benoth, tabernacula filiarum, Babyloniorum numen.

Nergal, explorans, aut lucerna tumuli, idolum Cuthæorum.

Asima, delictum, idolum uirorum Emath.

Nibhas, prophetans, aut potius loquens uisionem, aut fructus uisionis, deus Heueorum.

Thartac, cōcatenatus, Heueorū numē: 4. Reg. 17. Nisroch, tentatio delicata, idolum adoratum à Sennacherib: 4. Reg. 19.

Chamos, quasi palpans, aut quasi recedens, uel auferens, Moabitarum numen: Num. 21. 3. Reg. 11. 4. Reg. 23. Ierem. 48.

Melchom, rex uel cōsiliator eorum, idolum quod colebant filij Ammon: 4. Reg. 23. 1. Paral. 20. Ier. 49.

Dagon, frumentum, aut dolor, uel denique piscis eorum, Philistinorum idolum: Iudic. 16. 1. Machab. 10.

Astarte, quod à caula sine grege dici uidetur, nomen deæ

men deæ Sidoniorum, à Salomone cultæ: 3. Reg. 11.
4. Reg. 23.

¶ Sumpſiſſe præterea quandoque nomina hos ſpiri-
tus à peſſimis hominibus, aut peſſimorum hominum
habitationibus, in literis Sacris comperimus: ſicut
Aſtaroth, Palæſtinorum fuit deus, Iosepho teſte: quem
ſuſtulerunt Iudæi Solomonis iuſſu, 1. Reg. 7. Item deus
à Solomone adoratus, 4. Reg. 23. Et quanquam ſigni-
ficet greges, aut etiam diuitias, faciens explorationem
ſiue tineam legis: fuit tamen olim nomen ciuitatis Og
regis Baſan, in qua habitauerunt Gigantes: item urbis
Amorrhæorum.

Aſtaroth.
Li. 6. ca. 14.
antiq. Iudai.

Leguntur & aliæ in Biblijs, horum numinum no-
menclaturæ. ut Baalim, plurali numero: 1. Reg. 7. 2.
Paral. 28. Ierem. 2.

Baalberith, dominus fœderis: Iud. 9. Rēpha: Act. 7.

Remmon, id eſt altitudo: 4. reg. 5.

Adonis, in Hebræo Thamuz, hoc eſt conſumptus,
ſeu incendium, Syrum eſt: Ezech. 8.

Narrat Philo, fuiſſe Amorrhæis ſeptē ſimulachra
aurea, quas uocabāt nymphas ſanctas, quæ inuocate
oſtenderūt Amorrhæis per ſingulas horas operæ eo-
rum, & nomina eorum: nomina mulierum, quæ fue-
runt uxores ſeptem uirorum peccatorum, qui eas cō-
ſecrauerunt poſt diluuium, uidelicet Chanaan, Phut,
Selath, Nembroth, Abirion, Elath, Deſuat.

Adorabantur & uituli aurei: 3. Reg. 12. Militia
cœli: 4. Reg. 17. Regina cœli: Hierem. 44.

*Prouincia-
rum dñj.*

Coluerunt & reliquæ prouinciæ suos deos: Aegy-
ptij, Osirim & Isidem: Aethiopes, Meroen incolètes,
Iouem & Bacchum: Arabes, cum Baccho Venerem,
& Diasarem: Bœoti Amphiaraum, Aphri Mopsū,
Scythæ Mineruā, Naucratiæ Serapim, Syri Astar-
ten, Norici Tibilenum, Mauri Iubam, Macedones
Gabirum, Pœni Vranum, Samos Iunonem, Paphos
Venerem, Lemnos Vulcanum, Naxos Liberum. In
Diomedia insula, Diomedem: in cuius templo, mirabi-
li obsequio aues aquam rostris adferunt, aduenas ex-
teros infestè persequuntur & pellunt: Græcos homi-
nes non solum admittunt, sed ipsis etiam adulantur,
idq; dæmonum instinctu: quorum interest persuasisse
deum factum esse Diomedē. Sic Delphi colunt Apol-
linem: & quemadmodum canit Ouidius in Fastis,
Pallada Cecropidæ, Minoia Creta Dianam,
Vulcanum tellus Hysipylea colit:

Iunonem Spartæ, Pelopeiadesq; Mycenæ:

Pinnigerum Fauni Mænalis ora caput.

*Græcorum
idololatria.*

Græci adhæc, quorum post Aegyptios uanitas
præcipua & superstîtio celebratur, cœlo Iouē, mari
Neptunū, intimis terræ cauernis & recessibus Pluto-
nem præfecerūt. ac horū singulis alios infinito nume-
ro adiunxerunt. Saturnum & Cybelē Ioui, item Mer-
curium, Apollinē, Martem, Iunonē, Mineruam, Vene-
rem, Dianam Ephesiorū deā, Act. 19. Neptuno Ne-
reū, quem ἀλκυόνα & πόρνον nominarunt, Latini
Portumnū, et cohortes Nympharū. Imò singulis in
natura

Liber primus.

39

natura corporibus adesse peculiare numē, ut credere-
tur, persuasit diabolus: eamq; opinionē, numinū illo-
rum sese specie ostentans, auxit & confirmauit.

Nec ferè pauciores deos Romani habuerūt, inter
quos numerantur ab antiquorib. pro euocādis fulmi-
nibus, Statores, Tonantes, Feretrij, Iupiter Elicius: de
inde dij maiorū gentiū, Iuno, Vesta Troianorū dea,
quā profugus Aeneas in Italiā transtulit: item Miner-
ua, Ceres, Diana, Venus, Iupiter, Mars, Mercurius,
Neptunus, Vulcanus, Apollo: Penates, Iuno & Miner-
ua: dij cōmunes, Mars Latio uenerādus erat, quia prae-
sident armis: itē Bellona Victoria: dij geniales, Terra,
aqua, aer, ignis, sol & luna, quibus natali die quisq; sa-
crum faciebat, quod rerū gignendarū & producēda-
rum uim obtinere existimarentur. Genij duo, Lares,
quos priuatarū rerū, triuiarū uiarūq; et urbiscurā
agere opinio erat. Vnde & appellabantur inferiores
ac minorū gētiū dij, & Praestites Ouidio s. Fast. dicti,

Romanorū
dij.

Statores.

Tonantes.

Feretrij.

Dij maiorū
gentium.

Vesta.

Penates.

Dij geniales.

Genij.

Lares.

Praestites.

Quod praestent oculis omnia tuta suis:
id est, quod res omnes conseruent & tueātur in aedi-
bus: pacato enim & quieto numine domum posside-
re putabantur.

Affinixerant & deos indigetes: qui ex hominib. ob
eximias belli & pacis artes et bene merita, inter deos
erāt relati. His accedebāt dij patrij & tutelares, et re-
liqua familia Faunorū, Sylvanorū, Satyrorū, Lemu-
rum. Potētissimū suū numē Thor appellarūt Gothi,
alterū Odhen, tertium Frigga. Varro, qui Ethnica nu-

Indigetes.

Dij patri &
tutelares.

Olaus Mag.
li. 3. cap. 3. hi-
stor. Septēt.

*Commenticio-
rum deorum
numerus.*

*Sacrificiorū
numerus a-
pud Aegy-
ptios.*

mina singulari cōquisiuit diligētia, supra triginta mil-
lia cōmenticio-*rum* deorū reperisse se, literarum mo-
numentis tradidit. Hinc etiam ritū & sacrificiorum
excreuit numerus, quorum sexcenta sexaginta sex ge-
nera Aegyptijs in usu fuerunt: Græcis & Romanis
non multo paucior. & quanquā hi ab illis deorum
numero & sacrificijs olim superati putantur, factam
tamen temporis successu multā uicißitudinem, Roma-
nosq; superstitiōis uictoria potitos esse, dolēs uereor.

*Dij gentium
dæmonia.*

Psal. 95.

Prolixior uerò in recitando gētiliciorum deorum
catalogo fui, ut in suis exorcismis & preculis sub bar-
bararum & ignotarū uocū pallio sæpe dæmonia tegi
meminerint, qui illas usurpant liberius. Deos gen-
tium dæmonia esse, affirmat regius ille uates Dauid:
quæ dicuntur etiam in Sacris literis dij gētium, terra-
rum, & dij populorum terræ: 2. Paral. 32. dij popu-
lorum, 1. Paral. 16. Dij terræ, Iud. 3. Idola nationum,
Sapient. 15. dij mōtium, 3. Reg. 20. dij filiorum Seir, 2.
Paral. 25. dij Damasci, 2. Paral. 28. Dij autem alieni
frequenter nuncupantur, quales ex æde Domini ab-
stulit Manasses, 2. Paral. 33. item Iosias, 4. Reg. 23.

*Idololatria
in pop. Dei.*

Genes. 31.

Genes. 35.

Nec solum abominanda hæc idololatriæ portenta
inualuerunt, peruagataq; sunt omnes gentes: uerum
etiam in populum Dei, molimine diaboli peruaferūt,
uirusq; seminarium sparserunt. Nam deos Laban pa-
tris sui, & soceri Iacobi, furabatur Rachel fugiens.
At Iacobus tandem domui suæ & omnibus qui secum
erant, præcepit inquit: Abijcite deos alienos qui
sunt.

Liber primus.

41

sunt inter uos, mundamini, & immutate uestimenta uestra. Itaq; eos illi cum inauribus quæ in illorum auribus erant, dederunt Iacobo: quos subter quercum, quæ erat iuxta Sichem, ille defodit. Vituli item simulachrum adorant, eiq; sacrificat populus Israel in deserto, dicens: Isti sunt dii tui ô Israel, qui fecerunt te ascendere de terra Aegypti. Ac tria millia uirorum è populo ob hanc impietatem interficiuntur à Leuitis, uno die. Et Iudic. 10. filij Israel rursus fecerunt malum in oculis Domini, colueruntq; Baalim & Astaroth, & deos Aram & Syria, deos Zidon, & deos Moabitarum, & deos filiorum Ammon, deos deniq; Palaestinatorum: deserueruntq; Dominum, & non seruierunt ei. Item, particeps idolorum Effraim, Osee 4. & Ezech. 8. 18. & multis alijs locis. Imò sub hoc fraudulento blasphemiarum, sacrificiorum & uaticiniorum prætectu (quod magis deplorandum) teterrima flagitia & horribiles cædes fabricatus est milleartifex ille, in cœtu Israelis sancto: ut is abiectis contumacissimè legibus cœlestibus & oraculis, sanguine humano litauerit, filiosq; & filias per ignem duxerit, in gratiam & cultum Moloch idoli Ammonitarum, in ualle Gehennon, crudelitate plus quàm ferina.

Quum etiam Græcis & Romanis, in nefanda ac multiplici idololatria, multa sint communia, & ut alia plura, ita quoque ritus certorum sacrorum Romani à Græcis sint mutuati: eò demum insanie & inhumanitatis utrosq; redegit diabolus, ut ad sua ipsius

Exod. 32.

Humani sanguinis uictima.

2. Paral. 33.

Hierem. 32.

Psal. 106.

Sapient. 14.

42 De præstigijs dæmonum

iussa humano quoq; sacrificarēt sanguine. Hoc enim authore, uaticinia Tiresiæ & Calchātis iubebāt mactare humanas uictimas: sanciebantq; præsentē eiδωλομανίαν, atq; prodigiosam illā de plurium deorum numero opinionem. Tiresias pollicetur Thebanis uictoriam, sed ea lege, ut Cræontis filius mactatus sit uictima pro patria. Calchas uaticinatur de Troiæ excidio, & successus spōdet: at simul Agamēnonis filiam Iphigeniam immolari iubet. Ionibus remedium desiderantibus ab oraculo Delphico, aduersus sæuissimā lucem in tota uicinia horribiliter grassantem: respondet Delphicum numen, non remittendam pestem, nisi offeratur Dianæ Triclarie Menalippus cum Comethone, quam in Dianæ templo ipse stuprauerat: & nisi annuatim eodem tempore pro Menalippo elegantissimus iuuenis, pro Comethone puella uenustissima ad Dianæ aram mactetur. Idem in Messenijs, in longo illo & diuturno bello quod cum Lacedæmonijs gesserunt, consulentibus de exitu, prædicit uictoriam: uerū ea conditione, si uirginem incorruptam de Aepytidarum familia Deo sacrificarent. Ibi cum Aristodemus, unus ex præcipuis familie Aepytidarum, gratificaturus patriæ, filiam quam habebat unicam, destinasset immolationi: alius quispiam amore puellæ adactus, quò miseram seruaret, ex se grauidam esse, & idcirco Deo litari nō posse, fingit. Quo audito, pater effreni exardescens iracundia, euestigiò interemptam filiam diffecat: paulo post noctu secundū quic-

Liber primus.

43

ad quietem foeda specie sauciata & concisa filia à
sathana representata, grauitè animo deiectus, ad tu-
mulum eius semetipsum iugulat.

Nationem esse omnium Gallorum admodum dedi-
tam religionibus, scribit Cæsar. atq; ob eam causam,
qui sunt affecti grauioribus morbis, quiq; in prælijs
periculisq; uersantur, aut pro uictimis homines im-
molant, aut se immolatu-ros uouent, administrisq; ad
ea sacrificia Druidibus utuntur: quòd pro uita homi-
nis nisi uita hominis reddatur, non posse deorum im-
mortaliũ numen placari arbitratur, publica- q; eiusdẽ
generis habent instituta sacrificia. Alij immani magni-
tudine simulachra habent, quorũ contexta uiminibus
membra uiuis hominibus cõplent: quibus succensis, cir-
cũuenti flãma exanimantur homines. Supplicia corũ
qui in furto aut latrocinio, aut aliqua noxia sint cõ-
prehensi, gratiora dijs immortalibus esse arbitratur.
Sed cum eius generis copia deficit, etiam ad innocen-
tium supplicia descendunt. Gothi quoq; suũ maiorem
deum ~~Oden~~, id est fortiorem, armis præsidẽ, sem-
per crudelißimo placauere cultu, morte scilicet capti-
uorum: arbitrati, bellorum præsidem conuenientius
humano conciliari cruore, à quo omnem belligeran-
di industriam tam absolute didicissent, ut deuictis
Europæ & Asiæ potentißimis imperijs, summum for-
titudinis nomen reportarint. Item Froe, Vpsalensis
deorum satrapa, deus sanguinis postea habitus, hu-
manorum corporum hostias mactauit.

Li. 6. de bel-
lo Gall.

Olaus Mag.
de gentibus
Sept. li. 3. ca.
3. 4.

Talia

44 De præstigijs dæmonum

Talia certè non ab illa æterna mente, iusta, casta, misericorde, rerum tam conseruatrice quàm conditricem: sed proculdubio ab authoribus dæmonibus oriabantur, qui ueri Dei odio, inde usque à rerum primordijs, in conscientias & corpora hominum quauis occasione immanissimè sæuierunt, & multiplici eorum cæde plurimum delectati sunt. Hinc philosophi tradunt, dæmones nidoribus sacrificiorum affici: incantationibus item, quæ plerunq; sanguine fuso, suffumigationibus adhibitis celebrabantur, præfuisse. At ô misera deceptionis errorem, tale numen colere, quod hominum morte placatur: ut Cassiodorus in Epist. ait.

*Diuinatione
ex uisceribus
mactatorum
hominum.*

Atqui ἀνθρωπομαρτεία, id est diuinatione ex mactatorum hominum uisceribus, primum solumq; diaboli instigatione usum Heliogabalum Imperatorem, turpissimum & flagitiosissimum monstrum, accepimus: qui paulò post huius immanitatis plusquàm beluinae pœnas dedit, quando crudeliter interfectus, & in latrinam abiectus, inter excrementa computruit.

Enthusiastæ.

Vt uerò Empusæ tragœdia idoneis dein cohonestetur organis, & suis undiquaq; communita membris constet, enthusiastas & uatidicos ministros quoq; finxit demon: emulatione ueri Dei, qui per prophetas sanctos cū patribus loquutus est: ne cedere Deo uideatur scilicet, & in grauiorem hominum ruinam.

Pythiæ uates.

Adhibuit insuper eiusdem artis fœminas, uates Pythias, quæ penè apud singulas fœre gentes: atq; adeo Dei po-

Dei populum etiam conspurcarūt, ut Moses lege lata strictissimè cauerit, ne consulerentur, easq; lapidibus obrui iusserit. Eiusmodi consultationis diras luit poenas Saul rex. Huc pertinent pleraq; famosæ Sibyllæ, à dæmone uelut cōductæ, ad ipsius regni quod in genere humano instaurarat, conseruationem & confirmationem: ex quarum libris ad uarias insanias compellebantur Romani, ut apud alios plerosque tum apud Zozimum uidere est, à quo multa citantur carmina Gentilium superstitione plena: licet Sibyllæ uel Erythreæ uel Cumane opus heroico scriptū carmine, CHRISTI præconia declararit. Ex prophetarū enim uaticinijs, potissimum Esaie & Davidis, non obscure ea colligere potuit diabolus. Mansit tamen eiusmodi uatum præcipua authoritas & obseruatiua usq; ad CHRISTVM, æterni Dei filium: quo nato, prodeunteq; ut legationis suæ ministerio, ex patris cœlestis uoluntate perfungeretur, cessarunt passim in orbe terrarū oracula, & quæcunq; impiorum diuinationum genera: testibus Augustino, Eusebio, Lactantio, Plutarcho, Plinio: conticueruntq; demones ubiq; & tanquam ranæ Seriphie obmutuerunt: ac desertis quibuscunq; enormis suæ nequitie latebris, cesserunt, non quidem ultro, uerū compulsi, partim quidem horrendo metu omnipotentie uindictis CHRISTI, partim uerò condemnationis sui, quam præ foribus iam esse cernebant. Quandoquidem cō CHRISTVM missum probè norant, ut
satane

Leuit. 19. 20.

1. Reg. 18.

Sibyllæ.

Christo nato cessarunt oracula, conticuerunt demones.

Aug. de ciuitate Dei. Euseb. li. 7. ca. 6. & li. 5. ca. 1. 3. Plutarch. de abol. Orac. Plin. lib. 30. cap. 1.

46 De præstigijs dæmonum

Zachar. 13.

satane opera pessundaret, demolireturq; & genus humanum in integrum restitutum uindicaret aduersus diaboli technas, rabiemq; ex his Zacharie uatici-
nijs diuina uoce longè antea traditis: Eritq; die illo, dicit Dominus exercituum, excindam nomina idolorum è terra, ne ultra eorum fiat mentio: & pseudo-
prophetam & immundum spiritum de terra auferam. Si postea tamè adhuc fuisse audita responsa quis obij-
ciat, ea certè tam fuerunt rara, lesa, manca, & omni-
no inutilia, ut nullo haberi loco debeant.

In cuiuscunq;
materiæ uel
nominis ido-
lis colitur dia-
bolus.

Epiet. 14. 15.

Tandem & hoc non sine singulari studio & ratio-
ne machinatus est diabolus (quanquam peculiare
quasdam ceremonias coluisse plerosq; non diffitear)
ut non solum in longissimè disitis totius orbis parti-
bus, uti olim apud Gallorum Druidas, & remotissi-
mos Indorum Gymnosophistas, unus idemq; eius cul-
tus obseruaretur: sed & (quod multo magis miran-
dum, uel potius dolendū) in Christiana nostra Euro-
pa apud diuersissimas regiones, in cuiuscunq; mate-
riæ uel nominis idolis, non dissimili ritu honor sibi
haberetur. Hanc cecitatem apud commoda suis præ-
stigijs organa auxit, uoce, cantu, capitis nutu, auersio-
ne, inflexione ad latera, manuum gesticationibus,
aut alijs motibus: eoq; modo indicia propitiæ uel a-
uersantis atq; abhorrentis uoluntatis edidit ex statuis:
prophanauitq; loca, quæ certè erant domicilia & se-
des doctrinæ cœlestis, sanctissimæ scholæ patrum &
ναοὶ ἁγιοί, καὶ λειτουργίαι τῶ θεῶ, in quæ uelut
conuersa

conuersa suæ impietatis & superstitionis latibula,
suas blasphemias in Deum contumeliosas, & homi-
num generi exitiales eructare atq; euomere conatus
est. Imò in hac mundi senecta nutantibus technis illis
manifestis, se in uero Dei templo collocat, & homi-
num mentibus dominatur, in lucis angelum transfor-
matus. Hac ratione, se grauiori diuinæ maiestatis con-
temptu, atq; hominum exitio magis ulciscitur. Ita ho-
minum credulitatem (ait scitè admodum Lactantius)
mentita diuinitate deludunt dæmones: quòd illis ue-
rum aperire non expedit. Hi sunt, qui imagines & si-
mulachra fingere docuerunt: qui ut & hominū men-
tes à cultu ueri Dei auerterent, & fictos mortuorum
regum uultus & ornatus, exquisita pulchritudine
statui consecrariq; fecerunt, & illorum sibi nomina
quasi personas aliquas induerunt. Sed eos magi, & ij
quos uerè maleficos uulgus appellat, cum artes suas
execrabiles exercent, ueris suis nominibus cident, illis
cœlestibus quæ in sacris literis leguntur. Hi porrò in-
cesti ac uagi spiritus, ut turbent omnia, & errores hu-
manis pectoribus infundant, serunt ac miscent falsa
cum ueris. Ipsi enim cœlestes multos finxerunt esse,
sed ueritatem mentitis nominibus inuolutam ex ocu-
lis abstulerunt. Et paulò post: Illi autem qui descie-
runt à Dei ministerio, quia sunt ueritatis inimici &
præuaricatores, Dei nomen sibi & cultum deorum
uendicare conantur: nō quòd ullum desiderant (quis
enim honor perditis est?) nec ut Deo noceant, cui no-
ceri non

*In uero Dei
templo se col-
locat diabo-
lus.*

1. Cor. 3. 6.

2. Cor. 11.

*Lib. 2. ca. 17.
de orig. err.*

*Magi.
Malefici.*

ceri non potest: sed ut hominibus, quos nituntur à cultu & noticia ueræ maiestatis auertere, ne immortalitatem adipisci possint, quam ipsi sua nequitia perdidērunt. Offundunt itaq; tenebras, & ueritatem caligine obducūt, ne Dominum, ne Patrem suum norint. & ut illiciant facile, in templis se occultunt, & sacrificijs omnibus præstò adsunt. Eduntq; sæpe prodigia, quibus obstupescēti homines, fidem commodent simulachris diuinitatis, ac numinis. Et post: Itaq; sibi apud homines qui eos nesciunt, authoritatem ac timorem pariunt. Hac uersutia, & his artibus, noticiam ueri & singularis Dei apud omnes gentes inueterauerūt. Suis enim uitijs perditī seuiūt, & grassantur ut perdant. Idcirco etiam humanas hostias excogitauerunt, ipsi hostes humani generis, ut quā multas deuorarent animas. Plura ibidem. Nec mirum, ait Saxo Grammaticus de Rugianis, si illorum numinum, potentiam formidabant, à quibus stupra sua sæpenumero punita meminerāt. Siquidem mares in ea urbe Karentina, cum fœminis in concubitu accitis, canum exemplo cohærere solebant: nec ab ipsis morando diuelli poterant. Interdum utriq; porticis ediuerso appensi, inusitato nexu ridiculum populo spectaculum præbuere. Ea miraculi fœditate solennis ignobilibus statuis cultus acceßit: creditumq; est, earum uiribus effectum, quod dæmonum erat præstigijs adumbratum: qui statuis demolitis, Rugianorum templa & urbes destituerunt.

Sic dæ-

Obscenū dial
boliludibriū.
li. 14. de reg.
Dania.

Sic dæmonem, eiusq; studia depingit Tertullianus: Agnoscimus unde talia suggerantur, quis totum hoc agitet: & quomodo nunc astutia suadendi, nunc duritia sæuendi, ad constantiam nostram deiiciendam operetur. Ille scilicet spiritus dæmoniæ & angelicæ paraturæ, qui noster ob diuortiū æmulus, & ob Dei gratiā inuidus, de mentibus uestris aduersus nos præliatur, occulta inspiratione modulatis & subornatis ad omnem, quam in primordio exorsi sumus, & iudicandi peruersitatem, & sæuendi iniquitatem. Nam licet subiecta sit nobis tota uis dæmonum, & eiusmodi spiritus: ut nequā tamen serui, metui nonnunquam contumaciam miscent, & ledere gestiunt, quos aliàs uerentur. odium enim etiā timor spirat: præterquam & desperata conditio eorum ex prædamnatione, solatium reputat fruendæ interim malignitatis de pœnæ mora: & tamen apprehensi subiguntur, & conditioni suæ succidūt: & quos de longinquo oppugnat, de proximo obsecrant. Hos Augustinus describit spiritus esse nocendi cupidissimos, à iusticia penitus alienos, superbia tumidos, inuidia liuidos, fallacia calidos: qui in hoc quidem aere habitent, quia de cœli superioris sublimitate deiecti, merito irregressibilis transgressionis in hoc sibi cōgruo uelut carcere prædænnati sunt. Proinde eos potissimum infestant, quibus beatitudinem, quam ipsi amiserunt, promissam cognoscunt. Item in Sermonibus communibus:

A Christo
uili adorari
diabolus.
Serm. 4.

d stro ne-

*Simile quid-
dā apud Gre-
gorium legi-
tur lib. 29.
Moralium,
super illud
Iob: Dividi-
tur æstus su-
per terram.
itē apud Leo-
nē Pont. ser.
8. Natiuitat.*

stro nequius? qui posuit in cælo bellum, in paradiso fraudem, odium inter primos fratres, & in omni no-
stro opere zizania seminauit. Nam in comestione po-
suit gulam, in generatione luxuriā, in exercitatione
ignauiam, in conuersatione inuidiā, in gubernatione
auariciam, in correctione iram, in præsulatu siue do-
minatione superbiā. In corde posuit cogitationes ma-
las, in ore posuit locutiones falsas, in membris opera-
tiones iniquas, in uigilādo mouet ad praua opera, in
dormiendo ad somnia turpia. Letos mouet ad disso-
lutionē, tristes autē ad desperationē. Sed, ut breuius lo-
quar, omnia mūdi mala sunt ipsius prauitate cōmissa.

Ne quid uerò incredibili dæmonis audaciæ & fa-
stui incōparabili decederet, atq; ut adoratione, pecu-
liari dei prærogatiua honoraretur, uel CHRISTVM
certius cognosceret, ipsum etiā Dei filiū in solitudine
tētat: illiq; in præaltū montē adducto, omnia mūdi re-
gna, ac eorū gloriā ostēsam, se daturū, si se prostratus
adorauerit, ausu plusquā sacilego pollicetur: quū
diuinā maiestātē in hominū regnis atq; imperijs, so-
lā dominari, eaq; cui libet tradere cōstet. Porro CHRI-
STVM iam certò cognitū, perditum etiā uoluit. qua-
re ut eū proderet, in cor Iudæ Simonis Iscariotæ im-
misit: in quem, post offulam à CHRISTO porre-
ctam, ingressus est. Tantū enim huius solertissimi ar-
tificis contra Deum & genus humanū est odium, ut
quicquid machinetur, sit in Dei contēptū, & homi-
nū detrimentum perniciemq; fraude & extremo do-
lo cautē tectum.

Quum

Liber primus.

51

¶ Quum autē hi spiritus aeræ aut qualiscunq; al-
terius tenuis sint substantiæ, sua tenuitate, subtilitate,
celeritate incredibili, sensuum acrimonia, & lumine
naturæ lucidiore, quibus omnibus terrenorū corpo-
rum inhabilitatem & sensuū tarditatem longè lateq;
præcellunt, eos multa Dei permissu, partim uerè, par-
tim præstigiōse intelligere & posse, fatendū est. Qui-
bus accessit, teste Augustino, diuturnioris temporis
beneficio, quo eorum uita à primo æuo protenditur,
comparata insignis rerum longè maiorum experien-
tia, quàm hominibus ob breuitatem uitæ momenta-
neam potest euenire. Idcirco quædam admiranda fa-
ciunt: & quædam, potissimum ob Scripturæ sanctæ
& uaticiniorū cognitionē, prædicunt, uel etiā proba-
bili coniectura cōsequuntur: nōnunquam etiam quæ
ipsi facturi sunt, prænunciant, quibus homines alli-
ciunt, inescant, seducunt & defraudant: quo nomi-
ne illis mirabilem prudentiam, acutum ingenium &
tenacem memoriam tribuit Plato in Epinomide.

Quapropter tradit Clemens, istos, cum sint dæmo-
niaci spiritus, & multo citius scire aliqua, & mul-
to perfectius: non enim tarditate corporis degra-
uantur. Et ideo quæ medici longo tempore & la-
bore plurimo assequuntur, hæc illi, tanquam spiri-
tus, absque mora ulla, & sine difficultate cogno-
scunt. Non ergo mirum est, si plus etiam aliquid
quàm homines, sciunt: sed hoc metuendum est, quòd
ea quæ sciunt, non ad salutem, uerum ad deceptionem

Vnde tam ad
miranda pos-
sunt dæmo-
nes.

De spiritu &
ani. ca. 28.

Lib. 4. re-
cogn.

52 De præstigijs dæmonum

In apologet.
aduersus gē
tes ca. 22.
Diuinitio -
nes demonū
unde.

proferunt animarum, ut per hæc eas cultum falsæ religionis edoceant. Hic Tertullianus sic differit: Omnis spiritus ales est, hoc angeli & dæmones, igitur momento ubiq; sunt. Totus orbis illis locus unus est: quid ubiq; geratur, tam facile sciunt, quam enūciant. uelocitas diuinitas creditur, quia substantia ignoratur. Sic & authores interdum uideri uolunt eorum quæ annūciāt, & sunt planè malorū nonnunquam, bonorum tamen nunquam. Dispositiones etiam Dei & nunc prophetis concionantibus excerpunt; & nunc lectionibus resonantibus carpunt. Ita & hinc sumētes quasdam temporū sortes, diuinitatem æmulantur, dum furantur diuinationem. In oraculis autem quo ingenio ambiguitates temperent in euentus, sciunt Cræsi, sciunt Pyrrhi. Sic præsciuit diabolus

Daniel. 8. ex Esaie & Danielis oraculis (quorum uterq; adolescentem Alexādrum expresse delineat) cum ipsum Alexandrum, superato Dario, potiturum Asiā uniuersa, & translaturum imperium à Babylōnijs ad Græcos. Propterea Delphicam uatem consulenti, & ab inuita responsum extorquenti, tandem ipsa in hæc uerba prorumpens respondit: Inuictus eris Alexander. Postea ad Persas exercitum traducenti, prodigia offudit multa. In aditu Asiæ, simulachrum Orphei sudore maduit. Hinc Alexandro ad extremum cū Dario confligente, aquila è sublimi supra eius uerticem sese librare, & in aduersos hostes traicere uisa est. Ludibria haud dubiè dæmonij hæc erāt, adornata ad prodigio-

prodigiorum & auguriorum, quibus tunc fidebatur, observationes confirmandas. Darium ediuerso, anticipibus somnijs in falsam uictoriae spem erexit. Prænouit ex Esaie prophetijs, fore ut Tyrus destruaturn à Macedonibus. Ita enim ille ait: Ululate naues maris, quia uastata est domus, unde uenire consueuerant. De terra Cethim reuelatum est eis. Terram uerò Cethim Macedoniam esse asserunt plerique, & ab Homero κητῆις Macedones uocatos. Quidam tamen per terram Cethim, Cyprios intelligunt. Inde quum, fuso fugatoque Dario, copias ad Tyrum adnouisset Alexāder, præmonuit quendam, qui ciuibus prænunciaret, Apollinem ciuitatem deserturum esse: ut quum euentus responderet, idolorum existimationem stabiliret. Et: iisdem Esaie & Danielis uaticinijs præsciuit, fore ut Assyriorum monarchia pessum iret, & in potestatem redigeretur Medorum ac Persarum: & quidem à Cyro, cuius nominatim Esaias meminit. Vnde coniectatus est, Croesum etiā de regno Lydiae periclitaturum esse. Quare & aliquāto antè τὸν περσικὸν ἀπὸ γογοῦ Gygis, quod in Cyri tempora incidere eum prospiciebat, amissurum regnum Lydiae prædixit, cōsultus ex oraculi Delphici sede: & postea cū regnum adeptus esset Croesus, ut opum suarum fiducia insolescentem, superbientem & regnum Persicum affectantem euerteret, χρησμῷ νικητῆρι, uictoriam in speciem ipsi annuente, ad bellum Cyro inferendum perduxit: quo modo uictus, captus & regno exutus, uitam in Persia

Esaie 23.

Vide Ioseph. lib. 1. antiq. Iud. ca. 6.

Esaie 44.

§4 De præstigijs dæmonum

finiuit. Infinita eiusmodi in historijs obseruantur exempla: sed ad posteriora, nec obscura, cōuertamur.

*Christum, &
ad quid mis-
sus esset, prius
norunt demo-
nes, quàm
Apostoli.*

Perhibet sacræ Scripturæ authoritas, diabolum prius CHRISTVM penitus nouisse, quàm ipsi quibuscum ille loqueretur & familiariter degeret, Apostoli: ut etiam ante CHRISTI mortē resurrectionemq; sciuerit, testatusq; fuerit inuitus, ad quid uenisset CHRISTVS: nimirū, quò cognitū faceret satanā eiusq; fraudes: illius actiones demoliretur, atq; regnū euerteret. Quapropter metu iudicij diuini eternarumq; pœnarum contremiscens, & penē deficiens, in obsessō ante CHRISTVM procidente, magna exclamauit uoce: Ah, quid rei nobis tecum est IESV

Marc. 1.

Luc. 4.

Nazarene? uenisti ad perdendum nos. Noui te qui sis, nempe sanctus ille Dei. Et increpauit illum IESVS, dicens: Obmutesce, & exi ab homine. & cum proiecisset illum dæmon in medium, exijt ab illo, nihilq; illi nocuit. Et post: Exhibant & dæmonia à multis, clamantia & dicentia: Tu es CHRISTVS ille filius Dei. Et increpans non sinebat ea loqui, quòd sciebant ipsum esse CHRISTVM. Hic Anastasius: Dæmonis, inquit, sermonem compescebat CHRISTVS, ne simul cum ueritate etiam suam iniquitatem promulget: ut nos etiam assuesfaciat, ne talia curremus, etiamsi uera loqui uideantur. Illud aliàs etiam

Matth. 16.

Marc. 8.

Luc. 9.

Ioann. 6.

pios postea latuisse, Sacrarum literarum testimonio docetur: ut alij eum Heliam, alij Ioannem baptistam, alij Hieremiam, alij unum de prophetarum numero esse di-

Liber primus.

55

esse dicerent. Petro autē pronuncianti, Tu es CHRI-
STVS ille filius Dei uiuentis: respondit CHRI-
STVS, Beatus es Simon bar Iona, quia caro & san-
guis non reuelauit tibi, sed pater meus qui in cœlis
est. Id quod Petro à patre cœlesti hic reuelatum asse-
rit CHRISTVS, hoc ipsum & satan nouit, &
palàm testatus est, non rogatus. Hinc ipsius inge-
nij acumen liquet, cuius ope res etiam abstrusissi-
mas, nostrisque sensibus apprimè alienas, nouisse
potest.

Huc facit illud puellæ Pythiæ, de Paulo & Barna- Act. 16.
ba clamantis testimoniū: Isti homines serui Dei ex-
celsissimi sunt, qui annunciant uobis uiam salutis.
Atq; id genus testimonia ab Astaroth & Berith ido-
lis, & à dæmonio obsessis, de Bartholomæo aposto-
lo, Thoma, & alijs data legimus. Veritatem uerò hic
confitentur, non ut populum ad audiendam ample-
ctendâque eorum doctrinam permouerent: & ex-
horrescentes & reformidantes ministerij Euange-
lici uirtutem, & sui condemnationem ac expulsio-
nem ex obsessis: quæ hospitia si obtinuissent, statim
Apostolorum ministeria seditione potuissent contur-
bare, aut inchoata pòst opprimere, nouis rumori-
bus disseminatis per Pythiam uatē, obsessos & idola
quæ apud stultū uulgus magno habebantur loco. Ad-
datur & illud mali spiritus respōsum: Iesum noui, &
Paulū scio, uos autē qui estis? Itē: Quid rei nobis tecū Act. 19:
Matth. 8.
Marc. 5.
est IESV, fili Dei altissimi? Venisti huc ad crucian-

56 De præstigijs dæmonum

Luc. 8.
Genes. 3.
Michæ. 5.
Matth. 1. 2.
Luc. 1. 2.
Esaiæ 7.

dum nos ante tempus. Obsecro ne me torqueas.

Enimuerò semen mulieris contritum caput serpentis, prophetarum de CHRISTO nascituro etiam in Bethlehem Iudææ uaticinia, præfinitū huic tempus, IESVM in Diuæ uirginis utero, superueniente Spiritu sancto, & uirtute altissimi obumbrante conceptum ex angelj Gabrielis annunciatione, admirandam eius natiuitatem, longinquum magorum ex Oriente iter, ut eum adorarent, sciuerat dæmon, quapropter inter spem & metum, Herodis animum diris contra IESVM inflammauit facibus, ut inter infantium Bethleemiticorum bimulorum ætateq; iuniorum deplorandam cladem, IESVS simul inter necione absumeretur: atqui salutifero magis Dei consilio suos collabescere conatus, infringiq; reipsa experitur diabolus.

Diaboli studia & potentia.

¶ Ceterū ut instituti mei ratio certius citiusq; innotescat, paucis, ueluti fasciculo uno, quædam ex dæmonis actionibus & potentia colligam. Quum angelica eius essentia non interierit, sed malè propriæ uoluntatis affectu degenerarit, accreueritq; tam diutino tempore eximia rerū obseruatio & usus insignis, magnæ illum esse constat uirtutis, calliditatis incredibilis, sapientiæ plus quàm humanæ, perspicacitatis acutissimæ, uigilantiæ summæ, artificij technas struendi perniciosissimas fucos speciosissimo incomparabilis, malitiæ infinitæ, odij erga genus humanū ἀποόνει καὶ ἀνένεγξ: atq; hoc nomine cum se penumero (permit-

(permittente, uel saltem conuiuente Deo) admirandas facere res, & se in bestias, statuas, specus, latebras, cauernas ingerere, in quercus Dodonæ Molossidis in Epiro, unde Dodonæum oraculum frequentatum est, insinuare: apud Aegyptum ex Hercule, Apolline, Minerua, Diana, Marte, Ioue, Api boue, Latona in urbe Buti, furiosis sacerdotibus Apollinis in Colophone, Thebis in Bœotia, & in Læbadia ex Trophonio, ex uacca Memphi, ex boue Mneo Heliopoli, ex crocodilis in Arsinoe, ex Amphiarao uate in Attica, responsa dare: humana uoce, nutu, alioque gestu, affectis subinde gestibus furentium, nonnunquam ebriorum, aliàs trementium, aut ridiculè gesticulantium: quandoq; somnijs, amphibolijs interdum, plerunque & enigmatibus: quia ignorat diabolus quò usq; toleraturus sit Deus, aut permissurus, quæ intendit & struit. Potuit & ad Iouis Hammonis oraculum inquirendum in extimo sinu Libyæ, apud Garamantes ultra Cyrenen in solitudinibus uastis, torridis ac siccitate sterilibus, Cambysen Cyri & Alexandrum instigare: item Pythium Delphis præ cæteris, cultu, religione, fama, opibus & donarijs celebratius reddere. Nouit & uaticinari ex certis indicijs uel coniecturis, siue rerum retroactarum obseruatione, ut hinc etiam cogitatus & sensa peruidisse quandoque credatur: quanquam interim fallat & fallatur, tenebras offundat, ueritatem caligine obscuret, atq; etiam mētiatur. Nam rogatus dæmō, Porphyrio teste, etiam quæ non

*Diabolus
quomodo uati-
cinetur.*

Clem. lib. 4.
Recog.

Mich. Psel-
lus.

Virg. 4.
Georg.

nouit, constanter affirmat: & quæ nouit, si semel ue-
rè, decies illa falsò refert. Potest quoq; plerisque locis
 in simulachris sua exercere ludibria, ut ea ueneren-
 tur incauti, adorent, eorum opem implorent in re-
 rum angustijs, in uoletudine aduersa, & quacunque
 afflictione: quo à ueri Dei cultu & inuocatione ad
 suas imposturas in interitum eos auocet. Nec illi dif-
 ficile est, animarum corporis mole exutarum figu-
 ram mentiri, circa monumenta uersari, in cœmite-
 rijs aberrare, spectris perterrefacere hæredes aut
 alios, ut ad illicitos cultus, uetitam religionis ergò
 peregrinationem, iustorum & parentalium præscri-
 pta forma persolutionem damnosam, imperitos mi-
 nusq; Deo fidentes cogat. Conatur itidem imbecil-
 les fide præcipites agere, fortes uerò diuersis modis
 semper impugnare, si qua ratione eos agere trans-
 uersos posset: item desperantes, credulos, maleq; sa-
 nos pollicitationibus & gloria ditare, in spem feli-
 cium successuum illectos perimere, aut tristium euen-
 tum metu iniecto cruciare. Nouit adhæc uarias ostē-
 tare formas, inania idola arte mira conformare, uisus
 organū turbare, oculos perstringere, falsa pro ueris
 singulari dexteritate ne agnoscātur proponere: quæ
 uerè sunt, ut non appareant, uelare: & quæ reuera
 non existunt, ut esse appareāt exhibere: se in mille spe-
 cies transformare, Proteūq; agere: & ut canit Poeta,
 Tum uariæ illudunt species atq; ora ferarum:
 Fiet enim subito sus horridus, atraq; tygris,

Squammo-

squamosusq; draco, & fulua ceruice leæna,
Aut acrem flammis sonitum dabit:

Omnia transformans sese in miracula rerum,
Ignem, horribilemq; feram, fluuiumq; liquentem.

Consuevit & hominum mentes multifarijs phan-
tasmatum ludibrijs uitiare, uigilâtes perturbare, dor-
mientes insomnijs terrere, peregrinantes à recto iti-
nere seducere, errantes atq; etiâ alios quandoq; ride-
re, aliâs terrore concutere, multa labyrinthis opinio-
nû inextricabilibus implicare & innectere, tetrora
mala plerûq; boni specie serere, & ueritatis cõfessio-
ne in suâ illicere nassam, grauiusq; fallere. Solet quoq;
lac uaccarum cohibere, & ne in butyrum coalescat
impedire: uinum aliunde adferre, claustra referare:
præterea ocysimè res uarias, uelut pâni lacinias, of-
sa, ferraamenta, clauos, acus, aciculas, fila, eorumq; glo-
bulos, intortum capillitium, ligna, idq; genus porten-
ta in uiuorum extremas fauces, nec penitius, quò ore
reijciantur, ingerere: in mortuorum uentriculum &
partes alias præstigijs aptas, & post mortem sectas,
ligna, cultros, & quæcunque uis alia, fallaciter arte
dolosa inter secandum inserere: ex parte postica im-
plicatos crines, arenæ copiam, & similia præstigijs
mouere, offuscata interim oculorum acie: insecta au-
ribus furtiuè immittere, quæ postea uel prodeant, uel
euolent. Hæc à me uisa sunt alata, ex auribus cuius-
dam puellæ miserè à demonio exagitatae desum-
pta. Procliuè illi quoque est, ulcere corpus defæda-
re, pu-

60 De præstigijs dæmonum

re, pudenda meliceride uel ulcere sanioso inficere, eurationis persuasionem falso inducere, corpora tota obsidere, eaq; sursum ac deorsum distrahere, quando & quamdiu à Deo permittitur. Illam uirginis prædictæ uiolentam sublationem in arce Caldenbroce apud Geldros, Deo iuuante, aliàs intrepidè reluctando impedire ualui: à morsus tamen interim inflictu, quo manus meas mirè impetebat, in horribili illa subuectione, anxie cauendum erat. Cur enim non tam meos promouere conatus in iuuando, quam dæmoni permittere sua studia in lædendo, potuit Deus? Assuevit præterea uariè corpora transferre, eorūq; humores commouere, originem neruorum in cerebro turbare, quò atrocissimis rarissimisque conuulsionis speciebus, iactu tractuq; incredibili, & quasi crepitantibus sonitu horrifico iuncturarum compagibus, in admirationem, diffidentiam, sinistram de alijs opinionem, ad mendacia, uetita auxilia & cædes, homines compellat. Ad hunc modum neruos & musculos præter uoluntatem inordinatè crudeliterq; conuellere potest: plerunq; τέτανον ciere, ut ceruix unà cum corpore immobilis maneat, & in neutram inflectatur partem, sed iuxta in utramq; partem intendatur: subinde ἐμπροσθέντων uel tensionem ad anteriora excitare ualet, ut caput, ceruix, reliquumq; corpus, iugularibus uenis mirum in modum circum collum distentis, contrahatur: quandoque ὀπίσθων uel tensionem ad posteriora citare tam uehementem solet,

solet, ut caput in dorsum & scapulas grauiter conuclatur, cruribus interim contractis: item diuersas horribilium conuulsionum facies, multifariā & inaequaliter in membris producere: nonnullis totum corpus, ceu articulis tormento luxatis diuulsisq; enervare, aut palpitantium, trepidantiumue musculorum speciem inferre: quibusdam os & oculos truculenter intorquere, septum transuersum in homine ita constringere ut spiratio uix difficulter duci queat, arterijs interim pulsantibus leuiculum inferens impedimētum, sed uentriculum singultibus frequentibus conuellens: quas omnes & id genus plures crudelium conuulsionum species, nuper in nobilium uirginū ocluso cœnobio Cētorpio, iuxta Hammonem urbem, in tribus & decem uirginibus dæmoniacis obseruarunt uiri doctissimi, & artis medicæ usu dexterrimi, D. RENERVS Solenander, collega coniunctissimus, & D. THEODORVS Bircmannus. qui etiam hoc addiderunt, eas fœdissimum ore halitum spirasse in ipso, & paulo post ipsum paroxysmum: qui alias semel interdii, aliquando sæpius inuadebat, aliquoties in horas aliquot multas protrahebatur. In accessione mali conuulsæ intelligentes erant, audiebant, astantes etiam internoscere se plerq; postea affirmabāt: nam in accessione, propter spiritalium partium & linguae conuulsiones, loqui minus poterant. Istæ non æquē ferociter torquebantur, neq; uno modo, sed aliæ alijs mitius. Sed hoc cōmune propè omnibus erat, ut cum

ex ijs

*Virginum in
cœnobio Cē
torpio cōuul-
siones graues.
Renerus So-
lenander me-
dicus.
Theodorus
Bircmannus
medicus.*

62 De præstigijs dæmonum

ex ijs una agitaretur, ceteræ quoq; in seiunctis etiã cubiculis correptæ solũ tumultuantis strepitũ audientes, simili miserrimo modo uexarentur. Nec ita pridem dißimiles conuulsiones Busciducis, in collegio iuxta ædẽ D. Ioanni Baptistæ dicatã, in uirgine uestali uidi: cuius et fãuces ne cibũ admitterent, cõprimere satanam, & linguã inhibere quandoq;, ne proloqui posset, uocesq; etiam excitare & ridiculas & horrendas animaduerti. Interim hic præstantissimos sepe medicos ludificat, qui eiusmodi morborum dira cõtuiti symptomata, imò laruas, ad naturales ea referentes causas, frustra curationẽ medicamentis tētant.

Joseph. li. 8.
antiq. Iudai.
ca. 2.

At aquam etiam coniurationibus sacratam se formidare impense, gestibus & uoce in corporibus quæ obsidione coercet regitq;, simulat: quemadmodum se naribus extrahi, uirtute radice inclusæ annulo ex Solomonis doctrina, naribus admoto. Deinde multa obseruare assolet, artificioseq; imitari, seu uerè seu falsò: plurima eorum quæ acta aut prodita sunt, incredibili solertia ratiocinari & colligere: uaria ex notis naturalibus argutissimè elicere, penitissimèq; eruere: diuersa in imperiorum & hominũ priuatorum negocijs moliri, mira astutia contexere telam longam, uariam, nobisq; inextricabilem, qua inopinatò insperatoq; implicantur & irretlũtur certè plurimi: tandem homines, bestias, aerem conturbare, prodigia meteoris similia in cœlo effingere, figuras confligentium exercituum exprimere, clangores tubarũ, armorum strepitus.

strepitus, ferientium se mutuò & ex ictibus collabentium sonitus: uoces eiulantium aut exultantium imitari, sceleratè abuti natura rerum ad generis humani perniciem, callidè exitiosas præstigias physicis effectibus conformare, & multa in ordine causarum suo tenore progressuq; agentium confundere, mala quanta potest calliditate attrahere & urgere, in ceruices nostras cogere & contorquere, bona abigere atque excludere, imò cœlum terræ miscere & inuoluere.

Proinde in Apologetico scitè testatū reliquit Tertullianus, inquiens: Dæmonum operatio est hominis euersio. Sic spiritalis malitia à primordio auspicata est in hominis exitium. Itaq; corporibus quidem & ualitudines infligunt, & aliquos casus acerbos, animæ uerò repentinos & extraordinarios per uim excessus. Suppetit illis ad utramq; substantiam hominis lædendam subtilitas & tenuitas sua multum spiritalibus uiribus, licet & inuisibiles & insensibiles in effectu potius quàm in actu appareant. Si poma, si fruges nescio quòd auræ latens uitium in flore præcipitat, in germine exanimat, in pubertate conuulnerat: si cæca ratione têtatus aer, pestilētes haustus suos effundit: eadem igitur obscuritate contagionis, aspiratio dæmonum & angelorum mentis quoq; corruptelas agit furoribus & amētijis, fœdis ac sæuis libidinibus, cū erroribus uarijs: quorū iste potissimus, quòd eos ipsos captis & circūscriptis hominū mētib. comedat, ut et sibi pabula propria nidoris et sanguinis procuret, simul

chris

Aduersus gentes
ca. 22.

64 De præstigijs dæmonum

chris imaginibus oblata, & quæ illi accuratior pascua est, qua hominē è cogitatu ueræ diuinitatis auertat falsis præstigijs, quas & ipsas quomodo operetur, expediam. Omnis spiritus ales est. Reliqua Tertulliani uerba suprâ recitantur.

Pfellus de dæmonibus.

At fusio rem, ea quæ diximus, aliâq; similia agendi modum & rationem, Michaeli Psello explicauit quidam Marcus, dæmonij cultor eximius, in Chersoneso Græciæ contermina uitam solitariam degens. Dæmones (ait) licet sexu & propria lingua careant: corpus tamen illud æreum sibi concessum, pro arbitrio uelut nubes uento flante, in uarias formas mutant, contrahuntq; atq; extendunt, quemadmodum lumbricis uidetur accidere ob substantiam meliorem, ductuq; faciliorem: neque solum magnitudine diuersitas in eis accidit, uerum etiam figuras coloresq; uariât multiformes. Corpus enim dæmonis ad utrūq; est naturâ paratum. qua enim ratione est natura facile cedens, sic in uarias figurarum species transformatur: qua uerò æreum est, diuersos aeris instar colores subit. Sed aer quidem extrinsecus coloratur, corpus uerò dæmonis iuxta animi sui affectus species colorū mutat, uelut & hominis: sed longè melius, ut quod animæ sit obedientius. Omnia tamen celeriter dilabuntur, ob corporis mobilitatem, tenuitatemq;. Sic tanquam uir apparet, & mox occurrit ut foemina: leonis more fremit, saltat ut pardalis, latrat ut canis, atq; ad utris uasisq; formam se aliquando transfert.

Lubet

Lubet non inelegantem hoc loco historiam aptè
interponere. Refert Helinandus monachus, se audi-
uisse ab Ebaudo patruo suo, qui à cubiculis erat Hen-
rico Remensi archiepiscopo, Ludouici Gallorum re-
gis fratri: quòd Henrico archiepiscopo æstate qua-
dam in itinere somnum meridianum capiente, miles
quidā inter ceteros aperto & hiantē ore post pran-
dium dormiret, è cuius ore uisa est ab alijs uigilanti-
bus quædam alba bestiola mustelæ similis exiisse, atq;
ad uicinum ibi riuulum procurrisse. Cumq; sursum
deorsum in ripa riuuli auxia cucurrisset, nec trāseun-
di uiam inueniret, quidā ex astantibus accedens, eua-
ginatum gladium riuulo angusto ueluti pontem fa-
ciens imponit. Bestiola ilicò riuulum super gladium
transgrediens, longius procurrit, & sese subduxit.
Paulo pòst redire uisa, cum iterum notū pontem quæ-
reret, atq; eo iam sublato discurrens transire non ua-
leret, idem ille qui antea, rursus riuuli ripas imposi-
tò gladio coniungit, atq; abscedit. Tum transit bestio-
la, & ad dormientis adhuc patulum os rediens, uiden-
tibus omnibus ingreditur: ac ilicò qui dormierat ex-
pergiscitur. rogatusq; num quid in somno passus es-
set: respondit, se fessum esse, & fatigatum, tanquam
ex difficili & longo itinere, in quo bis super pontem
ferreum flumen transiuiisset. Vnde socij collegerunt,
eum (quæ ipsi uiderant) uerè somniasse. Mihi uerò
diaboli ludibrium esse uidetur, qui ut uigilantes so-
cios falleret, aut animam hominis corpoream esse,

Libro Chro-
nicorum 13.

*Mustela simi-
lis bestiola ui-
detur ex mili-
tis dormien-
tis ore egredi,
rursusq; in-
gredi.*

ideoq; interituram cum corpore ipsis ostēderet persuaderetq;, idolum hoc, exiens dormientis corpus, & ingrediens, oculis obiecit.

Simile quiddam de Guntiano rege legitur. neque id mirum est: nam ut idem Marcus loco paulo antè citato deinde refert, spiritui qui nobis inest, phantastico propinquant dæmones, utpote qui & ipsi spiritus sint: uerba perturbationum & uoluptatum nobis insinuant, non emittentes quidem uocem, pulsatione quadam & sonitu, sed sermones suos absque sonitu immittentes. At quónam pacto inquam (respondet Psellus) sine uoce sermones nobis ingerere possunt? Quid mirum (ait Marcus) si modò illud animaduertas, quemadmodum uidelicet qui loquitur, si procul loquatur, uehementiore clamore eget: factus uerò propinquior, in audientis aurem susurrando subloquitur: qui si posset cum ipso animæ spiritu copulari, nullo sono prorsus egeret: sed sermo eius uoluntate conceptus, nullo penitus sono audienti illaberetur. Et paulo pòst: Sicut aer præsentē lumine colores & formas accipiens, traducit in illa, quæ naturaliter accipere possunt, sicut apparet in speculis, rebusq; quasi specularibus: sic & dæmoniaca corpora, suscipientia ab ea quæ intus est essentia phantastica, figuras atque colores, & quas-cunque ipsi uoluerunt formas, in ipsum animale nostrumq; spiritū transmittunt, multa nobis negocia præbent, uoluntates & consilia suggerentes, formas subindi-

subindicantes, suscitantes memorias uoluptatū, simulachra passionū frequenter concitantes uigilantibus atq; dormientibus: nonnunquā uerò femina nobis & inguina titillatibus incitātes, insanos & iniquos amores subijciūt & subacuūt: præcipuè autē, si humores calidos humidosq; ad id cōducentes nacti fuerint. Sed hi Plutonis galeam subinducētes, perturbant animas arte quadam & sophistica fraude. Hactenus Marcus.

Lib. 8. epist.
ad Suram.

¶ Memorabilia uariæ formæ laruarum & actionum dæmoniacarum exempla describit C. Plinius iunior in hæc uerba, primum de Curtio Ruso: Tenuis adhuc & obscurus obtinēti Africam comes hæserat. Incluzato die spaciabatur in porticum: offertur ei mulieris figura, humana grandior, pulchriorq;: perterrito, Africam se futurorum prænunciā dixit. iturum enim Romam, honoresq; gesturum, atque etiam cum summo imperio in eandem prouinciam reuersurum, ibiq; moraturum. Facta sunt omnia. Præterea accedenti Carthaginem, egredientique nauem, eadem figura in littore occurrissē narratur. Ipse certè implicitus morbo, futura præteritis, aduersa secundis auguratus, spem salutis, nullo suorum desperāte, proiecit.

Dæmon mulieris forma
Curtio Ruso
apparet.

Iam illud non ne & magis terribile, & nō minus mirum est, quod exponam ut accepi? Erat Athenis spaciōsa & capax domus, sed infamis & pestilens: per silentium noctis sonus ferri, & si attenderes acrius, strepitus uinculorum longius primò, deinde proximè reddebatur. mox apparebat senex

Sabellic. lib.
10. Exempl.
cap. 3.
Dæmonis idolo infamis domus Athenis.

idolon, macie & squalore confectus, promissa barba, horrenti capillo: cruribus compedes, manibus catenas gerebat, quatiebatq; inde inhabitantibus tristes diræq; noctes per metum uigilabantur: uigiliam morbus, & crescente formidine mors sequebatur. Nam interdiu quoq; quanquam abscesserat imago, memoria imaginis oculis inhærebat, longiorisq; causa timoris timor erat. Deserta inde & damnata solitudine domus, totaq; illi monstro relicta: præscribebatur tamen seu quis emere, seu quis conducere ignarus tanti mali uellet. Venit Athenas philosophus Athenodorus, legit titulum. auditoq; præcio, quia suspecta uilitas, percunctatus, omnia docetur: ac nihilominus, imò tanto magis, conducit. Vbi cœpit ad uesperascere, iubet sterni sibi in prima domus parte: poscit pugillares, stylum, lumen, suos omnes in interiora dimittit: ipse ad scribendum, animum, oculos, manum intendit, ne uacua mens audita simulachra & inanes sibi metus fingeret. Initio, quale ubiq; silentium noctis: deinde concuti ferrum, uincula moueri. ille non tollere oculos, non remittere stylum: sed obfirmare animum, auribusq; prætereundum crebrescere fragor, aduentare etiam, ac iam ut in limine, iam ut intra limen audiri. respicit, uidet, agnoscitq; narratam sibi effigiem. stabat, innuebatq; digito, similis uocanti. hic contra, ut paululū expectaret, manu significat, rursusq; ceris & stylo incumbit. illa scribentis capiti catenis insonabat, respicit rursus idem quod prius inuenientem:

Athenodo-
ri philosophi
obfirmatus
contra demo-
nis terricula-
menta ani-
mus.

nuetem: nec moratus, tollit lumen, & sequitur. ibat illa lento gradu, quasi grauis uinculis: postquam deflexit in aream domus, repente dilapsa deserit comitem: desertus, herbas & folia concepta signum loco ponit. Postero die adit magistratus, monet ut illum locum effodi iubeant. Inueniuntur ossa inserta catenis & implicita, quæ corpus auro terraq; putrefactum, nuda & exesa reliquerat uinculis: collecta publicè sepeliuntur, domus postea reconditis manibus caruit.

Item, apud Actium M. Antonij fractis copijs, Cassius Parmensis, qui partes eius secutus fuerat, Athenas confugit. Vbi concubia nocte cum sollicitudinibus & curis mente sopita, in lectulo iaceret, existimauit ad se uenire hominem ingentis magnitudinis, coloris nigri, squallidum barba, & capillo demisso: interrogatumq; quisnam esset, respondisse, *Λαοδάμωνα*. Perterritus deinde tam tetro uisu, & nomine horrendo, seruos inclamauit: sciscitatusq; est, si quem talis habitus aut intrantem cubiculum aut exeuntem uiderissent? quibus affirmantibus, neminem illuc accessisse: iterum quieti & somno se dedit: atq; eadem animo eius obuersata est species. Itaq; fugato somno, lumen intro ferri iussit, puerosq; à se discedere uetuit. Inter hanc noctem & supplicium capitis, quo eum Cæsar affecit, paruulum admodum tempus accessit. Facile huius mortem poterat diabolus prænouisse, ex Cæsaris in hanc rem apparatu & uerbis. Describit quoque idem Valerius, Iulij simulachrum, quo

Valer. Max.
li. i. ca. 5. 5.
Λαοδάμωνα
apparet M. Antonio.

Lib. i. ca. 6. 9.

70 De præstigijs dæmonum

post mortem C. Cassio suo interfectori apparuerit.

Dionysii Syracusani exterruit spectrum.

Dionysius Syracusanus breui antea quam interimeretur, consedit in sua domo, cogitationibus molestis grauatus: tum illi apparuit imago illa deformis, habitus satanici, scopis domum uerrens & expurgans. unde ille usqueadeo extimuit, ut noctu solus in ædibus manere noluerit: sed quosdam amicos rogavit, qui cum ipso pernoctarent.

Plutarch. in uita Cæsaris paulo aliter.

M. Brutus, quum ex Asia contra Octavianum & Antonium aliquid graue moliretur, cōtigat ut in suo cubiculo apud lumē consideret, ardua meditatus & animo uolutās: interim animaduertit aliquē ad se in cubiculū ingredi. Apertis oculis circūspiciebat, nū aliquis ex familia uel ministris aliquid uellet: inopinatō uidet imaginē formidabilē & admirandā, corporis tyrānici & agrestis. Hic Brutus multo animosior liberiorq; Dionysio, sciscitabatur, Nū spiritus esset, uel aliquis deorū, & quid uellet? Cū occulto murmure respōdet spiritus: Diabolus sum, et spiritus malus: in Philippis denuō me uidebis. Inquit Brutus ingenuē, ut uir Romanus, magnanimus: Imō sine metu te iterū uidebo. Quum autē ex famulis studiosē inquireret, nū ingredi aut egredi aliquē obseruassent? respōdebant, Non. Hinc perterritus Brutus, infœlicem instituti sui prælij successum uerebatur: quemadmodum euenit.

Contra diabolum magnanimitas M. Bruti.

Lib. 4. Hist.

Saxones armatos, tradit Saxo, à Sclauis horrenda forma, tanquam bono & optato omine, supernē in uertice montis uiso dæmone, fuisse interēptos: quia
eo mon-

eo mōstro ueluti diuinitus dati ducis aduētū firmati,
sumptis uictoriæ auspicijs, ex improuiso Saxones eos
dem prorsus occiderūt. Quum bellū inter se Roma
ni Albaniq; gererēt, & utraq; in procinctū iā staret
acies, extitit repētē quidā mōstrofa specie, pelle ami-
ctus furua, uociferās: Iubere Dītē patrē, deamq; Pro-
serpinā, fieri sacrū sibi, priusquam cōmitteretur prae-
liū. Quo perterrefacti uiso Romani, protinus arā sub
terra ædificarūt: & statim sacrificio factō, pedū uigin-
ti aggere contexerunt, ut ea ab omnibus præterquam
Romanis ignoraretur. Alexāder ab Alexādro scri-
bit, quendā suū familiarē, nō ambigūæ fidei hominē,
amici funus curasse: et cū inde Romā reuerteretur, no-
cte adueniēte in hospitium uiæ proximū diuertisse, &
ibi se animo & corpore fatigatū quieti dedisse. Cūq;
solus degeret, & adhuc uigilaret, fert repētē amici nu-
per defuncti imaginē summo pallore & macie, ac eo
fermē habitu oris, quali illū cū ægrotaret dimiserat,
ad se accessisse: quē quū fuisset intuitus, et præ timore
nec animo nec mēte satis cōstaret, quisnā esset, inter-
rogauit. Ille autē cū nihil respōdisset, exutis ut uideba-
tur uestibus, in eodē cui ipse incūbebat lectulo se collo-
cauit, ac propē accessit quasi cū amplexurus. Alter ue-
rò cū ferē iā metu exanimis uideretur, ad lectuli spō-
dā secessit, illumq; propius accedentē abegit: qui se re-
pulsam pati uidens, alterū toruo & minus familiari
uultu aspectat: resumptisq; mox uestib. è lectulo surre-
xit, et cinctus calceatusq; inde abiēs, nūquā postea ap-

Ang. Pol. in
Mis. ca. 58.
Mōstrofa spe-
cie apparet
diabolus.

Li. 2. Genial.
dierū cap. 9.

Spectrum mi-
rum.

paruit. Quo timore familiaris ille perculsus, graui corripitur morbo, ut propemodum interierit. Addebat his, dum in lectulo cum illo luctaretur, se nudum illius pedem usq; adeo gelidum contrectasse, ut nulla glacies huic frigori potuerit comparari. Adhæc, Gordianus amicus meus spectatæ fidei homo mihi retulit, quum Aretium cum familiari suo proficisceretur, & ab itinere, ut fit, longè aberrassent per difficilia & deuia loca, ubi nihil uiderent culti, sed saltē nemora, saltus niuei & inaccessi obijcerentur oculis, & ipsa terreret solitudo: uergenteq; ad occasum sole, labore fessi consedisent: tandem hominis uocem procul audiri uisum est, quam sequuti, in proximo fastigio trium hominum conspiciunt imagines immanes & formidabiles ultra humanum modum, nigris & demissis tunicis, in ueste lugubri funestaq; barba capilloq; summisso, horribili facie. qui quū uoce gestuq; ad se ipsos aduocarent, ac iam propè illexissent, ingente interim corporis mole, longè humana maiores apparuerunt: atq; alius specie non absimili nudus, mirificos edidit saltus gestusq; indecoros. Quo spectaculo consternati fugam hi capere: uiamq; arduā & præcipitem emensi, uix rustici demum uile hospitium, ubi diuerterent, inuenere.

Tres uisi dæmones.

Genial. dier.
li. 4. ca. 19.

Idem Alexander eiusdem argumenti historias describit lib. 4. in hæc uerba: Nuper amicus meus summus, ingenio & fide singulari, rem dictu admirabilem sibi euenisse narrauit, eius ueritatem multorum compro-

comprobans testimonio: se uidelicet, cum apud sibi familiarem & coniunctissimum Neapoli diuerteret, & nocte intempesta hominis in uia clamantis, opemq; implorantis uocem audisset, accenso lumine accurrisse, quid rei esset inquisitum. ibiq; dæmonem & dirum quoddam numen tetra & horribili specie conspexisse, quod iuuenem uociferantem & reluctantem in uia infestis manibus inuadere nitebatur. Ad hunc propè accedentē miser ille accurrit, uestemq; & manum quā potuit tenacissimè apprehendit: multūq; & diu frustra reluctatus, inuocato numinis diuini auxilio, uix tandem à dæmone se uindicat. Quum uerò iuuenem animo turbatum in domum recepisset, ut ab ipso dimitteretur, aut palliū relinqueretur, nūquam potuit effici: tantus enim illum inuaserat horror, ut mente euicta sui non esset compos, quum illi perpetuò ob oculos uersari uideretur illa species. Vbi tandem ad se redisset, rem omnem quo pacto habuerat, exposuit. Fuerat autem sceleratæ uitæ, contemptor Dei, & parentibus immorigerus: quos tunc obiurgarat, contumeliasq; & intoleranda probra in eos congefferat, ut ab illis consecratus diris execrationibus abierit. At ne cui hæc uana fictaq; appareant, Thomas monachus, homo minimè malus, cuius fidem probitatemq; in rebus non paucis expertus sum, seriò mihi retulit, quum in monasterio & sacris adibus, sitis in Lucanis montibus, cum pluribus altercatus fuisset, & post multa conuicia rixasq; animo per-

*De iuuenē
parentibus
immorigero,
& ab illis ex-
crato, insigne
exemplum.*

74 De præstigijs dæmonum

*Monacho dæ
mō apparet.*

turbato solus secessisset per nemora, se speciem hominis uultu tetro, aspectu deformi sæuoq; nigra barba, promissis tunicis, obuiam habuisse. qui rogatus, quid solus per deuia oberraret loca? respondit, se equum, quo uehi solet, amisisse, & sua opinione in proximos excurrisse campos: cumq; per sinus inuios equum unā quesitum pergerent, ad riuulum in cuius alueo gurgites latebant formidabiles, deueniunt. Quare monachum calceos exuentem in faciliorem transitum, magnopere urgebat alter, ut in ipsius conscenderet humeros, transferendus ab eo qui maior erat corpore. ille acquiescens, collumq; amplexus alterius uada inquirentis, pedes ipsius non humana, sed tetra & deformi specie contuetur. Qua re animaduersa, terrore perculsus, diuinam implorat opem: atque euestigio dæmonem & simulachrum illud dirum, audita inuocatione diuina, murmure querulo & turbine usqueadeo ualido profugisse asseuerat, ut imminentem quercum ingenti colliserit impetu, & infractis ramis radicibus euerterit: se autem consternatum, & uelut exanimem diu iacuisse: & nisi præuidisset, diabolum in uertices & uoragines fluuioli præaltas præcipitaturum fuisse, atque interempturum, persuasum habet. Sed præ omnibus quæ audiuerim aut uiderim, res est admiratione digna, quam recenti memoria euenisse Romæ comperimus. Quum apud Gabios quidam infimæ sortis & obscuris natalibus

Liber primus.

75

talibus adolescens, furiosus, corruptorum morum
 & facinorose uitæ, parentem obiurgasset, con-
 uicijsq; proscidisset, ijs agitated furijs demonem
 inuocat, cui se deuouerat, Romamque meditatur,
 ut grauius aliquod flagitium in patrem moliretur.
 In itinere demonem facie hominis truculenta, sor-
 dida barba & capillo, uesteq; obsoleta & squali-
 da obuiam habuit: qui comitatus, tristitiæ & an-
 xietatis causam ex iuvene percunctatur. Hic, sibi
 quid altercationis fuisse cum patre, & scelus ali-
 quod iam animo constituisse respondit. Cui de-
 mon, sibi eandem obuuisse sortem ait, pergen-
 dumque ut suas simul ulciscantur iniurias. Cum-
 que nocte appetente ad urbem peruenissent, in
 proximo diuerterunt hospitio, unaque incubue-
 runt. Iuuenis uero somno oppressi iugulo manus
 inijcit pestilens ille comes: quod iam infregisset, ni-
 si alter expergefactus, Deo supplicasset. Vnde su-
 riam illam teterrimam tanta stridula ui & impe-
 tu cubiculum dicitur excundo collisisse, ut tigna
 & tectum diruerit, tegulasque penitus perfrege-
 rit. Hoc spectaculo perterritum, & ferè mortuum
 adolescentem, uitiositatis & anteaactæ uitæ pœ-
 nituit: qui alio afflatus spiritu, perosus scelera,
 boni exempli uitam procul à populari tumultu
 egit.

*A demonio
 exagitatus
 iuuenis parē-
 tib. immori-
 gerus, resi-
 piscit.*

Sunt item qui referunt, episcopum quendā die in so-
 litudine uidisse Benedictum octauum pontificem 151.
 post mor-

*Platina de
 uitis Pontif.*

76 De præstigijs dæmonum

post mortem equo nigro insidentem: eumq; interrogasse, quid causæ esset, cur mortuus equo nigro uehretur? tum Benedictum hominē rogasse, ut pecunias quas occultauerat. (locum indicat) pauperibus suo nomine erogaret: quæ antea datæ fuerant eleemosynarum nomine, nihil ei profuisse, quia ex rapinis partas constabat. Facit mādāta episcopus, & statim episcopatu se abdicat, monasticam amplexus uitam. Id genus similia & alia tum uetera tum recentia terriculamentorum ludibriorumq; diabolicorum testimonia possem recensere multa: at quum ea infinita multifariq; sint, & cuius obuia, cognitaq; ijs lōgiori enarratione immorari, superuacaneum existimo: potissimum, quoniam multiplicem eius argumēti historiam, commodiori occasione, sequentes suppeditabūt libri. In Vitis patrum quoq; ut D. Martini, Antonij, Eulogij, atq; aliorum, exempla extant non pauca.

Machinationum diaboli finis.

Lib. 2. ca. 15. de orig. err.

Atqui miraculorum, machinationum, & apparitionum diaboli quis finis unquam, et uelut ex professō alius, quàm erroris furorisue manifestē impij, blasphemij, & in Deum contumeliosi: aut sceleris alicuius confirmatio, præceptio 'ue, aut approbatio uel porrectio? Hinc eleganter Lactantius scribit: Hi spiritus (inquiens) contaminati ac perditī, per omnem terram uagantur, & solatium perditionis suæ perdendis hominibus operantur. Itaque omnia insidijs, fraudibus, erroribus complent. Adherent enim singulis hominibus, & omnes ofiatim domos occupāt, ac sibi

ac sibi Geniorum nomen assumunt: sic enim Latino sermone daemones interpretantur. Hos in suis penetralibus consecrant, hos quasi terrestres deos uenerantur, & quasi depulsores malorum, quæ ipsi faciunt & irrogant. Qui quoniam spiritus sunt tenues & incomprehensibiles, insinuant se corporibus hominum, & occultè in uisceribus operti uoletudinem uitiant, morbos citant, somnijs animos terrent, mentes furoribus quatiunt, ut homines his malis cogant ad eorum auxilia decurrere.

Genij.
Daemones.

¶ Vt porro latius eorum innotescant studia, citiusq; finiam, paucas obiter huc spectantes, nec ad nostram institutionem inidoneas Patrum sententias annectere placuit. Amare, docet D. Clemens, immundos spiritus inherere corporibus hominum, ut ipso-
rum ministerio cupiditates suas expleat: & ad ea quæ ipsi desiderant, inclinantes animæ motus, suis eos parere libidinibus cogant, ut efficiantur ex integro uasa demonum. Et lib. 4. Daemones habere desiderium immergendi se corporibus hominum, hæc causa est. Spiritus sunt, habentes propositum conuersum ad maliciam: per cibos ergo & potus immoderatos ac libidinem, perurgent homines ad peccatum, eos tamen qui peccandi propositum gerunt: qui dum uidentur naturæ necessaria uelle complere, non tenentes modum per luxum, ingrediendi in semetipso demonibus faciunt locum. donec autem naturæ mensura seruetur, & modus legitimus custoditur, Dei clementia ingrediendi

Lib. 2. recog.
Cur hominibus
corporibus se
immergere
cupiant daemones.

Quomodo in
corpora ingrediendi
locus datur demonibus.
August. super homil. 3.

grediendi in homines non eis tribuit facultatem. Vbi uerò aut mens ad impietatem declinauerit, aut corpus immoderatis cibis & potibus adimplebitur, tanquam uoluntate & proposito eorum qui se ita negligunt inuitati, quasi aduersum eos qui à Deo positam legem soluerint, accipiunt potestatem. Et post: Dæmones quantum uiderint fidem in homine crescere, tantum ab eo refugiunt. Si tamen in aliqua infidelitatis parte resederint, cum tempus inuenient, cogitationes subiiciunt cordibus hominum: & illi nescientes unde hæc ueniant, suggestionibus dæmonum, quasi animæ suæ sensibus credunt. Suggestunt ergo alijs, occasione corporeæ necessitatis delicias sequi: aliorum iracundiã excusant per abundantiam fellis, aliorum insaniam nigri fellis uehemētia colorāt, sed & stulticiam quorundā ob phlegmatis multitudinē extenuāt. Quod etsi ita esset, tamen hæc singula molesta esse corpori non possent, nisi ex ciborum potuumq; redundantia: qui cum iusto amplius sumuntur, abundantia eorum quam decoquere naturalis non sufficit calor, crudescit in uenenum quoddam, idq; in uisceribus uenisq; omnibus sentinæ in modum redundans, motus corporis insanos reddit, & turpes. Docet Augustinus, illos spiritus qui decipere uolunt, talia procurare cuiq; qualibus irretitum eum per suspiciones & consensiones eius uideant. Rectè itaq; Lactantius: Illicita, inquit, desideria immittit dæmon, ut aliena contaminent, quibus habere propria sine delicto licet. Obijcit quippe

quippe oculis irritabiles formas, suggeritq; fomenta,
 & uitij pabulum subministrat: tum intimis uisceri-
 bus stimulos omnes conturbat ac commouet, & na-
 turalem illum incitat atq; inflammat ardorem, donec
 irretitum hominem implicatumq; decipiat. Eadem
 sensit & prodidit Athenagoras philosophus Christia-
 nus: ὅταν ὁ δαίμων ἀνδρὶ προσαίῃ κακὰ, τὸν νῦν
 ἐβλάψῃ πρῶτον: Si quando demon cuipiā cōparet
 mala, mentē labefactat prius. Tatianus scriptum reli-
 quit ad Gentes in Apologetico: δαίμονες εἰς πᾶν ἄν-
 θρωπον ἐξονείλαντες, τὰς μνησθέντων πᾶρ' ὑμῶν
 ψυχὰς διὰ ἀγνοίᾳ καὶ φαντασιῶν ἐκπατήσανσι:
 Damones, ait, in multū scelus prolapsi, animas apud
 nos initiatorum per inscitias & apparentias decepe-
 runt. Proinde uoluit Deus (authore Lactantio) qui
 homines ad hanc militiam genuit, expeditos in acie
 stare, & intentis acriter animis, ad inuisibilis hostis
 insidias uel apertos impetus uigilare: qui nos, sicut
 periti & exercitati duces solēt, uarijs captat artibus,
 pro cuiusq; natura & moribus seuiciens. Alijs enim
 cupiditatē insatiabilē immittit, ut opibus suis tanquā
 cōpedibus illigatos, à uia ueritatis excutiat. Alios in-
 flammat iræ stimulis, ut ad nocendum potius intētos à
 Dei cōtēplatione detorqueat. Alios immoderatis libi-
 dinibus immergit, ut uoluptati & corpori seruiētes,
 ad uirtutē respicere nō possint. Alijs uerò inspirat in-
 uidiā, ut suis ipsi tormentis occupati, nihil aliud cogi-
 tent, nisi eorum quos oderint felicitatē. Alios inflam-

Lib. 6. de ue-
 ro cultu.
 cap. 4.

mat am-

80 De præstigijs dæmonum

mat ambitionibus. Ii sunt, qui ad gerendos magistratus omnem uitæ suæ operam curamq; conuertunt, ut fastos signent, & annis nomen imponant. Quorundam cupiditas tendit altius, non ut prouincias temporali gladio regant, sed ut infinita & perpetua potestate dominos se dici uelint uniuersi generis humani. Quos autem pios uidet, inanibus implicat religionibus, ut impios faciat. Iis uerò qui sapientiam quærunt, Philosophiam in oculos impingit, ut specie lucis excæcet, ne quis comprehendat aut teneat ueritatem. Sic hominibus obstruxit aditus omnes, & obsepsit omnes uias publicis latas erroribus: quos ut discutere possemus, ipsumq; authorem malorum uincere, illuminauit nos Deus, & armauit uera coelestiq; uirtute. Et in procæmio de Opificio Dei: Ille colluctator & aduersarius noster, scis quàm sit astutus, & idem sæpe uiolētus. Is hæc omnia quæ illicere possunt, pro laqueis habet: & quidem tam subtilibus, ut oculos mentis effugiant, ne possint hominis prouisione uitari. Eius cibus est ebrietas, inquit Hieronymus, luxuria, fornicatio, & uniuersa uitia. Hæc blanda sunt, & lasciua, & sensus uoluptate demulcēt: statimq; ut apparuerit, ad usum sui prouocant.

In epist. ad
Damasum.
Cibus dia-
boli.
Lib. de opif.
dei ca. 19. 20.
Quare demo-
nem homini-
bus aduersa-
rium consti-
tuerit Deus.

Hunc autē, Lactantio teste, constituit homini Deus aduersarium, nequissimum & fallacissimū spiritum, cum quo in hac terrestri uita sine ulla securitatis requie dimicaret. Nam ut uictoria constare sine certamine non potest: sic nec uirtus quidem ipsa sine hoste. Ita,

Liber primus.

81

ste. Ita, quoniam uirtutē dedit homini, statuit ei e contrario inimicum, ne uirtus torpens naturam suam perderet. Noluit enim Deus hominem ad immortalē illam beatitudinem delicato itinere peruenire.

¶ Sua uerò nomina, aptè ipsius studium & fabricam prodentia, sortitur diabolus tum alibi, tum maxime in sacrosancta Scriptura: quæ hic recensere lubet, ut præter nomenclaturas suprâ recitatas copiosius, quibus Deum mentiebatur satan, eiusq; sibi honorem assumebat, denominationibus nunc his qualis est affectu & opere cognoscatur plenius. ipsa siquidem nominum diuersitas, diuersa illius uitia commonstrat: ne quis præter ordinem, nouum hic dæmon acorum nominum catalogum contexi arbitretur.

Elephas ubi in Iobo describitur, Behemoth uocatur, id est bruta, ut Græcis frequenter θύγα. Et quidem plurali numero, designatur eius uastitas. Sub allegoria uerò elephantis, satanæ potentia docetur. Behemoth (respondens Dominus è turbine, ipsi Iobo inquit) fœnum comedat ritu bouis: hoc est, paleas igne comburendas. Ecce uirtus eius existit in lumbis eius, & robur illius in umbilico uentris sui. Illecebris enim ueneræ uoluptatis, quæ circa lumbos & umbilicum præcipuè sentitur, frequenter impugnatur. Ossa eius uelut fistulæ æris, & cartilago eius quasi laminæ ferri. Ad duritiem diaboli ista referuntur: quoniam à malicia, quam semel amplexus est, nequit dimoueri, & ferro obduratior. Quem arbuta tegunt umbra

Iob. 40.
Dæmonum
nomina, ipso-
rum studia
prodentia.
Behemoth.

f sua.

Psal. 9. sua. Hoc illud est quod in *Psal.* legitur: Sedet in insidijs in occultis, ut interficiat pauperē, dū attrahit eū.

Leuiathan.

De *Leuiathan* idē fere alijs uerbis prædicatur, quod de *Behemoth*: & uis naturæ demoniacæ exprimitur, supra modum potens atq; uersuta: quæ utique cuncta humana subuerteret, nisi diuini arbitrij habennis coereretur. Vnde integrū *Iobi* caput 40. & 41. Sonat autem *Leuiathan*, sibi traditus, uel appositio: qui uerbo Dei & rebus quibuscunque addit. *Esaie* 27. *Iob.* 3.

Asmodeus.

Asmodeus, spiritus uel deus cæcitatē, destructor, dissipator, aut delicti abundantia, uel peccatum abundans, siue ignem mensurans. *Tobie* 3.

Mammona.

Mammona uoce Syriaca, cupiditas pecuniæ aut diuitiæ, *Matt.* 6. His ille imprudentiū mētes implicat, ne Deo seruire queant, cū māmonæ cœperint famulari.

Diabolus.

Diabolus Græcis, calumniator. *Matth.* 4. *Ioann.* 8. & alibi sæpius.

Dæmon.

Dæmon, ob scientiam: & dæmonium. *Matth.* 8. *Iacobi* 2. uel ob terrorem, ut uult *Eusebius*.

Cacodæmon.

Cacodæmon, peruersè sciens. Quoscunq; uetustas deorum cultu uenerata est, omnes *hænoðeîmonas* fuisse, author est *Porphyrius*. Dicitur & malus dæmon: & dæmon βλαβερώτατος, id est nocentissimus, in *Symposio* septem sapientum.

Satan.

Satan, Hebræis aduersarius, qui obsistit atq; obturbat. *Iob.* 1. 2. *Zachar.* 3. item *satanas*. *Matth.* 12. *Marc.* 1. *Apoc.* 12.

Abaddon

Liber primus.

83

Abaddon Hebraice, perditor aut perdens: Græcè *Abaddon.*
ἀπολλύω, Apoc. 9. *ἀπολλύω*.

Principatus, potestates, mundi domini, rectores
tenebrarum huius seculi, spirituales astutiae in coele-
stibus, à Paulo inscribuntur hi spiritus, Ephes. 6.

Legio, quia multi sunt: Marc. 5. Luc. 8.

Item, Princeps cui potestas est aeris, qui est spiritus
nunc agens in filiis contumacibus: Ephes. 2.

Deus huius seculi, sensus incredulorum excæcans.
2. Corinth. 4.

Princeps huius mundi: Ioann. 8. 12. 14. Habens
mortis imperium. Hebr. 2. Qui seducit totum terra-
rum orbem. Apoc. 12.

Spiritus mundi. 1. Corinth. 2.

Rex super uniuersos filios superbiæ. Iob. 41.

Celsitudo quæ tollitur aduersus cognitionem Dei.
2. Corinth. 10.

Spiritus Dei, spiritus Dei malus. 1. Reg. 16.

Spiritus malus. Act. 19.

Spiritus ad uindictā creati, qui in furore suo con-
firmauerunt tormenta sua, & in tempore consumma-
tionis effundent uirtutem: & furorem eius qui fecit
illos, confundent. Eccles. 39.

Aduersarius noster diabolus, qui ut leo rugiens
obambulat, quem deuoret inquirens. 1. Petr. 5.

Homicida ab initio, qui in ueritate non perman-
sit: mendax, & pater mendacij. Ioann. 8.

Author peccati. 1. Ioann. 3.

f 2

Spiritus

84 De præstigijs dæmonum

Spiritus qui non confitetur Christum in carne uenisse, spiritus Antichristi. 1. Ioann. 4.

Spiritus Aegypti, & uertiginis, qui fecit errare Aegyptum in omni opere suo, sicut errat ebrius & uomens. Esaïæ 19.

Spiritus Pythius, uel diuinationis. Leuit. 20.

Spiritus mendax. 3. Reg. 22.

Spiritus immundus. Luc. 11.

Spiritus impostor. 1. Timoth. 4.

Spiritus dæmoniorum. Apoc. 16.

Spiritus mutus & surdus. Marc. 9.

Spiritus iræ. Iob. 4. Psal. 17.

Spiritus procellarum. Psal. 10. 106.

Spiritus soporis. Esaïæ 29.

Spiritus timoris. 2. Timoth. 1.

Angelus Domini. Psal. 34. Ita uult Hieronymus.
furor Domini. 1. Paral. 21.

Angelus satan. 2. Corinth. 12.

Angelus crudelis. Prouerb. 17.

Angelus abyssi. Apoc. 9. Habens iram magnam.
Apoc. 12.

Accusator sanctorum fratrum. Apoc. 12.

Loliorum seminator. Matth. 13. Marc. 4. Luc. 8.

Malus. Ephes. 6. 1. Ioann. 2. Malus ille. Matth. 13.

Quoniam omnium scelerum princeps est, & inuentor, per excellentiam uocatur ὁ πονηρός.

Inimicus. Luc. 10.

Inuidus. Sapient. 2.

Meretrix

Liber primus.

85

Meretrix Babylonica, bestia habens septem capita, &c. Apoc. 13. 14. 16. 17. 18.

Abominatio desolationis. Matth. 24. Daniel. 9.

Venator: illius astus, laqueus: timor nocturnus, sagitta uolans in die, pestis in tenebris grassans, exterminium meridianum. Psal. 90.

Volucres cœli. Matth. 13. quia semen uerbi Dei, quod in duro solo & nullo compunctionis uomere proficisso cecidit, rapiunt protinus, & absument.

Aspis & basiliscus illis dicitur, quos primo congressu superat: aspis quippe morsu, basiliscus aspectu statim perimit.

Leo, quia aperto Marte nos inuadit ut dilaniet: Draco, quia occultè nobis insidietur, uiroso afflatu perdens. Psal. 90. Apoc. 16. 20. Viro autem iusto promittitur: Super aspidem & basiliscum ambulabis, & conculcabis leonem & draconem.

Serpens, scorpio: Genes. 3. Luc. 10. Mera enim uenena sunt, quicquid diabolus suadet. Vnde tamen suos liberat Saluator dicens: Ecce dedi uobis potestatem Luc. 10 calcandi super serpentes & scorpiones.

Onocrotalus, ericius, ibis, coruus, struthio, onocentaurus, satyrus, Lamia, miluus, ulule uel zijm Hæbraicè. Esaie 13. 34. Perdix, malleus, thaninim: Hieronymus in epist. ad Damasum.

Locustæ similes equis in prælium paratis, quia feroces demones: & super capita earum tanquam coronæ similes auro, quia superbi: facies earum uelut

f 3 facies

86 De præstigijs dæmonum

facies hominum, & capilli sicut capilli mulierū, quia utrique sexui insidiantur: & dentes quasi leonū, quia quos uicerint, perimunt: loricas sicut loricas ferreas habent, quia in malicia obduruerunt: alis perstrepunt, quia uelociter omnia permeant: caudas scorpionum aculeatas gerunt, quia unus eorum finis est nocendi hominibus. Et habent super se regem angelum Abyssi, cui nomen Hebraicæ Abaddon. Apoc. 9.

Greg. lib. 14.
Moral.

Iumentum ijs quos luxuria inflamat, auis ijs quos superbia cecidit.

Diaboli membra et expresse imagines.

Plerisque tamen hisce nominibus satanæ quoque membra nuncupari possent: uelut Ioannis 6. Iudas diabolus à Christo nominatur. Sunt & eius figuræ imaginesq; expresse Pharaon, Antiochus, rex Babylonis, Assur, & omnes impij.

De spiritibus quoque alijs Suidas in definitione ἐμπεσας.

Diuerse, adhæc pro actionis uarietate frequenter Ethnici demonio commutarunt nomina. ut quod uarijs formis aut spectris sub meridiem, quando inferis parentatur, calamitosis iubente Hecate obuersatur, ἐμπεσας nominant: quæadmodum Aristophanis interpres docet. nominis ratio est, quia uno incedat pede, ut Eustathio placet: uel (ut alijs) quia alterū pedē habeat æneū. Id genus terriculamēta dicuntur quo-

Hecateæ.
Δείνελον.

que à Græcis Hecateæ, quod ab Hecate immittantur. Δείνελον etiā uocant, quod terrorē incutiat representatione uel imitatione. Erant & demones quidam Λοβᾶλοι. Dionysiaci, asperi & immites, quos Λοβᾶλως nuncuparunt, quasi dicas ludificatores. Qui uerò demon

interuer-

interuertere & elidere res bonas ac salutare, calamitates autē & incommoda tū inferre, tum si impenderent, maturare atq; in capita nostra cogere, & uelut per præcepta agere, omninoq; ad scelera & flagitia propellere, indeq; in discrimina uitæ adducere, uel in subitū præcipitare exitiū putabatur, ἀλιτήριον, πρὸς τροπᾶιν, παλαμναῖον, & δαίμονα λυρῶντα τὰς ἀρας appellarūt antiqui. Qui ad uitæ tædiū & dispēdiū urgēt dæmones, παρῆδροι, assessores illis uocantur. Diabolicā uirtutē, cuiusmodi fuerat in Simone mago, paredrū dici, annotauit Eusebius: & sic deinceps.

Ex officijs quoq; dæmones distinxere Latini. ut hi qui regionū administrationi præsidere cēsentur, antē recitati, Penates dicantur: qui pacatius ædes possidēt, Lares: aut si quando exterreāt, domosq; incursionibus infestent, Laruæ. qui autē nobis singulis designati sunt, genij mali, itē manes: quos Græci Heroas indigitarunt. & iracundos occursantibusq; infestos fuisse, Menāder signat. Hos Lemures Latini ueteres appellare solent, Italīs Folleti dicuntur, & Empedusæ.

Dæmones ficticij & poetici, ut Matuta, Oceanus, Galacia, Phorcis, Saturnus, Opis, Iupiter, Iuno, memorantur à Platone in Timæo, à Marco in lib. de Vniuersitate. Ternistratores dicuntur etiam dæmones, quòd triplici calle ad animarum properent interitum: uerbo nempe cogitatione & opere.

Sunt ex Larum & Laruarum familia, qui uulgo nostrati dicuntur terrei uirunculi, iam detectis

παρῆδροι.

Penates.

Lares.

Laruæ.

Genij.

Manes.

Heroes.

Lemures.

Folleti.

Empedusæ.

Dæmones

Poetici.

Terrei uirunculi.

nonnihil manifestis dæmonum imposturis infrequentiores quàm olim. Horum duplex genus. Sunt enim aliqui mites, meritò Lares familiares nuncupandi, qui in domibus concubia potissimum nocte uersantur, atq; ministrorum munia peragere, auditui apparent, descēdere scilicet è gradibus, ostia aperire, struere ignem, haurire aquam, cibum & quæcunq; alia cuiq; domui consueta apparare, quum prorsus nihil faciant. Horum pleriq; rerum quoq; futurarum ex occultis indicijs præscij, ea quæ paulo pòst comperimus perfici, antea administrare audiuntur: ut etiam breui adfore mercatores signis prænuncient, qui merces uenales sint ablaturi. Id quod aliquoties in ædibus paternis obseruauimus puer, admodum territus, ubi quum in tabulato ingens lupuli asseruaretur copia, si quando uenturi essent emptores, præcedenti nocte per gradus deiici eo modo audiebantur sacci, quo ueritatem subsequens ostendebat dies. Omen id ut faustum, plausu semper excipiebatur. Quum enim de rebus suis statuunt mercatores, aliquò mercium causa profecturi, de ijs antea loquuntur, ingrediq; se earum nomine iter fatentur. Quod intelligens diabolus, sua his ad quos contendunt, antè ostendunt ludibria, quàm illi adueniant. Tempus siquidem suppeditat locorum distantia. Ita & prænouisse & prænunciare uidetur dæmon, quæ iam fieri cœpta sunt. Alij tetrici sunt, familiam quocunq; modo uel turbantes, uel exterrentes. Hos dæmones etiam in subterranearum, ut Theologis

Tetrici familiares dæmones.

Liber primus.

89

logis placet, substantiarum numero habitos, in quibusdam uersari fodinis, tradit uir eruditissimus ac metallicarum rerum inuestigator accerrimus, Georgius Agricola: truculenti autem & aspectu terribiles, plerumq; metallicis infesti atque inimici sunt. Talis fuit Annebergius ille, qui operarios duodecim amplius flatu interfecit in specu, qui Corona rosacea appellatur: eo nomine relictus, quantumuis argento diues esset. Flatum uerò emittebat ex rictu. equi enim specie, habentis procerum collum, & truces oculos, dicitur uisus. Eiusmodi etiam fuit Snebergius, nigro cucullo uestitus, qui in fodina Georgiana operarium è solo sublatus, in superiore loco maximæ illius concauitatis quondam feracis argenti collocauit, non sine corporis attritu. Quæstuosam admodum fodinam deferre apud Turcas cogeatur Iudæus à demone metallico, hominibus frequenter in forma capræ aurea cornua gerentis, apparente. Psellus certè, cum sex genera demonum definiat numero: hoc cæteris perius esse dicit, quòd ipsi amictui sit crassior materia. Quidam philosophi hos & similes demones, qui nocentes sunt, & natura improbi, nominant brutos, & rationis expertes. At sedatos illos Germanorum alij, ut etiam Græci, Cobalos uocant: quòd hominum sunt imitatores. Nam quasi læticia gestientes ridet, & multa uidentur facere, interim nihil planè efficientes. Alij uirunculos montanos nominant, staturam significantes, qua plerumq; apparent: nempe

In lib. de animal. subterraneis.

Annebergius demon.

Snebergius demon.

Cobali.

Virunculi montani.

f s nani

90 De præstigijs dæmonum

nini, tres dodrantes longi. Videntur autem esse seneciones, & uestiti more metallicorum, id est, uitteto indusio, et corio circum lumbos dependente induti. Hi dannū non solent dare metallicis, sed in puteis & cuniculis oberrāt: & quū nihil agant, se tamen in omni laborum genere uidetur exercere, quasi modò fodiāt uenas, modò id quod effosum est in uasa infundant, modò machinam uersent tractoriam. Quanquā uerò interdū glareis operarios laceſſunt, rarissimè tamen eos ledunt. Nec ledūt unquā, nisi prius ipsi cachinno aut maledicto fuerint laceſſiti. Itaq; non admodū sunt absimiles dæmonibus, tū his qui rarò hominibus apparent, quum quotidie partem laboris domi perficiant, & curent iumenta: quibus quòd nostri causa benignè faciant, generiq; hominum sint, aut saltem uidentur esse amici, nomē imposuerunt Germani (Gutelos siquidem appellant) tum Trullis uocatis, quos sexu tam mulieris quàm uiri emētito, cum apud alias nationes, tū maximè apud Suionas in famulatu fuisse ferunt. Sed dæmones montani potissimū laborant in his specubus, è quibus metalla iam effodiuntur, uel ea effodi posse spes est. Quocirca à laboribus non deterrentur metallici: sed omen inde capientes, alacriori sunt animo, & uehementius laborant, eosq; exoptant.

Guteli.

Dæmones montani.

Dæmones familiares.

Familiares quoq; referuntur dæmones, priuatorum hominū se nutū obseruare simulātes. Tali fretus legitur Socrates: de quo uide Apuleij librū, et Sermone

nem

nem 26 et 27 Maximi Tyrij philosophi Platonici.

Benedicti tertij pontificis Romani tempore, in urbe Moguntinensi demonium quoddam, sub cuiusdam sacrifici pallio, dum aquam lustralem spargeret, quasi familiaris esset, latitans, illum accusabat, quod ea nocte cum procuratoris filia concubisset: ut Sigebertus atq; Vincentius tradunt.

Huic numero accensendi demones, qui hominibus plerisq; peculiaribus tanquã familiares, morituri alicuius notas uel gemitu uel strepitu uel pulsatione in claudenda clauis theca futuri cadaueris, siue etiam in commonstrando pullato funeris adhuc ignoti, subsequuntur tamẽ comitatu, sub ipsa meridie ostentant.

Ludibria insuper quædam diaboli ad nostræ ætatis crepundia, ante doctrinam Euangelij, è superstitionum tenebris minus euolutam repurgatamq; in Germaniæ nostræ locis plurimis obseruabantur, familiaria adeo, ut publicæ lemurum (albas mulieres, et Sibyllas albas, uernaculo sermone appellabamus) choreæ celebratæ hoc uel illo loco, narrarẽtur. Eratq; hoc laruarum genus apprimè infestum puerperis, et infantibus lactetibus, cunis adhuc inharẽtibus. Quod etsi olim erat frequentissimũ, cũ satanæ præstigijs nimium tribueretur, Christoq; eius supplãtatori ac nostro patrono unico ignauius adhærerẽt animi, diabolo ludẽte, ridẽte, uarijsq; artibus, quibus ad se imperi tam multitudinẽ illexerat, impiũ cultum stabiliente: tamen post puriorem seruentioremq; Euangelij prædicatio-

*Alba mulieres.
Sibylla alba.*

92 De præstigijs dæmonum

dicationem mentibus hominū insonantem, id usqueadeò euanuisse, est quod Deo gratias agamus summas, ut ne leuia quidem eius uestigia uideantur reliqua. Hoc dæmoniorum genus intellexisse apparet Hieronymum, ad Paulam super obitu Blesille in epistola sic scribentem: Quid causæ est, ut sæpe bimuli & trimuli, ac ubera materna lactantes, à dæmonio corrumpantur?

Deumus.

¶ Deumum nuncupatum cacodæmonem ueneratur rex emporij Indiæ celeberrimi Calechut, confisus illi factam à Deo potestatem iudicandi orbis terrarum, & tribuendi unicuique pro benefactis uidelicet & malefactis mercedem meritam. Eius imaginem ut monstrum horrendum ingens, sedentem capite redimito diademate, Romanorum pontificum modo, scribit Ludouicus Romanus Patricius regem habere in sacello suo. Hoc autem illi accedit, quod diadema ipsius tefnis insignitur cornibus. Deum uerò maximum Tamerani appellant incolæ.

Lib. 5. nauigat. ca. 2.

Tamerani.

Agnan.

Agnan uocatum dæmonem nunc hac, nunc alia forma uidere Americanos, ab eoque multum infestari, tradit frater Andreas Theuct Angoulesme, in observationibus suis in America cap. 35. & 36.

Grigri.

Grigri dictum dæmonium apud eosdē in Canada & Guinea, maxime uerò in eorū syluis conspicitur.

Habent etiam suos dæmoniorū sacerdotes aut uates, Pages uel Charoibes uocatos: horū aliquis postquam dies nouē ab uxoribus abstinuit, in nouo quodam

dam tuguriolo importatis ad uictum, ut regio fert, necessarijs, mundo lecto à uirgine annorum duodecim strato, totus decumbit solus, semoto populo inuocans demonem quem Houioulsira nuncupant, per horæ & amplius spaciū, adhibitis suis ceremonijs. Facta deinde inuocatione, demon tādē accedit, inspirans quæ scire desiderabat uates. Exauditur etiam aliquoties aduenientis strepitus & rugitus ab astante populo, qui tum acclamat: Precamur ut uera proferas & denuncies prophetae nostro intus operienti. Paulo post rebus intus peractis prodit uates, ac à demone intellecta, longè explicat.

Houioulsira.

Nomina adhæc ridicula admodum, frequenter sibi dant demones rogati. Sic cum in obsessis nomē alter alterius haud ita pridem Hammonæ coram pastore inquireret, unus plumarū fascem uel plumifascem se nuncupari, alter planipedis sibi nomen esse, tertius Roseam arborem se appellari respondit. Commen-

Plumifascia.

*Planipes.
Rosea arbor.*

ticiorum horum & futilium nominum, quorum nullus est finis, enarrationi diutius immorari tædet. Orā-
dus sedulò & ardentè Deus per Filium, ut nostros animos, natiuum suum templum, ab illius maligni
conspuratione & sordibus expiare, clementerq;
conseruare dignetur.

1. Corin. 3. 6.

¶ Sunt etiam ex Theologorum schola, qui ma-

*Distinctio
demonum se-
cūdum Theo-
logos.*

¶ εὐδίοθιοι.

pto di-

94 De præstigijs dæmonum

pro diuinæ maiestatis nomine, pro dijs coli uolunt, sacrificijsq; & adoratione honorari: sicut satan ille Matth. 4. Marc. 1. Luc. 4. Secūdo habetur loco spiritus mēdaciōrū: cuiusmodi fuit ille, qui egressus est spiritus mēdax in ore prophetarū Achab. Hoc dæmoniorū genus sese oraculis immiscet, & Pythiorū uatū diuinationibus ac prædictionib. homines ludificat. Tercio ordine censentur iniquitatis uasa, qui spiritus sunt inuētores malorū, omniumq; artū prauarū: qualis apud Platonē Theutus ille dæmō, qui ludos & aleam docuit. Vasa furoris, Esaie 13. uasa iræ, Ieremie 50. uasa mortis, Dauidi Psal. 7. Quarto loco, ultores scelerū. Quinto, præstigiatores, qui miracula imitātur, & magis infāmbus maleficisq; inseruiūt, atq; ita populū seducūt. Sextæ classi assignātur aereæ potestates, setonitruis, fulminibus & fulguribus miscētes, corrūpētes aerē, pestilētias et alia inducētes mala. Septimā māsionē tenēt furie, seminatrices malorū, discordiarū, bellorū et uastationū. Octauā, criminatores & exploratores. Postremā, tētatores et insidiatores, qui singulis adesse hominib. credūtur, mali Genij idcirco nūcupati. Nolo hic dæmones in igneos, aereos, aqueos, terreos, subterraneos & lucifugos, in Iouiales, Saturnios, in oriētales, occidētales, meridionales, septētrionales, in diurnos, nocturnos, meridianos, in syluestres mōtanos, cāpestres, domesticos, cū Psello & reliquis Magis secernere: nec eorū itidē numerū & officia secundū duodecim signa zodiaci iuxta decurios cœli, qui narios,

3. Reg. 22.

Eccles. 39.

Apoc. 13.

Apoc. 7.

Apoc. 9.

Dæmonū uaria apud diuersos distinctio.

narios, triplicitates, elemēta, planetas, et reliquā magorū, bonos interim dæmones prætexētū, cōmēticiā scenā recēdere: aut Marci cuiusdā imbibitas ex dæmonū institutione opiniones, à Psello recitatas & creditas, enarrare inquā nolo: hic religionis nostræ (ut in exordio dixi) limitibus cōtētus. Philosophi qui dæmones esse crediderūt, trifariā eos diuiserūt. Alij immortales, & omnes malos esse putāt, ac imbecilles: ut Psellus, qui cū esset Christianus, Christianorū sentētiæ subscripsit. Alij mortales, aliosq; bonos, alios malos, potētes, sed qui metu mortis sibi prospicerent. Tertia Platoniorū est discretio, qui eos immortales potētesq; ac nobis familiares, partimq; bonos, partim malos esse affirmāt. Omniū adhæc philosophorum is est cōsensus, naturales esse dæmones, quos Plato ueneficijs, incantationibus, magicæ, γοητείας, sacerdotumq; artibus & oraculis præficit. Porro clarè & Proclo apertius bonos à malis dæmonibus distinguit Iamblichus de mysterijs: Dij (inquiēs) angeli, dæmones boni nō apparent phātastico modo, sed proprio prorsus, & uero: at spiritus mali, phātastico fallaciq; simulāt deorū præsentia, dæmonūq; bonorū: idcirco cultorē suū iubēt esse iustū, ut ipsi uideātur boni, sicut & dij. Quoniā uerò natura sunt mali, rogati mala inferre, libēter inferūt, atq; nobis ad iniusta cōducūt. Hi sunt omnino, qui et in oraculis mētiūtur et fallūt, et turpia cōsulūt atq; peragunt. Dij autē boniq; dæmones neq; fallūt unquā, neq; cōferūt ad iniqua. Est insuper malorum natu-

*Dæmonum
differentia se-
cundum phi-
losophos.*

*Bonorum &
malorum dæ-
monum di-
stinctio.*

*Clem. li. 4.
Recog.*

96 De præstigijs dæmonum

natura dæmonum sibi inconstans, instabilis, secumq; dissidens, aliàs alia suadens. Superiorum uerò natura sibi constat assidue, eundemq; seruat semper in actione tenorem. Dæmones malos arbitratus est bonos Plato interdum, & Porphyrius, & multi alij Platoniorum. nam Plato suam eã philosophiam ab Aegyptijs, cæterisq; barbaris, Plutarcho iudice, hauserat. Amussis autem qua interstinguuntur spiritus, ita proponitur à Petro apud Clementem lib. 3. Recog. Ille quia à malo est, signa quæ facit, nulli prosunt: illa uerò quæ facit bonus, hominibus prosunt. Nam dic quæso, quæ utilitas est, ostendere statuas ambulantes: latrare æreos aut lapideos canes, salire mōtes, uolare per aerem, & alia his similia, quæ dicitis fecisse Simonem? Sed quæ à bono sunt, ad hominum salutem deferuntur: ut sunt illa quæ fecit Dominus noster, qui fecit cæcos uidere, fecit surdos audire, debiles claudos erexit, languores & dæmones fugauit, mortuos fecit resurgere, & alia his similia, quæ etiam per me fieri uidetis. Ista ergo signa quæ ad salutem hominum prosunt, & aliquid boni hominibus conferunt, malignus facere nequit.

Agendi limites diabolo constituntur.

Et quanquam Deus suo consilio & nostro merito, ut dæmon sua ludibria & tyrannidē in cuiuscunq; ordinis homines exerceat, quandoq; permittit: non tamen indulget ei, cōniuetq; ad omnia: nec infinitam, nullis uē astrictam limitibus licentiam concedit: alioqui uno momēto à diabolo eneecti interiremus omnes. sed metas

sed metas constituit, quò usque illius actiones tolerare uelit (interea tamen nos clementissimè alarum suarum umbraculo complexos custodit, fouet & patrocinatur) quibus tam angustè satanam coercuit, ut citra eius assensum ne in bestias quidem aliquid possit, multo minus in homines. Exemplum habes Matth. 8. ubi porcos ingredi nequiuit, nisi singulari CHRISTI permissione. Nec unquam illi Deus in homines uel tantillum concedit, nisi ut uel probentur, si boni sunt: uel castigentur puniaturq; si peccatores, præfixis terminis, ultra quos ferri non finitur. Vt infideles (ait Clemens) à fidelibus, & pii discernantur ab impijs, permissum est maligno uti his artibus, quibus singulorum erga uerum parentem probentur affectus. Sic Deuteron. ca. 13. legitur: Si surrexerit in medio tui propheta, aut qui somnium se uidisse dicat, & prædixerit signum aut portentum, & euenerit quod loquutus est, & dixerit tibi: Eamus, sequamurq; deos alienos quos ignoras, et seruiemus eis: nò audias uerba prophetæ illius, aut somniatoris: quia tentat uos Dominus Deus, ut palàm fiat an diligatis eum, an non. Pulchra Gregorij est sententia: Diabolo ex se uoluntas semper mala est: sed potentia eius quam à Deo habet, nunquam. Voluntatem etenim iniquam non permittit illi Deus, sed ut rectè agat, quèadmodum ipse uult. Propterea non est iniuste timendus, qui nihil quàm quod Deus uult & permittit, potest. Terminum uerò hunc statutum esse, author Clemens existit,

Citra Dei assensum, ne tantillum quidem potest satan. Quare diabolo aliquid in homines permittitur. August. in Euang. Ioan. tract. 7. item serm. 241. de tempo. lib. 2. Recog.

Li. 2. Moral.

Li. 8. Recog.

98 De præstigijs dæmonum

ut nisi quis prius fecerit dæmonum uoluntatem, dæmones in eo non habeant potestatem.

- Exodi 7.8.** Permittit Deus, ut præstigijs miracula quædam Mosis, adminiculo diaboli imitentur magi Aegyptij, uirgasq; in dracones uideantur uertere, flumina sanguine tingere, ranas ex fluminibus euocare: at cyniphes ex terræ puluere productos, uel muscas domus Aegyptiorum solas infestantes, uel fœda hominum et pecorum ulcera, aut reliqua Mosis opera imitatione mentiri, minimè conceditur, ut à solo Deo ea proficisci cogherentur fateri. Annuebatur satanæ, ut regem Babyloniorum Nabucadnezar in furorem actum, & ab hominum usu in solitudinē propulsum, fôrma miserè defœdata, durissimè affligeret & exagitaret totum septennium: ne autē animæ uim faceret, prohibebatur. Interea nec penitus illum reiicit, nec pœnis obrutū deserit: sed exacto septēnio liberatum à furijs regno restituit. Itidem illi Deus assensit, ut in fortunas & corpus Iobi sæuaret: ne tamen animam illius lederet, mandato cauit. Concedit ut septem uiros Saræ uirginis uita priuet dæmon, propter effrenem in illam affectum, cuius illi erant indigni matrimonio: at
- Tobiæ 3.** in castum iuuenē Tobiam, nihil illi licuit. Petrum expetiuit satanas, ut cribaret sicut triticum: nec illi permissum est. Nec ullo modo admittendum puto, uel leuissimum quiddam illum posse, cui ex sacrosanctis literis exemplum uel ἀναλογία non attestentur: quum
- Luc. 22.** huc Veteris & Noui testamenti monumenta, prophetarum

Libèr primus. 99

phetarum concio, Christi aduentus spectent, ut diabolus, eius artes, conatus & potentia innotescant, illius neruus infringatur, opera dissoluantur, regnumq; pessum eat.

Ceterum quemadmodum mirificas satanæ uires, actionesq; præstigiosas confessi sumus: Ita quoq; machinetur, fabricetur, architectetur, moliatur, formet, reformet, fingat, mutet quadrata rotundis, artē quancunq; iactet, oculos præstringat: plurima tamen illi *impossibilia* atque impossibilia proponam, constanter negans, illum aut illius angelos uel minimum corpus *possibilia* posse creare, siue res ex nihilo condere, aut uerè pro suo nutu transmutare, uelut à Deo factum est. Nam coniugis Loth corpus in salis petram reuera immutabatur: in dracones, Mosis uirgarum essentia conuertebatur: & aquam in uinum à Christo uerè mutatam legimus. At satanæ seruos maleficos nec uirgas in dracones uerè transformare, nec ranas procreare, nec cyniphes ex terra efficere, euidenter sequenti ostendetur libro. Nequit etiam diabolus cum suis membris, extinctos ad uitam reuocare: aut eorum animas in manu Dei existentes, & in Domino obdormientes, è sua quiete turbare, uel institutum diuinitus naturæ cursum impedire (quē admodum Iosue Amorrhæos expugnante, ac Domino nostro IESV patiente, reuera factum legimus), destruere aut mutare. Nec quoq; penitus destructa redintegrare potest, non cælo deducere lunam, nec

Diabolo im-
possibilia.

Genes. 19.
Exod. 7.
Ioann. 2.

Sapient. 3.
1. Thessal. 4.

Iosue 10.
Esaia 28.
Eccl. 46.
Dionys. ad
Polycar.

August. de
Diffinit. ec-
clesiastic. do-
gmatum.

8. parte. 26. q.
5. episcopi.

Ioann. 1.

quæ adhuc in herba sunt, aut satas aliò traducere mes-
ses: non honestos bonosq; homines diligere, non im-
probos odisse: non introspicere ac integrè pernosce-
re sensus & cogitata hominum, contra Platonem in
Epinomide: non duras, asperas & acutas materies,
per solidas corporis partes illæse, aut per strictiores
meatus magnitudini materierum certa proportionem
aut dimensione secundum naturæ legem neutiquam
respondentes, in ipsa corpora immittere: nō ad ullum
malum (in quod nocte diuq; ipse totus malus, mali-
gnaq; uoluntate quoscunque pessimos mortales uin-
cens, sponte propendet, nec uitata natura aliter po-
test) ullius hominis imperio uel arte, uel ex fœdere
compelli: non se in hominum corpora pro sua uolun-
tate, aut ad alicuius maliciosa & maleficientia anus ar-
bitrium imprecationem uel insinuare, nec eiusdem edi-
cto è corporibus egredi: non deniq; præuidere prius,
quomodo fata mundi, imperiorum aut priuatarum
rerum dispensaturus sit Deus, quàm illa uoce diuina
promulgantur, declaranturq;. In Decretis est: Quis-
quis credit posse fieri aliquam creaturam, aut in me-
lius deterius uel immutari, aut in aliam speciem uel si-
militudinem transformari, quàm ab ipso omniū Crea-
tore, pagano & infideli deterior est. Omnibus itaq;
publicè annunciandum est, quòd qui talia credit, &
his similia, fidem perdidit. &, qui rectam fidem non
habet, hic non est eius: sed illius in quem credit, id est
diaboli. Nam de Domino nostro scriptum est: Omnia
per ipsum

per ipsum facta sunt. Scribit Psellus Platonius & Christianus, demonia sæpe hominibus diuitias polliceri, item et gloriam, uictoriam, amorem, cum tamen tradere ex se non possint: quippe quòd nullum imperium habeant, sed uisu tandem quædam inania suis cultoribus afferunt, uaria prorsus & instabilia, quæ tamen impij diuina esse spectacula putant. Hinc multa, quæ tãquam uerè gesta, hætenus diabolo & illius mancipijs attributa sunt, ut fraudulenta aut præstigijs, uel non eo quo apparuere modo, reuera existentia, collabascere oportet: quemadmodum luculentis porro demonstrationibus, fusius in sequentibus docetur libris.

DE MAGIS INFAMIBUS, Lamijs & ueneficis, eorumq; potentia: Lib. II.

Q Vanquam mota interdum quæstione, uel disputatione instituta de Lamiarum actionibus, sacræ mox obijciantur Scripturæ testimonia, in quibus magi uel malefici, siue incantatoris aut uenefici, uel etiam præstigatoris, ut alij interpretantur, nomen legitur: eoq; denotari nuncupatas uulgo Lamijs uel sagas, mox indistinctius asseratur: comperio tamen, prodigiosos hos homines cum suis artibus, præstigijs, illicitisq; diuinationibus, uariè à Rabinis & Hebræis interpretibus exponi, diuersis etiam nominibus

102 De præstigijs dæmonum

minibus reddi à nostris Latinis: nec Hebraismo exactè, uel Latinae translationi consonare Græcam. Manifestum id erit, si cōtextum Hebraicū cum quacunq; uersione non oscitanter contuleris, Rabinorumq; et interpretū iudicia attētius obseruaueris omnibus his locis, ubicunq; ulla horū portentorū fit mentio: uelut Exodi ca. 7. 9. 22. Leuit. 19. 20. Deuter. 18. Hierc. 27. Daniel. 2. 4. Reg. 21. 2. Paralip. 33. Ob eiusmodi diuersitatē interpretū, et dissidia, prædictis in locis uirum undequaq; doctissimū, et linguarū peritissimum D. ANDREAM MASIVM consului, qui uoces Hebraicas, rem magicam spectantes, atq; hic usurpatas numero septē, his explicuit uerbis. Primam, uide-

Chasaph.

Mechasse-
pha.

licet **כשפ** Chasaph, uideo cōstanter in uulgaribus Latinis Biblijs ita redditā, quasi id maleficiū significet, quo à dæmone demētati homines, per malas artes pē-
cudibus, segetibus, imò etiā ipsis hominibus nocent, aut saltem nocere se existimant: à quibus facinoribus malefici uocantur, quos lex Mosi è uita sublato uoluit Exodi 22. hoc decreto, **כשפה לא תהיה**: hoc est, Maleficam non patieris uiuere. Nomen enim **כשפה** Mechassēpha, quo lex hic utitur, à **כשפ** Chasaph deflectitur: positumq; est in fœminino genere, ut aiunt interpretes: non quòd uiros impunes lex esse uelit, sed quia ille sexus ob genuinā simplicitatem dæmonis insidijs frequentius patet. Quare Græca tralatio, quam Septuaginta senioribus ascribimus, decretum illud liberius reddidit, **καταμαρτυροῦν τὸν πονηρὸν**

ἐν τῷ οὐρανῷ

Εἰσέτε: hoc est, Veneficos (ut masculino genere foeminum comprehendam) non retinebitis in uita.

Animaduerto autem prædictū uocabulum חַשַׁפַּח Chasaph, & quæ ab ipso deducuntur, uix usquam in prædicta tralatione Græca aliter exponi, quàm ut ueneficiū significant: hoc est, hisce Græcis uocabulis, φαρμακός, φαρμακὸς, φαρμακία, & quæ huius sunt in-

flexionis. Nam & uulgo etiā creduntur illi quos uocamus maleficos, nefarias suas artes non sine medicatis quibusdam rebus exercere atq; efficere: ut taceam authores tum Græcos tum Latinos. Aben extra au-

tem apud Hebræos magni nominis scriptor, dicit uocem חַשַׁפַּח Chasaph propriè ad præstigias spectare: hoc est eas delusiones, quibus res aliter atq; se habet, nostris oculis exhibentur. Quod ut ipsi concedamus,

tametsi mihi sanè nō uideatur facile ex sacra Scriptura id euinci posse: tamē Danielis secūdo cap. ubi legimus, Nabugodonozere inter alios somnij sui interpretes adhibuisse etiā מַחַשֶׁפִּים Mechassephim: si præsti-

giatores uertas, nō uideo quid illi ad explicandū somniū adferre sua arte potuissent, quæ tota fallax & delusoria est. Quare eius loci interpretes, Leui Gersonis filius, summus in illa gēte philosophus, ait Machasse-

phim esse eos qui artē profitetur, astrorū genios cœlo deducēdi, atq; in characteres quosdā certis horis siderūq; cursibus fabrefactos cōcinnatosq; pelliciendi, & illectos in eorū hominū quos uelint, aut cōmodiā

aut incōmodū incitādi, uel ad quæuis etiā alia officia

φαρμακός?

φαρμακὸς,

adigendi, ueluti ad præfagia significationesq; rerum
abditarum. Ego uerò, si meum iudicium etiam re-
quiris, putarim illud uocabulum latè patère, atq; ad
quamuis magicam artem spectare: & in hac senten-
tia uideo etiam esse uulgus Hebræorum. Secunda

Kasam. uox erat קסם *Kasam.* ea uidetur, etiã Hebræis au-
thoribus, peculiariter ad futurarum rerum præfagia
pertinere. Quare & in Græcis Biblijs ubique, quod

μαντοῦ-
σαι. sciam, significatione uerbi μαντοῦσαι, quod ratio-
cinari significat, redditur. ueluti Deuter. 18. Hierem.

27. & alibi. In Latinis uerò Biblijs (loquor autem
semper de uulgari tralatione) interdum uertitur
hariolandi, interdum diuinandi uerbo: ut in ijs locis

Onen. quos iam citauimus. Tertia ונן *Onen,* in Latinis Bi-
blijs aliquando obseruare somnia, ut Deuter. 18. & 2.
Paralip. 33. aliquando augurari, ut Hierem. 27. inter-

διωνί-
σαι. dum etiam diuinare, ut Micheæ 5. uertitur. In Græcis
uerò, nonnunquam διωνίσαι, id est augurari, ut

ἀποφθέ-
γεισαι. Hierem. 27. plerunq; etiam ἀποφθέγεισαι, oracula
edere, Micheæ 5. Veteres Hebræorum dicunt id uer-
bum ad eos propriè pertinere, qui temporum mo-
menta superstitiosè obseruant, atq; alia fausta rebus

Nahas. gerendis, alia infæusta præscribunt. Quarta נחש *Na-
has,* Deuter. 18. & 2. Paralip. 33. Latine uertitur, ob-
seruare auguria: Græcè uerò, ut ea quæ proximè
præcessit, διωνίσαι, uox est in Biblijs frequens. He-
bræi dicunt, ad eas cōiecturas accommodari propriè,
quibus rerum præsentium futurarumq; statum nimis

curiosa

curiosa & sanè delira religione coniscimus ex fortuito quopiã euentu: uelut ex dextro aut sinistro auium uolatu, aut animalis cuiuspiam occurſu, uel membri nutu, tinnituue aut lapſu, ſternuatione item, ſingultu, cantu, cribri motu: et quæ ſunt aliæ huius generis mille ſuperſtitiones apud mulierculas in uaniſſimo uſu.

Quinta **חבר** Habar, latine incantare, Græcè **ἐπείδω** Habar. traducitur. Utuntur Hebræi ea, quando arcana quedam uerba à Magis muſſantur, quibus efficacia ineſſe mira putatur. Quale illud eſt Vergilij noſtri: Frigidus in pratis cantando rumpitur anguis.

Et ego uidi qui uerbis ſiſterent ſeras, reliq; iactum expectare cogerent: & qui ſœdum illud & domesticum animal quod Rattum dicimus, ſimulatq; conſpexiſſent, quouis loco quaſi attonitum aut ſtupidũ ſubſiſtere, nec ſe loco mouere compellerent (ſiue id uiſu ſolo, ſiue incantatione effecerint) donec non ex inſidijs, ſed protenſa manu apprehenſum ſtrangularent. Quin & Dauid eiufcemodi miracula fieri per incantationes, ſatis uidetur de aſpide ſurda ſignificare, cuius mentionem facit Pſal. 57. aut iuxta Hebraicos codices, 58. Quo loco utitur uerbo iſto **חבר** Habar: & ſimul etiam uerbo **לחש** Lahas, quod idem ſignificat. Sexta uox **אב** Ob, plerunq; redditur in Latina translatione Python, aut Pythonicus ſpiritus, ut Deuter. 18. Eſaiæ 19. 1. Reg. 28. & 4. Reg. 23. ac alibi crebrò. interdum etiam, ſed ut mihi uidetur, minus propriè, magus: ut 2. Paralip. 33. In Græca autem ſerè

106 De præstigijs dæmonum

semper ἐγγαστέρια: nisi quod 4. Reg. 21. & 23. interpretetur δελιτῆς, & nescio an usquam alibi. Significat uerò uox אִיר Ob, Hebræis utrè aut lagenâ: unde & eos dæmonas qui obscuris uocibus, ex semotioribus corporis humani partibus (ueluti ex axillis, aut foeminarū pudendis) responsabant, quasi ex utre aut lagūcula, אִיר Ob, aut plurali numero Oboth, ea gens uocauit. Græci uerò apposita uoce appellarūt ἐγγαστέριας, aut ἐγγαστέρας, eo quòd ex uentribus hominum profarentur. Quam uocem Græcam imitati Latinorum quidam, non ineptè uentriloquos dixere. Accommodantur autè illa uocabula propriè ad ipsos malos spiritus: interdū tamen etiam ad ipsos homines qui illos patiuntur. Eius generis dæmonium nobilitauit olim apud Athenienses quendam Euryclum magum, ut author est Aristophanes in Vespis: ubi ait, se supposititijs suis comœdijs multū commodi attulisse Reipubl. Atheniēsīū, quas, Eurycles imitatus oraculū & morem, in aliorū poetarū uentres ingressus, clam recitandas curarit. Ab illo Eurycle (ut doctissima cōmentaria Græca ostendūt) uates eius generis postea dicti sunt ἐγγαστέριας, & ἐγγαστέριας, uel etiā ἐγγαστέρας. Memini etiā me legere, Delphicum illud celebre oraculum è pudēdis foeminæ reddi solere. Puellā quoq; cuius in Actis Apostol. cap. 16. fit mentio, uentriloquā fuisse, author est diuus Augustinus in eo libro quē de Doctrina Christiana cōposuit. Quin & Tertullianus, author grauiissimus, affirmat, se uen-

ἐγγαστέριας.

ἐγγαστέριας.

se uentriloquas uidisse foeminas, è quarum pudendis uocula quædam, dum sedebant, excitabatur, ressonabatq; sciscitantibus. Denique Cælius Ludouicus, patrum nostrorum memoria foeminam se uentriloquam crebrò uidisse Rhodigij, Italiae urbe, scribit: ex cuius pudendis uocem immundi spiritus prætenuem quidem, sed tamen prorsus intelligibilem, sæpe audierit, de rebus præteritis aut præsentibus mirificam, at de futuris plerunque incertam, sæpe etiam uanam & mendacem. Sed de hoc satis. Postrema uox Hebræa erat ידוני *Idoni*, quam ab Hebræo uerbo ידא *iada*, quod scire atque cognoscere significat, deductam puto: quanquam non ignorem quas nugas Hebræi adferant de animali quodam terrigeno, humana forma, cui nomen Iadua fingunt, & cuius offe uaticinentur ij qui Iidoniū uocentur. Est enim illa gens nimis quam stulta, in eiusmodi animalibus delirijs & fingendis & credendis. Vocabulū Iidoni uertitur Latine aliquoties Diuinus, ut Deuter. 18. Leuit. 20. & fortasse alibi: nonnunquam etiam hariolus, ut Leuit. 19. item 4. Reg. 23. Esaie 19. Græcè uerò interdum ἐπαοιδός, ut 2. Paralip. 33. Leuit. 19. & 20: interdum autem γυνῆς, quod illi (quam dixi) etymologiæ appositissimum est, ut 1. Reg. 28. 4. Reg. 21. & 23. Est etiam ubi uertitur, ὁ ἀπὸ τῆς γῆς φωνῶν qui è terra clamat: ut Esaie 8. & 19. Quod an ad oraculum è terra redditum spectet, an uerò ad manes sepulchris exciendos, quale 1. Reg. 28. narratur factum

108 De præstigijs dæmonum

factum, non satis scio. Equidem putarim, uocabulum hoc Iidoni, omne dæmonum uaticinantium atque responsa dantium genus complecti: illosq; ab rerum omnium cognitione, quam profitentur, sic esse appellatos. eam uerò quæ hanc proximè antecedit, dico **Ω** Ob, horum certam speciem, ex uentribus scilicet aut axillis, aut alijs secretioribus humani corporis partibus obscura uoce profantium significare. Cuius rei uel id argumentum esse potest, quòd in uniuersis Biblijs hæc duæ posteriores uoces, uix altera sine altera scriptæ usquam habeantur: certè ultima hæc Iidoni, nusquā omnino nisi mox post illam penultimam. Atque ita fiet, ut illarum septem uocum quas commemorauimus, priores quinque ad hominum superstitiones uanitates, aut ueneficia etiam, quibus uel res abditas cognoscere, uel miracula efficere se posse putant, uideantur spectare: duæ uerò postremæ, ad ipsa maiorum dæmonum, aut dæmoniacorum hominum (ut sic dicam) oracula. Hucusque Masius. Nostris adhæc Germanis uno eodemq; nomine Zauberer nuncupatur magus illusor, saga uel Lamia delusa, & uenenum usurpans ueneficus. Hinc euenit, ut quando sagarum fit mentio, uel ueneficorum, mox Pharaonis præstigiatores, longè à sagarum & ueneficorum actionibus alienos, opponant, æquiuoco Germanico falsi. In ea opinionum uarietate, ne tenebras offundat nominum confusio, ad hoc nostrum institutum uarijs de causis libuit, Magum infamem à Lamia & uenefica

Magus illusor, et Lamia delusa, & ueneficus, eodè nomine à Germanis explicantur.

nefica sciungere: ut clarius, exulceratissimo hoc nostro seculo, & adhuc (in hoc negotio) tam indocto, res innotescant (cui usui uoces seruire oportet). & hi internoscantur de quibus mihi sermo est: atq; palam uideatur, ubi ab aliorum male inolita opinione, rationis & sacrosanctæ Scripturæ basi innixus firmissimè, non temerè dissentiam. licet his hominibus, ac eorum artibus, quædam esse cõmunia nō diffitear.

Magi itaque infamis nomen generalius erit, nec tam angustis constrictum cancellis: Lamiarum uerò & ueneficarum appellatio, strictioribus circumscribetur limitibus. Magum enim nuncupo, qui à dæmone uel ab alijs, aut è libris uoluntariè edoctus, præscripta aut barbarorum, ignotorum aut cognitorum uerborū formula recitata, submurmurata, applicata uel, uel characteribus quibuscūq; aut exorcismis, dirisq; execrationibus aut ceremonijs, solēnibus ritibus, aut rebus plerisque adiunctis, pro suo arbitrio, dæmoniū in præstigiosum, fallax, uel alioqui ludicrum ministerium, illicitè euocare conatur, ut asciticia sese uel conspicua ostendat imagine, ad quæsitāq; uel uoce uel susurro respondeat, uel picturis, uel notis, uel quocunq; alio modo: uel qui aliud opus, simili ratione præternaturæ legem, perficere nititur. Sub hoc etiam nomine illos omnes comprehendo, qui ab Hebræis, Græcis & Latinis hic uarijs dicti nominibus, superstitione modoq; uetito futura prædicunt. Ferè etiam ad hunc numerum, quanquam improprie, ob συνπά-

Magus infamis.

Magiā Aegyptiorū inauspicatam Calasiris apud Heliodorū de Histor. Aethiopica ex Aegypto προφήτης, id est magiæ antistes, duplicem facit.

110 De præstigijs dæmonum

Θεοὶ tamē, illorū quodā merito, eos asscripsero, qui uaticinijs his superstitionē, impietatē & dæmonē aucthorē redolentibus fisci, eorum architectos consulunt:

Hunc magum γόητα uel ἐπωδῶν (licet hæc uox minus generale magorum sit nomen) Græcis dictum, supra naturæ ordinem sæpe etiam aliquid moliri apparet, in turbando multifariam aere, in quacunq; specie ostentanda, in mortuorū spectris educendis, in rerum abstrusarum aut alioqui longissimè dissitarum commonstratione, uel etiam de ijs diuinatione: breuiter, miracula extra rerum naturā hic facere creditur. Magorum artē omnem ac potentiam aspirationibus dæmonum constare, perhibet Lactantius: à quibus inuocati, uisus hominū præstigijs obcæcantibus fallunt, ut nō uideant ea quæ sunt, & uidere se putent ea quæ non sunt. Sic Clemētis & fratrum oculos effascinarat Simō magus, ut patris Faustini uultui facies uideretur impressa Simonis: Petrum uerò deludere poterat minimè. Hoc uerè incantare, fascinare, effascinare dicitur: γοητεύειν Græcis, ἐπαίδειν, uel etiam βασανίζειν (quanquam duæ hæc uoces minus generales existāt.) qua dictione Paulus usus est: O insensati Galatæ, τίς ὑμᾶς ἐβάσαννε; quis uos incantauit, & oculis ueluti præstigio imposuit, ut non crederetis ueritati? De oculis delusis Paulum intellexisse, testantur sequentia. Est autem planè præstigiij genus, ut id quod sit, non uideas: tum quod non est, te uidere putes: ita uisus intuentiū præstringitur. Fascinū id, fascinae

Li. 2. ca. 15. de
Orig. err.

Clem. li. 10.
Re cog.

Incantare.

Fascinare.

γοητεύειν.

ἐπαίδειν.

βασανίζειν.

Gal. 3.

Præstigium.

Fascinum.

Liber secundus.

III

fascinationē, incantationē, maleficiū uel carmē appelles licet: Magiā uoce Persica, magicen, magiā infamē, magicā artē, immūdorū spiritu ū cōmercijs inauspica tū: Græcè ἐπωδήν & ἐπαοιδήν, quasi dicas excāta tricē: uel celebriori uoce γοητεία, incantationibus & carminibus nefariæ curiositatis arte cōpositis concinnatā: quā honestiore uocabulo etiā θεσπρία uocare audent, licet quodā discerniculo: quasi illius cultores, ut artibus illicitis deditos, putēt dānandos: huius uerò patronos laudabiles. quāuis utriq; sint ritib. dæmonū fallacibus obstricti, sub angelorū nominibus. Quandoquidē & Porphyrius quandā quasi purgationē animæ per theurgiā, cūctanter tamen & pudibunda quodāmodo disputatione promittit: reditū autem ad Deū hac arte præstari cuiquā, inficiatur omnino. Quibusdā uerò cōsecrationibus theurgicis, quas τελετὰς nuncupant, idoneā fieri atq; aptā susceptionem spirituum & angelorū ad uidendos deos (uel certius, meo quidē iudicio, dæmones colludētes) arbitratur. Hāc & Augustinus reijcit. At μαγία esse boni, ad bonum aliquod, demonis aduocationem, Græci quidam fuco illito uolunt: cuiusmodi fuerunt Tyanci Apollonij uaticinia. γοητεία autē mortuos excitare: unde etiam ἀπὸ τῶν γόων, id est à luctibus sit nuncupata, qui ad sepulchra edi noctu assueuissent. atque noxios dæmones in subsidium permouere & excire credebantur: & ob id illa aspergine lustralis aquæ & tedarum igne expiabantur, ne dæmones ea uel obfi-

Magia infamis.

ἐπωδή.

γοητεία.

θεσπρία.

τελετὰς.

μαγία quorundā Græcorum.

Athenens ex Clidamo, lib. 9.

4. Reg. 21. uel obsiderent, uel lederent. Hanc artem omniū pla-
 2. Paralip. 33. cita legum exterminant, execranturq;. Hinc inter sa-
 crilega Manaſſis regis flagitia, quibus Deum irrita-
 uit, connumeratur, quod fuerit maleficus, magiam
 exercuerit, & Pythonem consuluerit.

Huius artis originem ab angelis præuaricatori-
 bus deducit apud Clementem Petrus: referens eos do-
 cuiſſe homines, quod dæmones artibus quibusdam
 obedire mortalibus, hoc eſt magicis inuocationibus
 cogi poſſent: ac uelut ex fornace quadam & officina
 maliciæ, totum mundum, ſubtracto pietatis lumine,
 impietatis fumo repleuerint. Ita introductum dilu-

Non multò ſe uium. Cham uerò ſuperſtitis Noe filius, cuidam ex fi-
 lijs ſuis qui Meſſraim appellabatur (à quo Aegyptio-
 rum & Babyloniorum & Perſarum ducitur genus)
 male compertam magicæ artis tradidit diſciplinam.
 Hunc gentes quæ tunc erant, Zoroaſtrem appellaue-
 runt: admirati primum magicæ artis authorem, cu-
 ius nomine etiam libri ſuper hac plurimi habentur.
 Hic à dæmone, quæ importunius fatigabat, igne ſuc-
 cenſus concrematur. Huius cineres, tanquam fulmi-
 nei ietus reliquias, colligentes hi qui erant primò de-
 cepti, deferunt ad Perſas, ut ab eis tanquam diuinus è
 cœlo lapſus ignis, perpetuis conſeruaretur excubijs,
 atque ut cœleſtis Deus coleretur. Plura ibidem: &
 quomodo huic templa ſint conſtructa, imagines ere-
 ctæ, myſteria, ceremoniæ ac ſacrificia inſtituta, ut eo
 licentius peccarint homines, idola nec uidere, nec au-
 dire, nec

Magiæ origo.
Li. 4. Recog.
Lactant. Eu-
feb.

Non multò ſe
cus Beroſus
ſcribit.

dire, nec in aliquo moueri sciētes. Sic Plinius quoq; in Perside à Zoroastre (qui Persa Oromasi filius erat) ortam magicam commemorat : fusius eius originem, quādo & à quibus cœperit & celebrata fuerit, enarrans. Iustinus in sua Epitome, hunc Zoroastrem qui magicam reperit artem, Bactrianorum regem fuisse scribit, qui (teste Eusebio de Tēporibus, & in decimo de præparatione Euangel.) plus 800 serē annis ante tempora Troiana fuit: quo etiam tempore Abraham & Ninus uixerūt, cum ageretur annus ab orbe condito ter millesimus ac centesimus octogesimaquintus. Zabulum & Zamolxidem in illicitas artes pronos, hanc primos excogitasse, uel potius propagasse, ut à patre diabolo haud dubie natam, ferunt alij. Ex Perside in Græciam illatā prodiderunt Græci, à quodam Osthane, qui Xerxem Persarum regem bellum Græciæ inferentem comitatus, semina artis portento se obiter disperserat, infecto quocunq; comueuerat mundo. Hunc ad rabiem, non auiditatē modò scientiæ eius, Græcorum populos egisse, certò asserit Plinius. Horū uestigia sequuti sunt Almadal & Alchindus ex Arabū turba, Abbaris itē apud Hyperboreos, Charondas, Dæmogorgon (alijs Damigeron) Eadonius, Hermippus : extiterunt & alij clariore antistites, ut Trismegistus Mercurius, Apollonius Tyaneus, Dardanus, Gog Græcus, Germa Babylonicus, Porphyrius à posteriore gētilitate maximè cultus, & inter Platonicos ob excellentiam philosophus cognominatus;

Magi.

Cōtra Almadalem & Alchindum de effectu prodigiorum Io. Pr. Picus lib. 7. ca. 5. & 6. ex professo. Aduersus Apollonij Tiamagicæ, idē lib. 7. ca. 10. contra Porphyrium & illius lib. de respōsis, idē lib. 7. ca. 4.

b

minatus;

114 De præstigijs dæmonum

Io. Pic. lib. 2.
c. 5. de Præn.
diui.

minatus, sed hostis ille Christi asophos uel miso-
phos potius appellandus, cuius præceptor Plotinus
Italicae scholæ Platonicae patronus, ut Iamblichus
Aegyptiaca, & Proclus Asiatica: hic habitus omnium
Platonis mysteriorum consultissimus, cuius librum de
Sacrificio & magia non minus grauitè quàm acerbè
perstringit Ioannes Franciscus Picus lib. 7. cap. 5. de
Prænotione superstitiosa. Hi simul operam dedere, ut
cum studio & labore insanirent, philosophi alioqui
sua laude digni. Amphionem quoq; & Orpheum magi
cis artibus ualuisse, tradit Pausanias. His adde Apu-
leium, & Artephium: qui in Compedio studij Theo-
logiae affirmat se peragrasse omnes Orientis regiones
exquirendae sapietiae gratia, & ad Tantalum perue-
nisse in aureo throno sedentem, deq; coelestibus, de na-
tura, de moribus docentem, qui nihilominus ab Arte-
phio sit doctus. Illustrata hæc magia est, & ferè abso-
luta, à Democrito Abderite, qui Dardani Aegyptio-
rum magi peritissimi libros de Magia conscriptos, in
eius monumento abditos eruit, atq; iustis commenta-
riorum uoluminibus ex disciplina Apollonica Capti-
denis & Dardani Phœnicum explicauit. Eodẽ Dar-
dani exemplo duodecim libros à se de hoc præstigia-
rum genere concinnatos, in sepulchro secum recondi
uoluit Numa Pompilius, rex & pontifex Romanus.
Extant & de hoc artificio Hermetis libri.

Ad hanc præterea artem discendam Pythagoras,
Lib. 30. ca. 7. Empedocles, Democritus & Plato (Plinio authore)
nauiga-

Liber secundus.

115

nauigarunt, exilijs potius quàm peregrinationibus
 susceptis. Hanc reuersi prædicarunt, hanc in arcanis
 habuerunt. Quin & Pythagorā, Platonemq; ob eam
 capeffendam Memphiticos uates accessisse, & penè
 totam Syriam, Aegyptum, Iudæam, & Chaldaeorum
 scholas perlustrasse, compertum est. Enimuero hanc
 apud Chaldaeos, religionē in sapientiam philosophi-
 cam cōmutantes, Assyrios, Persas, Aethiopes, Arabes
 & Indos plus ab initio cultā fuisse atq; celebratam,
 quàm apud ullas alias gentes, constat. Aegyptios ad-
 hæc natura superstitiosos, in aniles fabulas & histrio-
 nica cōmentata religionem uertentes, in primis ea cla-
 ruisse, quòd potissimum apud eos dæmonum uigue-
 rit cultus: quibus nihil studio maiori fuit unquam, ni-
 hil prius, quàm ut quibuscunq; possent modis, à uera
 Dei & naturæ contēplatione abreptos transuersosq;
 homines suis illaquearēt uasframētis. Ita Græci aman-
 tes & perquàm studiosi nouarum & ingeniosarum
 inuentionum, in Pyrronias disputationes religionem
 transfuderunt: quemadmodum Romani dominatio-
 nis naturā cupidi, eam ad suos similiter inflexerunt,
 attemperaruntq; affectus, & imperio conformarunt
 politico: qua ratione utrique dæmonum artibus ma-
 num quoque pronius dedere.

*Aegyptij
 natura su-
 perstitiosa,*

At quanquam naturalē magiā plerosq; eos coluis-
 se authores obijciatur, plurimū tamen eosdem super-
 stitionis impie infamisq; magiæ admiscuisse cōperi-
 tur: ut naturalis illa goetia & theurgia illecebris cō-

h 2 fusa;

116 De præstigijs dæmonum

*Naturalis
magia quid,
& eius com-
mendatio.*

fusa, malorumq; dæmonum imposturis irretita, non satis secernatur: aliàs penitissima illa rerum naturalium abstrusarum speculatio & cognitio, uera nimirum philosophia, sanctiorq; magia, à sapientibus solenni plausu excipienda colendaq; à me hic non eleuatur, cui etiam nulla ex parte quicquam derogatum uolo. Nam quos Græci sophos aut philosophos, Chaldei etiam magos uocant, ut in Daniele testatur D. Hieronymus: hos cōmēdat ueritatis historia, Matt. 2. Superiorum uerò infamia uel hinc magis elucescet, quod in Diuinationib. Cicero scribit, in Persis augurari magos, & diuinare, congregariq; in phano commentandi causa, atq; inter se colloquēdi. Et quod grauius multo est, in libro de Sacrificio & magia Proclus, dum hanc naturalium sympathiam cognationeq; & si uoles, compassionem latissimè demonstrat, etiam numinum aduocatione uti solitos magos, per huiusmodi rerum consensum, tradit. Eos quoq; multæ idololatriæ occasionem dedisse, fabricatos temerè superstitionum & falsæ credulitatis plurima genera, testatur Laertius. Ex quo artis liquet ignominia, quòd numinis appellatione prætenta, ad dæmonum inclinans uersutias, impeditissimis & ipsa erroribus obretita, minus prouidos in interitum præcipites rapiat. Sed utinam posterioribus Magis ea māsisset religio, quæ Magorum Persarum erat, & Aegyptiorum sacerdotum, & Druidum Gallorum: qui nefas esse arbitrabantur, ea magiæ sacra literarum monumentis committere,

mittere, ne uulgo innotescerent. Ita tandem fuisset sperandum, illud prodigiosum diaboli artificium, atque generi humano exitiosum, prorsus interiturum: quemadmodum & iam Theologis & Medicis quocunque moliminis genere conandum, ut artium hæc perniciosissima, fraudibus plena, è religionis nostræ sacris quàm longissimè exulet, & è diuinæ Medicinæ castris omnino procul exterminetur, quum utranq; suis fucatis exorcismis, barbaricarum uocum preculis, obscurorum nominum recitatione, sacrosancti eloquij abusu, ligaturis, periaptis, carminibusq; ad salutis et uite hominum perniciem conspurcarit: sicuti apud Iudeos secretiorem diuinæ legis interpretationem Cabala nuncupatam, identidem ab ea defœdatam uitiatamq; legimus: ut Cabalistica eiusmodi Magia, Christum incomparabilia effecisse miracula, astruere non exhorrescant perfidi Iudæi.

Et hodie adhuc titulis, quos præ foribus splendidos suspendunt hi magi, ementitis circumferuntur libri sub nominibus Adæ, Abelis, Enoch, (quem diuinorem ante ceteros omnes fuisse asseruit uetustas) item Abrahamæ, Aaronis, Danielis ob somniorum explicationem, Solomonis (insigni coniectura ita ex Iosepho augurantur sacrilegi, indoctis auribus irreperentes) adhæc Zachariæ Babylonij, Pauli, Honorij, Cypriani, Thomæ, Hieronymi & Eboracensis cuiusdam: ut ob speciosa hæc nominum lenocinia magis arrideant, illiciantq;, & citius fidem sortiantur.

Libri magici.

Enoch.

Li. 8. Antiq. Iud. ca. 2. uide sequenti lib. 4. eam de Solomone opinionem scitè dilutâ

113 De præstigijs dæmonum

Verum acrius intuenti, apertè se prodit horum furciferorum circulatorumq; fallax præstigium, et nostro æuo iam pridem conficta sese profitentur ipsa uolumina. Ioseph quoque Israelis filio, ex peculiari Dei munere uaticinanti, somnia interpretanti, in fratrum ministerium à prouidètia diuina segregato, Christi; typum gerenti, eam aspergit maculam Iustinus, illum magicas nouisse artes, easq; ad Mosen & reliquos peruenisse scribens. Idem de Mose tradit Plinius, & Tacitus: quem etiam Aegyptium sacerdotem dixere non ualde diligètes (teste Capnione) quidam rerum scriptores, ut Strabo Cosmographie lib. sextodecimo. Magum item & fallacem eum appellat Possidonius, & Lysimachus, & Apollonius Molon, & plerique alij, similiter Apion: quos mēdacij, ignorantie et insanie insinulat Iosephus multis argumētis. Eam labem in primitiua Ecclesia quoq; multis Christianis illeuerunt gētes, qui tantū differebant à Magis, quantum à tenebris lux, à mendacio ueritas, ab ima uanitate, summa & sincera pietas. hos Origenes defendit.

Superiorum magorum nugamēta insulse sequuti sunt, Robertus Anglicus apud Heluetios miserè mortuus, Rogerius Bachon, Petrus Aponēsis Conciliator dictus, Albertus Teutonicus, Arnoldus de Villa noua, Anselmus Parmensis, Picatrix Hispanus, uel author libri ad Alfonsum sub Picatricis nomine: Cicchus Asculus Florentinus, Iulianus apostata, Apion Grammaticus, & pleriq; alij obscurioris nominis scriptores, de-

Iustinus lib.
16
Lib. 30. ca. 1.

Lib. 1. & 2. cōtra Apionē.
Magi prophani.
In Rogeriū Bac lib. 7.
ca. 7. & contra Petrum Apon. & Albertum scribit Io. Frac.
Picus lib. 4. ca. 9 & li. 7.
ca. 5. & 7. de Prenot. superst. uelut & aduersus Indorum Brachmanū & Gymnosophistarū Aethiopum magica, cap. 9. lib. 7.

res, deplorati certè ingenij homines: qui quum se magiã tradere pollicètur, non nisi aut deliramenta quædam, nulla ratione subnixa, aut superstitiones, pijs omnibus indignas congesserunt: quorum plures etiam in hac arte florentissimos, fama mulctatos, & quàm miserrimè hoc mundo defunctos fuisse, se partim cognouisse, partim testantibus fidelissimis hominibus audiuisse, asserit eximium illud olim Germaniæ decus Ioannes Reuchlinus, linguarum peritissimus. Quandoq; enim eiusmodi societatis iure deuinctos, uel ancipitibus falsisue præstigijs ad mentiendum permotos perdunt homines, & iudicibus uinciendos, excarnificandos enecandosq; produnt: uel ipsi tragico aliquo tristiq; supplicio interemptos abripiunt. Solèt eiusmodi quidem honore, tenebrarũ potestates suam afficere clientelam. Zaroës & Arfaxat magos in Persidis ciuitatibus ludificantes homines, ipsa hora martyrij Simonis & Iudæ Apostolorum fulguris ictu exustos fuisse, tradit Abdias Bab. episc. lib. 6. certam. Apostol. Sic & Cynopem Magorum principem, Ioanne Euangelista orante, fluctus absorpsisse legimus. Scribit Olaus Magnus, quòd Methotin quidã arte magica insignis, excellentem fictæ dignitatis uel potius diuinitatis opinionem sibi assumens, simplicium animos præstigiöse artis fama seductos, ad præstigiösa libamenta sibi pendenda adduxerit. Hic cum esset summus deorum pötifex, sacrificia ceremoniasq; ita distinxit & ordinauit, ut discretus superum

Lib. 2. de
bo mirif.

Lib. 3. cap. 4.
de gent. Septent.
Methotin
magus occiditur.

cuique cultus & libatio obseruaretur, asserens deorum offensas communibus sacrificijs aut permixtis ceremonijs expiari non posse. Tandem sceleribus eius detectis, concursu populi occiditur: occisusq; pestifera cadaveris sui contagione plurimos perimēs, tumulto extrahitur, ac palo infigitur, quemadmodum uanitatis ipsius meruerant præstigia. Et eiusdem libri cap. 18. hæc narrat: Colebatur etiā inter alia Aquilonis numina magus quidam Hollerus nomine, non minori fraude, quā singulari superstitione, diuinitatis opinionem & cultum sibi in gente curiosa uendicans. Is siquidem parem cum Othino amplitudinem in medio deorum assecutus, adeo armorum & præstigiarum usu clarus euasit, ut ad traicienda maria offe, quod diis carminibus obsignauisset, nauigij loco uteretur: nec segnius eo, quā celerrimo uelorum uentorumq; usu præiecta aquarum impedimenta superaret. Tandemq; ut diuinitas eius ostenderetur esse mortalis, ab æmulis suis truculentissima morte est interemptus. Præterea Oddonem Danicum piratam maximum, tradit absq; carina altum pererrasse mare, & hostilia sepe nauigia concitatis carmine procellis euertisse: ac postremo peritior hoste circūuentum, gurgite submersum esse, qui marinos uortices præstigijs carminibus olim calcare consuevit.

Hollerus magus trucidatur.

Oddo magus submergitur.

De prænot. superst. li. 4. cap. 9.

Alloquutum se plurimos asseuerat Ioannes Franciscus Picus, qui uana spe futurorum delusi ab apparente sibi demone, per inita pacta uocato, usq; adeo
nexati

uexati fuerunt postremo, ut optimè secum putarint actum, ne uitam amiserint. Alium quoque intellexit ab eiusdem socijs adhuc uiuis, à dæmone quinquaginta ferme abhinc annis uiuum ablatum, nusquam comparuisse, dum curioso cuidam & male sano principi Troie oppugnationem representare quasi in scena, pollicitus esset, Achillemq; & Hectorem introducere præliantes. Recenti adhuc memoria, anno 1530, sacerdoti in crystallo thesauros Noribergæ ostenderat demon: hos cum loco perfosso ante urbem quæreretur sacerdos, adhibito amico spectatore, & iam in specu arcam uidisset, atque ad eam cubantem canem atrum, ingressus sacerdos in specum, opprimitur interficiturq; ruente cacumine & specum rursus complente. Saltzburghi incantator iactabat, se omnes in uicinia ad miliare serpentes posse in unam perducere foueam, & interimere: quod cum tentaret, tandem antiquus & ingens proserpit serpens, quem quum carmine in foueam compellere niteretur, ille exiliens incantatorem uelut cingulum amplectitur, trahitq; in foueam, & enecat. Hæc magiæ huius stipendia, hi simulate fructus amicitie, hæc ementite phialæ, annuli, carceres, ficti compedes, & uesana perniciosaq; ludibria.

*Magus uiuus à diabo-
lo ablatus.*

*Sacerdoti in
crystallo the-
saurus osten-
ditur à demo-
ne, & ab eo-
dem opprimi-
tur in specu.*

*A serpente
magus ene-
catur.*

Rectè igitur ac piè Petrus Lombardus ait: Dæmonum scientia & uirtute exercentur artes magicæ, qui bustamen tam potestas quàm scientia à Deo data est uel ad fallendum fallaces, sicut Aegyptios: & etiam in ipsos magos data est, ut eorundem spirituum ope-

*Li. 2. Senten-
tiarū, dist. 7.*

ratione uiderentur admirandi, à quibus erant dam-
nandi: uel ad monendum fideles, ne tale quid facere
pro magno desiderant, uel ad exercendum seu pro-
bandum iustorum patientiam. Nec putandum est dæ-
monibus hanc rerum uisibilem materiam ad nutum
seruire: sed Deo potius, à quo hæc potestas datur.

Libri ma-
gici.

Præterea non eximios tantum uiros, sanctos pa-
triarchas & Dei angelos tam sceleratorum execran-
dorumq; dogmatum iactant authores: uerum etiam
libros à Raziele & Raphaele, Adæ & Tobie ange-
lis, traditos ostentare non erubescunt, ut hoc fūco suā
pulchrè adornent Empusam: qui tamen libri, ut &
superiores, penitus introspicienti præceptorum ca-
nonem, rituum modum, uerborū consuetudinē, cha-
racterum genus, barbarum constructionis ordinem,
indoctam phrasim, sententiarum uim, res insulas, ma-
nifestè sese produnt, & inscriptiones esse adulterinas
suppositiciasq; , nec nisi meras nugas imposturasq;
eos continere, nec non ita pridē ex unius conspiratio-
nis uolubro cunctos nostra ætate scaturijisse, mini-
meq; Chaldaeorum & Hebræorū linguā uetustatēq;
resipere, nec duplicē Aegyptiorū characterē, unum
in sacris, alterū in prophanis agnoscere, certū est: ac
interim à perniciosissimis abominationū architectis
ueræ sapientiæ ignaris fabricatos esse ex gentilitijs
quibusdam obseruationibus, nostræ religionis cere-
monijs, ueluti ex insidijs, ut circūueniāt citius, studio
mixtis, insertisq; multis ignotis nominibus & si-
gnaculis,

gnaculis, ut stupori terroriq; sint rudioribus, simplicibus & incautis. Congestos eiusmodi tenebrarum libros, ut damnabiles, improbatæ lectionis uocat Vlpianus, prorsusq; corrumpendos esse statuit. Eosdem ignibus absumi uoluit Paulus apostolus.

L. Cetera paragrapho 1.
ff. fa. heresi.

Act. 16.

Hic disciplinæ & artis fons, origo & firmamenta ac sacrilegi negocij methodus, cuius tamen ui obedire manes, cogi numina, turbari sidera, elementa seruire, eiusq; inexpugnabili potestate & cæca numinû coactorum uiolentia, stupenda supra naturam se opera perficere, sibi persuadent, iactantq; in sinu ridentes, bis certè miseri homines: quod uani testantur exitus, & post immensa laboriosaq; studia frustrati euentus. Prestigias ostentant, non miracula: quæ non Dei assistentia, sed Dei permissione ob hominû incredulitatem, & demonum pactione sortiuntur effectum.

Huius scholæ artes iactantur, ars Almadel, ars No-
toria, ars Bulaphiæ, ars Artophij, ars Paulina, ars
Reuelationum, & similia impietatis monstra plura,
neutiquam toleranda: quæ hoc ipso sunt magis exitia-
lia, quo indoctis apparent diuiniora. Ex hoc mago-
rum collegio etiam ingens hereticorum numerus in
Ecclesiam irrepsit, qui sicut Iannes & Mambres re-
sisterunt Moysi, sic & illi Apostolicæ ueritati obla-
trarunt. Horum princeps extitit Simon Samarita-
nus, qui Romæ sub Claudio Cæsare propter hanc
rem statua donatus est, cum hac inscriptione, SI-
MONI SANCTO DEO. hic tandem ue-

Magis artes
quedam.

1. Timoth. 3.

Simon Sama-
rit. magus,
heresium se-
minarium.

lut in

124 De præstigijs dæmonum

Abdias epif.
Bab. lib. r.
certam. Apo
Rol.

lut in acre uolans, à dæmonibus uectus, Petro orante, exaltatus dilabatur, miserèque interiit. Eius blasphemias prolixè recensent Clemens, Eusebius & Irenæus. Ex hoc Simone, tanquam ex hæresum seminario, per multas successiones, monstrosi Ophitæ, turpes Gnostici, impij Valentiniani, Cerdoniani, Marcionistæ, Montaniani, & multi alij pullularunt hæretici, propter quæstus & inanis gloriæ aucupium, mentiètes aduersus Deum, nec quicquam utilitatis aut beneficiorum hominibus conferentes: at decipientes, & in errorem perniciemq; præcipitantes. Huc pertinet famosissimi magi Cynopis historia, quicum Ioanni Euangelistæ, iussu Domitiani, in Pathmo exulanti controuersus erat.

Incantationum
num. varij
modi.

Incantationam uerò diuersi admodum omnibus seculis extiterunt modi, quorum unus alio crebrior, hoc uel illo tempore fuit, atque hisce uel alijs locis celebrior. Huc refer uniuersum illud præstigiærum genus & illusionum, quibus malefici hi, qui se honestiori Magorum nomine appellari malunt, phantasmata phasmataq; edunt, multa miracula fraudulenter ostentantes, plerunq; Goëtici incantamentis, coniurationibus ineptis, illicitis gentilitijs sacrificijs, imprecationibus, mëtione diuinorum nominum, recitatione uerborum sacrorum aut barbarorum, siue adhibito quocunque murmure: nonnunquam plantis, animalibus, eorumq; partibus, præter rem uel superstitiose uel dolose admotis, interdum etiam certis suffumigijs, luminibus,

nibus, collirijs, *ωσπίεπτοis* seu alligationibus & suspensionibus: insuper metallis, aut arte fabrefactis corporibus, simulachris, imagunculis, annulis, sigillis, characteribus hoc uel illo modo usurpatis, quibus admirandas rebus imprimi uires commētantur: item speculis, & similibus huius magicæ artis monstris organisq; quibus licet interdum aliquid uirtutis naturalis inesse potest, tamen ut plurimum ad eorum constructionem aut usum adhibentur nefandè uel sacra Dei oracula, uoces siue sententiæ, uel blasphema uocum diabolicarū deblateratio, à quibus uim omnem manare propagariq; in hæc media, ac ab iisdem pendere confidunt, demonio interea colludente cooperanteq;: imò rem omnem Dei permissu, ob magi impietatem & astantium incredulitatem expediente, quam elusus incātator alioqui frustra machinaretur: quod equidem ad omnes horum hominum mirificas, naturalisq; potentie cursum & modū exuperantes actiones, semel hic dictū responsumq; uolo. Quamquam eò usque horum hominum animos sathanicæ huius professionis æstrum peruasferit, ut creditū sit, id genus imposturis demoniacis omnino perfici quæ requirūtur, aut naturis rerum uel nouas indui uires, uel priores adimi, infirmari aut uegetari, siue nature cursum mutari, fulmina cieri, tonitrua, uentos, pluuias inopinatò concitari uel sedari, serpentes feritate uirulentiāq; exui, bestias indomitas coerceri, firmum rumpi, morbos infligi & curari, manes ac umbras

In actionibus illis magorum, nature cursum siue peratibus, deo operatur, Dei permissu ob magi impietatem, & astantium incredulitatē.

126 De præstigijs dæmonum

bras euocari, & (ut Apuleius ait) animas agiles re-
 uerti, pigrūq; mare colligari, & noua corpora crea-
 ri. Nec portentosas eas res enumerare hic lubet, quas
 cum Coracesia, Callicia, Menaide, Corinthade, Apro-
 xi, à Pythagora celebratis herbarum nominibus, ad
 hoc certè aptis, si non excogitatis, ut sono terreant:
 & cū Democriti Chirocineta, Aglaophotide, Mar-
 maritide, Achemenide, Hippophanade, Adamātide,
 similibusq; terrificis plantarum monstris, apud ma-
 gos usurpatis, & iam singulari Dei bonitate in ho-
 minum utilitatem memoriæ excussis, penitusq; abo-
 litis, quandoque prorsus sublatas uolet Deus. Immen-
 sus siquidem est harum fallacium actionum et rerum
 numerus, quas latere præstat: saltem incautos nimisq;
 credulos præmonuisse utile est, ne impiè attractis di-
 uinis nominibus, uel sacræ Scripturæ uerbis iniquè
 contortis fallantur seducanturq;, quemadmodum ha-
 ctenus factum animaduertimus, ut hoc nomine, quo
 grauissimè delinquitur, se purgent excusentq;, quòd
 nimirū nomina sacrosancta inuocent, uerbumq; Dei
 commisceant in hoc opificio diabolico, ubi scelere
 horribili sanctissimum Dei nomen prophanatur, at-
 que abusu abominādo Scriptura conspurcatur diui-
 na. Et quanquam iniquis impijsq; his rationibus dæ-
 mones se accersere, aut ijs imperare posse, maleferid-
 ti hi homines gloriosius iactent, & ad horum illicita
 murmura nutumq; illi obedire uideantur quasi ob-
 stricti compulsiq; interim tamen suos hos dominos
 & impe-

et imperatores, sibi magis deuinctos seruilesq; habet, ut quibuscunq; demonū spectris, laruis aut propositis imaginū dolis seu ludificantibus formis, fidē adhibere cogantur: unde tamen nihil ipsis unquā cōmodi sperandum aliud, quā quo sibi hac ratione magis placeant, aliosq; in admirationē pertrahant, tāquam rerum non uulgariū, at curiosarum periti. Interim ab his cogi se simulant dæmones: quanquā uenire optēt, teste Porphyrio, ut suis deinde alios præstigijs irretiāt. Sic quendā se uidisse Ioannes Fernelius scribit, uerborū spectra uaria in speculū deriuare, quæ illic, quæcūq; imperaret, mox aut scripto aut ueris imaginibus (ut ille ait) ita dilucidē exprimerent, ut promptē et faciliē ab assidētibus omnia internoscerentur. Audiebantur quidem uerba sacra, sed obscænis nominibus spurcē contaminata: cuiusmodi sunt elementorum potestates, horrēda quædā et inaudita principū nomina, qui Orientis, Occidentis, austri, aquilonisq; regionibus imperēt. Hæc ille. Etsi uerō huiusmodi forme et literæ appareāt, à præstigiatore mēdacijq; parente nostris oculis obiectæ: nō tamen nō debent esse præstigiøsæ, mēdacesq; uel mēdacijs inuolutæ, ut mercedem requisitā dignāq; curioso hominum studio reponat liberaliter, naturæ suæ immemor nunquam.

Huc referatur Caroli Bouilli testimonium de Ioanne Tritenuo Abbate Spanhemensi, cuius in hæc uerba meminit: Ad Tritemiū diuerti, quē reperi magum, nulla philosophiæ parte insignem. Eius Stenographiam

Lib. de abditis rerum caus.

In epist. ad Germanum Gauaiū Reg. consiliar. Tritemiū magus. Stenographia Tritemij.

phiam euolui uelitatim, nonnullorum capitum perle-
gens initia: uix horas duas librum in manibus habui:
abieci enim eum ilico, quod terrere cœperat me tan-
te adiurationes, ac tam barbara atque insolita spiri-
tuum (ne forte dicam dæmonum) nomina: uniuersa
uerò huiusmodi nomina (quoad uidere uisus sum)
ignotæ linguae sunt. Aut enim Arabica, aut Hebraica,
aut Chaldaica, aut Græca: Latina pauca, aut ferme
nulla. Innumeri autem sunt characteres, quibus adiu-
rationes singulae notantur. Quod in epistola ad Bo-
scum Tritemius scribit, uerba esse plana, lucida, sine
omni literarū aut uocabulorum trāspōitione, ita ut
omnes legant & intelligant: secretum tamen illius
qualecunq; erit, manere ignotum: hætenus uera lo-
quutus sit. Nā in tota huiusmodi Stenographia pas-
sim sanctissimas ac pijsimas orationes inserit, quæ ad
amicum epistolarum loco mittantur: re autem uera
lachrymæ sunt crocodili. Id enim mihi facere uidetur,
quod D. Dionysius in epistola ad Sosipatrū de Apol-
lophane sentit: Diuinis aduersus Deum nephariè uti-
tur, ac per mundanam inanemq; sapientiam, diuinam
sapientiam euacuare molitur. Quod autem sine ad-
iutorio spirituum omnia pollicetur se facturum, re-
Daniel. 13. Etè (ut ait Daniel) in caput suum mendacia confin-
git: manetq; puto angelus Dei bonus, ut secet eū me-
dium, dissoluatq; foedus iniquum, quod cum nocenti-
bus angelis inijsse ac sanxisse, palam ex ipso Opere
declarat. Porro, si ritè memini, hunc ipsum in
Stenogra-

Ordo Steno-
graphia.

Stenographia illa ordinē seruat: in primis spirituum
 ipsorum nomina digerit, hinc eorū adiurationes di-
 sponit, ac singulorum characteres subscribit: postre-
 mō figuras distinguit, è quibus pro adiurationibus
 singulis apta spirituum nomina, quoties necessitas in-
 gruerit, depromere atque elicere liceat. Partitur au-
 tem in huiusmodi figuris, spiritus ipsos in quatuor,
 Imperatores, Duces, Comites & Seruos. Imperato-
 res uerò totius orbis esse tātum duodecim, quotquot
 & uenti à philosophis esse traduntur. Ex his quoque
 quatuor designat præcipuos, Orientis, Meridiei, Oc-
 cidentis & Septentrionis, quos ut magnos imperato-
 res appellat. Sub quolibet Imperatore statuit Duces,
 puto trigenos aut quadrigenos. Sub ducibus singulis
 rursus Comites, maiore numero: & seruos sub comi-
 tibus innumeros. Hoc igitur pacto, ad artis suæ ef-
 fectum conuertitur. Cum uult disito amico sua ape-
 rire consilia, (hæc enim sua uocat secreta) scribit
 epistolæ loco orationem quandam miræ sanctitatis
 & deuotionis fūco affectatam, eamq; characterē cu-
 iuspiam duodecim Imperatorū imprimit, & ad ami-
 cum, qui (ut ait) nouerit artē, mittit. Exceptam igi-
 tur chartā aperit is amicus: & in calce epistolæ, cha-
 racterem in primis cuius nam sit Imperatoris, atten-
 dit. Si est Orientis princeps, uersus ad orientem, lite-
 ras in eam cœli plagam patentes expandit, requiritq;
 confestim ex suis libris, quibus adiurationibus prin-
 ceptus ille cogatur, ut suorum quempiam subditorum

ad se mittat. Elicit autē adiurationes duas, ac primam quidem super patentes adhuc literas: spectansq; in auroram profert. qua ritè prolata, mittit ilicò Imperator ille quendam suorum aut ducum aut comitum aut seruorum, qui protinus aduolans, fit uiro eminus uisibilis, uelut nebula aut caligo in aere pendula. Vbi deinde secundæ coniurationis uerba expleuit, spiritus ille propius accedit, cominusq; ad eius aures expectita amici secreta propalat et nūciat. Sunt autē (quod sentiam) adiurationes ipse haud continua oratio, sed aggregatio quædam nominum ipsorum spirituum, ad uarium quendam magicæ artis modum ordinatorum: suntq; huiusmodi nomina (ut dixi) omnia ferme ignota, uelut Arabica, &c. Memini item me in ipsius Opere ita legisse: Hi autem spiritus perniciosissimi sunt, & nequam. Odio quàm maximè habent lucem, tenebras diligunt. Forti adiuratione opus est, ut ad necessaria nostra cogantur. Quòd si in his adiurandis territus, pauxillū trepidaueris, aut in explenda adiuratione (siue uocabuli omiſſione, siue seriei immutatione) aberraueris, te ilicò necabunt. Hos igitur tam in uindictam paratos, quis adeò erit mente captus, ut bonos clementesq; spiritus esse probet? Vidi in eo Opere adiurationes nōnullas, quas uocat potentes, quibus possit unusquisq; qui assidue cupit spirituum uti ministerio, alligare apud se spiritum, ac cogere ut in eius domo maneat semper, eiq; in cunctis famuletur. cæterum in semotissimo (ut ait) à turba loco.

Simulat se ligari dæmon, ut alios liget.

Liber secundus.

131

ba loco is spiritus locandus est, ne temerè ad se ingre-
dientes necet, &c. Satis superq; me fecisse uideor, si
tibi hæc exposui, quibus liquidius & uiri & artis
quam pollicetur, fuci, ne dicam mendacia, tibi pate-
scant. Haftenus Bouillus.

Incantamentorum etiam peculiare modos apud
Septétrionales obseruatos, his uerbis describit Olaus
Magnus: Inter Bothnicos homines Septétrionis pas-
sim reperiiebantur malefici ac magi tanquam in pro-
prio loco, qui per summam ludificandorū oculorum
peritiam suos alienosq; uultus uarijs rerum imagini-
bus adumbrare nouerant, fallacibusq; formis ueros
obscurare conspectus. Nec solū pugiles, uerū etiam
feminae & tenerae uirgines pro uoto suo laruas liui-
do squalore terribiles, faciesq; adulterino pallore di-
stinctas, ab aeris teneritudine mutuari consueuerunt:
et rursus ablegato nubila inūbrationis uapore, præ-
tentas ori tenebras sudis perspicuitate discutere. Tan-
tamq; uim carminibus eorum adfuisse constat, ut rem
remotissimè positā, & quantalibet nodorū consertio-
ne perplexā, è lōginquo soli sibi cōspiciuā ad cōtactū
euocare posse uideretur. Talibusq; præstigijs idipsum
hoc modo demonstrāt. Scire cupiētes statū amicorum
aut inimicorū, longinquo terrarū spacio quingento-
rum uel mille miliarium inde distantium, Lapponem
seu Finnonem huius rei peritum, dato munere, lineæ
scilicet uestis aut arcus, rogant ut experiatur, ubi-
nam fuerint et quid agāt amici uel inimici. Quocirca

i 2

concla-

Lib. 3. ca. 19.
Histor. de
gēt. Septēt.
Incātationis
modi apud
Septentrio-
nales.

Saxo Gram-
mat. in iust. 10
lib. 7. Hist.
Dan.

conclauē ingreditur, uno comite uxoreq; contentus, ranam æneam aut serpentem malleo super incudem præscriptis ictibus concutit, carminumq; murmure hinc inde reuoluit: continuoq; cadens in extasin raptus, iacetq; breui tempore ut mortuus. Interea diligentissimè à prædicto comite, ne quoduis uiuens culex aut musca, uel aliud animal eum cōtingat, custoditur. Carminum nanque potentia spiritus eius malo dæmone ductore à longinquis signa (annulum uel cultellum) in testimonium expeditæ legationis seu commissiōis reportat: ilicoq; resurgens, eadē signa cum cæteris circumstantijs conductori suo declarat. Idem

Venti Venales.

capite præcedente de Ventis uenalibus, illud miraculum tradit: Solebant aliquando Finni inter alios gentilitatis errores, negociatoribus in eorum littoribus contraria uentorum tempestate impeditis, uētum uenalem exhibere, mercedeq; oblata tres nodos magicos, non Cassioticos loro constrictos, eisdem reddere: eo seruato moderamine, ut ubi primum dissoluissent, uentos haberent placidos: ubi alterum, uehementiores: at ubi tertium laxassent, ita sæuas tempestates se passuros, ut nec oculo extra proram in euitandis scopulis, nec pede in naui ad uela deprimenda, aut in puppi pro clauo dirigendo, integris uiribus potirentur. His addit Olaus: Insana certè sunt documenta, quæ nostra excogitauit credulitas, ut acrius torqueremur. Vtinam facesset à mentibus hominum tale figmentum: quod esse falsum, & nullius momenti
etiam

etiam à maioribus est ostensum. Sed hæc gens Aquilonaris, arte hac post susceptam Christianæ religionis confessionem, legis inhibitione, nunquam uisa est uti palam: nec alios eam, nisi cum uitæ discrimine, docuit. Multa alia eiusmodi maleficorum opera enarrat Olaus, impudenter satis, in eiusdem libri capitulis diuersis, quæ profectò non semper fidem merentur: proinde in ijs recensendis breuior esse uolui. Ventos tamen ita uendi, testatur Herodotus quoq; lib. 7. de præfectis Xerxis: quòd ij triduana tēpestate quadringentas naues amisere, donec quarto die magi incisiones faciendo, & ueneficijs incantando, uentum Theti & Nereidibus sacrificando, tempestatem compescuerunt: siue eadem tempestas aliter cessauit. Interijciatur hic Apuleij commentum, cuius hæc sunt uerba: Athenis, proximè & ante Pœcilen porticum, isto gemino obtutu circulatorem aspexi equestrem, spatham præacutam mucrone infesto deuorasse: ac mox eundem inuitamento exiguae stipis uenatoriam lanceam, qua parte minatur exitium, in ima uiscera condidisse: & ecce ponè lanceæ ferrum, qua bacillum inuersi teli ad occipitiā per inguen subit, puer in molliciem decorus insurgit, inq; flexibus tortuosis, eneruam & exossam saltationem explicat, cum omnium qui aderamus admiratione: diceres Dei medici baculo, quod ramulis semiamputatis nodosum gerit, serpentem generosum lubricis amplexibus inherere. His adde uarios incantationum ritus cultoris magicæ

Lib. 1. de asino
no aurco.

*Ritus incan-
tationis Ar-
tephij.*

*De uarietate
lib. 16. ca. 91.
Pasetes ludi-
ficator magi-
cus.*

*Menippus
Lycius delu-
sus à sua
sponsa.*

*Aqua cri-
bro hausta.*

*Lib. 28. ca. 2.
Valer. Max.
li. 8. In Apo-
loget. aduer-
sus gentes
cap. 22.*

stulticiæ maximi Artephij, à Cardano enarratos: u-
hinc non solum dolosos, sed & mēte captos esse eius-
modi magos, quis iure censeat. Adhæc, à Græcorum
plerisque, literis proditum est, fuisse Pasetem quen-
dam, inter magicæ uanitatis consecretatores primæ no-
tæ, qui carminum potentia refertissimū repente con-
uiuuium hospitibus discubituris præmonstrare consue-
uerit, idq; cum libuit: mox euanuisse rursus, ut nihil
omnino apparatus uideretur, discumbētibus omni-
bus fame & siti elusis. Si quid precio comparasset, id
agebat, ut erogati nummi in uenditorum oculis ap-
parerent, illis interim ludificatis. Simile quid passum
esse Menippum Lycium machinatione sponsæ, litera-
rum monumentis traditum inuenitur, in nuptijs: ubi
aurea supellex & imaginarium argentum, uelut
fumus effluxere, administriq; & coqui ac reliqua fa-
milia increpata euauit. Tucciam uirginem Vesta-
lem incesti criminis ream Romæ, cum precatione cer-
ta aquam cribro hausisse, anno urbis 609. comme-
morat Plinius. Huius & Tertullianus meminit in
hæc uerba: Quid ego de cæteris ingenijs, uel etiam
uiribus fallaciæ spiritalis edisseram? phantasmata
Castorum (qui scilicet toties Romæ uictorias nuncia-
runt) & aquam cribro gestatam, & nauem cingulo
promotam (à Claudia Vestali) & barbam tactu ir-
rufatam: ut & numina lapides crederentur, & deus
uerus non crederetur. L. Domitio rure quondam
reuertēti, iuuenes gemini augustiore forma ex occur-
su impe-

su imperasse traduntur, nunciaret Senatui ac populo uictoriam, de qua incertum adhuc erat. atq; in fidem ueritatis adeò permulsiſſe malas, ut è nigro rutilum eriç; ſimilem capillum redderent: unde Aenobarborum cognomen. Suetonius.

*Aenobarbo
rū cognomen
unde.*

Habet etiam hoc hominum genus ſuos modos, quibus uinum uel butyrum, numerata prius pecunia, ad loca diſſita, ſatanae opera adferri iubet. Magos quoq; ipſos, quibuſcum dæmon colludit, non eſt mirū quandoque uel transferri ſubitò, uel ita apparere: quum pleroſque dæmonum uexationibus obnoxios, tranſuehi nonnunquam aliò ſciamus. ſic Pythagoram uno momento & in Thurijs & in Metapontijs fuiſſe, Apolloniū adhæc è Smyrna celerrimè Ephreſum uerbo dicto translatum eſſe, ferunt hiftoriæ. Atqui meritò omnem dæmonum quauis arte cōparatam neceſſitudinem, cunctamq; harum deluſionum rationem, peſtiferam fraudem eſſe, in extremum hominum exitium introductam, credimus.

*Magi & dæ
moniaci trāſ
feruntur in
terdum.*

Multa inſuper imperitioribus uiſa miracula, manuum expedita agilitate & induſtria quotidie ab hiſtrionibus et ioculatoribus fieri uidemus, miramurq;. Narrat Pomponatius, ſe Mantuæ & Patauij quen-
dam eius generis hominem, Reatum nuncupatum uidiſſe, qui incredibilia operabatur, eaq; dæmonū arte perfici uulgo credebātur: quare ab hæreticæ prauitatis inquiſitoribus ſubditus queſtionibus, bona fide occultò oſtēdit fraudulētas eſſe ſuas actiones, merasq;

*Miracula
manuum agi
litate quan-
doque à iocu-
latoribus edi
uidentur.*

*Præstigiator
magicus in
aere cū equu-
lo conscende-
re uidetur.*

manuum agilitates, & multis secreta intelligentia col-
ludentibus peragi. Proinde dimissus, interimitur tan-
dem à quodam quem deceperat. Præstigiator qui-
dam magicus Magdeburgi equulum in theatro fre-
quenti per circulum transilientem ostentabat, certa
stipe: in fabule exitu paucam se apud mortales colle-
gisse pecuniam questus, se in cælum conscendere uel-
le ait. Hinc in sublimi eiccto fune, consequitur in al-
tum equulus: præstigiator quasi eum cauda retentu-
rus, quoq; ascendit: cuius uxor maritum apprehen-
dens affectatur, itidem ancilla, ut uiderentur ascensu
contiguo uelut concatenati, simul aera petere. Hæc
dum populus ad stuporem spectaret, cuidam ciui cò
fortè declinanti, quærentiq; quid' nam rerum ibi age-
retur, responsum est, circulatorẽ cum equulo in aera
conscendere: hic se statim uidisse eum in uico ad diuer-
sorium abeuntem asseuerauit. Illusos itaque se ubi
animaduertent, discesserunt.

Cæterum ut omnium obtutui hæc magorum fabu-
la & potestas, uel potius ludibria magis pateant, pe-
nitiusq; cognoscantur, agite oculis non delusis con-
templemur, solertiq; indagine inuestigenus magorũ
uel maleficorum Pharaonis conatus, opera & poten-
tiam: sic & illis satisfiet, qui, cum deceptarum men-
teq; lesarum quarundam muliercularum sit men-
tio, confestim ad uoluntarios Pharaonis magos con-
fugiunt, quasi eadem utrorumq; sit professio: quam
longè lateq; differre sentio.

In manu

In manu Mosis, electi omnipotentis Dei ad Pharaonem legati, uirga reuera in uiuum, Dei uerbo, transformatur draconem. Quo argumento se, à Deo cœli & terræ, & omnium quæ in eis sunt, conditore unico (cuius quippe solius est creare, & res uerè transmutare) missum esse testatur. Quòd autem id ipsum à Pharaonis magis, carminibus factum dicit Scriptura, rem altius introspectiens, non eandem quæ à Mose uerè ostensa est, metamorphosim intelliget: sed saltem draconis præstigiosam formam, obtutibus regijs offusam apparuisse. quare etiam mendax draconis magicæ uanitatis facies, in præstigij reuelationem, à uero Mosis dracone deuorabatur: uti mendacium à ueritate absorbetur, uinciturq;. Propterea, Iosepho teste, Moses inquit: iam declarabo manifestè, non esse hæc præstigias, ueritatis specie parum cautis imponentes, sed ipsissimam Dei uirtutem, argumentum omnipotentis illius uoluntatis apud incredulos futuram. & cum dicto, uirgam in terram mittit, iubens ut fiat draco: quæ mox dicto parens, Aegyptiorum uirgas, quæ draconum specie reptabant, unam post aliam aggressa, omnes ad unā deuorauit. Enim uero si uerus extitit magorū draco, demonis ope ex uirga ita transformatum esse oportuit. ineptam autem prorsus esse in uiuæ bestię transmutationem uirge materiem, cuius liquidò constat: quemadmodum creare etiam ex nihilo, uel rem in multo dissimillimam, aut etiam cōtrariam pro suo arbitrio transfun-

Exodi 7.
Veritas trās-
formationis
in opere Mo-
sis.

Præstigiama-
gorum Pha-
raonis.

Li. 2. ca. 5. an-
tiq. Iudaic.

138 De præstigijs dæmonum

dere essentiã, penes diabolũ est minimè. Corpoream materiam non subijci potentie dæmonis, quãtum ad

August. 3.
Trinit.

transmutationem ipsius ad formam, confirmat Augustinus: Non est putandum, inquit, istis transgressoribus angelis ad nutum seruire hãc rerum uisibilium materiem, sed soli Deo. Fatendũ tamen, dæmones etiã celeritate incredibili, quibusdã rebus emotis, serpentes, dracones, uel quid aliud earũ loco subijcere posse. Magi signa uidebantur potius facere, quã faciebãt.

li. 3. Recog.

ait Clemes. Rectè item Iamblichus de Mysterijs: Quæ fascinati imaginamur, præter imaginamenta, nullam habent actionis & essentiæ ueritatem. Eiusmodi nãq; finis est magicæ artis, non facere simpliciter, sed usq; ad apparentiam imaginamenta porrigere, quorum mox nec uola (quod dicitur) nec uestigium apparet. Eodem censendum modo de reliquis signis: quod nimirum Moses elcuans manum, uirga ferierit flumi-

Aqua in
sanguinem
mutata.

nis aquam coram Pharaone & seruis eius, quæ tota mutata est in sanguinem: mortuisq; piscibus tantus extitit foetor fluminis, ut Aegyptij de eius aqua bibere non possent, totaq; Aegyptus sanguine redundaret. Idem suis incantationibus Aegyptiorum magi effecerunt, à quibus plerique omnes Aegyptij, idololatræ & idonea satanæ organa pendebrat: quorum oculis cuiuscunq; coloris aut imaginis spectrum fraudulenter offerre, Dei permissu, dæmonio facile erat, ut cor illud Pharaonis (quod Deus præuidebat fore ut induraretur) iusto Dei iudicio, maiori oc-
callesceret.

callesceret duritie, meritāq; tandē lueret poenā. Magorum autem fuisse pręstigias facinus illud, uel hinc palam est, quod unicus ille Aegypti fluuius Nilus in sanguinem conuersus erat, eiusq; pisces computruerant opera Mosis serui Dei. Nec ulla pręterea erat reliqua uniuersę Aegypti aqua non tincta: ut Aegyptij omnes undique circum flumen aquam effodere cogerentur, quā biberent. Vnde proculdubio colligendum, magos tantūmodo paucule aquę antea in uase cōseruatę, uel effossę, rubicundā pręstigiōse faciem ostendisse suis carminibus uel fascino, ut Scriptura testatur: hoc est, ludificāte demonum operatione, qui etiā agitatīs ad hanc delusionē commodis humoribus, spiritum opticū uel uisualē quibuscunq; imaginibus imbuerē queūt: quēadmodū plerisq; melācholicis usuuenire obseruamus, atq; in hypochymatis uel suffusionis oculorū initio ex humoris affluxu ad uisus organa ueluti pusillos culices obuersari intelligimus, interdū quasi lucētia quędā corpuscula, plerūq; ueluti caliginosa se oculis offerre, nōnullis tanquā lanarum filamēta & aranearū telas apparere, quibusdam circa lucernas circulos uideri: item regio morbo laborantibus, propter suffusam bilem omnia lutea & flauescētia sese ostendere: atq; hæc fiunt magis uel minus, hac uel illa forma, secundum humorum & spirituum uisiorum constitutionem, quemadmodum naturę peritis cognitum & perspectum est.

Quid aliud dicendum de ranis ex Aegypti fluminibus

140 De præstigijs dæmonum

Exod. 8.
Ranae Aegypti.

Genes. 1.

*Creare solius
Dei est.*

nibus eductis, quibus terra cooperta est, Dei mandato, Aarone manu uirgam in fluuios & lacus protendente? Magorum ranas solummodo fuisse eadem ratione merè imaginarias, hinc luce meridiana clarius euadit, quòd tantam ranarum colluuiem eos creare oportuisset, munus Deo omnino peculiare, nec ulli unquam creaturæ, multo minus satanæ eiusque clientele concessum. Singularis hæc Dei ab initio fuit & mansit prærogatiua, qua neminem dignatus est. Præterea si ueras in terram ex aqua hi produxissent ranas, utique & reducere uniuersum hoc ranarum genus, eadem arte potuissent. Procliuius etenim multo fuit, uisas in natium naturalemque suum locum, fluuium nimirum & lacus repellere, quàm in domos, penetralia, cubicula, cubilia, furnos, cellas, loca hisce animalibus aliena, imò aduersissima, primum eas non apparentes excire, ubi illis moriendum est, quum in aquis (ut designato his uiuario) liberi uictitent: aut saltem uitam illis adimere, quibus donasse uidebantur, facillimum fuisset. Vel quam sortitos credemus magos nocendi aut perficiendi potentiam, si ne ranas quidem ledere, aut carminibus, quibus eductæ putabantur, tantum abigere ualuerunt? Hoc usque adeò nequiuerunt, ut Pharaon rex posito priore supercilio, coactus fuerit suos aduersarios Aaronem & Mosem hortari, ut Deum pro depellendis à se suoque populo ranis deprecarentur. Quod etiam ita factum est, definitoque die ranæ sunt exterminatæ à domibus: ijsque mortuis in cuniv-

in cumulum coaceruatis fœtebat regio. Sic Pharaonem etiam inuitum Domino Deo incomparabili honorem deferre oportuit: quemadmodum & ipsos magos, penes quos ea potestas minimè fuit. Nam quum Deo non amplius præstigias permittente, cyniphes uel pediculos, tū homines tum bestias infestantes, producere, Aaronem & Mosem imitati, frustra tentassent: coram Pharaone confessi sunt, Digitus Dei est hic. quasi dicerent, Digitus uel potentia Dei est, quæ uerè progignit & condit ex puluere, uel etiam nihilo, quicquid pro suo arbitratu uult, & quādo illi placitum est. Id uerò quod à nobis effectum uidisti, satanæ digitus est, qui nihil unquā reuerà procreare, sed phantasticam saltem rerum imaginem dolose ostentare potest. quare nos eius clientes, ministrorum ipsius omnipotētis Dei ueritatem imitati sumus præstigijs, quibus te ac tuum populum hactenus illusimus, Deo uero ob tuam incredulitatē & cordis duritiem conuiuente. At cessat iam illa permissionis hora, ut non amplius satanæ ludibrijs supersit locus, sed Dei uiuentis ueritati testimonium perhibere cogamur. Ita Dei manum iam agnoscunt, qui ei antea suis imposturis derogarunt: Dei gloriam prædicant, qui eam suis fucis prius obscurarunt. Nec postea uiuum usque adeo glorificassent Deū, nisi antea impediti, frustra suam tentassent artem. Nec Deo tam iusta puniendi contumaces occasio fuisset reliqua, nisi prius ad præstigias conuiuisset, deinde impediisset, quo se suamq; poten-

tiam

In 2. parte,
aus. 26 que-
o. 5. epi-
opi.

tiam notam faceret, ostenderetq; illā longè esse aliam;
ac ueluti ex diametro pugnantem cum ea, quā Aegy-
ptij idololatræ & magi in ueri Dei contemptum ha-
stenus adeò uenerati essent. Non abs re hic Decreto-
rum testimonium acciuero, in quibus hæc leguntur:
Nec mirum de magorum præstigijs, quorum in tan-
tum prodire maleficiorum artes, ut etiam Mosi in
illis signis resisterent, uertètes uirgas in dracones, &
aquam in sanguinem. In gentilium etiam libris legi-
tur, quòd quædam maga Circe socios Vlyssis mutaue-
rit in bestias: item de sacrificio quod Arcades de suo
Lyceo immolabant, ex quo quicumq; sumerent, in be-
stiarum formas conuerterentur. Sed hæc omnia magi-
cis præstigijs potius fingeantur, quàm rerum ueri-
tate complerentur. Vt ergo ipsi errores ignorantibus
manifesti fiant, de eorum proprietate atq; inuen-
toribus iuxta traditionem maiorum patrum dicere
cōgruum arbitramur. Magi sunt, qui uulgo malefici
ob facinorum magnitudinem nuncupantur. Hi sunt,
qui permissu Dei elementa concutiunt, turbant men-
tes hominum minus confidentium in Deo, &c. Huc-
usque Decreta.

Hinc, ut ad mulierem in Endor maleficam uel Py-
thonis spiritu imprægnatā, meo proposito obijci-
dam, confugiatur, per me licet: quū nullum hic æquē
1. Reg. 28. atque sacræ Scripturæ testimonium admittam. Ea Sa-
muelem excitasse legitur, è terra ascendentem, soli-
to corporis habitu & uestitu, ac futura in Dei manus
adhuc

~~adhuc posita prædicentem. Ecclesiastici quoque au-~~ Ecclef. 46.
~~thor tradit, ipsius Samuelis hæc acta & uaticinia~~
~~fuisse, quum ait: cum dormiuisse, regi notum fecis-~~
~~se finem uitæ suæ, exaltauisse uocem suam è ter-~~
~~ra, & uaticinatum esse, delendam esse impietatem~~
~~gentium.~~

Etsi uerò historiæ circumstantiæ, & Iesus Syrach
asserere uideantur, ipsum apparuisse Samuelem: pe-
nitius tamen rem intuenti ostendam, non ipsum Sa-
muelem, sed illius imagine diaboli spectrum, Pythiæ
fœminæ libenter obsequutum, ut ludificaret, uisum
fuisse: ubi ob Pythiæ uocem præmonuero, Pythium
quibusdam dictum Apollinem, ob nocentissimum
draconem πύθωνα, in infantia, eius iaculis inter-
emptum: unde spiritus ille, quo afflati futura præ-
dicebant, Pytho uocari cœptus est. Alijs Pythium
oraculum ἀπό τῆς πυθόνης, id est, à sciscitan-
do, sortitum nomen putatur, quod de futuris occul-
tisq; & ignotis consulebatur. Ab oraculo autem op-
pidum, cui alioquin Delphorum nomen erat, πύθω
& Apollo, quem hominis speciei ex solido auro con-
flatum, in templo uenerabantur, ac præsidere loco
fingebant, Pythij nomen adeptum est. Mulierem quæ
cum halitu dæmonem excipiebat, atque ipsius incita-
tione Græcè uaticinaretur, Pythiam ob eandem cau-
sam, & πρόμαντις uocabant. Chrysostomus de Py-
thia, uel Apollinis oraculo ita perhibet: Dicitur hæc
Pythia fuisse fœmina, quæ super tripode cruribus
dinari-

A Pythia
fœmina non
Samuel, sed
huius imagi-
ne spectrum
diaboli exci-
tur.

Pytho unde,
& Pythium
oraculum.

Pausanias in
Phocicis.
Strabo li. 9.
Pythia mu-
lier.
πρόμαντις.

144 De præstigijs dæmonum

diuaticatis malignum spiritum inferius immissum, partesq; genitales è quibus loqueretur, subeuntem excipiens, furore repletur, & crinibus sparsis spumansq; ore debaccharetur, funderetq; insana oracula. Diuinando etiam magnum præstabat quæstum suis dominis puella illa in Actis Apostolorum, Pythonis spiritum habens. Iam ad laruati Samuelis explicationem progrediamur.

Act. 16.

A mortuis non quærenda ueritas.

Leuit. 19. 20.

Deuter. 18

βδελυγμα.

Primò disertè seucroq; edicto à mortuis quæri ueritatem uetuit diuina uox, multa mortis constituta: nec per eos doceri uult uiuos, nec ab ijs aliquas expectare patefactiones. Non inueniatur in te consulens mortuos: qui hoc facit, est βδελυγμα deo suo: hoc est, res talis quam odit Deus, abominatur, & in æternam abijcit damnationem. Proinde nos suo uerbo, in quo sese & uoluntatem suam expresse declarauit, inniti firmissimè uoluit Christus, inquit: Mosen habent, & prophetas.

Luc. 16.

Magorū carminibus non obediunt beatorū animæ.

Adhæc, animas maleficarū carminibus è designata à Deo sede euocari, & in corpora inhumata compelli, uel falsissimum est: uel ne in sinu quidē Abrahæ, loco beatis assignato, tutæ existunt eorum animæ, in Domini manu conseruatæ. At satanam nihil unquam ab hac morte in sanctorum animas potuisse, nec bonos spiritus magicis artibus obedire, nec secretas semel à corporibus & collocatas in definitis sedibus reuocentur redire, ut Ethnicis persuasum erat, confessum est hætenus: sed ascititia se illarum imagine ostentant

ostentant demones. Quocirca non à mortuis ipsis,
 verum à Dæmonibus illorum habitu uestitis νεκρομαύ- νεκρομαύ-
 ταις.
 responsa accipiebant: quæ, si illi integris & τετα.
 expressis mortuorum corporibus cernerentur, σινομαύ-
 νεκρομαύταις. sin uerò tenues, nebulosas & euanidas ταις.
 sibi circumfunderent umbras, σινομαύταις nuncu-
 pabantur. Verè D. Chrysostomus ait: Non anima de-
functi est quæ dicit, anima talis ego sum: sed dæmon,
qui hæc, ut homines decipiat, sic confingit.

In Matt. ho-
 mil. 29.

Antea quoque Samuel plus minus biennio mortuus
 fuerat, & eius corpus si non omnino computruerat,
 tamen ita deformatum fuisse certum est, ut eximia illa
 specie uiua, qua antea innotuerat, & qua se nunc de-
 nuò fictus hic sistit Samuel, apparere nequiuisset: neq;
 etiam deorum magnificentiam referre potuisset cada-
 uerosum corpus, quilibet nouit: quum tamen deos è
 terra ascendere, se contueri affirmaret diuinatrix.
 Quorsum etiã Samuelis pijsimi uatis tam diu sepul-
 ti corpus, pallium consuetum eodem momẽto, ex im-
 pie fascinatricis mulierculæ imperio incorruptum
 assumpsisset? Hoc autem sanctissimi uiri spectrum
 ostentare, facile fuisse illi, inficias ire nolo: qui se in lu- 2. Corint. 11.
 cis angelum transformat, cum primis apud impium
 regem, tum perditã satanæ seruulam. Deinde quum
 ipsa historia paulo antè testetur, Deum cõtumaci &
 abiecto regi se consulenti, responsa dare noluisse, uel
 per uiuentes prophetas aut sacerdotes, uel per som-
 nia: multo minus per diuinum uatem ex morte susci-
 tatum;

146 De præstigijs dæmonum

tatum, uel per angelum è cælis missum, respondit regi, quem in furore suo omnino repudiarat. qui hoc etiam nomine motus, Pythiam diuinatricem, professionis ergò, publico edicto iuxta Dei uoluntatem ex Israel exulantem, furtiuè uerò latentem, iniqua ratione consulere uoluit: quasi indignabundi animi institutum fuisset,

Flectere si nequeo superos, Acheronta mouebo.

Idco non potuit non odisse & execrari hoc factum Deus, et iusto iudicio deploratam illusionem demoniacam Saulis impietate cõtra suum & ipsius præceptum, contra etiam conscientie testimonium designatam punire, ut in præfracti Saulis mētem satanae fascino meritò permiserit. Nec nouum aut inauditum hoc est: ubi quos pertinacis impietatis homines esse præuidet, præscitq; magis solet excæcare, indurare, & in reprobam tradere mentem. Exemplo sit Pharaonis inuicta pertinacia, & extrema puni-
 Exod. 7. 8. 9.
 10. 11. 14.

Quòd porrò historia commemoret, Samuelem indignè tulisse, quòd è sua quiete excitus esset, atq; eum Sauli regi uaticinatum fuisse: hinc non conuincitur, uerum extitisse Samuelem hoc spectrum, quòd diabo-
 lo non sit difficile quiduis fingere, simulare, & de futuris iam antea uaticinio patefactis prædicere: maxime uerò, de quibus manifesta præludia, & euentus minimè dubij indicia in foribus ferè uidebantur. Nec ignorauit satan certissima esse quæ Sauli uaticinatus fuerat uir dei Samuel: ideo à Samuele antea prædicta repetit,

repetit, potuitq; non temerè coniecturam facere ex apparatu hostiũ magnifico & instructis copijs, item ex dictis, factis & circumstantijs reliquis belli præsentijs, quam sortem in eo conflictu assequeretur Saul: potissimum quũ ipsum à Deo abiectũ, nec resipiscen- tem, & aduersus Dei mandatum postremò Pythiam uatẽ diaboli mancipiũ consulentẽ, in sua haberet po- testate, atq; pro suo impellere nutu et præsentijs præ- lii obijcere posset exitio. Ideoq; Saulem mortuum te- statur Scriptura in transgressione sua, qua præuari- catus erat contra Dominum: nempe contra Domini uerbum, quod non custodiuit, & quòd Pythonẽ con- sultuit interrogando, neq; requisiiuit Dominũ, ob hoc interfecit eũ, translato regno ad Dauidẽ filium Isai.

1. Paralip. 10.

Porro si Iesu Syrach testimonium urgeatur, quan- quam (Hieronymo teste) illi ab Ecclesia non conce- datur authoritas dogmata confirmandi ecclesiastica, nec rerum earundem cõtrouersias dirimendi: hæc ta- mẽ quoq; addere libet, ne pia huius libri institutio ele- uari putetur, Iesum Syrach solummodo ex primo Sa- muelis libro historiã proponere: quod factũ est, sim- plici enarrare oratione, quẽadmodũ legitur, ut ad aui- te uirtutis æmulationẽ posteros inuitaret prouoca- retq; Samuelis laudes succinctè recẽsere: minimè dis- serere uoluisse, uerãne an ficta fuerit Samuelis appa- ritio. Inter Hebræorum Rabinos autem quanquam pauci aliter sentiant, tamen Pythonum opus esse, ferè omnes censent: & nihil aliud præter præstigias, uani-

Iesu Syrach
authoritas

Illusionẽ fuis-
se Samuelis
apparitionẽ,
censent He-
braei.

148 De præstigijs dæmonum

tatem, mendacium & deceptionem. Samuelem intelligunt spiritum Pythonicū, qui induerat Samuelis speciem: item Samuelem uisum esse dicere Sauli. Mulier uidebat Samuelem, neque tamen audiebat eum alloquentem Saulem: sicuti nec Saul uidebat Samuelem, hoc est, illusionem illam diabolicam, quæ uidebatur illi Samuel. Sunt inter eos qui hæc omnia mulieris putant arte conficta, quæ ex certis coniecturis sic deluserit Saulem. Kimhi contra aduersarios sic arguit: Si Deus suscitauit Samuelem, ut futurum euentum indicaret Sauli: cur euentum illum non magis reuelauit per somnia, aut per prophetas, aut per sacerdotum oracula, quàm per maleficā mulierē? Saadias uerò, & Aias, quòd ipsa mulier, cum præter solitum morem miranda uideret, stupefacta, coeperit magna clamare uoce, hanc ueram fuisse uisionem, non quidem mulieris arte, sed Dei uirtute apparentem, falso existimarunt.

Ceterum ut huic nostræ sententiæ roboris aliquid accrescat, audi argutissimū sanctioris Theologiæ cen-
 Quæst. 27. sorem Augustinum, lib. Quæstionum Veteris & Noui Testamenti: Indignum facinus æstimo, inquit, si secundum uerba, historiæ commēdetur assensus. Quomodo enim fieri poterat, ut arte magica attraheretur uir & natiuitate sanctus, & uitæ operibus iustus? aut, si non attractus est, consensit: quod utrunque de uiro iusto credere, absurdum est. Si enim inuitus adductus est, nullum suffragium habet iusticia: si autem uolunta-

uoluntarius, amisit meritum spirituale, quod positus in carne quæsiuerat: quod ualde absurdum est, quia hinc qui iustus recedit, permanet iustus. Porro autem hoc est præstigium satanæ, quo ut plurimos fallat, etiam in potestate se habere confingit: quod Apostolus inter cætera ait, Ipse satanas transfigurat se in angelum lucis. Ut enim errorem faceret, in quo & ipse gloriaretur, in habitu uiri iusti & nomine se subornauit: ut nihil proficere spem, quam prædicabant Dei cultoribus, mentiretur, quando hinc exeuntes iustos finxit in sua esse potestate. Sed hoc quosdam fallit, quod de morte Saul & filiorum eius nō sit mentitus: quasi magnum sit diabolo, ante diem, occasum corporis præuidere, quum signa solcant quædam apparere morituris, quippe à quibus Dei protectio amota uidetur: quanto magis diabolus, quæ angelica maiestate sublimem prophetica oracula fuisse testantur, de cuius magnitudine Apostolus ait: An ignoratis altitudinem satanæ? quid mirum ergo, si imminentem prope mortem potuit præuidere, cum hoc sit unde fallit, & se in Dei potestate uult adorari? Nam tanta hebetudine demens effectus est Saul, ut ad Pythonissam confugeret. Deprauatus enim causa peccati, ad hæc se contulit, quæ damnauerat. Sed si quis propter historiam, ut ea quæ uerbis expressa sunt, putet non præmittenda, ne ratio historię inanis sit: rectè faciet quidem, si tamen minimè istud ad ueri rapiat rationem, sed ad uisum & intellectum. Saul nanque re-

2. Corint. 11.

2. Reg. 38.

Adorantis

probus factus, poterat bonum intellectum habere. Historicus enim mentem Saul & habitum Samuelis descripsit, ea quæ dicta & uisa sunt exprimens: prætermittens, si uera an falsa sint. Quid enim ait? Audiens in quo habitu esset excitatus, intellexit (inquit) hunc esse Samuelem. Quid intellexerit, retulit: & quia non bene intellexit, contra Scripturam alium adorauit quàm Deum: & putans Samuelem, adorauit diabolum, ut fructum fallaciæ suæ haberet satanas. Hoc enim nititur, ut adoretur quasi Deus. Si enim uerè illi Samuel apparuisset, non utique uir iustus permisisset se adorari, qui prædicauerat Deum solum esse adorandū. Et quomodo homo Dei, qui cum Abraham in refrigerio erat, dicebat ad uirum pestilentie, dignum ardore gehennæ, Cras mecum eris? His duobus titulis subtilitatem fallaciæ suæ prodidit improvidus satanas: quia & adorari se permisit sub habitu & nomine Samuelis, contra legem: & uirum peccatis pressum, cum magna distantia peccatorum & iustorum sit, cum Samuele iustissimo futurum mentitus est. Verum potest uideri, si de Samuelis nomine taceatur, quia Saul cum diabolo futurus erat. Ad eum enim transmigravit, quem adorauit. In recitandis his Augustini uerbis copiosior sum studio: quòd haud ita pridem monachum audierim, qui in publica concione ipsius Samuelis spiritum uerè euocatum fuisse, ex Augustino defendere conatus sit.

Li. 2. quæst. 3.

Idem ad Simplicianum, ubi ultro citroq; questionem de

nem de excitato Samuele agitasset, tandem ait: Quamquam in hoc facto potest esse alius facilior intellectus, & expeditior exitus, ut non uerè spiritum Samuelis excitatum à requie sua credamus, sed aliquod phantasma & imaginariam illusionem, diaboli machinationibus factam: quam propterea Scriptura nomine Samuelis appellat, quia solent imagines, rerum earum nominibus, quarum imagines sunt, appellari. Quis est enim, qui hominem pictum dubitet uocare hominem? quandoquidē & singulorū quoruncunq; picturam cum aspicimus, propria quæque nomina incunctanter adhibemus: ueluti cum intuentes tabulam aut parietem, dicimus, Ille Cicero est, ille Sallustius, &c. quū aliud nil sint quàm pictæ imagines. Et paulo pōst: Si uerò liquidò constat, nominibus earum rerum, quarum imagines sunt, easdē imagines appellari: non mirū est, quòd Scriptura dicit Samuelem uisum, etiam si forte imago Samuelis uisa apparuit, machinamento eius qui transfigurat se uelut in angelum lucis, & ministros suos uelut ministros iusticiæ. Iam 2. Coriat. 11. uerò, si illud mouet, quomodo à maligno spiritu Sauli uera prædicta sint: potest & illud mirū uideri, quomodo demones agnouerint Christū, quem Iudei non Math. 24. agnoscebant. Cū enim uult Deus etiā per infimos & infernos spiritus aliquem uera agnoscere, temporalia duntaxat, atq; ad istam mortalitatem pertinentia, facile est, & non incongruum, ut omnipotens & iustus, ad eorum poenam quibus ista prædicantur, ut malum

k 4 quad

quod eis impedit, antequam ueniat prænoscendo patiantur, occulto apparatu mysteriorum suorum, etiam spiritibus talibus aliquid diuinationis impertiat: ut quod audiunt ab angelis, prænuncient hominibus. Tantum autem audiunt, quantum omnium Dominus atque moderator uel iubet, uel finit. Vnde etiam spiritus Pythonicus in Actibus Apostolorum attestatur. Paulo Apostolo, & euangelista esse conatur. Miscent tamen isti fallacias suas: & uerum, quod nosse potuerint, non docendi magis quam decipiendi fine prænunciant. Et fortè hoc est, quòd cum illa imago Samuelis, Saulem prædiceret moriturum, dixit etiam secum futurum, quod utique falsum est, &c. Hactenus Augustinus.

Nec uerò ex Israelis coetu hic solus deliquit Saul, nec etiam soli Ethnici demones mortuorum umbris inuolutos consuluerunt: quos, cum nescirent Deum, minus mirum est uarias exquirendæ uoluntatis diuinæ, placandorum numinum, & explorandorum futurorum rationes effuxisse: sed & in reliquum Dei populum peruasit furor ille, qui etiam usque ad hoc nostrum seculum in quibusdam malè sanis perdurauit ingenijs. Vsitatissimam etenim superioribus annis fuisse consuetudinem acciendorum & interrogandorum manuum, norunt maiores: & hac de re peculiaris & magna uolumina fuisse confarcinata, eademq; in quibusdam scholis palàm proposita, sunt qui meminerrunt. Nobis autem cura mandata incumbit, ut omnem

omnem confociationem cum demonijs et eorum ministris execremur, ne eorum usu polluamur, & oscitantia uel securitate eorum retibus implicemur incauti. Apud Lucanum quoque, Erichtonem maleficam Thessalam fascinatricemq; euocasse mortuum narratur, qui belli Pharsalici euentum Sexto Pompeio denunciat. Dicitur & Apollonius Romæ uerbis occultè pronunciatis, puellam nuptiarum die resuscitasse, cuius ille nobilis scriptor Philostratus testis est. Idem gloriatur se Achillis animam ab inferis euocasse, ut corporis sui molē sibi ostentaret, & ad interrogata de gestis in bello Troiano illi responderet: Non, inquit, sicut Vlysses terram effodiens agnorum sanguine, manes Achillis eduxi: sed omnes adhibui preces, quas placandis heroum animabus sacerdotes Indorum dici iubent. Appion quoq; Grammaticus memorie prodidit, se umbram Homeri euocasse, ut ab ea percunctaretur, cuias esset, & quibus parentibus editus. Sed eadem est ratio, & Dæmonij ludibria, si cauidebantur ita acta esse. *νενομαυτέα* & *νενομαυτέα* hanc uocant, quæ sacrificijs solenni ritui institutis & peractis, atq; diris execrationibus ab Orco manes educit, accitosq; de futuris sciscitatur. Hanc Aeneam exercuisse traditur, cum in Italiam uenisset, occiso Miseno tubicine.

Lib. 5.

Erichtone malefica.

Philost. lib. 4. in Apollonio uita.

Horat. lib. 1. Ser. sat. 8.

νενομαυτέα.

νενομαυτέα.

Porro ritus, quibus cōmoueri ex imo animas, produciq; arbitrabantur, item uariarum diuinationum monstrosas species, prodigiososq; modos, satanæ artificio

154 De præstigijs dæmonum

tificio in æternam hominum perniciem dolose confictos, in historijs annotatos, & ab Ethnicis usurpatos, eruditè in doctissimis suis, de Præcipuis diuinationum generibus, Cõmentarijs describit multijugæ lectionis uir GASPAR PEVCERVS: ubi plurima lectu dignissima, atque huc facientia, uberius comperies.

ΛΕΚΑΝΟ-

ΜΑΥΤΕΙΑ.

ΛΕΚΑΝΟΜΑΥΤΕΙΑ describit Psellus, & eam fuisse in usu apud Assyrios ait: sed & Chaldæis & Aegyptijs familiaris fuit, ea etiamnum hodie utuntur Turcæ, licet nonnihil diuersè. In peluim aqua repletam imponebantur aureæ & argenteæ laminæ, lapidesq; preciosi characteribus certis signati. & postquam consueta essent prolata uerba, quibus dæmon exciebat, proponebatur quæstio. tum primò quidem sonitus tenuis absq; uoce audiebatur, qui signum erat ingredientis dæmonis: post aqua inundate, uoces exiles ex ea emergebant, quibus ad quæstionem respondebatur: at opera data exiles admodum, ne mendacij coargui posset dæmonium, in his quæ non nouerat.

ΓΑΣΤΡΟΜΑΥΤΕΙΑ.

ΓΑΣΤΡΟΜΑΥΤΕΙΑ hoc à priore discrepabat, quòd non uoce, sed picturis respõsa expediebat. Collocabantur uasa uitrea, rotunda, aquis conferta limpidissimis, & circum collocabantur accensi cerei, cumq; euocatio dæmonis secreto murmure finita & quæstio relata esset, adhibebatur puer impollutus, aut mulier prægnans, quæ uitra studiose accurateq; intueretur, ac circumspiceret, rogaretq; imperaret & flagitaret responsa. Ea tandem imaginibus aquæ impressis,

Impressis, & per uitra pellucida remittentibus,
diabolus ostendebat.

Κατοπτρομαντεία, ex nitidis tersisq; diuinat spec- κατοπτρο-
culis, in quibus propositarum rerum imagines effi- μαντεία,
cte, redditæ uē à diabolo fulgent. Ea usus est Didius
Iulianus Imperator: & pleraque satanæ monitu præ
uidisse, quæ acciderunt, scribitur.

Χρυσθαλλομαντεία, ex chrysalis fabrefactis atq; χρυσθαλλο-
expolitis, colludente in his diabolo (in plerisq; enim μαντεία,
minuta specie, aliâs materiæ alterius, conditus delite-
scit) depictas notas atque figuras euentuum ac rerum
quæsitæ, quasi uaticinans suis magis renunciat.

Δακτυλιομαντεία appellatur, quando ex annulis δακτυλιο-
ad certos cœli positus fabrefactis, uel diabolico ritu μαντεία,
consecratis diuinant malefici. At qui uetitis his di-
uinationum demoniacarum modis utuntur, nimis
impunè inter Christiani nominis homines degunt
quàm plurimi.

ὕδρομαντεία uariè usurpabatur. Aqua impleba- ὕδρομαν-
tur cyathus, annulusq; filo suspensus ex digito libra- τεία,
batur in aquam, atque sic conceptis uerbis postula-
batur rei quæsitæ declaratio, uel confirmatio. Si
quod proponebatur, uerum erat, annulus suo nu-
tu, non impulsus, cyathum feriebat constitutis ictibus.
Hanc exercuisse Numam Pompilium, & excitos in
aquam deos consuluisse tradunt. Extant & alij
eius modi.

ὀνοχομαντεία perficiebatur, oleo & fuligine in ὀνοχομαν-
unguent τεία,

156 De præstigijs dæmonum

unguem pueri alicuius impolluti illitis, soliꝑ; obuersis. Confici enim ex mixtione olei, fuliginis & radiorum solarium simulachra rerum expetitarum, opinio erat: quæ tamen formabat mille artifex diabolus, ut ex hac mixtura in ungue reddi ac resulgere uiderentur.

κοσμινο-
μαντεία.
ἀξινομαν-
τεία.

Κοσμινομαντεία & ἀξινομαντεία, ad perstringendos atque detegendos occultos scelerum authores, & res alias obscuras manifestandas, magi utuntur. Hanc securi perficiunt rotundo palo infixæ, apta tãq; ad normam, & cum præfatione, ordine enumeratis suspectorum nominibus. Ad cuius uerò mentionem securis uel leui impulsu se circumagit aut nutat, cum culpæ reum peragunt. Illam administrant

Lib. 4. f. 1.

cribro forcipi imposito, & forcipe binis tantum apprehenso atq; eleuato digitis: itidemq; præfatis precibus, & suspectorum nominibus recitatis, quocunq; nominato cribrum uel tremit uel nutat, uel uolutatur, eum reum statuunt. at quàm uerè, testatur omnis dæmonum ueritas. *λεφαλανομαντεία*, asini capite super præuinæ assato, nescio quibus perficitur ritibus.

λεφαλανο-
μαντεία.
κληρομαν-
τεία.

Κληρομαντεία, sortilegium. Sunt autem sortilegi, qui sub nomine fictæ religionis per quasdam quas Sanctorum seu Apostolorum uocant sortes, diuinationis scientiam profitentur, aut quaruncunq; Scripturarum inspectione futura promittunt, secundum Isidorum. Huc sortes uariæ pertinent, puncta figuræ iactatæ, taxillorum iactus, plumbeæ figuræ in aqua proiectæ,

Lib. 4. Ety-
mol. & habe-
tur 6. q. 1.
Sortilegi.

Liber secundus.

157

proiectæ, in apertum librum repens oculorum intuitus: occursum ex improviso sententiæ, quæ ad quæstionem conducat: & alia uesana indicia, quæ uno sortium nomine comprehenduntur. Superstitionis autem genus est, cui occultò colludit dæmon.

Incantatores, ariolos, haruspices, augures, Pythonnissas, genesianos, salitores, sortilegos, discernit Augustinus lib. de Nat. dæmonum. Habent itē 26. q. 4. igitur.

Diuini autem omnes dicuntur, quum uel inita cum demonibus manifesta societate uaticinantur: uel superstitionis quibusdam artibus, quæ ex occulto cum demonibus pacto scaturiunt, mancipati idē efficiunt. Diuini.

Hodie adhuc in cœmiterio uel foro publico Constantinopoli diuinandi artem profitentur, uictū hinc queritantes Turcæ uiri & mulieres, cū primis Aegyptiæ, ab initio idololatræ. Hi in arena notatis figuris, uel eiectis colligatis aleis, & notarum numero collecto, in libro nescio quid legentes submurmurantesq; uaticinantur: uel ceram cum oleo confundentes; donec refrixerit expectant, ex apparentibus deinde characteribus diuinant: nonnunquam ex aqua, speculo, uitro, & id genus similibus organis præagiūt, haud dubiè ab impietatis & τῆς ἀπιστίας magistro ita instructi, ut eos longa annorum serie quasi ab uberibus maternis uirulentum eiusmodi lac exuxisse, minimè hæsitent. Sic de quodam diuino Diophanes nomine, refert Apuleius: Corinthi nunc apud nos passim Chaldaeus quidam hospes, miris totam ciuitatem re-

Li. 2. de Aur.
asin.

sponsis

158 De præstigijs dæmonum

sponsis turbulentat, & arcana fatorum stipibus emendandis edicit in uulgum, qui dies copulam nuptialem affirmet, qui fundamenta moenium perpetuet, qui negociatori commodus, qui uiatori celebris, qui nauigijs opportunus. mihi denique prouentum huius peregrinationis inquirenti, multa respondit, & oppidò mira, & satis uaria.

At omnes hi prædictionum modi ἀνατιολόγητοι dicti, qui nullas in natura causas habent, seuerissimè in lege diuina prohibentur, ubi diuersis appellantur uocibus: ut semper apud omnes gentes diuinationum imposturæ fuerunt uariæ. Mirandum uerò magnopere, eò usque prudentiam hominibus eripi, ut audire, dicto parère, compelli ligariq; spiritum natura nobilissimum, malicia autè ob rebellionem nequissimum propria uirtute hominis, natura eo inferioris, & malignitate penè non imparis quandoque, arbitrentur: quasi se homini præter naturam dedere uoluerit is, qui Deo creatori natura inuitante subijci recusarit. Qui ergo naturæ fœdus uiolarit, hic ne in usum nostrum unquam seruabit passionem? Adde, mendacem mendacijq; parentem, quæcunque uera ad falsitatem, & quæcunque bona ad malitiam intorquere. Quis nisi luxatæ mentis huic fidat, ut de futura ueritate percunctetur, quam uel nullo modo sciat, quia eius naturæ est minimè nota, uel desuper non reuelata: aut si sciat, malicioso astu mēdacijs inuoluat. quòd si purè eam quandoq; proferat, uel coactus id facit uel si

uel si sponte atq; libenter, malo tamen animo, pessimusq; sine proposito, ut scilicet perniciosius offendant in posterum, & ueritate qualicunque quæ in rebus agendis parum emolumenti allatura sit, prolata, demum sub alia (quæ nisi integrè pernoscat, sit graue incommodum uel exitium paritura) atrocius ledat, & mendacium ipsum ceu uenenatam escam & exitialem hamum cautius tegat Tartareus ille piscator. Stultus itaque ille, qui hunc consultum abit: at stultior multo, qui inde redit, nisi resipiscat. Interim non inficiat, cum ille rerum naturas cognoscat, multa ex causis naturalibus eum prius scire, quàm ab humano intellectu percipiantur: & tãto exactius, quanto eius ingenium est sublimius: ea autem ignaris uelut fur prænunciat, præsertim quorum in actu uiderit initia, ut uaticinari & occulta rerum prænouisse credatur. Copiose, doctè & piè in hanc rem contra magicas prænotiones disputat libris nouem de Prænot. maximè uerò li. 7. Ioannes Franciscus Picus, philosophus insignis.

Atqui exquisitiorem artium harum diabolicarum enumerationem permitto illis qui eas didicerunt, ac magistri doctorisq; sui opera, ductu & consilio, exercere perpetuo suo aliorumq; exitio audent, quos in nefariorum suorum scelerum communionem perditissimè adducunt: proserpitq; hæc pestis immaniter in totum Christianum orbem, grassaturq; nimis: maximè ubi uox Euangelij obscurius sonat, & nescio quibus

160 De præstigijs dæmonum

quibus gentilitijs, & demoniaco astu non dubiè in hominum deceptionem excogitatis superstitionum ritibus, diuini cultus ueritas conspurcari uidetur.

Suum tamen adhuc locū in familia turgidorū Pythio spiritu, hic inueniunt, magorum albo inscribendi meritò, nec ulla ratione prætermittēdi, pleriq; sacrifici & monachi ut indoctissimi, ita & incomparabilis impudentiæ, perditissimiq; impietatis homines (uiris pijs, quos unice ueneror, nihil detractum hic uolo) qui medicine sacræ, quā ne primis quidem labris eos gustasse constat, cognitionem mentientes, facile cuius uulgarī (Consulares, uel alicuius doctrinæ, iudicij, existimationis uel uiros nominare pudet) de morbo sciscitanti, consiliūq; querenti, è maleficio uel incantatione esse morbum progenitum, ore mendaci respondere, persuadereq; non uerentur. ac Pythij hi uates sæpenumero incantatricem uel sagam notoria sua arte per indicia, si dijs placet, indigitare nefariè audent: honestæ alicui, inculpatae ac piæ matronæ hoc cauterium crebrò inurentes, à quo illa nunquam, ne in multam quidem posteritatem, uel eius soboles, sanari poterit. Enimuerò non rerum suarum sagessisse se arbitrantur, quòd morbum mendaciter commententur, nisi etiam insontes calumnijs opprimant, odiaq; plus quàm Vatiniana apud hoc credulum nimis hominum genus concitent, litibus integras uicinas personare faciant, amicitias diuellant, sanguinis necessitudine constrictum unionis uinculum dissoluant;

Sacrifici & monachi qui dam inepti, malefici morbum mentiuntur, & eius reas statuunt insontes.

soluant, ad pugnas promoucant, carceres procu-
rent, cædes tandem uariè architectentur aut eorum
qui infontem denotatam huius maleficij ficti effectri-
cem uel uindicare, uel illi patrocinari student: aut e-
tiam huius feminae ab alijs cæse, siue à magistratu
instituto, punita. Horum uiuum si me testem dixe-
ro, mentiar minimè, etiamsi indignatione rumpantur
ilia Codro, aut eius sectæ affeculis. Ita hos eccle-
siasticos scilicet uiros, eximia sui instituti mancipia,
religionis potissimum pallio, strenuam sibi nauare
operam & experitur & gloriatur heros illorū Be-
elzebub: qui ob pecuniæ aucupium, aut falsæ existi-
mationis cupidine prurientes, hoc modo suas alio-
rumq; animas, demonibus prostituunt & deuouent:
medicinam artium ut uetustissimā, ita & utilissimam,
maximèq; necessariam, eiusmodi incantationum opi-
nione in naturalibus morbis ad uitæ & salutis perni-
ciem defœdantes. Ex horū numero quidam nugaci
Dialogo nuper Germanicè (Latine etenim ob insci-
tiam non potuit) typis effuso scribit, mulieri cuidā
uentrem in eam extumuisse molem, ut uterum gere-
re censeretur. & cum ante Bacchanalia se partum e-
dituram speraret, eoq; frustraretur, hanc ad ipsius
opem confugisse: qui propinato pharmaco se expu-
lisse duos nucleorū cerasorum iam partim germina-
re inchoantium, partim ad digiti altitudinē natorū
cantharos (quartas uulgus dictitat, sex libris men-
sura propemodum æquiuales) addito iuramento
asserit.

*Medicina ar-
tium uetustis-
sima.*

*Commentū
cuiusdam pæ-
storis.*

asserit. Mendacij uerò impudentia hinc cognoscitur, quòd nusquā in alia cauitate huic excretioni idonea, quàm intestinorum sinu contineri potuerint nuclei. si autem nouē circiter mēses, à cerasorū postremò naturarum tēpore, in illis impacti, tumorem tantum excitarint iam egerminantes: quæ uia quæso interea temporis per intestina arctissimè nucleorum mole infarcta distentaq; naturalibus patuit excremētis? Mirum quòd eidem cōmento nō assuerit, feminā hanc medicamenti oblatis operatione, eadē opera nucleorū germen emittentiū aceruo agrū cōseuisse: uel nisi eos expulisset, potuisse actis loco benè stercoreato (cū uenia id mihi dicere ob rei insulsiatē liceat) radicibus, post paucos menses leta gignere protrudereq; in apertū aerem cerasa. Idem ille in celebri apud Geldros oppido, ubi olim medicinā publico feci stipendio, in uirginū arctius oclusarū cœnobio, uni ualetudinis nō nihil afflictæ, maleficiū esse quo exerceretur, persuasit: nec id nisi misse sacrificio super puellæ uentrē celebrato, tolli posse, addit: quo permissso, peractoq; eam primū maleficio cœpisse exagitari, quū leuiter antea naturali afficeretur malo, postea saepenumero monasterij gubernatrix (quā matrē appellant) nobilitate, etate & probitate ueneranda exposulauit. Suos interim qui ipsum, ob religionis fortassis nomē, admirētur, habet ridiculus hic actor et ineptiarū scriptor, etiam officio pastor: cuius, quanquā mihi intus & incute noti, nomini parcat calamus, ob conscientia, quæ modestiam

*Maleficiū
pastoris cuius
dam sacrile-
gum.*

Liber secundus.

103

modestiam imperat, aliorumq; uitia tegi uult. Quare & alios eorundem maleficiorum reos, eiusdem ordinis homines penitus mihi cognitos, prudens prae-
reor: qui nisi resipiscant, quod ex animo illis optarim, timendum ne de ijs dixerit Isaias, Percussimus foedus cum morte, & cum inferno fecimus pactum.

Nec interim aliorum quoq; ineptorum hominum, medicinae cognitionem impudenter doloseq; iactantium, unicum esse asylum inficias eo, ut quum morbi essentiam, multo minus eius curationem, ignorent, coganturq; ex imperitia, uelut caeci de coloribus iudicare, maleficiū mox esse affirmant: hoc uelamine suam tegentes in artis sacrae operibus inscitiam, elabētesq; non secus quā indocta illa chirurgorum turba, confestim ad diuos, uelut Quirinū, Antonium, uel qualem cunque alium refert gangrenam uel sphacelum uel phagedenam, aut ulcera alia maligna siue curatu contumacia, quae tamen ab initio non usque adeo fuerunt praua, quā paulatim illorum, saltem ex quibusdam unguentorum formulis, incerta periculosaq; iuniperi, medicantium ignorantia, in eiusmodi maliciam degenerarunt. At calumniam, aut potius iustē in eos instituendam actionem, hoc praetextu cautē declinant hi uerē malefici.

Huc referēdi, qui canis rabidi morsus curationem apud D. Hubertū Ardēnatē ex praescripto emedicandā impiē cēsant: & qui epilepsiā D. Ioāni, Cornelio, Valentino aut Egidio cōsecrant. Nae hos eorū qui ad

Isaia 27.

In diuos inscitiam suā & errores referunt indocti chirurgi.

Diuis non est ascribenda morborū cura ratio.

l 2

diuinos

diuinos aut Pythiam familiam confugiunt, poenam non in meritò subituros timendum est. Non inconuenienter hic adducam obiter, sententiam ex senioris Hippocratis, uel alterius memorabilis uiri (ut uult Galenus) libello de Morbo sacro aut Comitiali, quam epilepsiam Græci dicunt: in quo, quum prius diuini nihil amplius huic inesse malo quam alijs morbis demonstrasset, sic inquit: Qui primi hunc morbum sacrum esse pronunciarunt, tales homines mihi fuisse uidentur, quales etiam nunc sunt magi & expiatores & circulatores, & quidam arrogantes, qui se uehementer pios esse simulent, & amplius quid scire. Hi itaque consilij ac mentis inopiæ obuelantes ac prætexentes diuinitatem, quum nihil haberent quod exhibitum prodesset, ut ne manifesta fieret ipsorum ignorantia, sacram hanc esse affectionem pronunciarunt: & rationibus idoneis collectis, curationem constituerunt sibiipsis securam, expiamenta offerentes & incantamenta, & à balneis abstinere iubentes, & à cibis multis ac ineptis ad hominum ægrotorum esum, &c. Deinde pallium nigrum non esse habendum præcepere: niger enim color mortalis est. neq; pedem supra pedem habendum esse, neq; manum supra manum: hæc enim omnia curationis impedi-
menta esse. Omnia autem hæc diuinitatis gratia apponunt, uelut amplius quid scientes, & alios prætextus proferentes, quò si sanus æger euadat, ipsis gloria & dexteritas ascribatur: sin moriatur, in tuto posita sint

Contra uersu
tos medicos,
& sacrilegos
magos, exi-
mia Hippo-
cratis senten-
tia

sint sint ipsorū excusationes: habeantq; pretextum, quod ipsi non sint in causa, sed dii. Neq; enim medicamentum aliquod edendū aut bibendū exhibuerūt, ut ipsi in causa esse uideri possint. Et paulo post: Talia itaq; dicentes & excogitantes, amplius quid se scire simulant, & homines decipiunt, proponentes his lustrationes ac purificationes, quū uerba ipsorū magna ex parte se ad Deum & demoniū extendāt. Atqui mihi sanè non de pietate uerba facere uidentur, uelut ipsi putant, sed potius de impietate: & quod Dei non sunt, pietasq; ac diuinitas ipsorū impia est ac scelestā, uelut ego docebo. Si enim & lunam abolere, & solem obscurare, tempestatēq; & serenitatē facere, pluuias itē ac siccitates, & mare sterile, itemq; terrā, & alia huiusmodi omnia, se scire profitētur, siue ex sacrorū mysterijs, siue ex alia quadā professione aut meditatione hanc potētiam iactent, qui talia studio habent, impij sanè mihi esse uidētur, & Deos non esse putare: neq; si sint, aliquid posse, neq; ullum aliquod extremū etiā malum prohibere. Quod quū faciant, quomodo nō ipsis infesti sint? Si enim homo incantamentis ac sacrificijs utens, & lunā abolebit, & solem obscurabit, & tempestatē ac serenitatē faciet: non utiq; ego horum aliquid diuinū esse putaue- rim, sed humanum, si diuinitatis potentia ab huma- na uoluntate superatur, & in seruitutem redacta est. Fortassis autem hæc non hoc se modo habent: sed ho- mines uictus indigi multa & omnigena moliūtur &

166 De præstigijs dæmonum

Posterius nimis
religiosi, ido-
lorum nomi-
na cū nostræ
religionis di-
uis commuta-
runt, quibus
varias illas
epilepsie spe-
cies dedica-
uerunt.

euariant, tum in alia omnia, tum in hunc morbum, in
singulis affectionis speciebus causam Deo ascribentes.
Non enim semel, sed sæpius eorundem mentionem fa-
ciunt. Siquidem enim capras imitentur, & si balatum
edant & frendant, & si dextris partibus conuellan-
tur, Matrem deorum causam esse aiunt. Si uerò acu-
torem & concitatorem sonum emittant, equo assi-
milant, & Neptunum authorem esse dicunt. Sed si ali-
quid stercoris etiā emittant, quod sæpe quibusdā con-
tingit præ morbo coactis, Hecates Enodiæ appella-
tio additur. Si autē tenuiorem & densiorem uocem
edant, uelut auiculæ, Apollo Nomius, id est pastor: si
uerò spumam ex ore remittant, ac pedibus calcitrent,
Mars causam habet. Quicunque porro pauores no-
ctu ingruunt, timoresq; ac deliria, et exultationes è le-
cto, terroresq; ac fugæ foras, Hecates insidias esse di-
cunt, et heroum insultus, expiamētisq; utuntur ac in-
cantamētis, & scelestissimū ac impiissimū (meo sanè
iudicio) faciunt numen. Expiant enim morbo corre-
ptos sanguine, itēq; alijs sceleribus inquinatos aut in-
iustos, aut ab hominibus intoxicatos, aut qui scelestū
aliquod facinus perpetrarunt: quos cōtraria his face-
re oportebat, sacrificare nimirū ac precari, & ad tē-
pla progressos dijs supplicare. Nunc uerò horū qui-
dē nihil faciūt: uerū expiant, & alia expiamēta ter-
ra occultāt, alia in mare proijciunt, alia ad mōtes de-
ferunt, ubi nemo attingat, neq; conculcet. Oportebat
autem ea ad tēpla deferre, ac Deo contribuere, si qui-
dem Deus

dem Deus est author. Non tamen ego puto hominis corpus à Deo inquinari, sordidissimum scilicet à purissimo. Verum etiam si contingat ab alio inquinari, aut quid perpeti, cupierit utiq; à Deo purgari ac purificari magis quàm inquinari. Deus itaq; est qui maxima ac sceleratissima peccata purgat & purificat, & liberatio nostra existit: ipsiq; terminos tēplorū ac delubrorū dijs designamus, ut nullus qui nō purus sit eos transcendat: & ingressi respergimur, nō uelut qui inquinemur, sed si quod etiā prius scelus habemus, purificemur. Et de expiationibus quidem sic se res habere mihi uidetur. Hic uerò morbus nulla re diuiniore reliquis mihi apparet: sed naturam habet quam etiam alij morbi, & causam unde singuli gignuntur. Naturam autem & causam ab eodem Deo fieri, à quo etiam alia omnia. Hactenus Hippocrates: cuius argumenta, ut nostro instituto non inutilia, fusius commemorare uisum est.

*Christiana
Hippocratis
sententia.*

At cum Plinio & Mosis edicto, telam enarrandis breuiter fallacium magorū operibus contextā absoluo. Tradit ille, ætate sua principē Neronem uanas falsissimasq; comperisse artes magicas: Quippe, inquit, non citharæ tragicique cantus libido illi maior fuit, fortuna rerum humanarum summa gestiente in profundis animi uitijs: primumq; imperare dijs concupiuit, nec quicquam generosius uoluit. Nemo unquam ulli artium ualidius fauit. Adhæc nō opes illi desuere, non uires, non discendi ingenium, aliaq; non patiente mundo.

Lib. 30. ca. 3.

Magicas artes uanas esse comperit Nera.

168 De præstigijs dæmonum

mundo. Immensum & indubitatum exemplum est falsæ artis, quam dereliquit Nero. Magus ad eum Tridactes uenerat, magos secum adduxerat, magicis etiam cœnis cum initiauerat: non tamen, quum regnum ei daret, hanc ab eo artem accipere ualuit. Proinde persuasum fuit, intestabilem, irritam, inanem esse, habentem tamen quasdam ueritatis umbras; sed in ijs ueneficas pollere artes, non magicas. Nero in exquirendis magicis artibus paulo curiosior, quod nullum certæ ueritatis signum argumentumque perspexisset, eas sustulit. Eo etenim earum uanitas prosperperat, ut sapientibus etiam ethnicis odio essent, et execrabiles. Interdicuntur quoque & damnantur eorum affectatores seuerissimo Dei mandato in Leuitico, tum etiam Deuteron. Non inueniatur in te ducēs filium aut filiam in ignem, diuinans diuinationem, obseruans dies, non diuinans ex sortibus, non incantans aut exercens præstigijs diabolicas: non consulens Pythonem, non interrogans mortuos: quia abominatio est Domino omnis faciens hæc. Ad Lamia, uulgò strigæ, à strige aue nocturna & infaustra, historiam me conféro.

Aliàs inuitauerat.

*Leuit. 19. 20.
Deuter. 18.*

*Lamiae cur dictæ, indicat
Duris Lyb-
icorum lib. 2.*

Lamia quid.

HANC APPELLO, quæ ob fœdus præstigiosum aut imaginarium cum dæmone initum, propria ex suo delectu uoluntate, uel maligno dæmonis instinctu impulsuue, illiusque ope, qualiacunque mala uel cogitatione uel imprecatione, uel re ludicra atque ad insti-

ad institutum opus inepta designare putatur: velut
acrem insolitis ignire fulminibus, tonitru terrifico
concutere, damnosa grādinis insoliti multitudine fe-
rire, segetem in agro letam aliò transferre aut depopu-
lari, morbos præter naturam hominibus bestijsq;
ciere & mederi, paucis horis longissimè euagari, cho-
reas cum dæmonibus ducere, epulari, succubum age-
re, homines in bestias commutare, & mille monstro-
sa rerum ludibria ostentare. Hanc & Sagam dicunt.
Ad cuius longiorem descriptionem facient quorun-
dam poetarum (licet peculiare illud nostrarum La-
miarum genus, quod ob maleficij hominibus & bru-
tis in exitium eo quo audietur modo illati opinio-
nem, nostro seculo comburitur, eos non nouisse exi-
stinem) uersus, ex peruersæ opinionis officina de-
prompti: ut Virgilij lib. 4. Aeneid. ubi Dido ad An-
nam sororem ait,

Hinc mihi Mæsile gentis monstrata sacerdos,
Hæc se carminibus promittit soluere mentes
Quas uelit, ast alijs duras immittere curas,
Sistere aquam fluiijs, & flumina uertere retrò,
Nocturnosq; ciet manes: mugire uidebis
Sub pedibus terram, & descendere montibus ornos.

Et in Damone:

Carminibus Circe socios mutauit Vlyßis. Item:
Picus equū domitor, quem capta cupidine cōiunx,
Aurea percussū uirga, uersamq; uenenis
Fecit auem Circe, sparsitq; coloribus alas.

170 De præstigijs dæmonum

Omnipotentiam quoque Circes maleficæ prædicat Homerus. Item:

Frigidus in pratis cantando rumpitur anguis.

Quibus non apud Ovidium gloriatur maleficæ?
Cum uolui, ripis ipsis mirantibus, amnes
In fontes redire suos, concussaq; sisto,
Stantia concutio cantu freta, nubila pello,
Nubilaq; induco, uentos abigoq; uocoq;
Vipereas rumpo uerbis & carmine fauces:
Viuaq; saxa, sua conuulsaq; robora terra,
Et sylvas moueo: iubeoq; tremiscere montes,
Et mugire solum, manesq; exire sepulchris,
Te quoq; Luna traho. Item de Medea legitur:
Verbaq; ter dixit placidos facientia somnos,
Quæ mare turbatū, quæ flumina concita sistūt. Itē:
Carmine lesa Ceres sterilem uanescit in herbam,

Deficiunt læsi carmine fontis aque.

Ilicibus glandes, cantataq; uitibus uua

Decidit, & nullo poma mouete fluūt. Horatius:

Quæ sidera excantata uoce Theßala,
Lunamq; cælo diripit. Et Tibullus de fascinatrice:
Hanc ego de cælo ducentem sidera uidi,

Fluminis ac rapidi carmine uertit iter.

Hæc cantu funditq; solum, manesq; sepulchris

Elicit, & tepido deuorat ossa rogo.

Cum lubet, hæc tristi depellit lumina cælo:

Cum lubet, æstiuo conuocat orbe niues.

Item de incantationis ui copiose scribit Lucanus:

Lib. 6. de bello
ciuili.

Mens

Liber secundus.

171

Mens hausti nulla sanie polluta ueneni,
incantata perit. — Paulo pòst:
Cessauere uices rerum, dilataq; longa
Hæsit nocte dies, legi non paruit æther,
Torpuit & præceps audito carmine mundus.

Et paulò antè:

Carminè Theſſalidum dura in præcordia fluxit,
Non ſatis adductus amor. Item:
Gens inuiſa deis, maculandi callida cœli,
Quos genuit natura mali, qui ſidera mundi,
Iuraq; fixarum poſſunt peruertere rerum.
Nam nunc ſtare polos, & flumina mittere norunt,
Æthera ſub terras adigunt, montesq; reuellunt.

C. Manilius *Aſtronomices ſuæ lib. 1.*

— Linguas dixere uolucrum,

Conſultare fibras, & rumpere uocibus angues,
Sollicitare umbras, imumq; Acheronta mouere,
In noctemq; dies, in lucem uertere noctes,
Omnia conando docilis ſolertia uicit.

Vbi uerò Lucanus agit de maga illa Theſſala ma-
nes euocante, maleficij materiem affingit:

Huc quicquid foetu genuit natura ſiniſtro,
Miſcetur: non ſpuma canum, quibus unda timori eſt:
Viſcera non Lyncis, non duræ nodus hyænæ
Deſuit, & cerui paſti ſerpente medulla:
Non puppim retinens Euro tendente rudentes
In medijs echineis aquis, oculiq; draconum:

Et reliqua.

Quan-

Quamquam poetarum assertio, uel etiam contradictio, parum ponderis hic apud me obtinet: tamen ut curiosioribus satisfiat, libet paucis hæc tela obiter eodē retorquere arcu. Si quid Medea, hac arte cum primis celebris, hic potuisset, minimè prætermisura erat, à Iasone uincta, cum clamaret:

— Si possem, sanior essem:

Sed trahit inuitam noua uis. —

Maleficijs Medæ præponderabat Iasonis forma, Adhæc Circe maga famosissima, quæ quicquid uellet, posse repellere, allicere, ligare, impedire, euocare credebatur, suum nequiuit remorari Vlyssēm: magisq; sine arte Vlyssi deuincta est, quàm Vlyssēm cum omnibus suis artibus uel uinxerit, uel deluserit. Sic de Vlyssē cecinit Ouidius:

Lib. i. de Re-
med. amor.

Nulla recantatas deponent pectora curas,

Nec fugiet uiuo sulphure uictus amor,

Quid te Phasiacæ iuuerunt gramina terræ,

Cum cuperes patria Colchi manere domo?

Quid tibi profuerint Circe Perseides herbæ,

Cum tibi Neritias abstulit aura rates?

Omnia fecisti, ne callidus hospes abiret:

Ille dedit certæ lintea plena fugæ.

Omnia fecisti, ne te ferus ureret ignis:

Longus in inuito pectore sedit amor.

Vertere quæ poteras homines in mille figuras,

Non poteras animi uertere iura tui.

Diceris his etiam, cum iam discedere uellet,

Dulichium

Dulichium uerbis detinuisse ducem:
 Non ego, quod primùm (memini) sperare solebam,
 Iam precor, ut coniunx tu meus esse uelis:
 Et tamen ut coniunx essem tua, digna uidebar:
 Quòd dea, quòd magni filia Solis eram.
 Ne properes oro, spaciùm pro munere posco:
 Quid minus optari per mea uota potest?
 Et freta mota uides, & debes illa timere:
 Vtilior uelis postmodò uentus erit.
 Quæ tibi causa fugæ? non hic noua Troia resurgit,
 Non aliquis socios rursus ad arma uocat.
 Hic amor & pax est, in qua malè uulneror una,
 Totaq; sub regno terra futura tuo est.
 Illa loquebatur, nauem soluebat Vlysses,
 Irrita cum uelis uerba tulere noti.
 Ardet, & assuetas Circe decurrit ad artes,
 Nec tamen est illis attenuatus amor.
 Ergo quisquis opem nostra tibi poscis ab arte,
 Deme ueneficijs, carminibusq; fidem.
 Porro quod Virgilius in Damone dicat,
 Carmina uel cœlo possunt deducere Lunam:
 Et saga apud Ouidium iacet,
 Te quoque Luna traho: — hoc scitè ab Hippocrate
 diluitur. Libel. de Epi
lepsi.
 Si enim, inquit, homo carminibus Lunam dedu-
 cere cœlo posset, tum certè Deus & mens diuina,
 astrorum conditor & rector, hominum potestati ma-
 gorumq; incantamentis (quod dicere nefas est) esset
 obnoxius.

174 De præstigijs dæmonum

De præcept.
connub.
Luna unde
dicatur celo
deducta.

obnoxius. Sed hæc fouet eiusmodi opinio causam. Aganice, ut Plutarchus refert, Hegetoris Thessali filia, siderū in plenilunijs defectus perita, ac temporis quo luna obiectu terræ umbra obnubilaretur, gnara, quæ hæc mulierculis credulis præfaga futuri prædiceret, præcantatione lunam subducere cælo credebatur. Tamen Pirithoum primū à cælo detraxisse lunam, fingi à poetis, non ignoro. Hæc Propertius ita ridet. At nos, deductæ quibus est fallacia lunæ;

Et labor in magicis sacra piare focis:

En age dum dominæ mentem conuertite nostræ;

Et facite illa meo palleat ore magis.

Tunc ego crediderim uobis, & sidera & annes

Possæ Cyrenæis ducere carminibus.

Quorundā poematū huius argumenti explicationem etiā circa libri sequētis finē cōperies. At apud hæc poetarū cōmēta locū merētur infinitæ historiæ, fabulis fabulosiores, XI libris Metamorphoseos siue lusus asini cōscriptæ à L. Apuleio Madaurēsi, philosopho Platonico. Ex ijs accipe duas, ut cū his cōferatur fidēq; sortiātur parē illa, quæ frequēter adhuc nostro hoc æuo à male credulo ac demētato uulgo tanquam uera narrātur, licet sint mēdaciamera, quibus etiā facile ab alijs datur fides. Cauponā reginam hoc modo describit: Saga est, et diuinipotēs, cœlū depone re, terrā suspēdere, fontes durare, mōtes diluere, mōnes sublimare, deos infirmare, sidera extinguere, tartarū ipsum illuminare. Amatorē suū, quod in aliā temerasset,

Lib. i. de Asino aur.
Apuleij fabula.

meraſſet, unico uerbo mutauit in ferā caſtorem: quòd
 ea beſtia captiuitati metuēs, ſe ab inſequētibus repræ-
 ciſione genitaliū liberat: ut illi quoq; ſimile, quòd Ve-
 nerē habuit in aliā, proueniret. Cauponē quoq; uici-
 nū, atq; ob id æmulū, deformauit in ranā: et nūc ſenex
 ille doliū innatās uini ſui, aduentores priſtinos in fece
 ſubmiſſus, officiſis ronchis raucus appellat. Aliū de
 foro quidē, quòd aduerſus eā loquutus eſſet, in arie-
 tem deformauit: & nunc aries ille cauſas agit. Eadem
 amatoris ſui uxorem, quòd in eam dicaculē probrum
 dixerat, iam in ſarcinā imprægnationis obſepto ute-
 ro & repigrato fœtu, perpetua prægnatione dam-
 nauit. Et ut cuncti numerant, octo annorū onere mi-
 ſella illa, uelut elephantem paritura, diſtenditur. Et
 lib. 2. de Pamphile Miloni nuptui tradita hæc ſcribit:
 Maga primi nominis, & omnis carminis ſepulchra-
 lis magiſtra creditur, quæ ſurculis & lapillis, & id
 genus friuolis inhalatis, omnem iſtam lucē mundi ſi-
 deralis, imis tartari & in uetuſtum chaos ſubmerge-
 re nouit. Nam ſimul quenquā conſpexit ſpecioſæ for-
 mæ iuuenem, uenūſtate eius ſumitur, & ilicò in eum
 & oculum & animum detorquet. Minus morigeros
 & uiles ſaſtidiens, in ſaxa & in pecua, & quoduis
 animal punctò reformat. Alios uerò prorſus extin-
 guit. Longioris moræ in ijs recensendis me pudet,
 quare figmentorum enarrationem obſignabo cum
 his Apuleij uerbis lib. 1. Næ iſtud mendacium tam ue-
 rum eſt, quàm ſi quis uelit dicere, magico ſuſurrami-
 ne amicus

176 De præstigijs dæmonum

ne annes agiles reuerti, mare pigrum colligari, uentos inanimos expirare, solem inhiberi, Lunam de-
spumari, stellas euelli, diem tolli, noctem teneri.

*Fœdus præsti-
gijs est.*

Iam ad ipsam rem, fœdus nimirum progredior: quod esse præstigijs, phantasmate aut imaginatione, uel phantastico præstringentis spiritus corpore fallaciter apparente: uel neruis opticis seu uisorijs indita subdolè, quam satan uult, specic: uel sibilo, susurro aut murmure in organis auditus, uitiatæ formis imagini respondente, spiritus arte excito conflatum stabilitumq; ac inde nullius esse ponderis, facile cognoscitur: potissimum si diuersa contrahentiũ essentia, contractus forma, modus, & circumstantiæ, perspicaci mentis acie inspiciantur, atque rationis fideiq; nostræ æquilibrio exactius pensiculètur. Sic plerasq; omnes actiones Lamie hæcenus attributas, quas suas esse, malefana quoque fatetur, ex corrupta à præstigiatore uirtute imaginatiua, non Lamie, sed ipsius satanæ existere, palàm fit: cui minimè opus est alterius adminiculo in sua potentia ostendenda, aut actionibus declarandis, qui nec ullius uoluntate aut imperio cogitur quàm Dei, & huius ministrorum bonorum: malis non coactus, sed sponte & quidem libenter obsequitur malignus ille ueterator, secus licet fingat, simuletq;, teste Porphyrio, ut suis præstigijs nos magis irretiat. Non autem strictè colligari pactum imaginarium, doloq; malo mendaciter ab altera parte initum necesse est, quò à præstringente spiritu apud stupen-

stupentem nec mentis compotem satis hominem, aliter fieri non potest. Præterea dolosa hæc stipulatio, maximè in perniciosum finem conficta, sine testibus aut uadibus contra Dei uoluntatem, si tantum habebit momenti, ut nulla queat rescindi ratione: at necessario eius uirtute alter alterius uoluntatem sequi, illiusq; præcepto morem gerere compellatur: quur pactum illud prius in baptismo ex peculiari Dei uoluntate & mandato, solēnibus uerbis uerè sancitum, & quidem interpositis fideiussoribus, tanquam prærogatiuā non præponderabit? Atqui, fidem Christianam hic abnegasse animum miseram, obijcies. Et nos, quotquot aliam salutis uiam quærimus, quā Christum IESVM, eius præcepta obseruantes, uestigijsq; insistentes, uiua in ipsum fide per dilectionem operante, fidem abiicimus: re ipsa testati, mente sana, quod illa uel ætate stupida, uel sexu inconscius, uel impotentia mentis lubrica, uel animi morbo desperans, aut imaginariè aut maligni arte delusa fecisse putatur: Aures Pauli uerbis, quibus fidem Christianā uerè abnegantes scitè depingit, paulisper accommoda: Illud scito, inquit, quod in extremis diebus instabunt tempora periculosa. Erunt enim homines sui amantes, auari, fastuosi, superbi, malefici, parentibus immorigeri, ingrati, impij, carentes affectu, nescij scēderis, calumniatores, intemperantes, immites, negligentes bonorum, proditores, precipites, inflati, uoluptatū amantes potius quā amantes Dei,

Fidem Christianam abnegantes.

Gal. 5.

2. Timoth. 3.

1. Timoth. 4.

178 De præstigijs dæmonum

*Pietatis uim
qui abnega-
runt, circa fi-
dem reprobis.*

Exod. 7.

*Chrismatis
uim si qua
est, non posse
externa ex-
emptione tol-
li.*

tes Dei: habentes formā pietatis, sed qui uim eius ab-
negarint. Et istos auersare: ex his enim sunt, qui sub-
eunt in familias, & captiuas ducunt mulierculas one-
ratas peccatis, quæ ducuntur concupiscentijs uarijs,
semper discētes, nec unquam ad cognitōnem ueritatis
uenire ualentes. Quemadmodū autē Iannes & Mam-
bres resistebant Moysi, ita & hi resistunt ueritati: ho-
mines mēte corrupti, reprobis circa fidē. Sed nō pro-
ficient amplius. Siquidem amentia eorū euidenter erit
omnibus, quemadmodū & illorum fuit. hæc Paulus.

Ad chrisma in fœderis cōtractu exēptum si consu-
giat, licet uel unico uerbo hic satisfacere possem: id ta-
men ne plus facessat negocij, tutius erit respōdere. Si
qua uis sit chrisomatis, eam non in externa illinatione
magis consistere, quā in externa aquæ superfusio-
ne in sacramento Baptismi, qui fide intercedente sa-
crificatur, atq; ita confirmatur, ut si postea centies
aqua corpori infusa abluatur, imō tota cutis abra-
datur, nihilominus ex charactere fide impresso per-
manet baptismi essentia: etiam si eius uirtutem homo
quandoque lapsu abneget, tamen si resurgat, à pec-
catis ad uitæ emendationem pœnitentia conuersus,
eadem stabit baptismi semel administrati energia.
Ratio chrisomatis crasi erit eadem, apud resipiscen-
tē, si ita uoles: alioqui uel uulnere syncipiti inflicto,
aut putrido ulcere ea in parte exorto, illud quoq; in-
terire sequeretur: quanquam etiā non uerē synciput
in fœdere fortassis colliditur, sed imaginariē: quem-
admodum

Admodum reliqua multa hic contingere animaduertimus, quò credulum hoc malefanorū hominum genus persuasione mala inducatur, ut se diaboli retibus iam inde implicitum usq; ad eò seruūq; credat, quasi omnis resipiscentiæ uia deinceps sit præclusa, quò hac ratione tandē extrema cogitetmoliaturq;. Quamuis nō magis huic, quàm quibusuis alijs grauius peccantibus, conuersionis locus erit præcisus. Petrus siquidem, antea breui à Christo præmonitus, contra conscientiae testimonium ter Christum, addito etiam iuramento, negat: atqui agnito errore, lachrymisq; fufis, in gratiam recipitur.

Matth. 26.
Marc. 14.
Luc. 22.
Ioan. 18.

Atqui ut omnia satanæ instituta minimè coherēt, uariāq; & mendacia comperiuntur: ita & professionis modus ineptus mancusq; est, ac diuerse à quolibet eius factioni reo, quæstionibusq; subiecto narratur. Exempla sunt obuia in Malleo maleficarū, libro sic inscripto, ubi legitur: Modus profitendi duplex est. unus solennis, per simile, ad uotum solenne: alius priuatus, qui scorsum dæmoni quacunq; hora fieri potest. Solennis inter eos fit, ubi Lamiæ in certam conuersionem statuto die ueniunt, & dæmonem in assumptā effigie hominis uident, qui quum de seruanda sibi fide admonuerit, successumq; in rebus mundanis prosperum & uitæ longitudinem promiserit, quæ præsentēs sunt, nouiciam suscipiendam ipsi cōmendant. Et dæmon si in abneganda fide, cultu Christianismi, & extensa muliere (sic enim beatissimam uirginem

Professionis
Lamiarum
modus ineptus, nec coherens:

Prima secundæ partis
quest. 1. cap. 2.3.

Mariam nuncupant) & in sacramentis nunquã uenerandis inuenerit nouitiam seu discipulum protliuem, tunc dæmon manum extendit, ac uiccuersa discipulus seu nouitia stipulata manu, illa seruaturũ se pollicetur: hinc dæmon subiungit, ea non sufficere, sed omagium deinde petit cõtinent, ut anima & corpore se in æternũ illi dedat, & pro uiribus alios quoscunq; utriusq; sexus illi adiungere uelit. Addit deniq; ut certa unguenta ex osibus & membris puerorũ, & præcipuè renatorũ fonte baptismatis, sibi conficiat, per quæ omnia sua instituta ipsius adminiculo explere poterit. Hunc modũ nos inquisitores (scribunt Mallei maleficarum authores) cognouimus in oppido Brisiaco Basiliensis diocesios, plenè à saga iuuenicula informati. Deinde post legitur: Præfato inquisitore mihi referente intellexi, in ducatu Lausannensi quosdam magos coxisse & comedisse proprios infantes. Modus autem discendi talem artem fuit, ut dixit: quòd magi in certam ueniant concionem, & opere eorum uerisimiliter dæmonem in asciticia nominis specie conspiceret, cui discipulus necessariè dat fidem de abnegando Christianismo, de eucharistia nunquam adoranda, & de calcando super crucem, quando latenter posset. Fuit insuper fama communis, Petro iudice in Boltingen narrante, quòd in terra Bernensium tredecim infantes à Lamijs essent deuorati: quamobrem etiam in tales parricidas satis duriter exarserat publica iusticia. Alius postea inuenis,

genis, tamen uxoratus, hunc refert ordinem: Oportet primò, Dominico die, antequam aqua benedicta consecratur, discipulum futurum cum magistris templum ingredi, & ibidem abnegare, &c. Deinde omagiū præstat magisterulo, id est paruo magistro: ita enim demonem, nec aliter, uocant. Sequitur postremò: De utre bibit, quem audies: quo factò, statim intrinsecus sentit se imagines nostræ artis concipere, & principalibus ritibus huius sectæ imbui, confirmariq;. Quum autem modum quo infantes comederent, à saga capta inquireret Petrus: hæc respondit, illum talem esse. Infantibus nondum baptizatis insidiamur, uel etiam baptizatis, præsertim quando crucis signo & orationibus non muniuntur. Hos in cunabulis, uel ad parentum latera iacentes, ceremonijs nostris occidimus: quos postquam putantur oppressi esse, uel aliunde mortui, ex sepulchro clam suffuramur, & in olla decoquimus, donec euulsis ossibus, uelut cera ferè potabilis efficitur. De solidiore materia unguentum facimus, nostris uoluntatibus, artibus & transuectionibus commodum: de liquidiore uerò humore, utrem implemus, ex quo quicumque biberit, additis ceremonijs paucis, euestigiò nostræ artis conscius redditur, & magister. Hæc ille.

*Unguentum
terribile.*

Potus tartareus.

Quàm hæc nō cohæreant, sint absona, indignaq; quibus fides uel leuiter adiungatur, quilibet, dummodò non omnino sit mentis inops, facile iudicabit: & præter reliqua paulo post diluenda, quòd ullis

*Ceremonijs
non posse occi-
di pueros.*

*Infantes mor-
tuos ex sepul-
chris effodi,
delusoriū est.*

*Potus ille Sty-
gius imagi-
narius.*

ceremonijs pueros occidere quis possit, falsissimū est, meraq; satanæ suggestio, ac inanis credulitas. Item quod illos ex sepulchris clam effodiant, nihil esse nisi diabolicam persuasionem ex imaginatiua ui corrupta, aut alto somno uitiata, palam constabit, si monumenta inspiciantur, unde eos extractos esse narrant: ibi etenim reconditos adhuc comperient. Nec hæsitere uolo, eodem modo in mentem illis inductam esse infantis decoctionem in olla confectam, donec exemptis ossibus caro redderetur potabilis. Tam enim id existit inhumanum, tetricum, crudele, & creditu difficile, ut si uel meis intuerer hoc oculis, citius huius horribilis spectaculi fascino eos mihi præstrictos crediderim, quàm nefandum hoc et plusquàm tragicum, omnemq; exuperans fidem condimentum uerè apparatus esse fatear. Sed esto, quod ex Stygia palude proserpant eius unguenti artifices horridicæ striges, quæ omnem humani sensus imaginem prorsus exuerint: cedo tamen, unde illi unguento ea uirtus, ut si quis eo inungatur, fiat sceleratarū uoluntatum, execrabilium artium, & transuectionum incredibilium particeps? uel si eo sedile aut lignum illinatur, mox alter huic innixus, per aera feratur, quemadmodum sage persuasum habent? Non libet hic anxie de mortuæ putidæq; huius carnis decoctæ temperamēto & uiribus disceptare, siquidem in rerum natura eam ita paratam non inueniri, firmiter credo: idem de liquidioris materiæ in utre, ut dictum est, cōseruatæ præparatione

paratione, potatione & uirtute dictum uolo. Interim negandum non est, miseras has mulierculas ita formis uirtuti phantasticæ impressis, à dæmonio dementatas, non aliter ac si hæc ita uerè fierent, scire: uti ferè omnes illarum præter naturam actiones, imaginariæ saltem uidentur: & propterea questionibus adaptæ, flammisq; propinquæ, sua apertè confitentur flagitia, per somnum uel simulachrum illis solummodo cognita. Idipsum confirmatur in Decretis, ad hunc modum: Quædam mulierculæ inferuientes satanæ, dæmonum illusionibus seductæ, credunt se alia nefanda quoque agere, puta paruulos à lacte matris auellere, assare & comedere, domi per caminos seu fenestras intrare, & habitantes uarijs modis inquietare, quæ omnia & consimilia solum phantasticè accidunt eis. Cum ea uerò, quæ fossula facta, & lotio infuso uel aqua, digitoq; moto se tempestatem ciere arbitratur, colludit dæmon aerem turbās, ut illam sibi addictam in officio contineat. Huius ergo ex utre potionis tartaræ, sed imaginariæ in foedere usus, ipsum quoque præstigiosum esse, præter multam eius diuersitatem, apertius demonstrat: uelut et pacti uanitatē id quoq; docet, quòd eo inito ceremonias quasdam contra Ecclesiæ statuta cogantur obseruare: quæadmodum diebus Dominicis ieiunare, aut sextis ferijs (ut aiunt) carnibus uesci, aut crimina in Confessione celare, uel tempore eleuationis in terram spuerere, uel sub Missæ actione uerba proferre inutilia, uel aliquid simile de-

In secunda
parte, caus.
26. quæst. 3.
episcopi.

184 De præstigijs dæmonum

signare: ita Mallei referunt fabricatores. Hæc qualia
 & quanta sint delicta, quilibet pius, tenuiter modò
 sacrarū literarū cognitione tinctus, intelligit. Etenim
 quum dies Dominicus sit audiendo Dei uerbo, ora-
 tionibus & diuino cultui cumprimis consecratus, his
 nemo fructuosius uacaret, quàm qui mentem à cibi ne-
 bulis serenam conseruari. Est (inquit Christus) ali-
 quod dæmoniorum genus, quod non nisi orationibus
 et ieiunijs eiicitur. Sobrios hinc nos esse iubet Petrus,
 & uigilantes ad orandum, quia aduersarius nostr
 diabolus tanquam leo rugiens obambulat, quærens
 quem deuoret. Item Paulus docet suos Corinthios: Ne
 fraudetis uos inuicē, nisi siquid ex consensu pro tem-
 pore, ut uacetis ieiunio & precationi. Ita ieiunium
 & oratio ferè coniunguntur, & quidem ordine opti-
 mo: ut quod apud Tertullianum legitur, ieiunare die
 Dominico, nefas existimari, non immeritò mirer.

Die domini-
 co utiliter ie-
 iunari.

Matth. 17.

1. Petr. 4. 5.

1. Corint. 7.

Carnibus ua-
 sci diebus à
 pont. Ro. ue-
 titis quando
 liceat.

Matth. 15.

Quòd uerò carnibus uesci, urgente necessitate (si
 modò absit offendiculum, contemptus & gula) liceat
 diebus à Pontifice Romano uetitis, alij defendunt ex
 his Christi uerbis: Audite & intelligite: non quod in-
 greditur in os, impurat hominem: sed quod egreditur
 ex ore, hoc impurum reddit hominem. item ex Paulo
 ad Coloß. 2: Ne quis uos iudicet in cibo aut potu, aut
 in parte diei festi, aut nouilunij, aut sabbathorū, quæ
 sunt umbra rerum futurarum, corpus autem Christi.
 Et post: Si mortui estis cum Christo ab elementis mun-
 di, quid quasi uiuentes in mundo, decretis tenemini?

Ne tetige-

Liber secundus.

189

Ne tetigeris, ne gustaris, neque contrectaris: quæ omnia ipso percunt abusu, iuxta præcepta & doctrinas hominum, quæ uerbotenus quidē speciem habent sapientiæ per superstitionem ac humilitatem animi, & læsionem corporis, non per honorem aliquem ad expletionem carnis. Ad Timotheum hic quoq; scribit:

1. Timoth. 4.

Spiritus certò loquitur, quòd in posterioribus temporibus desciscunt quidam à fide, attendentes spiritibus impostoribus, ac doctrinis demoniorum, per simulationem falsiloquorum, cauterio notatam habentium conscientiam, prohibentiū cōtrahere matrimonium, iubentium abstinere à cibis, quos Deus creauit ad sumendum cum gratiarum actione fidelibus, & ijs qui cognouerūt ueritatem: quòd quicquid creauit Deus, bonum sit, & nihil reiiciendū, si cum gratiarum actione sumatur. Sanctificatur enim per sermonem Dei, ac precationem. De his si commonefeceris fratres, bonus eris minister IESV Christi, enutritus in sermonibus fidei, bonæq; doctrinæ, quam usquē secutus es.

Ceterum prophanas & aniles fabulas reiice. Hæc Paulus. Item: Omne quod in macello uenditur, edite, nihil interrogantes propter conscientiam. Domini siquidē est terra, & plenitudo eius. Adhæc, quòd ex pacto certa celare crimina in Cōfessione cogatur: quis amabò singula distinctè enarrabit peccata, quū plerunque omnes nostri cogitatus, uerba & actiones sint peccatorum labe conspurcata? aut quonam diuinæ uoluntatis testimonio, exacta illa nostrorum sce-

1. Corint. 10.

Psal. 23.

Celare crimina in confessione.

Luc. 18.

Luc. 23.

*In terrâ spue
re tēpore ele-
vationis.**Verba inuti-
lia sub missa
proferre.**Crucem cal-
care se. retò.**Ante lustra
lis aquæ con-
secrationem
templum in-
gredi die Do-
minico.**Li. 1. de doct.
Christ. & le-
gitur 26. q. 2.
illud quod
est.**Eucheta &
Gnostici.*

rum enarratione opus esse conuincetur? Quo ordine ea recensuit publicanus ille in templo, aut latro in cruce? Tam quoque graue est delictum, in terram tempore elevationis spueri, quàm sputum in ore continere: & æqualem pœnam merentur uerba inutilia tam sine Missa, quàm sub eius actione prolata. Huc adducatur, commissum in calcanda secretò cruce flagitium: item, quòd die Dominico ante lustralis aquæ consecrationem templum ingrediantur. Hic præstigijs fœderis neruum palàm cernit quilibet pius. Rectissimè ergo Augustinus ait: Omnes artes huiusmodi uel nugatoriae, uel noxiæ superstitionis, ex quâdam pestifera societate hominum & dæmonum quasi pacta infidelis & dolosæ amicitiae, penitus sunt repu diandæ. Superioribus nugamentis ex Psello accen- sere libet de Euchetis & Gnosticis, qui nefanda sacri- ficia perpetrare dicuntur, ut dæmonia toto cōcipiant pectore. Conueniūt die quo passus est Saluator, uesti- re statuum in locum, unà cum puellis sibi notis: & post quædam sacra extinctis luminibus, mistim con- grediuntur siue cum sorore, siue cum filia, siue cum qualibet. Nono rursus mense reuertuntur, puellasq; accersunt, et infantes iam natos ab his euellunt, perq; totum corpus pueros circumcidunt, & circumfuso sanguine phialas implent, corpora cremant, cinerem cum sanguine miscent. Hoc condimento epulas & po- cula condiunt, tum sua inter se, tum aliorū clam quo- rumcunque possunt. Existimant enim hoc sacrificij
& ali-

et alimenti genere tanquam maximè profano, characterem diuinū nobis impressum, ac dæmonia procul arcentem, penitus aboleri, itaq; dæmonia liberiori ingredi. Gnosticis (ut Irenæus attestatur, uir et Christianus et eruditus) præbuit incunabula Carpocrates. His enim præstigias Simonis magi, non ut ille clam, sed publicè ac palam tradebat, et uelut pro summis ac optimis studijs laudem confessam et publicam de nefarijs actibus, à deceptis auditoribus requirebat, et magicas tenebras in luce publica perorabat de amatorijs duntaxat somnijsq; immixtis, ac dæmonijs parædrijs, alijsq; similibus fraudibus.

Carpocrates
magiam secleris
publicam
docuit.

Hic porro id hominum genus potissimum impetit, quod tali est temperamento, uel à causis externis, ut à dæmonis spectro appetitum: uel illius suggestionem tentatum, se uti organum illius uoluntati non ineptum, ex fucata inductione facile præstet. Huiusmodi sunt melancholici, et ob iacturam uel quencunq; aliam causam tristes, teste Chrysostomo, cuius hæc uerba sunt: Omni diabolica actione potentior ad nocendum est mœroris magnitudo: quia dæmon quoscunq; superat, per mœrorem superat. Sunt item Deo diffidentes, impij, illicitè curiosi, peruersè in religione Christiana instituti, inuidi, maliciosi, uetula uix mentis compotes, similesq; lubricæ fidei (qui enim facile credit, facile et recedit) uel insignis malicie muliercule. His ut instrumentis congruis insinuat, quibusque potest modis, suo tempore et loco:

Apta salutaria organa.

Li. 3. de prouidentia ad Stagirium monachum. Ob mœrorem multos superat dæmon. Clemens lib. 2. Recog. August. li. 2. de doctri. Christ. ca. 24.

loco: singulos, ut cuiusque animi studia & affectus ex certis iudicijs cognouerit, peculiari aliqua ratione adoritur, insectatur, illicit, uel assumpta plausibili forma, uel cogitatione imaginationeq; uariè agitata & corrupta, donec tandem ipsius proposito consentiant, se ipsius persuasioni dedant, quicquid in mentem ille ingerat credant, tanquam fœdere obligati, ab illius nutu pendentes, ipsi obtemperantes, uera omnia esse quæ suggerit rati, formas in imaginatiua uirtute uel phantastica ab eo ingestas reuera substantialiter (ut sic dicam) existere confidentes sanctissimè: nec aliter queunt, quum illorum mentem ex primo assensu imaginibus manibus uitari, consopitis uel concitatis in hoc opus corporis humoribus & spiritibus, ut hac ratione ad organa accommodata species aliquas inducat, perinde ac si extrinsecus ea occurrerent uerè, non solum dormientibus, uerum & uigilantibus: atq; hoc modo aliqua extrinsecus uel existere uel fieri putentur, quæ tamen reuera nec sunt, nec fiunt, nec sæpe in rerum natura existunt. Ea est horum immundorum spirituum subtilitas incomprehensibilis propè, & fraus infatigabilis, sensus hominum eludens. Sic & ueterum Aegyptiorum sensus obsedisse dæmonem, docet apud Clementem D. Petrus. Plurimum uerò huc sexum femineum, nimirum temperamenti ratione lubricum, credulum, maliciosum, impotentis animi, & ob eius affectus quibus difficulter imperat, melancholicum: cum primis autem effectus,

Li. 5. Recog.

Sexus femi-
nei creduli-
tas.

foetas, stupidas, menteq; titubantes uetulas inducit
subdolos ille ueterator. Quo nomine Euam conue-
nientius suae persuasioni organum non Adam, in re-
rum primordijs, quum duo saltem existerent homi-
nes, aggressus est: quam leui etiam disputationis ue-
litatione uicit.

Genes. 3.
1. Timoth. 3.

Porro ne imaginatiuae uirtutis instrumenta in his
mulierculis hoc modo uitiari & oculorum aciem per-
stringi, usque adeo absurdum uideatur, animaduerte
melancholicorum cogitatus, uoces, uisa & actiones:
ac quam omnes sensus ex humore melancholico cere-
brum occupante, mentemq; immutante, in his sepe
deprauatos uideamus, ut alij se esse bruta animalia
credant, ipsorumq; uoces & gestus imitentur. Non-
nulli se uasa fictilia factos esse putant: ob id occuren-
tibus, ne collidantur, cedunt. alij mortem timent,
quam sibi tamen consciscunt interdum. Plerique se
criminis reos imaginantur, ut pauidi quencunque
uiderint ad se ingredientem exhorrescant, ueriti,
ne manibus ipsis iniectis captiui abducantur, & ad tri-
bunalia supplicio afficiendi pertrahantur. Quidam
senex nobilis, quandoque e sede exiliens subito, ab
hostibus se impeti credebatur: quos arreptos, retrò se
in furnum corserim, sua quidem opinione, intru-
deret. Alius metuebat, ne Atlas, uniuersum terra-
rum orbem sustinens suis humeris, defatigaretur, &
onus excuteret lassus, cuius intolerabili ruina omnes
opprimere creatur. Vidi qui cibum & potum pertina-
citer

Melancholi-
corum corru-
pta imagi-
natio.

190 De præstigijs dæmonum

citer auersaretur. Sunt quos tā miserè exercet plena scrupulis consciētia, qui nodos in leui scirpo quæritantes, culpam imaginantur ubi nulla est: & diuine misericordiæ diffidentes, se orco destinatos, lamentatione sedulò nocte diuq; deplorant. Noui, qui se fratrem multis inde miliaribus degentem uidere diceret; item qui suis auribus semper obstrepere (masculorum concubitor) quemcunque obuium, etiam coniunctissimum quereretur: atq; hoc nomine ad me is scribebat disertè, num quid consilij à me adhiberi ualcret, quum in auditus organo uitium esse alij existimarent. Mens autem huic sacrifico erat læsa. Scio quoq; ubi sulphur & picem redolere aliquem occlamaret melancholiæ uitium patiens, & cibum oblatum piper resipere iudicaret: quæ quàm alienissima esse à rei ueritate, cognoscebantur. partes item pudibundas inflammatione putoreq; ita uitiatas asferebat, ut gangrænam suborituram pertimesceret, his interim locis ab omni uitio immunibus. Infinita alia huc coaceruari possent exempla, ubi sensus omnes multifariam uitiatos cernas, ex unico illo humore, uel fuliginoso atræ bilis uapore, mentis sedem insufficiente, unde phantastica illa procreari monstra constat. Imaginatricem quoq; interdum totam ex alijs humoribus corrumpi, exoluiq; docet Galenus de Sympt. differentijs: quemadmodum in catalepsi: plerumque autem uitari, ut in delirio: est quum deficit atq; debilitatur, quod in lethargo contingit. Quare
idem non

idem non licebit diabolo, tanquā spiritui, ut Deo con-
niunte, in sensuum organa sese insinuet, & humores
sibi commodos uel uapores commoueat, uel aerem
idoneum conferat ad organa: maximè delectu habito
ex temperamento, ætate, sexu, uel alia causa externa
aut interna apta: unde nouæ species in imaginatiua
ui conceptæ, plerunq; etiam spiritui uisorio per ner-
uum opticum communicentur, quò se uidisse uel de-
signasse, mortis etiam periculo affirmare audeant,
quæ nunquam uel uisa, uel in rerum natura extite-
runt? Leuia eius rei argumenta in hypochymate ocu-
lorum uitio apparèt. Meritò igitur Thomas frequen-
ter allegat illud Augustini in lib. 83. q. Serpit hoc ma-
lum dæmonis per omnes aditus sensuales, dat se figu-
ris, accommodat se coloribus, adheret sonis, odori-
bus se subiicit, infundit se saporibus.

De phātasia sic scribit Iamblichus: Phantasia om-
nibus animæ uiribus est adnata, omnesq; figurat atq;
effingit similitudines specierum, & apparitiones, ui-
saq; seu impressiones uirium aliarum transmittit in
alias: quæ quidem à sensu micant, in opinionem exci-
tat: quæ uerò ab intellectu, secundo loco offert opi-
nioni, sed in scipsa ab omnibus imagines suscipit. Hæc
utique omnes actiones animæ fingit et exprimit, atq;
externas accommodat intimis. Hic Marsilius Ficinus
Platonicus, in explicatione Prisciani philosophi Ly-
di, interpretantis librum Theophrasti de phantasia
& intellectu, ca. 2, ait: Imaginatio actiones rationis
effingit

Phantasia

effingit sub rerum sensibilium conditione, ac potest ultra sensuum actus latius phantasmata promere. Superat sensum: quia enim nullo mouēte, imagines edit. Imaginatio est tanquam Proteus, uel chamæleon. Idem li. 13. ca. 1. de Theologia Platonica: Phantasiā, inquit, quatuor sequuntur effectus: appetitus, uoluptas, metus, dolor. Hi omnes quando uehementissimi sunt, subito corpus proprium omnino, nunquam alie num afficiunt. Quid non foetui adhuc matri unito imprimit imprægnatæ imaginatio: ut si imaginetur malum granatum, illius secum notas proferat foetus. Quum amaram potionem alicui offerri contueantur plerique, in ore mox amarorē sentiunt, quem haud dubiē uehementem mouere imaginationem credendum est. Quibusdam eiusmodi cogitatione aliis ciatur: nonnullis, quod mirabile est, ex alicuius rei aspectu, uel etiam auditu (quod mihi usuuenit) stupeſcunt dentes. Theodorus Bizantinus in ea est sententia, uiros fortes rarò uel nūquam spectra uidere, quòd ipsi ob timorem hæc minimè imaginentur. Nam solet timor, præ omnibus alijs affectibus, firmas in nobis gignere imagines: post amor. Scythæ, apud quos homines occidere sacrificium est, cum fortes natura sint ac institutis, neque mortuos neque lemures uidēt: sic nec latrones. eiusmodi autē simulachra frequētius obuia sunt pueris, mulieribus, uæcordibus, mollibus, atque ægrotis, qui propter imbecillitatem animi & corporis assidua formidine uanisq; insomnijs quatiuntur.

Aristote-

*Imaginatio-
nis uis.*

*Imagines for-
tes gignunt ti-
mor et amor.
Spectra non
uident fortes.*

Lib. secundus.

193

Aristoteles lib. de Motibus animalium, secundum
communem commentationem ca. 6. Alterant autem,
ait, phantasiae & sensus, meditationes. Phantasia uē-
rō & intelligentia habent rerum uirtutem: aliquō
enim modo species intellecta calidi & frigidi, aut de-
lectabilis aut tristis, talis existit, qualis quidem &
rerum unaquaeq;. Propter quod tremunt & timent
intelligentes solum. Adde item, quōd absentibus sensi-
bilibus, phantasmata remanent, & imaginationes,
teste Aristot. 2. Anim. & inde ex motu locali forma-
rum sensibilibus remanentium in uirtute phantastica,
cū humoribus in quibus sunt ut in subiecto, apparent
aliqua quae non sunt. Sic in libro de Somno & uigilia
idem inquit: Descendēte plurimo sanguine ad princi-
pium sensitium, simul descendunt formae in imagina-
tione conceptae. Qua ratione possunt daemones hu-
mores mouere interiorū exteriorumq; sensuum, atq;
ita ad organa species aliquas inducere, quasi extrin-
secus occurrerent dormiētibus nobis & uigilantibus.

Vt autē supradictis pondus accedat, Augustinum
latius hic differentem adducere placuit: qui daemones
eiusmodi multa posse docet, duabus rebus ueluti qua-
dam praerogatiua, sensus nimirum acrimonia, & mo-
tus celeritate: sicq; hominum sensibus uel ingerere,
uel praeannunciare, quae ipsi daemones facturi sunt, nec
ita ab hominibus prae terreni sensus tarditate digno-
scantur, discernanturue. Accipiunt enim, ait ille,
potestatem & morbos immittere, & ipsum aerem

Lib. de Diui-
nat. demonū
ca. 3. & 5. itē
lib. de spiri-
tu & anima,
ca. 28.

ii

uitiando

194 De præstigijs dæmonum

uitiando morbidum reddere, & peruersis atq; amatoribus terrenorum commodorū malefacta suadere, de quorum moribus certi sunt, quòd sint eis talia suadentibus consensuri. Suadent autem miris & inuisibilibus modis per illam subtilitatē suorū corporum, corpora hominum non sentientium penetrando, seq; cogitationibus eorum per quædam imaginaria uisa miscendo, siue uigilantiū siue dormientium. Aliquando uerò non quæ ipsi faciunt, sed quæ naturalibus signis futura prænoscent, quæ signa in hominū sensus uenire nō possunt, antè prædicūt, &c. Et post: Quid autem mirum, si quemadmodum medicus in corporis humani uel turbata uel modificata temperie, seu bonas seu malas præuidet ualetudines: sic dæmon, in aeris affectione atq; ordinatione sibi notas, nobis ignotas præuidet tempestates? Aliquando & hominum dispositiones, non solum uoce prolatas, uerū etiam cogitatione conceptas, cū signa quædam ex animo exprimuntur in corpore, tota facilitate perdiscunt, atq; hinc etiam multa futura prænunciant: alijs uidelicet mira, qui ista disposita non nouerunt. Sicut enim apparet concitator animi motus in uultu, ut ab hominibus quoq; aliquid forinsecus agnoscatur, quod interim secus agitur: ita non debet esse incredibile, si etiam leuiore cogitationes dant aliqua signa per corpus, quæ obtuso sensu hominum cognosci non possunt, acuto autem dæmonum possunt. Adhæc lib. 3.

Cap. II.

de Trinitate docet, facile esse spiritibus nequissimis per aera

per aera corpora facere multa, quæ mirentur animæ terrenis corporibus aggrauatæ, etiam melioris affectus. Si enim corpora ipsa terrena nonnullis artibus & exercitationibus modificata, in spectaculis theatri cis tanta miracula hominibus exhibet, ut hi qui nunquam uiderunt, talia narrata uix credant: quid magnū est diabolo & angelis eius, de corporeis clementis per aera corpora facere, quæ caro miretur: aut etiam occultis inspirationibus ad illudendos humanos sensus, phantasmata imaginum machinari, quibus uigilantes dormiētes uel decipiat, uel furentes excitet? Quare ad Simplicianum scribit: Fallacia satanæ, atque imaginum simulandarum callida operatio, decipiendis humanis sensibus multiformis inuigilat. Fallit autem studio fallendi, & inuida uoluntate, qua hominum errore lætatur. Sed ne apud cultores suos pondus authoritatis amittat, id agit, ut interpretibus suis signorumq; suorū coniectoris culpa tribuatur, quando uel deceptus fuerit, uel mentitus. Vitiatam quoq; phātsiā pulchrè depingit lib. de Cura pro mortuis agenda, his uerbis: Similia sunt somnijs nonnulla uisa uigilantiū, qui turbatos habent sensus: sicut phrenetici, uel quocunq; furētes modo. Nam & ipsi loquuntur secum quasi uerè præsētibz loquantur, & tam absentibus quàm præsētibz, quorū imagines cernunt siue uiuorum siue mortuorum. Sed quemadmodum hi qui uiuūt, ab eis se uideri, & cū eis se loqui nesciunt (neque enim reuera ipsi adsunt, aut

Li. 2. quæst. 3.

Li. de diuin. dæmonum cap. 6.

Cap. 12.

ipsi sermocinantur, sed turbati sensibus homines talia uisa imaginaria patiuntur) eodē modo & hi qui ex hac uita migrarunt, sic affectis hominibus uidentur quasi præsentēs, cum sint absentes, & utrum eos aliquis imaginariē uideat, omnino nescientes. Huic rei simile est etiam illud, cum homines altius quā si dormirent, subtrahuntur corporis sensibus, & occupantur talibus uisis. Et his enim apparent imagines uiuorum atque mortuorum: sed cum fuerint sensibus redditi, quoscunq; mortuos uidisse se dixerint, uerē cum eis fuisse creduntur: nec attendunt qui hæc audiunt, similiter ab eis absentiū atq; nescientium quorundam etiam imagines uisas esse uiuorum. De phantasia deprauata in cogitatu alto, uel somno profundo, item an uerē dæmonum arte in bestias transmutari possent homines, quid idē explicatius dicat, fusius addam: Non solum, inquit, animum, sed nec corpus quidem ulla ratione crediderim, dæmonum arte uel potestate in membra uel lineamenta bestialia ueraciter posse conuerti: sed phantasticum hominis, quod etiam cogitādo, siue somniando, per rerum innumerabilia genera uariatur: & quum corpus non sit, corporum tamē similes mira celeritate formas capit, sopitis aut oppressis corporeis hominis sensibus, ad aliorū sensum nescio quo ineffabili modo figura corporea posse perducī, ita ut corpora ipsa hominū alibi iaceant, uiuentia quidem, sed multo grauius atq; uehementius, quā somno suis sensibus obseratis: phantasti-

Li. 18. cap. 18.
de Ciuitate
Dei.

Idem ferē dicit
li. de Spiritu & anima
ca. 26.

Phantasia uariē
corrum-
pitur.

Phantasticum autem illud ueluti corporatum, in aliquius animalis effigie appareat sensibus alienis: talisq; etiam sibi homo esse uideatur, sicut talis sibi uideri posset in somnis, & portare onera, quæ onera si uera sunt corpora, portantur à dæmonibus, ut illudatur hominibus, partim uera onerum corpora, partim iumentorum uera cernentibus. Nam quidam nomine Præstantius patri suo cõtigisse indicabat, ut uenenum illud per caseum in domo sua sumeret, & iaceret in lecto suo quasi dormiēs, qui tamen nullo modo poterat excitari. Post aliquot autem dies, cum uelut euigilasse dicebat, & quasi somnia narrasse quæ passus esset, caballum se scilicet factum, annonam inter alia iumenta baiulasse militibus, quæ dicitur retica, quoniam ad retia deportabatur. quod ita ut narrauit, factum fuisse compertum est, quæ tamē ei somnia sua uidebantur. Indicauit & alius se domi suæ per noctem, antequam requiesceret, uidisse uenientem ad se quendam Philosophum sibi notissimum, sibiq; exposuisse nonnulla Platonica, quæ antea rogatus exponere noluiisset. Et cum ab eodem Philosopho quaesitum fuisset, cur in domo eius fecerit, quod in domo sua petenti negauerat: Non feci, inquit, sed me fecisse somniaui. Ac per hoc alteri per imaginem phantasticam exhibitum est uigilanti, quod alter uidit in somnis. Ad eundem modum prolixius hic de socijs Vlyssis à Circe carminibus mutatis, & de Diomedæis uolucris agit Augustinus: additq;

Præstantij pater in longo altoq; somno se equum putabat factū.

gias dæmonibus iudicio Dei permissas, non esse difficiles. Nisi uerò altius dormientem Præstantij patrem obseruassent, ipse omnino ratus fuisset, & narrasset, ea reuera à se gesta fuisse, quæ saltem per somnum cognouerat, atq; ita ueritatis opinionem apud multos

Cap. 28.

sortitus fuisset rumor falsus. Huc facit, quod lib. de Spiritu & anima tradit Augustinus: Quædam futura prædicunt dæmones, & quædam mira faciunt, quibus homines alliciunt & seducunt. Vnde quædam mulierculæ post satanam conuersæ, dæmonum illusionibus & phantasmatibus seductæ, credunt se & profitentur nocturnis horis cum Diana Paganorum dea, uel cum Herodiade, uel Minerva, uel innumera mulierum multitudine equitare, uel earum iussionibus obtemperare.

26. q. 5. episcopi ex concilio. acq.

Lamiarum nostrarum confessionem phantasticam esse, ex August. & Decret. constat.

2. Corinti. 11.

re. Decreta interserunt, paruulos à lacte matris auellere, affare & comedere, domos per caninos seu fenestras intrare, & habitantes uarijs modis inquietare: quæ omnia & consimilia solum phantasticè accidunt eis. Quapropter sacerdotes Dei prædicare debent populo, ut nouerit hæc falsa omnino: & non à diuino, sed maligno spiritu talia phantasmata mentibus fidelium irrogari. Ipse namq; satanas, qui transfigurat se in angelum lucis, quum mentem cuiusque mulierculæ ceperit, & hanc sibi per infidelitatem subiugarit, ilicò transformat se in angelum lucis, in diuersarumq; formarum species & similitudines, & mentem quam captiuam tenet, in somnis deludens, per deuia quæque deducit. Et quoniam solus hoc patitur

Spiritus

spiritus infidelis, nec in animo, sed in corpore euenire opinatur: idcirco nimis stultus & hebes est, qui hæc omnia quæ in spiritu fiunt, etiam in corpore accidere arbitratur. Inter hæc quoq; Augustini uerba interponūt Decreta: Quis enim in somnis et nocturnis uisionibus non extra seipsum deducitur, & multa uidet dormiendo, quæ nunquam uigilando uiderat? Hinc Synesius de Somnijs rectè inquit: Anima fascinata materiæ donis, perinde afficitur atque illi, qui cum liberi sint, ad certum tempus mercede conducuntur ad opus, ubi ancillæ cuiusdam pulchritudine capti, moras trahere uolunt, ipsius amatæ domino seruire constituent.

De phantasticæ porro mutationis hominum in bestias opinione, recentior est memoria nostrorū ferre temporum, quàm ut inter oblitterata possit nesciri. Refert enim Guillelmus Malmes, Berïensis monachus in sua historia, quòd tempore Petri Damiani fuerunt duæ uetulæ in uia publica qua Romam itur, quales Augustinus appellat stabularias, id est transeuntes ad hospitia pro mercede suscipientes (nam stabulum propriè hospitium uenale & publicum dicitur) Hæ in uno commorantes tugurio, una quoq; arte malefica imbutæ, hospitem quandoq; solū aduenientem, in equum uel suem uel asinum mutabant, & certo precio mercatoribus diuendebant. Quodam die iuuenem histrionicis gesticationibus uictum exigentem, hospitio exceperunt, & in asinum uerterunt,

Vincent. in
Spec natur.
li. 3. ca. 109.

Stabulum.

Mutati in
asinum iuue
nis figmentū.

multum eo lucrificantes, qui gestuum miraculo distineret transeuntes: nam ad anus mandatū nutumq; quocunq; modo mouebatur. Non enim illi intellectus perierat, sed loquela. Ingentem inde quæstum fecerant uetulae. Quo cognito, uicinus carè asinum redimit. Cautio tamen hæc à mulierculis adhibita est, ut custodiretur ne in aquam descenderet. seruatus diu ab aqua: & tandem incautiorem nactus custodiam, in lacum proximum se coniecit, & ibi se aliquandiu uolutans, propriæ restituitur formæ. Cumq; ab eodē obuius sciscitaretur eius custos, num asinum uidisset, ille se esse respondit: famulus ad herum retulit: herus ad Apostolicum Leonem, uirum eo seculo sanctissimum. Conuictæ anus idem fatentur: dubitantem Papam cōfirmavit Petrus Damianus, uir eruditissimus, prolato exemplo de Simone mago, qui suam Fausti-niano imaginem impresserat. At hæc & similes nugæ eandem sortiantur fidem, quam Apuleij metamorphosis meretur. Ex Vincentio hic adde: pudicam feminam, in quam amore uesano exarserat Aegyptius quidā, à malefico in equam uersam, & à D. Machario Aegyptio heremita restitutam. Guilielmus Brabantinus scribit in sua Historia, uirum prudentē diaboli arte eò perductū fuisse, ut aliquibus anni temporibus nō secus sciuerit, quā se rapacem esse lupum, qui per loca syluestria & specus oberraret. ac maxime pueros persequeretur, & cum sæpe uelut amentem per nemora uagari inuentum fuisse: qui tandem

Dei

Dei gratia ad mentem redijt. Melancholia exagitatū hunc fuisse, mea est sententia. Si qui uerò ob-
uagari in Liuonia & locis proximis uideantur lupi noxij: quos Lamias putant, Germanis werwölff dictos: ij certè demones censendi sunt, ut qui eam assumpserunt formam, ut male credulum hoc hominum genus magis irretirent suis uasframentis, inson-tes grauarent, & sanguinis innocentis reum redderent magistratum. Nullum hic locum habet, quod de foeminis in mares uersis abstruso naturæ miraculo, Plinius, Sabellicus, Pontanus, & pleriq; alij scriptores non obscuri tradunt: quū hic saltem de phantasticis dæmonum illusionibus agatur.

Sabell. lib. 9.
cap. 8. de o-
stentis.

Cæterum uetulæ illæ, de quibus hic instituta est o-
ratio, non absurdè enigmatiis assimilari possent, *inigmatiis.*
qui uelut rapti extra sese, sensuq; omni & motu priuati, iacent exanimis similes, & post ceu ex profundissimo expergefacti somno, aut à morte ad uitam reuocati, redeunt ad sese, & miras fabulas, miraque commēta narrant: at in has cogitationes se ingerens demon, earum seriem texit, hancq; uariat mira arte & scite, repetitis præteritis, annexis præsentibus, & aspersis etiam quibusdam admonitionibus de futuris, ne in suspicionem anilium fabularum aut temerè cogitatarum ineptiarum ueniant, inducta etiam persuasionē ut coram spectasse quæ diabolus offudit, imaginentur: ita dementat eos, quos ad talia usurpat ministeria, ut sui prorsus non sint compotes: sed ue-

202 De præstigijs dæmonum

lut κατὰ δὲ λόγους, ea agitent mente, in eaq; intueantur, quæ dæmon obijcit: ex sese nihil faciant, nisi quantum aliquando permittitur. At homines, Augustino teste, malarum rerum cupidi, occulto quodam iudicio diuino traduntur illudendi & decipiendi pro meritis uoluntatū suarū, illudentibus atq; decipientibus eos præuaricatoribus angelis, quibus ista pars mundi infima secundum pulcherrimum ordinem rerum diuinæ prouidentie lege subiecta est. Id ipsum docent decreta his uerbis: His portentis per diabolorum fallaciam illuditur curiositas humana, quanto id impudenter appetunt scire, quod nulla ratione competit eis inuestigare. Hæc potestas immundis spiritibus ideo datur, ut perniciosos sibi aptet, hoc est prauos homines seducant: illos scilicet, qui sper-
 nunt ueritatem, & credunt mendacio, iuxta Pauli sententiam: Sanam doctrinam non ferent, sed ad sua desideria coaceruabunt sibi magistros, prurientes auribus: & à ueritate quidem auditum auertent, ad fabulas autē conuertentur, onerati peccatis, ducentur uarijs desiderijs, semper discentes, nunquam ad scientiæ ueritatem peruenientes. Hos Paulus uocat filios contumaces, in quibus agit spiritus ille cui potestas est aeris, eludens subtilitate & dolo inimitabili hæc sua instrumenta, in ipsius inductiones propendentia: nimirum has mentis acie læsas, effascinas, maleq; feriatas mulierculas, quas ita dementat, ut quicquid illarum phantasie suggerit, aut quodcunq; etiā ma-
 lum ab

De doctrin.
 Christ. lib. 3.
 cap. 23.
 Dæmonis lu-
 dibrijs qui
 magis expo-
 sit.

In 2. Parte,
 caus. 26. que-
 stio. 5. episc.

2. Timoth. 4.

2. Timoth. 3.
 Ephes. 2.

lum ab ipso, uel etiā alijs, Dei abstrusa permissiōe, perpetratum est, aut quæcunque ludibria præstigijs conspicienda illis ostendit, eius malesuadi suggestiōe à se designata (licet phantasmate uel in somnijs solummodo nota) perperam credant bis miseræ, quæstionibus subiectæ confiteantur, à propria confessiōe mortis sententiam audiant, dirisq; tandem flammis deuoeantur. Sic in ipsius uerba iuratis, animi & corporis oculorū aciem perstringit cacodæmon, sic sibi addictos demeretur, hoc deuotæ illi mētis auctoramentum. Hinc pulchrè Augustinus: Maligni (inquit) spiritus, quos isti Deos putant, etiam flagitia quæ non admiserint, de se dici uolunt: dum tamen humanas mentes his opinionibus uelut retibus inducāt, & ad prædestinatum supplicium secum trahant.

Lib. 2. de Ciuit. dei ca. 10.

Delusionum eiusmodi modus, & quid in ijs dæmon ualeat, & quid item nequeat, non inscitè describitur in eo libro cui Fortalitium fidei, inscriptio est, ubi ita legitur: Decima differentia dæmonum est, eorum qui decipiunt quasdam uetulas, quæ xurguminae siue bruxæ nūcupantur. Sciendū ergo, esse quosdā homines apostatas in fide, hæreticos et falsos, qui seipso uolūtariè offerūt diabolo: qui & eos recipit, traditq; artes inanes, quibus uidetur ducēta euagari miliaria, & quatuor aut quinque horarū spacio redire: item destruere creaturas, sugētes corū sanguinē, atq; alia perficere maleficia pro suo nutu ex dæmonis uolūtate. At à satana miserè decipiūtur, illudūturq; nō solū hi, sed & qui

Li. 5. de Bello dæmonum.

204 De præstigijs dæmonum

et qui eis fidē accōmodant. Veritas autē rei sic habet, Quādo pessima hæc figmēta usurpare statuerint male mulieres, se uerbis & unctionibus cōsecrāt dæmoni, qui eis ad opus suū utitur, & cuiuslibet earū phantasiā regit, ducitq; per loca ab ipsis desiderata: corpora uerò earū sine sensu permanent, quæ umbra cooperit diabolus, ut nulli sint conspicua. Et cū in earum phātsijs impleta esse quæ uoluerūt, obseruari, umbra sublata, proprijs motibus illas permittit. A loco autem non fuerunt amotæ, sed phātsiæ idolum extitit, quale cacodæmon efformauit. Nec mirum est hoc eius studium, quo miseras animas deridere conatur, uolēs imitari Dei opera per angelos bonos expleta: quemadmodum Abacuc prophetam coma capitis ex Iudæa in Babylonem reuerā trāslatū legimus. Atqui mutare essentiam creaturæ, aut efficere ut unum corpus per aliud, sine unius uel amborum iniuria transeat, aut maius corpus penetret per spaciū improporcionatum (ut sic dicam) loco, uidelicet quòd per foramina domorum exigua ingrediantur tales femine: siue unum corpus posse diuersis in locis existere, & similia: hæc dæmones omnino facere nequeunt, quum naturali philosophiæ repugnent, soli q; Deo sint possibilia. Suam quoque horum ludibriorum rationem annotauit Martinus de Arles Theologus, his uerbis: Non fiunt illa maleficorū operatione propria & immediatē, sed talia administrantur per dæmones, qui uiso opere, mox ex pacto dudum cum sagis imito

*Phantasiā
Lamiarum
quomodo re-
git dæmon.*

Daniel. 14.

*Lib. de Su-
perstit.*

gis inito sciunt, qualem effectum ad sagarum intentionem producere oporteat. Exempli gratia, scopa quam in aqua intingit saga, ut pluat, non existit pluvie causa: sed uiso indicio, eam demon procurat, qui (Deo permittente) potestatem habet in omnia corporalia, in aerem, uentos, nubes, eaq; statim excitare potest. Maga per scopam signum ostendit: sed ut pluat, per demonis actionem efficitur, cui mala fide & opere seruit saga, & se tradidit obsequijs illius. Item, si quando imaginem terream uel characteres uel simile aliquid, quo uelut maleficio alter ladi possit, conficit magus: uel si aliquando maleficio alicuius in aqua uel plumbo apparet, quicquid molestiae tali infertur imagini, idem quoque (experientia teste) inferri illi cuius proposita est imago, siue sit punctura, uel alia lesio, imagini per magum uel alium hominem impressa. Sed hominem maleficio affectum reuera modo non uisibili, Dei permissione, ladi demon, si meruerit alter. Admirabilem eius rei historiam ex Hectore Boethio historiographo addam, ab Hieronymo Cardano tamen refutatam, ut hinc de reliquis eiusmodi enarrationibus eodem censeatur modo. eam ita refert. Duffus rex incidit in morbum; non tam grauem, quam cunctis uel eruditis medicis (~~Scotorum tunc~~ *Historia mira de Duffo rege maleficio ladi: si uera.* uiuendi modi, corpore & constitutionis, quos nondum peregrini inuaserant morbi, habita ratione) cognitu difficilem. Siquidem sine ullo signo bilis, pituitae, alteriusue peccantis humoris redundantiae, uel ab humano

humano temperamento lapsus, Duffum sensim affli-
xit. Noctu enim sub perpetua uigilia decubens, in su-
dorem immensum soluebatur: interdiu uix dolore, quo
nocte laborauerat, leuatus, quieti se dabat. Corpus læ-
ta conficiebatur tabe, effæto simillimum. Hærebat cu-
tis rigida, uenas, neruos, & qua forma ac situ consti-
tuta essent ossa humana, spectantibus ostendens. Sua-
uis ac uniformis spirituum à corde motus: quod, tactu
cordialis uenæ arteriæ deprehendere, uitale humidum
nihil temperie excessisse demonstrauit. Viuidus illi
color, aurium oculorumq; uigor integer aderat, &
temperatus frequentior cibi potusq; appetitus. Hæc
sanitatis signa in languente, multoq; dolore afflicto
cùm medici admirarentur, & quæ suarum erant par-
tium egissent, nihilq; inuenissent quo superfluum no-
xiusq; sudor coerceretur, aut quod somnũ prouoca-
ret, sed rex in horas magis magisq; sudore & conti-
nua uigilia angeretur: uersi ad patientis consolatio-
nem (nam eorum sententia, huic soli locus supererat)
precati sunt ut benè de salute speraret, nec sibi dees-
set: fore ut externorum medicaminum medicorumq;
quos ipsi ocyus accirent, ope, quod peregrinus & pa-
rum eis cognitus esset morbus, aduentate uere, soleq;
(uitæ in animantibus assertore) ad nos redeunte, sanita-
tẽ consequeretur. Obortus est sub id tẽpus incerto au-
thore rumor popularibus susurris, regẽ ueneficarum
mulierũ arte dæmoniaca, et nõ naturali morbo tabe-
scentẽ, per tã longa tẽpora corpore et uiribus cõfici,
easdemq;

*Rumoris hu-
ius autor esse
potuit satan.*

easdemq; apud Forres Morauiae oppidū, magicā & sortilegam artē in regis perniciem exercere. Horum fama ilico ut ad regis aures peruenit, ne auctus rumor, re propalata, fascinatrices ut supplicium euaderent, in fugam ageret: mittuntur in Morauiam, qui an uera essent quae ferebantur, perquirerent. Missi nuncij itineris causam dissimulabant, et ueluti ineunde pacis gratia inter Duffum regem & coniuratos Morauos, Forres adiere: noctuq; in arcē admissi (steterat ea adhuc in regis fide) ob quam uenerant causam Doneualdo arcis praefecto, ut imperatum eis erat, exponunt, cuiusq; fidem & auxilium ad negotium conficiendum implorant. Milites qui in arcis erant praesidio, tenuit nonnihil huiusmodi rei suspicio. Nam ex prostituta quadam (erat huic mater sortilega & incantatrix) dum blandiusculē eam tractaret amator, de regiae uoletudinis tempore, modo, perpetuitate, quibus sortibus, quibus magicis carminibus uterentur Lamiae, posteaquam nonnihil audiuerat, sodalibus indicauit, & illi Doneualdo, Doneualdus autem regiis legatis: meretricemq; tempestiuam tanti facinoris nūciam (erat ea tum fortē in arce) Doneualdus ad se accitā, quaestionibus quo ordine cuncta gerebantur, & in quibus aedibus, ubi fate ri coegerat, mittit intempesta nocte milites ad rē omnem explorandā. Hi in sortilegarum aedes foribus reclusis irrūpentes, sagarū unam cereū simulachrum ad regis Duffi imaginem demoniaca arte (ut credere

Quorsumhaec aliquis nouisset, nisi damō locū designasset, ubi demētatasanus ad fictitiū eiusmodi opus permouere se possesciuerat.

Sparsa damonis operā, eo rumore, de Duffi ualetudine apud forres uitiata a Lamij, eas demētatas, dein in eiusmodi ludibriorum apparatus excitare potuit, ut Duffum et subditos in incredulitate confirmaret, eadem feminarum procrearet, nouasque in Morauos facies mendacijs incenderet.

par erat)

208 De præstigijs dæmonum

Vnde in seiũ-
ctissimo in-
teruallo uis
testionis, li-
quoris infusi,
simulachri et
carminum re-
recitatorum
in Duffum
resaltare po-
tuit. Ob præ-
fractiones, in-
figmentũ hæc
annoto.

par erat) confectum, ligneo affixum ueru ante ignem
torrentem : alteram, carminibus recitatis liquo-
rem quendam fundentem sensim supra statuam inue-
nerunt. Prehensæ itaque ocius sagæ, coniectæq; in
uincula, & tractæ simul cum simulachro in arcem,
rogatæq; ad quid sub noctem carmina recitantes, effi-
giem regis igni exponerent? responderunt, dum si-
mulachrum igni adhibitum torreretur, Duffum re-
gem in sudorem solui: carminibus uerò recitatis, per-
petua teneri uigilia, & ad liquecentem ceram macie
confici: consumptam autem ceram, regis mortẽ con-
tinuò subsequuturam. ita se malos dæmones docuisse:
ad facinusq; exequendum, mercedẽ à Morauorum
primoribus conductas fuisse. Perciti ira astantes ad
anus uerba, confracto simulachro, ut sagas scelus gra-
ui luentes supplicio, flamma consumeret, extemplo
curarunt. Ferunt, sub tempus quo hæc in Forressen-
si arce sunt acta, regem languore leuatum, & nocte
absq; sudore quieuisse: postridieq; redeuntibus uiri-
bus, quæ erant humanæ facultatis, promptè egisse,
perinde ac si nulla aduersa ualetudine antea fuisset
detentus. uerum ut res res se habuit, Duffus recre-
scentibus uiribus sanitati breui restitutus est.

Post huius historiæ, atq; eius argumenti aliarum
enarrationẽ, in hunc scribit modum Cardanus: Do-
ceamus, an inter tot miraculorũ cõmentã quicquam
ueri subsit. nam maximam eorum partem fabulosam
esse, atq; confictam, uel ipsi qui hæc constantissime
astruunt,

De uariet.
rerũ lib. 15.
cap. 80.

astruunt, negare non audent. Quæ igitur Boethius refert, condendæ historiæ haud iucundæ non ignauus auctor, alliciendi lectores causa conscripsit: ut quos Scythica facta moresq;, tum regionis descriptio non delectarent, fabulæ saltem tædium minuerent. Neque id uitiosum historico: sed ubi historia per se sterilis est, licet eam locis ac fabulis exornare. Quamobrem & iure ab his T. Liuius abstinuit: & Herodotus iustè damnatur, & Saxo Grammaticus laudatur. Tū uerò maximè accedit, quòd hæc Boethius scripta inuenit, & factū ipsum extra historiā est. In ipsa autem historia enarranda, utpote moribus gentis, bellis, prælijs, numero cæsum, aut nominibus eorum qui prælio interfuerunt, quiue strenuè se gesserunt, familiarum initijs, causis bellorum, temporum ratione, gestis ac serie principum, quibus tanquam membris historia constat, fuit diligentissimus. Quinetiam in his quæ ad historiam pertinent, nihil tam exiguum fuit (talìa autem sunt, regionis & urbium situs, magnitudo, oppida, insule, nemora, montes, plantarum noua genera, animalia quadrupeda, aues, serpentes, pisces, soli foecunditas, uentorum uicissitudines, cœli clementia, stagna, paludes, distantie, cæteraq; omnia quæ rara sunt, intelligendæ historiæ accommodata) quod neglexerit, omiseritue, aut secus quàm esset enarrauerit. In talibus uerò existimauit ornandam historiam, seu quòd uerā esse crederet, alioquin sacris philosophiæ haud initiatus. Quæ au-

*Superioris hi
storiæ de Duf
fo refutatio.*

*Historia hu-
ius rustici li.
3. describitur*

tē Berna & Pometus (quorū pōst ubi de Incubo agi-
tur, meminimus) & noster ille rusticus, uitrū capillos
clauosq; euomēs, et sonū confracti uītri in uentrē, &
horarum ictus in corde sentiēs, aut uidere, aut audire
sibi persuadebāt, partim uera, partim falsa esse reor:
nam uerē aliquid uidere, diuq; in uisione perseuera-
re, ni aliquid sit quod uideatur, absurdum est. Vident
tamen quædā, tum audiūt: atq; causam horū in atram-
bilē reijcere oportet, quæ partim cibis & potibus, &
aëre & mœrore, timoreq; paupertatis, partim à cœli
constitutionibus, partim ex consuetudine aliorum de-
lirantiū cōtingit. Habebā ego olim amicum, cui con-
tigit, ut in una harū ualliū octodecim menses cōmora-
ri cogeretur. Vbi redisset ad me, multa de his incredi-
bilia, quamuis philosophiæ haud ignarus, enarrabat:
admonui hominē, ne amplius talia proferret, ni pro-
fatuo haberi uellet, et uitæ periculū subire. Immiscuit
itaq; se negocijs arduis: commutataq; uictus ratione,
dum aliorū consuetudine fruitur, ad se redijt. Seminis
quoq; ac mēstrui sanguinis retētio, pluribus causa est
huius morbi, aut ortus, aut incrementi. In uniuersum
tribus maximē hæc deceptio constat: atræ bilis imagi-
nibus, cōstantia ipsorū qui hac labe correpti sunt, ac
fraude iudiciū. Nam olim permissum erat, ut ijdē accu-
sarent, condēnarentq;, ad quos damnatorū bona redi-
bant. Vnde ne hos miseros adeò iniuste dānare uide-
rētur, multa fabulæ addebant. Cæterū in illorū exa-
mine, confessionibusq; nihil non inane aut falsum, aut
incon-

incōstans, aut nullius momenti reperiēbatur, prater contemptam religionē. Quēdā enim Christum abnegabant, aliæ sacrificiū ipsam inter uestes consuebant: conspuebant aliæ imagines diuorū, atq; alia similia perpetrabant. Sublata primum in hos miseros ac insanos potestas fuit à sapientissimo Senatu Veneto: cum animaduerneret eò progressam illorū luporum rapacitatem, ut omnino insontes damnarent spe præde: neq; contemptor diuini cultus quærebatur, sed diuitiarum possessor. Inter hæc exorta est Lutherianorum secta: cumq; in hac, quòd per urbes propagaretur, non iam miseri, sed opulenti deprehenderentur, ommissa priorum cura, ad hos conuersi sunt. Sed nunc cū illis mitius agitur, ut omnia uel stulticiæ uel auariciæ plena esse cōperias. Hi ergo (ut ad propositū redeā) quandoq; sibi uidere quēdā persuadebant, atq; audire: postmodum rem ipsam ex propria leuitate augebant mendacijs, tum uerò mutuis colloquijs (ut dici solet) è culice elephas exoriebatur. Nam & plerisq; hominibus quandoq; aliqua insolita uidentur, audiunturq;: sed ea contemnētes, sanoq; iudicio abigentes negligunt. Hucusque Cardanus: qui interdum contigiſſe quoque perhibet, ut aliquis, quem maleficio affectū uoluerint hæ muliercula, naturali causa eodem tempore in morbum maleficio congruum inciderit: quo cognito, à ueneficio prognatum esse credebatur, quoniam morbi natura & tempus conueniebant. Sic anni dementatiæ falsa suggestionē phan-

Dominicani:

Opes aliorū,
non religionē
querunt in-
qui indices.

212 De præstigijs dæmonum

tasiam uitiat naturalis morbi, illiusq; exitus conscius dæmon, & reliquos ob incredulitatem eo modo illudi permittit Deus. Quum uerò censores à rerū naturalium cognitione essent alicui, minusq; in literis sacris exercitati, in historias (quicquid id est) ex sua opinione retulerunt: quod paulatim auctū, exornatūq; materiem uberē huic stulticiæ præbuit. Quæ ut omnium oculis euidentissimè pateat, ex Ioanne Grammatico asscribam bona fide historiam, ab eo ut ueram inter reliqua intextam: quam tamen merè mendacem, aut mendacijs egregiè excultam (quod equidē cum docti alioqui uiri uenia dictum cupio) facile is iudicabit, qui ad rationis trutinā reuocarit, nū grato epuli gustu, rationis atq; eloquētiæ summū munus, ac manuum feliciter conserendarum donum consequi quis possit.

Historia admirabilis, si uera.

Craca saga.

Ita scribit lib. 5. *Historiæ Danicæ*: Erant Ericus & Rollerus, Regneri pugilis filij, patre eodem sati, diuersaq; editi matre. Matrem quippe Rolleri, eandemq; Erici nouercam, Cracam uocabant. Mittitur Rollerus à patre cognoscendi causa, quæ domi interim dū abfuissent, essent acta. Is ut maternum fumare tugurium uidit, foris accedens, paruulumq; foramenfurtiua luminis applicatione traiiciens, introspecta ade, animaduertit matrē in furni cacabo coctilia pulmenta uersantem. Suspexit præterea tres colubras supernè tenui reste depensas, ex quarum ore proflua tabes guttatim humorem epulo ministrabat: duæ quippe calore piceæ erant, tertia squamis albida uidebatur, reliquis

reliquis modico eminentius pensa. hæc nexum in cauda gestabat, quū ceteræ immisso uentri funiculo teneretur. Ille rem maleficio consentaneam ratus, silentio quod uiderat pressit, ne matrem ueneficij ream astruere putaretur. Ignorabat enim innocuam anguium extitisse naturam, nescius quantum illo uigoris epulo pararetur. Superuenientes deinde Regnerus & Ericus, ut fumidam aspexere casam, ingressi discubitum petiuere. Quibus ad mensam sitis, Craca priuigno filioq; unà cibum capturis, catillum discoloris dapis admouit. Pars quippe picca, sed croceis guttis interlita, pars albida uidebatur: quippe pro uaria serpentum specie, geminus pulcem color infecerat. Cuius quum solam uterq; particulam delibasset, Ericus non ex colorum habitu, sed interni uigoris effectū epulas æstimans, nigrantem dapis partem, sed succo potiore confectam, catino quàm celerrimè uerso ad se transtulit, albidamq; sibi admotā prius Rollero applicans, cœnam felicius gessit. Et ne mutationis industria notaretur, Taliter (inquit) æstuante freto puppim in proram referri solitam. Nec tenue uiri ingenium fuit, industrij operis dissimulationem à nauigij consuetudine mutuantis. Ericus itaque fausta iam dape reffectus, interna ipsius operâ ad summū humane sapientiæ pondus euasit. Quippe epuli uigor supra quàm credi poterat, omnium illi scientiarum copiam ingenerauit, ita ut etiam ferinarum pécudaliumq; uocum interpretationem calleret. Neque

214 De præstigijs dæmonum

enim solum humanarum rerum peritissimus erat, uerum etiam sensuales brutorum sonos ad certarum affectionum intelligentiam referebat. Præterea tam comis atque ornati eloquij erat, ut quicquid differere cuperet, continuo prouerbiorum lepore poliret. At ubi superueniens Craca concham transpositam, partemq; pultis potiore ab Erico comesam cognouit, fortunam filio præparatam, priuigno cessisse condidit. Cui mox gemebunda supplicare cœpit, ne unquam sua fratrem ope deficeret, quem ipsius mater tot nouæ felicitatis opibus cumulasset: quippe sapido unius epuli gustu, rationis atque eloquentiæ summam, necnon gerendorum prosperè conflictuum gratiam assequutus uidebatur. Adiecit quoque, Rollerum propemodum consilij capacem, futurumq; ut destinati sibi opsonij prorsus expers nō esset. Monuit quoque, si suprema necessitatis uiolentia postularet, nominis sui nuncupatione remediū celerius esse querendum: affirmans, se diuina partim uirtute subnixā, et quasi consortem cœlitum, insitam numinis gestare potentiam. Ericus se ad astandum fratri, natura pertrahi dixit: probrosum referens alitem, qui proprium polluat nidum. At Cracam magis propria molestabat incuria, quàm fortuna filiū grauaret aduersa. Artificem enim ingenio suo deludi, magnum olim ruboris incitamentum fuit. Hæc Saxo. Si confectum hoc uirulentum epulum ab Erico uoratum illis pollebat uiribus, quare in Rollerij filij usum nō denuo adornabatur

ornabatur cautius? nisi mendaces huius condimenti uirtutes semel alicui edenti consecratas, cum benedictione qua Isaac filium suum Iacobum confertim extremè bearit, conferēdas ridiculè quis urgeat. Mirandum interim summopere, tam manifesta mendacia à præclaris illis ingenijs inter res uerè gestas describi, citra præmonitionem commenti alicubi lecti uel auditi: sic tutior earum existeret lectio.

Genes. 27.

At fabularum pertæsus, factum uerum subnectam, non illepidum, nec à nostro instituto planè alienum, effœtæ cuiusdam mulieris phantasticæ. Phantasticos enim quandoque à communi sensu deuios appellat uulgus: & phâtasiam, intellectus uel rationis, uel cogitationis deprauationem. Ea misera in Vualdsassia conficiebat pharmaca, & uaticinabatur circa annum 1555. Quamobrem ab earum ditionum administro ad quæstionem uocata, uolens interrogata deludere, amentiam alijs exprobrabat, qui eam sectarentur. Quum uerò tormentorum minis grauius preme retur, se inquit ex eorum esse numero, qui uagabundi Germanis dicuntur spiritus, & quotannis quater corpus quasi exanime relinqui, spiritu interea longius euagante ad solennes coetus, cōuiuia & choreas, quibus quoque interesset Cæsar: atque sibi codicillorum à Cæsarea maiestate donatorum autoritate, licere medicari, futura prædicere, necnon spiritu euolante eos celebrare cōuentus. Iussa eos ostendere, protulit literas Latinas sacre initiationis N. Sacellani

Phantastici.
Phantasia.

Historia uer-
ra.

Cæsareæ maiestatis, nūc episcopi, in expeditione uersus Saxoniam Egeræ perditas: item agyræ cuiusdam schedas addidit, quibus ille sua unguenta, & execandi calculi artem, idq; genus reliqua prædicabat. His testimonijs subnixa maleferiata, ac à dæmone procul dubiò delusa (si uera narrauerit) anus, nihil non sibi licere in propinandis pharmacis & diuinationibus confidebat. Sed ut desisteret resipisceretq; admonita, exilio puniebatur. Interim tamen sibi restitui codicillos maximopere cupiuit, sine quibus nullum foelicem successum ex arte consueta sperari posse, persuasum fortassis habuit. Corpus autem eius tanquam exanime uisum esse quum alij assererent, illi ignem admo- ueri, si denuò ita spectaretur, prudenter antea admo- nuerat Vualdsassie olim administrator D. HEN- RICVS VVESIVS, LL. Doctor consulti- mus, qui hæc mihi ordine retulit.

*In aere concit-
sado quomo-
do à demone
illudantur
Lamie.*

Singulari insuper ratione in aere concitando illu- duntur hæ aniculæ à diabolo, qui simulatq; ex elemē- torum motu, & naturæ cursu citius faciliusq; quàm homines, mutationem aeris & tempestates fore præ- uidet: uel alicubi infligendam ex abstrusa Dei uolun- tate plagam, cuius ipsum spectat exequutio, intelli- git: tunc harum muliercularum mentes agitat, ua- rijsq; imbuit imaginibus, & suggestionem multiplici, quasi ob inuidiam in proximū, uel ob uindictam ad- uersus inimicum sint aerem turbaturæ, tempestates excitaturæ, & prouocaturæ grandines. itaq; eas in-
struit,

struit, ut quandoque silices post tergum, occidentem
uersus proijciant: aliquando ut arenam aquæ torren-
tis in aerem conijciant, plerumq; scopam in aqua in-
tingant, subinde in olla porcorum pilos buliant, non
nunquam trabes uel ligna in ripa transuerse collocēt,
et alia id genus deliramenta efficiant: atq; ut arctius
eas satan illaqueet, diem et horā his actionibus præ-
figit. Quum uerò successum hæ uidēt, nimirum quas-
cunque desideratas in aere turbationes: magis confir-
mantur, quasi euentus hic subsequatur ipsarum ope-
rationem, qua ne aquæ quidem stillā elicere possent.
Nec sanæ mentis hominem opinari decet, futili uesa-
narum muliercularum actioni obedire elementa, et
ad harum nutum institutam à Deo naturalium rerum
seriem impediri uel inuerti: quod haud dubiè contin-
geret, si harum arbitrio tempestates, pluuie, grandi-
nes et fulmina inferuiant, ut quodocunque et quo-
modo hæ iubeant, ea insequantur. Si autem mali-
gna imprecatione, aut certa uerborum obmurmura-
tione, se aliquid non uulgare perpetrare posse, in ani-
mum induxerint: cum Socrate dixerim, incantatio-
nes esse uerba animas decipientia humanas, aut secun-
dum interpretationem, aut secundum timoris incus-
sionem, aut secundū desperationem: quæ sanè ne pili
quidem facienda sentio, quum nullum effectum reue-
rà naturaliter producere queant, nec ob id etiam sa-
nitatem in morbum cōmutare, quanquam ijs se posse
falso arbitrentur uetule. at eiusmodi morbi à dia-

*Incantatio-
num uerba
nihil posse.*

bolo, conuiuente Deo, ob horum hominum incredulitatem, maleq; conceptam de sagarum potentia opinionem, sæpenumero accersentur, infligunturq;. Idem dictum uolo de frugibus, quæ nullo modo incantationum uerbis aut imprecationibus lædi possunt: sed à dæmone quidem, Deo concedente, uel ueneficijs, multo minus eæ queunt aliò traduci: aliam licet opinionem ex poetarum uberibus hauserint ueteres, ad nos quoque deriuatam. Hinc celebratur illa duodecim Tabularum lex:

Agnum non posse à Lamijs excantari, nec lædi nisi à dæmone uel ueneficijs. Sub tit. de Iniurijs, alijsq; delictis. l. 9. al. tit. 11.

QVI FRUGES EXCANTASSET, POENAS DATO: NEVE ALIENAM SEGETEM PELLEXERIS EXCANTANDO: NE INCANTANTO, NE AGRVM DEFRVGANTO.

Ansam uerò huius incredulitatis pronam admodum obtulerunt rustici, fiducia in Deum uiua minus confirmati: qui multifariam hoc etiã tempore secundum eorum incredulitatem uexantur à satana, ut aliàs lac ademptum, aliàs foetum, aliàs segetes, aliàs armentum etiam interemptum à Lamijs putent: & uniuersam agriculturæ rationem non ad benedictionem Dei in uera fide, sed ad meras anicularum uoluntates referant. Adijciam doctissimi uiri IULII SCALGERI uerba ad Cardanum: Ais ad maleficij efficaciam conferre malefici constantiam: putasti cuiuspiam affectum agere in aliū, quàm in eū cuius affectus est? Neq; uerum est, ab homine homini noceri posse uerbis. Nam quis illa eum uerba docuit? Non homo

Li. 16. de subtil. exer. 349.

lius.

Ilus. Nam quis illum? Non cœlestis intelligentia. Quis enim eam facere audeat authorem fascini? Ergo malus demon: non ut hominem faceret potentiorē, sed ut ipsum deciperet credulitate, atque socium haberet tum impietatis, tum æterni exitij. Ipse igitur agit demon: stultus ille ac uecors, putat suis sese uocibus agere.

Interdum porrò Empusæ exornandæ adhibentur etiam naturalia quædam pharmaca, quibus ubi se inunxerint, confricuerintq; ita à fraudulentō magistro institutæ Lamie, per fornacem mox se euolaturas, ac per aerem longè latèq; euagaturas ad tripudia, dulcissima symposia, concubitus & gratissima rerum spectacula confidunt: quæ tamen per insomnia ipsis ingerit ille milleartifex, ubi ab inunctione somniferi omnino unguenti, in profundissimum lethargicumq; somnum dilabuntur insciæ. Hæc ne somnia uideantur, libuit adducere, quid solertissimus occultarum causarum indagator Ioannes Baptista Porta Neapolitanus lib. 2. Magiæ naturalis, siue de miraculis rerū naturalium scribit: Adeò dira, inquiens, cupido hominum mentes inuasit, ut quæ natura mortaliū commoditati elargita est, abutantur, ut multis horum simul coaceruatis componant Lamiarum unguenta: quæ quanquam ipsæ superstitionis plurimum admiscant, naturali tamen ui euenire patet intuenti: quæque ab eis acceperim, referam. Puerorum pinguedinem abeneo uase decoquendo ex aqua capiunt, inspissando

Naturalibus
use pharma-
cis quandoq;
deluduntur à
satana La-
mia.

Lamiarum
unguenta.

220 De præstigijs dæmonum

spissando quod ex elixatione ultimum nouissimumq;
 subsidet. inde condunt, continuoq; inseruiunt usui:
 cum hac immiscent eleoselinum, aconitum, frondes
 populneas & fuliginē. Vel aliter sic: Sium, acorum
 uulgare, pentaphyllon, uerspertilionis sanguinem,
 solanum somniferum, & oleum: & si diuersa commi-
 scent, ab ijs non parum dissidebunt: simul conficiunt,
 partes omnes perungunt, eas antea perfricando ut
 rubescant, & reuocetur calor, rarumq; fiat quod
 erat frigore concretum. Vt relaxetur caro, aperian-
 tur pori, adipem adiungunt, uel oleum ipsius uicem
 subiens, ut succorum uis intrò descendat, & fiat po-
 tior uegetiorq;, id esse in causa non dubiū reor. Sic
 non illum nocte per aera deferri uidentur ad cōuiuia,
 sonos, tripudia & formosorum iuuenum concubitus,
 quos maximè exoptant: tanta est imaginationis uis,
 impressiōnū habitus, ut ferè cerebri pars ea quæ me-
 moratiua dicitur, huiusmodi sit plena: cumq; ualde
 sint ipsæ ad credendum naturæ pronitate faciles, sic
 impressiōnes capeffunt, ut spiritus immutentur, nil
 noctu diuq; aliud cogitantes: & ad hoc adiuuantur,
 cum non uescantur nisi betis, radicibus, castaneis &
 leguminibus. Dum hic pensiculati perquirendo
 operam nauarem (ancipiti enim immorabar iudicio)
 incidit mihi in manus uetula quædam (quas à strigis
quis nocturnæ similitudine Striges uocāt, quæq; pue-
 rulorum sanguinem è cunis absorbent.) sponte polli-
 cita breuis mihi temporis spacio allaturam responsa,
 iubet

*Striges.
 Historia me-
 morabilis.*

iubet omnes foras egredi, qui mecum acciti erant testes: spolijsq; nudata, tota se unguento quodam ualde perfricuit, nobis è portæ rimulis conspicua: sic soporiferorum ui succorum cecidit, profundoq; occubuit somno. fores ipsi patefacimus, multũ uapulatur: tantaq; uis soporis fuit, ut sensum eriperet. Ad locum foras redimus, iam medelæ uires fatiscunt, flaccescuntq;. A sommo seuocata, multa incipit fari deliria, se maria montesq; transmeasse, falsa depromens responsa. Negamus, instat: liuorem ostendimus, pertinaciter resistit magis. Hactenus Ioannes Baptista. Lamiarum quoque unguentum propemodum simile tradit Hieronymus Cardanus, quod mirabilia uidere facit. Nam & de his quæ non sunt, & tamen uidentur, ibi sermo est. Constat pinguedine puerorũ, ut dicunt, succisq; apij, aconiti, pentaphylli, solani, ac fuligine. Sed tamen dormire creduntur, dum hæc uident. Spectare autem uidentur theatra, uiridaria, cœnas, ornatus, uestes, formosos iuuenes, reges, magistratus, imò res omnes quibus delectantur, quibus etiam se frui arbitrantur. cernunt item dæmones, coruos, carceres, solitudinem, tormenta. Hæc igitur sunt uiolentorum insomniorum causæ. Hinc etiam illas apio uictitare ait, castaneis, fabis, cepis, caulibus, phaseolisq; somnos turbulentos cientibus: sic magis per somnum ferri uidentur in diuersas regiones, atq; ibi multifariam affici, prout uniuscuiusq; fuerit temperies, unguento adiuuante. Cui non absimile ad inducendum

De Subtil. li.
18. de mirabilibus.

*Somniferum
admodum
oleum.*

*Simplicia sen-
sus turbatia
& auferen-
tia.*

*Opij frequēs
apud Turcas
& Persas
usus.*

dum profundum longumq; somnum, adiungam hic oleum. rec. semin. lolij, hyoscyami, cicuta, papaueris rubei & nigri, lactuca, portulaca ana unc. iij. sem. fabæ inuersæ unc. j. ex his omnibus fiat oleum, & pro qualibet uncia istius olei misceantur unc. ij. opij Thebaici. Hinc sumantur unc. ij. uel iij. & duorū dierum subsequetur somnus. ~~Eiusmodi quedam simplicia,~~ puta lolium, faba inuersa, opium, hyoscyamus, cicuta papaueris species, solanum furiosum, atque id genus reliqua, naturalium rerum peritis non omnino ignota inueniuntur, quibus intellectus uel aufertur uel turbatur, ut qui ijs utatur, loquēdo, audiendo & respondendo amens uideatur, uel in somnum altissimum ad dies etiam aliquot præcipitetur: at eorum usum, & aquas, uina, pulueres, trociscos, olea, aliasq; formas hinc conficiendi modum, silentio inuoluere malui, ne ijs abutendi ansam alicui subministrasse uidear. Perpetuò iuuandi, & non ledendi, animum donauit omnis boni author benignissimus.

Hic obiter ob raritatem, & rei quasi miraculum, non erat prætermittendum, opij esum Turcis, & multo magis Persis, tam esse familiarem, ut nihil propè familiarius: quòd eo uorato se ualidores esse, minusq; belli pericula timere persuasum habent: quemadmodum in his regionibus, ebrios quoque intrepidius se quibuscunque naufragiorum & discriminum fluctibus obijcere obseruamus. Quocirca ubi exercitum colligit Turca, opio uniuerſa spoliatur terra, licet quo-

cet quotannis id incredibili colligatur copia ex pa-
pauere albo leuiter uulnerato, postquam capita pro-
truserit: unde lactis aliquot guttæ emanant, paulatim
concrecentes. Eius semine apud Turcas non minus
terra conferitur, quàm in his ditionibus tritico, præ-
sertim Acharæ, Caracharæ, Spartadæ, Emetetindæ,
& in alijs uicinis oppidis Paphlagoniæ, Cappado-
ciæ & Ciliciæ. Vix Turcam inuenias, qui opium non
redimat: etiam si unius asperi ualorem tantum possi-
deat, eius dimidietatem opio impendet, secum id tam
togæ quàm pacis tempore collaturus. Quidam eius
esui assuetus, semel drachmam mediam innoxie uora-
bat: postridie uerò drachmam integram idem ille de-
glutijt citra ullum aliud incommodum, quàm quod
uelut ebrius appareret. Bellonius, qui huic nunquam
assueuerat, eo sumpto, nihil incommodi sensit, quàm
in uentriculi orificio calefactionem, leuē cerebri tur-
bationem, & somnium inquietiorem. Tritum Tur-
cis in obijcienda calumnia prouerbiū est, Opium
comedisti: ac si alterius prouinciæ homini exprobra-
res ebrietatem. Optimum habetur, amarum ualde,
gustū calidum ut os inflammet, ad modum pilorum
leoninorum colore fuluum, odore molestum & gra-
ue. In extremo refrigerandi gradu id designari, cum
insigniter amaricet, inflāmetq; mirū est. Masschlah
uulgares Turcæ nuncupant, Aphion peritiores. In
usu quoque habent puluerem illis dictum Heiran
luc: cuius circiter coclear quicumque sumpserit, ni-
hil lo-

Vide etiam
Dioscor. lib.
4. ca. 60.

Lib. 3. ca. 15.
Observatio-
num.

Masschlah.
Aphion.

Heiran luc.

224 De præstigijs dæmonum

hil loquitur, at continuo ridet, admiranda se uide-
re ratus: atque hinc suos instituit gestus, ut inge-
nem omnibus spectatoribus risum moueat. qui ubi
ad mentem redierit, se his uel illis fuisse locis, &
mira uidisse rerum spectacula, asserit. Rogati illi,
pulcrem cannabinum esse pleriq; responderunt: qui
quanquam ex Galeni doctrina, largius paulò sum-
ptus caput feriat, uaporem sursum ob multam cale-
factionem mittens: citius tamen suspicarer ex solano
furioso paratum esse, cuius radicem ad drachmæ unius
pondus ex uino potam, excitare species uanas, imagi-
nesq; non iniucundas, docet Discorides: sed duplica-
tum eum modum, ad tres usque dies mentis alienatio-
nem asserre, addit. His, & id genus similibus, for-
tassis quandoque utuntur nostræ Lamiae.

¶ Hinc iam incuborū succuborumq; laruas aggre-
diamur, quid in his ueritatis foveatur, studiose & la-
tius inuestigantes: ut non modo è uulgarium, sed &
prudentium animis, semel hoc falsæ persuasionis si-
mulachrum excutiat. Quum itaq; huius hæresis
maleficio & præstigijs delusæ dementatæq; anus, &
dæmone se comprimi, incubosq; pati arbitrentur,
hanc cōmixtionem, ut reliqua propemodum omnia,
mcre esse ex læsa mente imaginariam, uel saltem qua-
licunque affricu titillatione cieri, accedente rei ima-
ginatione, nec uerè congressum fieri, rationibus de-
monstrabitur euidentissimis: ubi prius commonuero,
nostris medicis morbum quendam dici Incubum, ab
incubari

Lib. 1. de ali-
ment.

Solani furio-
si radix ima-
gines uanas
inducit.

Lib. 4. ca. 69.
Potus demen-
tantis & so-
poriferi ual-
de, meminit
Paulus Ve-
net. de reg. or.
lib. 1. cap. 27.

Cōgressus dæ-
monis cū mu-
liere imagi-
narius.

Incubus.

incubando, quòd pondus quoddam nobis dormienti-
bus incumbere, & super nos consistere putamus, re-
spirationem opprimens, & ob id uocem impediens:
ita ut si uelimus clamare, non possimus, cum somnijs
horrendis & imaginationibus plurimis nos ab alijs
inuadi existimantes. Epilepsiam esse quidam sentiunt
diminutam, quæ fit in somnijs, de qua Aristoteles in-
tellexit lib. de Somno & uigilia: *ἐφιάλτης* Græcis *ἐφιάλτης*.
nuncupatur, id est insultor, quasi aliquis insiliat, uim
inferens, & eum comprimens, ut non possit moueri,
donec liberetur ab inuasore. quæ signa ab imminuto
calore proueniunt: & quum spiritus animales exi-
stentes in cerebro, ob uapores ascendentes à pituita
& melancholia obtenebrantur, ita ut uirtus oppri-
matur, & uideatur aliquid graue sibi inferri, quod
tamen reuera non fit. Contingit autem potissimum
resupino corpore iacente, plerunque ore uentriculi
aut pituita crassa lentaq; aut ciborum concoctu dif-
ficilium copia oppresso. Quum uerò sagæ sint ob se-
xum ut plurimum pituitosæ, & ob animi affectus me-
lancholicæ, cur non supinè cubantes, huiusmodi mor-
bo erunt obnoxie? atque accedente illo sensu commu-
ni, ab immundi spiritus assidua suggestionē uitiato,
putabunt, fatebunturq; uerè se passas esse, quod sal-
tem uel per somnum uel imaginatione intensa inno-
tuit. Conuenientem hic ex Iasone Pratensi historiant
de ocioso quodam sacrificio ascribendā duxi: ita nar-
rat. Nuperrimè sacrificus quidam me conuenit. Do-
mine, in-

De cerebri
morb. ca. 264

226 De præstigijs dæmonum

*Incubum pas-
sus sacrificus.*

mine, inquit, nisi succurras misero & afflicto, actum est, et prorsus perij: tabes me habet. Viden' quàm sim emaciatus, quàm exanguis, uix tenui pelle contegor. succulentus esse soleo, speciosulus & bene habitus: nunc fœdum spectrum uideor, hominisq; inanis imago. Quid, inquam, te cruciat, & quàm affectus tui causam opinaris? Dicam, ait, intrepidè, & ualde admiraberis. Sub quamlibet fermè noctem ad me com- meat muliercula mihi non ignota, & pectori meo il- labitur, ipsa uiolenter comprimit, atq; coarctat ani- mæ meæ uias, ut ægrè respirare queam. Quin clami- tare cupienti, uocis iter præcludit, ut quanquam præ pauore nitor attollere, minimè queam. Nec manus ad propulsandam iniuriã, nec pedes ad capeffendam fugam expedire ualeo. Vinculum me et affixum tenet. Heus, inquam subridens, nihil admirandum prædicas (ex narratione incubum intelligebam) merum est phantasma, merum ludibrium. Nec plura moratus: Phantasma, inquit: ludibrium, inquit, profectò nō est: ita me Deus amet, quæ hisce oculis conspiciatus sum, & quæ hisce manibus exercui, enarro. Equidem ui- gilans, mentisq; compos, eam uideo coram, & inus- dentem accipio, conorq; obluetari, sed præ languo- re, metu, angustia & impacta ui, nihil efficio. Hac de re horsum uorsum amens cursitauì, unumquem- libet percunctans, 'posset ne succurrere miserabiliter pereunti. Minoritam consului, quem callidū uetera- torem dicunt, ab hoc præsentaneam opem sperabam: sed spe

sed spe mea frustratus sum planè, nullam is salutē attulit: tantum monebat, Deum optimum maximum, quem iampridem precibus fatigarā, strenuè adorandum, ut dignaretur infestam uexationem auertere. Adij uetulam quandam, pro fama populari, sagā atq; uersutam. Hæc aiebat, qui sub crepusculum diei statim ab excreto lotio matulam obturarem dextra caligula, & fore ut eo ipso die malefica me inuiseret. Id etsi uanum uidebatur, nec parum me ab experimento absterreret religio, uictus tamen impotentia & diurni laboris tædio, tentauī. Et per Iouem, accidit uaticinium. Veniens in domum meam, uesicæ cruciatum querebatur: nec potui ab illa aut preculis supplex, aut contēione minax impetrare, ne sub noctem ad me terrifica cominearet: sed implacabilis ueterem morem asseruat, semelq; constituit me fœdo angore conficere. Hominem hunc uix quiui ulla oratione ab insania reuocare: sed à secūdo tertioq; congressu hilarior factus, morbum agnoscere cœpit, & sanationis spem fiduciamq; concipere. Iam ad congressum imaginarium.

Primum huius congressus uanitas, fucusq; apertissimis atq; adeò oculatis testimonijs, ac argumento irrefutabili conuincuntur, si uirgo hoc deprauata imaginationis fascino agitata, ludibriaq; eiusmodi perpeffa, quæ à demonis initu corrupta creditur (qualem apud Hollandos uestalem, ex propria peractæ cum dæmone huius spurcicie confessione flammis ad-

Concubitus
demoniaci
uanitas.

Virgo Vestalis apud Hollandos ob incubum precipue exusta.

228 De præstigijs dæmonum

*Hymene do-
tata sunt o-
mnes uirgi-
nes.*

Deuter. 22.

mis adiudicatam scio) ab obstetrice perita, uel alia non indocta femina inspiciatur, contrecteturq; eam enim adhuc uirginitatis zona, hymene nimirum munitam esse (si alioqui à uiri concubitu fuerit libera) comperietur. Ea siquidem omnes uirgines ab initio dotatas, obuinctasq; à conditore Deo fuisse, contra multorum secus contendentium sententiam ostendere uolui: primumq; generale Mosis ex Dei uoluntate consilium, de indicijs uirginitatis indubitatè cognoscendis, si de uirgine matrimonio tradita, in læsæ antea pudicitie suspicionē maritus uenerit, propōnam, explicaboq; id tale est: Si duxerit uir uxorem, accesseritq; ad eam, & odisse eam cœperit, quæseritq; diuortij occasiones, nomen pessimum ei obijciens, & dixerit: Vxorem hanc duxi, & ingressus ad eam, nō inueni uirginem, uel uirginitatis signa: tollent eam pater & mater eius, & proferent signa uirginitatis puellæ ad seniores ciuitatis qui sunt in porta. dicetq; pater: Filiam meā dedi huic uxorem, quam quia odit, imponit ei nomen pessimum, ut dicat, Non inueni tuā filiam uirginem. & ecce hæc sunt signa uirginitatis filie meæ. Expandent uestimentum coram senioribus ciuitatis, apprehendentq; senes urbis illius uirū, &c. Quod si uerum est uerbum illud, & signa uirginitatis in puella non fuerint inuenta, ducent puellam ad ostium domus patris sui, obruentq; eam ciues illius ciuitatis lapidibus, ut moriatur. Ad huius loci explicationem, & ut medicis in omnibus puellis hymena

non

non agnoscentibus satis fiat, ac meum interim prosequar institutū, breuiter paucorum sententias prius annotabo: obiter deinde, quæ à me in hanc rem obseruata sunt, adiecturus. Ad hunc modum scribit Auicenna: Ante uiolationem puellæ uirginis sunt in collo matricis panniculi cōtexti ex uenis & ligamentis subtilibus ualde, ortis ex omni parte eius: quos per rumpit mas, & effluit quicquid in eis est sanguinis. Item Almanzor: Os uirginis constrictum est, & rugosum: & in rugis colli uirgulares uenæ texuntur, subtiles: quæ quando corrumpitur uirgo, rumpuntur, & prædictæ dilatantur rugæ. Hymenis, in humani corporis exquisita dissectione incomparabilis

ANDREAS VESALIUS, leuiter ex Arabibus in hæc uerba meminit: Arabum nonnulli quinque numero uenulas in medium longitudinis uteri cervicis diffundi astruunt, & dextrarū uenarum ora cum sinistrarum oris conuiuere, cōmittiq; ac ab illis puellarum hymena constitui docent, uenarum huc pertinentium copiam centonem nuncupantes. Explicatius de eo scribit doctissimus medicus Ioannes Guinterius: Vteri cervicem, digitis in eam insertis, secabis ad os usque, si uenerem experta fuerit mulier: alioqui digitos haud ita facile propter hymenæi impedimentum inferas. Nam ceruix membranosa ex musculis ipsius textura conuiuet. Quæ ut disrumpatur, prima coitio acerrima est. Intra muliebri pudendum, siue in uteri cervicis medio, engion est (ait

Li. 3. fen. 21.
tract. 1. ca. 1.
Hymen.

Li. 3. Fabricæ
Hum. corp.
cap. 9.

Lib. 1. Instit.
Anat.

Lib. 2. ca. 24.
anat.

Lib. 2. antiq.
lect. ca. 55.

Alexander Benedictus, & Cælius) siue hymen, integritatis uel uirginitatis argumentum. Ea uerò neruosa intelligitur exilitas, uenulis dispersa tenuibus, quam primus conuellat congressus. Virginei siquidem locelli arctissimè circumqua; sub coriaceis carūculis nymphe nuncupatis, membrana hymene Græcis dicta muniuntur, qua primo insultu disrumpita, uenarum uteri orificia hic intexta desinentiaq; sanguinem fundunt, menbruum uulgo appellatum. Vnde nuptis uirginibus, prima concubitus nocte, ex huius membranæ uiolenter ruptæ uenulis sanguis promanat: cuius lituris, ut uirginitatis uel uirginalium notis testibusq; tincta quibus teguntur uel incumbunt lintamina, coram magistratu, suspicacibus, coniugesq; uiolatæ antea pudoris zonæ falsò insimulantibus maritis expandi ostendiq; iubet Moses. Hoc quoq; munimentum cognouit author carminis uulgo triti: Est magnum crimen, perrūpere uirginis hymen.

*Virginitatis
signa.
Mosis locus
explicatur.*

*In explicati-
one nominis
Iesu
Historia de
Christi diui-
nitate et Ma-
ria semper
uirgine me-
moranda o-
mnibus seculis,
maximè
contra Iu-
deos.*

Ad ualidiorem argumenti propositi assertionem, historiam cunctis seculis memorabilem hic ex Suida breuibus contractam, ascribere, uisum est nō inutile. Ea ita habet. Quo tempore Iustinianus imperium obtinebat, erat quidam inter Iudeos princeps, Theodosius nomine. Hic cum familiariter admodum uteretur argentario Christiano, cui nomen erat Philippo, qui ipsum crebrò ad amplexandam Christianam religionem hortabatur: tandem ingenuè fassus est, se nihil dubitare quin IESVS, quē nos Christum colimus,

is sit

is sit quem sacri uates mundi Seruatorē prædixerūt; uerūm se animū inducere non posse, ut abdicatis quibus nunc apud suā gentē fungitur honoribus, nomen suū I E S V Christo det. Ut autē ita de I E S V Christo crederet, se non solū sacrorū uatū oraculis persuasum esse: sed mysterio quodā, quod apud Iudæos in arcanissimis scriptum adseruatur, cōpertum habere, idq; huiusmodi esse: Mos erat olim apud gētem Iudaicā, quo tempore ædes sacra in Hierosolymis extabat, uiginti duos perpetuō sacerdotes, quot scilicet lingue Hebraicæ elementa, & Veteris testamenti libri numerantur, habere: & quoties de eo numero unus aliquis mortem oppeteret, mox alium in defuncti locum allegare: allectumq; in codicem, qui ad eam rem in æde seruabatur, cū illius ipsius, tum parentis utriusque expresso nomine, referre, notatis etiam tum defuncti, tum suffecti diebus. Cum itaq; quo tempore Iesus Christus in Iudæa uersabatur, necdum tamen sese prodere, ueramq; fidem propalā docere cœpisset, mortuus esset quidam ex dicto sacerdotum numero: nec post multa ac uaria suffragia, quispiam satis idoneus esset repertus, qui in illius locum asscriberetur: tandem propositus est Iesus, Ioseph fabri (ut aiebant) filius, tanquam homo ætate quidem iuuenis, ceterū & uita & moribus & doctrina in primis commendatus. atque hoc suffragio ab omnibus demum approbato, uisum est matrem eius in confessum arcessere (pater enim obierat) cognoscendorum no-

minum gratia, quæ in codicem, ut dictum est, describenda essent. Illa igitur accita, & de filio eiusq; patre sedulo interrogata, respondit: se matrem quidem IESV esse, atq; ipsum peperisse. Nam eius rei testes sibi esse eas mulieres, quæ cum pareret, præsto fuissent. patrem uero nullum illi in terris esse: quod ex me (inquit) quibus uultis discite argumētis. Dum enim uirgo in Galilea agerem, angelus Dei in domum, in qua uersabar, ingressus, non quidem dormienti, sed uigilanti mihi nūciabat, futurum ut ē Spiritu sancto parerē filiū, iubebatq; nomē illi IESVS indere. Itaq; uirgo cum essem, per eam uisionem concepi, peperiq; IESVM, permanens uirgo in hunc usque diem. His auditis, sacerdotes iuebant adesse fidas obstetrices, easq; summa cura explorare, an etiamnum uirgo esset Maria. Illæ uero cognita ueritate ex ipsa re, affirmabant eam uirginem esse. Adueniunt quoque & illæ mulieres, quæ forte fortuna adfuerant parienti, conspexerantq; edentem infantem, quæ & ipsæ attestabantur filium eius esse IESVM. Quibus rebus attoniti sacerdotes, denuo rogabant Mariam, ut liberè profiteretur, quibus esset editus ille parentibus, quo ea ipsa parentum nomina possent in sacerdotum album referre. Ibi rursus Maria: Ego, inquit, reuera eum peperī: uerū nullius conscia patris in terra, audiui ab angelo filium Dei esse. Filius est igitur meus, & Dei. Sacerdotes ergo cum hæc intellexissent, in allato codice scripserunt hæc uer-

Maria post
partum &
mortuum Io-
sephū uirgo.

hæc uerba: Eo die mortuus est sacerdos ille, illis na-
us parentibus: cooptatusq; est pro illo sacerdos com *In sacerdote*
nuni omnium nostrum suffragio, I E S V S, filius Dei *cooptatus*
uiui, & Mariæ uirginis. Porro hic codex è templi *est* *fuit Iesus.*
urbis excidio à primatibus inter Iudæos uiris magno
studio creptus est, asseruaturq; in Tyberiade, &c.
Tanaem subijcit author, se hæc ab ijs audiuisse, qui è
Philippi argentarij ore intellexerant.

Ceterum illa obfirmari membrana orificij uteri
ostium seu uirginitatem, eo hic demonstrare proli-
xius stat sententia: quòd id non infimæ sortis, usus
atque exstimationis doctissimi plerique medici infi- *Hymene mu-*
cientur: quum tamen in quatuor puellis me id obser- *nitas esse om-*
uasse ob incumbentem necessitatem, uiuis adhuc ocu- *nes uirgines,*
latisq; testibus comprobare, non fuerit difficile. Pri- *contra mul-*
mæ, circiter octo decim annos natæ, in ciuitate Gra- *torum medi-*
uiensi, chara mihi patria, ualida hæc mēbranula san- *corum opinio*
guinis saburra distendebatur, tumebatq; cum ingenti *nem proba-*
dolore: quam quū ex litura à uiuo colore aliena, uno *tur.*
in loco putrere iudicarem, uellicans leuiter, aperire
frustra nitebar: ea tamen postea perrupta sponte, co-
piosus profundebatur sanguis, unde paulatim conua-
luit. Ad alteram puellam extremè Craneburgi de-
cumbentē, matronæ uicinæ cum obstetrice accurren-
tes, eam gestare uterum uno ore, foetus patrem quoq;
denominantes, occlamabant (illa licet interposito
etiam iuramento contradicente, ac se uirum nūquam
admisisse, liberius affirmāte) usque adeò huic uterus,

234 De præstigijs dæmonum

potissimum in dextro uentris inferioris latere protuberabat. Ad hanc quoque uocatus, re apud mulieres & obstetricem desperata, eius scilicet partus doloribus intolerabilibus in tertiam septimanā nocte diūq; perdurantibus, cum aliqua urinae suppressione, uigilijs continuis, & appetitus deiectione, partem affectam secundum artis legem & postulantem necessitatem tracto. ubi tam ualidè obfirmatum illud munimentum comperi, ut ne subtilissimi etiam specilli cuspidem usquam, præterquam in oris uesicæ extremitate huic annexa admiserit (quemadmodum in superiore quoque contigit) tametsi diligenti indagine circumquaque tentaretur. Re autem penitus introspecta, pensiculataq; quum puellam hanc annum agentem uigesimumprimum, forma uenusta, florida uiuidaq;, constitutionis prorsus sanguinea, antea expurgationes menstruas nunquam sensisse, præter leue paucarum stillarum indicium, quatuor antè annis matre defuncta, intelligerem: earum partium uenarum orificia magis hic introrsum referata, hunc in ea ætate, temperamento, uitæ ocio (sartrricula etenim erat) & anni uerno tempore, effruescentem profudisse sanguinem, apud me collegi. Itaque anhelitum puellæ comprimere iubeo, retractis diductè cruribus, quo magis uirginitatis custos testisq; tenax pellicula renitere-tur, atque uestigio impresso in medio eius à perineo uersus uesicæ collum, & iusto utrinq; reli-

Hymenis insisio.

cto in-

Ho interstitio, chirurgum, ob casus illi inauditi raritatem tremebundum, ut rasorium mei nominis naufragio imprimeret adhortor, ac reiterata ob nervosam crassitiem bis sectione, supra octo sanguinis atri libras paulatim profluxisse, testabuntur plures matronæ. In eo decubitu eam ad tertium permanere diem propter hæmorrhagiam iubeo, licet se mox ab incisione maximopere leuatam sentiret, de nulla debilitate ob largissimam sanguinis tanto tempore extra venas in ijs partibus retenti effluxionem, conquesta. Elotis inde huius eluuii reliquijs, aqua hordei cum melle rosaceo syringe iniecta, post tertium diem suæ restituebatur libertati, valetudinem pedetentim consequuta inculpata, ut uicesimosecundo die post incisionem legitime cœperint fluere menses, suum deinde seruantes naturæ tenorem. Similem casum recenset Antonius Beniuenius, quanquam membrana hac omnes præmuniri uirgines ignorarit, quum dicat, naturalia feminarum interdum claudi. Siquidem munimentum illud uni homini in multis uirginibus obseruatu difficile est, quum raro sit obuium, si quando uenarum sanguinem menstruum fundentium orificia introrsum puellis fortè reſerari contingat, ac reliqua excretionis uia hoc sepiemento præcludatur. Ita narrat ille: Incidit in manus nostras puella quædam, iam matura uiro, iam plenis nubilis annis, cui naturalia ipsa clauderentur. Quæ cum ego huiusmodi malum curaturus inspicio, membranulam quandam uideo,

De abditis
Sanat. causis
ca. 28.

236 De præstigijs dæmonum

uideo, quæ ipsius uulvæ ori opponeretur. Quare duabus lineis inter sese transversis eam incido, statimq; tanta ac tam ingenti impetu nigrior materia profluxit, ut grande lumen, quod tunc minister admo- uerat, extinxerit. Menses enim præteriti intus tene- bantur, qui & dolores etiam singulis mensibus exci- tarent. Tum reliquum curæ ex aliorum ulcerum mo- re prosequutus, haud multis post diebus puellâ ipsam sanam, & coniugio aptam relinquo. Hæc ille. Proxi- ma adhæc hyeme, quum puellæ octo circiter menses natæ urina impeditius flueret, nisiq; hymen promine- ret, uteri orificio filiolum carere suspicata mater in- docta, eam mihi offert inspiciendam: ego aciculæ ca- pitello membrana hac circumscripta, & uesicæ colli extremitate ostensa, matrem rectius institui: & quid ad eliciendum liberius lotium faceret, edocui. Præ- terquam quod in quarta uirgine quoque certissimè tegumentum illud solidissimum cognouerim, à pudici- ssimis mihiq; familiaribus matronis, quæ hoc pudici- tiæ munimentum prima admissione obseruarunt, id ipsum pudica collatione rescui: hæc omnes uirgines eo donatas esse, ex feminis, quibuscum familiariter & occultè hæc de re contulissent, se intellexisse, uno quoq; asseruerunt ore. Alias duas iam nuptui collo- catas, ab obstetrice perita sectas etiam noui. Mem- brana interim aliàs crassiore firmioreq; , aliàs tam ualida ut sectione opus sit, quasdam tenuiore fragi- lioreq; hic obseptas esse, minimè dubium est: plerisq; etiam

Alexand. Be-
ned. lib. 2.
Ana. cap. 24.
Hymen mē-
brana aliàs
crassior, aliàs
ualidior, ut
sectione opus
sit: aliàs fra-
lior.

etiam putrescere eam ex humorum affluxu, & ex morbo perrumpi constat. Exemplo id testatum facile fecerim: uerum non est nostri instituti, longiorem huius argumenti hic contexere telam. satis sit indicasse, imò apertas ostendisse rationes, quibus succuborum incuborumq; falsitas detegitur: item Mosis locū non nihil explicuisse, & medicis ansam subministrasse, membranam hanc oculatius obseruandi: cuius quidem uitiatæ prius nomine, uxorem secretò arguisse non immeritò maritum, olim memini.

Si quis iam præfractor, ad illam Mosis sententiā mihi obtrudendam confugiat, Quòd filij Dei ad filias hominum ingressi sunt, atq; hæc genuerint potentes & celebres uiros: & hinc cum multis alioqui doctis uiris inferre studeat, dæmones posse mulierū concubitu frui, atq; generare: huic Augustini Steuchi Eugubini, episcopi Kisami, uerba hæc, quibus errorem hunc solidè refellit, opponā: Illud, inquit, reiiciendum separandūq; à natura dæmonum uera, & penè inter fabulosos dæmones cēsendū, quod nō modò è nostris quidā, sed etiam prophana philosophiæ professores pleriq; sibi persuaferūt, de filiis illius Dei, qui dicuntur apud Mosē filias hominū uidisse, accēsosq; in earū cupiditate, ex eis filios genuisse: qui quum dicantur Hebraicè Nephilim, ab Hebræis nescio quibus, & nostris, quinetiam externè philosophis, dæmones crediti sunt, qui partem diuinam atque humanā mixtam habuerint. fueruntq; multi, filios illos Dei angelos su-

Genes. 6.
Locus Mosis
explicatur,
quòd filij Dei
ingressi sunt
ad filias ho-
minum.

Lib. 6. ca. 32.
de Perenni
philosop.

Genes. 6.
Nephilim.

gelos suspicati: è quibus, cum multis Hebræis, Iosephus in sua de antiquit. Iudaic. historia. quem tamen Zonaras historicus excusat, quasi angelos ille appellarit filios Seth, ut Deo placentes, & angelorum uitam æmulantes. Fuerunt et alij in ea opinione, ut Lactantius: uideturq; antiquissimus error è libris Moses non rectè intellectis haustus. Siquidem perhibet Plutarchus, Pythagoram, Xenocratem, Platonem, Chrysippum, superiores Theologos sequentes credidisse, demones fuisse hominibus quidem robustiores uiribusq; longè præcellentes, diuinitatē (inquit) habentes neque synceram neq; puram, sed cum animæ natura & sensu corporeo coniunctam, uoluptatis & laboris capacem. Hoc etiam credidit Athenagoras philosophus Christianus, Iustinus item idem philosophus, & Tertullianus, omnes ambiguitate uocabuli ducti: arbitratiq; filios Dei, angelos, puerosq; deos, genitos ex eis: alij demones, alij heroes uocantes eos, αἰὲν τῶ ἐρωτες, amore illo quo illi filij Dei in feminas exarsissent, filiosq; eximie uirtutis & audacie genuissent, quod in Cratylo etiam retulit Plato. & Athenagoras in legatione scribit: Similis quoq; conditio fuit angelorū. Etenim cum omnes essent liberæ uoluntatis, alij in ea qua creati à Deo fuissent, conditione permanserūt: alij naturam suam & conditionem uiolauerunt. Is ergo demon materiæ, & formarum quæ sunt in ea, imperator extitit, & ceteri qui ex his circa primum æthera uersantur.

Scitis

Heroes unde
dicti.

Scitis autem nihil absque testimonio nos prædicare, cum nitamur dictis Prophetarum. Illi igitur à carne uicti, & in concupiscentiam prolapsi: is autem neglectior & prauus circa rerū sibi creditarum curam, est inuentus. Ex his uerò qui in uirgines exarserunt, nati sunt hi qui Gigantes sunt appellati. Itaque angelilapsi de cœlo, circa aerem & terram, prohibiti deinceps cœlum repetere, uersantur: animi quoque Gigantum circum mundum. hæc ille. Tertullianus quoque eadem sensit. Quæ quidem doctiores melioresq; theologi, quibus filiorum Dei notior fuit appellatio, nunquam dixissent: non Hieronymus, non Augustinus, non Gregorius Nazanzenus, non prudentissimus Chrysostomus. Nec difficile est erroris fontem agnoscere: nec durum probare, solitas sacras literas filios Dei nuncupare dilectos illi, illumq; colentes. Vt de Israele: Ex Aegypto uocaui filium meū. Et in Exodo: Filius meus Israel. In Psalmo quoq; clara exisist differentia, cum homines sunt filij Dei, & cum non sunt: Ego dixi, dij estis, & filij excelsi omnes: uos autem sicut homines moriemini. Ecce eosdem filios Dei & homines appellat: sed filios Dei, quia creati ab illo, factiq; uelut dij, futuriq; si Deū coluerint: homines autē, in terrenā fragilitatē delapsi, regis cœlestis imagine denigrata. Tales erāt illi eluuiōnis tēpore filij Dei, bona progenies ex Seth, quæ cōmixta cū filiabus hominū, scilicet corruptissimis feminis, quæ sicut uxor Adam, deincepsq; sermē omnes, sic mari-

Filij Dei qui:

Osee. 11.

Numer. 24.

Matth. 2.

Psal. 81.

Filij Dei.

sic maritos suos corruerunt: unde corruptiores filij nati, origo mali, sanguinis pij cum impio commistio: propterea nati bellicosi, superbi, contumeliosi. Hæc sunt ueriora, à natura non abhorrentia: cum illa non absint à fabulis poetarum. Nec naturâ fieri potest, nec assentitur philosophia, spiritus corpore nudatos, amore feminarum capi, aut ex eis generare potuisse. Habet enim fontem suum, & inferiores ortus, cupiditates: si desit causa, desit effectus. Vbi non sunt membra genitalia, non est amor coeundi. Vbi non est cibus & potus, non est sperma. Vbi non fuit quærenda successio & propagatio, non adhibuit natura cupiditatē generandi. Sicut spiritus nudi sitire aut esurire non possunt, sic ueneris libidine nequeunt inflammarī. Absurdum quoq; duo esse genera dæmonum: tum ipsos angelos lapsos in concupiscentiā, tum animas Gigantum. Fuerunt enim Gigantes homines, nec ex hominibus faciēdi sunt dæmones: nec casus eorum fuit, quod exarserint in amorem. Erunt igitur fabulosi dæmones, tam quos libido rapuisset, quàm generati ex eis. Tales erunt, quales Hæctor, Achilles, Aeneas, Hercules, ex hominibus & deis nati, apud poetas. Hæc Augustinus Steuchus. Se amore captos esse mentiuntur dæmones, ut amentes uicissim feminas in officio arctius constringant, ardenter animarum perditionem depereunt.

Quod uerò peculiare dæmonis prius cum uiro, deinde cum muliere congressus figmentum commententur

tentur nimis imprudenter, ac argumententur absur-
de admodum pleriq; Theologi (ut Mallei malfica-
rum architecti, Henricus Inſitoris & Iacobus Spren-
ger ordinis Prædicatorū, ſacræ paginæ doctores &
hæreticæ peſtis inquiſitores, atq; Martinus de Arles
theologiæ profeſſor, ac huius farine alij) eundem ſci-
licet dæmonem uiri ſclerati prius ſuccubum, effici
mulieri deinde incubum: ſemenq; uiro antea adem-
ptum, mulieris inde ſinui in ipſo actu inſtillari, atque
hinc prolem concipi, progigniq;: næ id ridiculum ni-
mis uidetur, quàm quòd multis debeat confutari ar-
gumentis. Hoc ſolummodo dicam: illam ſeminiſ ex
ſanguine et ſpiritu temperiem generationi aptam, in
ordinatis à Deo locellis, extra propria conceptacu-
la, qualicunq; præcipuè trãſlatione corrumpi & in-
terire. Neque hic credendum Alberti ſcholiaſtæ,
quaſi per ſomnum referenti, ſi ſemen emiſſum ad ter-
ram poneretur ad matricem, poſſibile eſſet quod con-
ciperet: & ſæpius contingere, quòd in balneo, ubi
uir ſperma emittit, muliere præſente, ipſa tanquam
in coitu concipiat, quia matrix eſt maximè attrahi-
ua, & ſemen adhuc uigens, nec exhalatione impo-
tens, atque ideo foetum produci poſſe, idq; experien-
tia comprobatum eſſe. Nam ſi ſemen ſuper ſaluiam
effunderet felis, atq; ſaluiam hanc aliquis comederet,
tum ex illo ſemine generarentur in uiri uentre feles,
per uomitum expellendi. Abſurdiora hæc ſunt, &
mendaciora, quàm ut lōgiori refutatione indigeant.

Tract. de ſu-
perſt.

De eodē dæ-
mone ſuccu-
bo & incubo
abſurdum
quorundam
Theologorū
argumentū.

Lib. de for-
mat. hom.
ca. i. de Ge-
ner. embr̄i.

242 De præstigijs dæmonum

Idem sit responsum feminæ habitati in uicina Auerrois, qui scribit eam iureiurando confirmasse, quod infāntē conceperit semine ex balneo attracto, quod profudisset lasciuiens masturebator.

Nec dubium est, alios mihi Augustinum hic de
 Lib. 15. de Ci. incubis dæmonibus obiecturos, ita scribentem: Quo-
 nit. Dei ca. niam creberrima fama est, multiq; se expertos, uel ab
 23. eis qui experti essent (de quorum fide dubitandum
 non est) audisse confirmant, Syluanos & Faunos,
 Li. 1. quæsti- quos uulgo Incubos uocant, improbos sæpe extitisse
 onum super mulieribus, & earum appetisse ac peregisse concubi-
 tum: & quosdam dæmones, quos Galli Dufios nun-
 cupant, hanc assidue immundiciam & tentare & ef-
 ficere, plures talesq; asseuerant, ut hoc negare impu-
 dentie uideatur: non hic temerè aliquid audeo diffi-
 nire, utrum aliqui spiritus, elemento aereo corporati
 (nam hoc elementum etiam cum agitur flabello,
 sensu corporis tactuq; sentitur) possint etiā pati hanc
 libidinem, ut quo modo possunt, sentientibus femi-
 nis misceantur. Hæc parū aut nihil facere cōtra nos,
 intelliget is, qui cum nostris rationibus suprā addu-
 ctis, exactius singula discusserit, expenderitq;. Que
 enim rumore acceperit ille, dūtaxat recenset, nec cer-
 ti aliquid statuere audet. & si demus, spiritus aliquos
 elemento aereo corporatos esse: minimè tamen hinc
 sequetur, ab aereo corpore, cum eo quod contempe-
 rata quatuor elementorum permixtione consistit, na-
 turalem, uel similem ei qui inter paria terrenā magis
 contem-

contemperatione imbuta contingit corpora, exerce-
ri congressum. Præponderet itaque hic ratio, &
ueritatis robur.

De Satyris illis alacibus qui etiã obtruduntur, &
eandẽ cũ Syluanis & Faunis rationẽ habent, an ueri
fuerint daemones, quid in Atticis scripserit Pausanias,
breuiter adijciam. Equidẽ (ait) de Satyris qui nam
sint, ut aliquid certius, quã ab alijs traditum sit co-
gnoscere, singula ex multis sum percunctatus. Euphe-
mus Car tandem, uir non ignobilis, hæc mihi recen-
suit: se, cum in Italiam nauigaret, uentorum impetu
in extremas Oceani oras delatum: ibi multas esse insu-
las desertas, quæ ab hominibus agrestibus incoluntur:
ad alias insulas appellere nautas noluisse, quoniam
antea in eas appulsi, à quibus tenerentur incolis, non
ignorarent: sed tũc etiam præter eorum uoluntatem
tempestate eò adactos, insulas à nautis Satyrides ap-
pellari: incolas ruffos esse, & caudas non multo equi-
nis minores, infra clunes habere. Hos, ubi primum
hospites sensissent, euestigio nulla edita uoce ad na-
uim concurrisse, ac mulieribus quæ in naui erant, ma-
nus iniecisse. nautas uerò pauescitos, mulierem Bar-
baram in insulam exposuisse: in quam Satyri irruen-
tes, non tantũ eam quæ natura uiris exposita est, par-
tem, sed aliam quamlibet petulantissimè appetuisse.

Satyrides in-
sula.
Satyri.

De Satyro quoque animali hæc scribit Ant. Sabel-
licus: Ex Athenis Sylla per Thessaliam & Macedo-
niam ad mare descendit, mille & ducentis nauibus

Li 3. nEnca. 6.

244 De præstigijs dæmonum

ex Dirrachio Brundusium transmissurus. Proxima est Dirrachio Apollonia, & circa hanc Nymphæum. Sacer ibi locus uirenti colle ac pratis, quæ fontes multifariam irrigant. Hic sub id tēpus, quo Sylla eò cum exercitu uenerat, Satyrum, animal humano ore, atque ea forma qua pingitur, somno pressum, atque ita captum, locorum accolæ ad Syllam uinctum perduxerunt. Ibi haud una uoce interrogatus, quis esset, multisq; uariarum linguarum peritis ad hoc ipsum adhibitis, tantum uociferatus dicitur: uoxq; aspera ex eo profecta, inter balatum & hinnitum media. Sylla religionem tactus, datis comitibus, qui eū in solitudinem deducerent, missum fieri imperauit. Animalia etiam fuisse quæ Satyri dicerentur, scribit Hieronymus in uita Pauli primi heremitæ: eosq; locutos esse, & rationis officia peregisse. Refert quoq;, Satyrū quēpiam Antonium quondam allocutum fuisse, & gentiliū errorem in se colendis animalibus damnassee. assermatq; unum uiuum olim productum in publicum, & mox ad Constantinum principem destinatum. His addit tamen, diabolo facilimū esse Satyri imaginem & nomen assumere. Apud Strabonē inde legimus de Satyris, Silenis, Bacchis, & Tityris, quos (inquit) dæmonas quosdā, deorumq; ministros Citretas nūcupāt. Nec solum (inquit Martinus de Arles theologus) apud maleficas, sed et circa alias probas mulieres accidit hæc incubi illusio. Nam ex sacerdotis cuiusdam relatu accepi, hoc tempore ipsi in confessione reuelatum fuisse

Tract. de Superst.

Illusio incubi alijs quoque mulieribus probis accidit.

tum fuisse à quadam proba muliere nupta, cui sæpe in somnis uidebatur, se reuerà super iumenta equitare per campos cum alijs : atque ita euagando super aquam, coire hominem cum ea, & intensam in actu se persentire uoluptatem : & hoc sæpe ei accidisse phantasticè, illusionè demonis manifestum est. Vnde Augustinus super Genes. Illa enim quæ accidisse ut quidam recordarentur, in quorundam animalium corporibus, aut falsa facta narrarentur, aut illusionibus demonum hoc in eorum animis factum est. Si enim contingit, ut quis in somnis fallaci memoria recordetur, se aliquid fuisse quod non fuit, aut fecisse quod non egit: quid mirū est, si quodam iusto Dei occultoq; iudicio sinantur demones in cordibus hominum tale aliquid posse?

Delusorij adulterij exemplum his accedat, appri-
mè ridiculum. Mercatoris cuiusdam uxor circiter sex uel septē miliaria à Vuittembergæ, Slesiā uersus, absente negotiationis causa marito, peculiare solet admittere concubinum. Contigit itaque marito peregrè agente, amasium noctu redire: & post curatam cuticulam, uenereamq; peractam uelitationem, ut uidebatur, hora matutina specie picæ assumpta momentò, concubinum insidere promptuario, ac cōcubine his uerbis ualedixisse: hic tuus fuit amasius, dictoq; citius euanuisse, nec rediisse unquā. Vuittembergæ ab eximio ecclesiaste id accepit insignis doctrinæ uir Ioannes LITHODIVS, medicus excellentissimus, ac

Adulterini congressus illusio diabolica.

Ioannes Lithodius medicus.

246 De præstigijs dæmonum

collega mihi singulari necessitudine coniunctus. Nullo ergo modo, ait Cassianus, credendum est, spirituales naturas cum feminis carnaliter coire posse. Nam si hoc aliquando posset fieri, quomodo nunc uel nunquam uel rarò uideremus, aliquos ex eorum concubitu de mulieribus absque uirili semine nasci? cum præsertim constet, eas libidinum sordibus delectari admodum, quas proculdubio per semetipsos potius quàm cum hominibus exercere mallerent, si illud ullo modo effici posset? Nec item immeritò doctissimo philosopho & medico Iulio Scaligero libet cum stomacho excipere, quæ de dæmonum coitu Psellus effudit. Quare cum Iamblichò concludamus: Quæ fascinati imaginamur, præter imaginamenta nullam habent actionis & essentiae ueritatem.

Hinc constat, cunctas quoruncunque historicorum enarrationes, commixtionis eiusmodi phantasticæ & diabolicæ figmentum comprobantes, ut fabulosas, ab omni ueritate excidisse, optimoq; iure pessum ire: & uel ab alijs primum fuisse chartis illitas, uel ex aliorum relatu à facile credulis deinde falso transcriptas, & ad posteritatem traductas: quarum aliquas, ne silètio eas sepelijsse studio uidear, hic loco dignabor. Hanc describit fabulam Boethius historicus. In Marrea regione, uti ex his qui rem hanc conspexerant, accepimus, nuper puella nobilis formosaq; auersata coniugium, inuenta est grauida. Parentes cum stupratorem quærerent, falsa est puella

Li. 16. de
Subtil. ad
Card. exerc.
355.

Li. de Myſte
rijs.

Incubum dæ
monē appro
bantes histo
rie omnes fa
bulosa.

est puella, nocte diēque secum formosissimum cubare adolescentem, nec se scire unde ueniret. Illi, tametsi parum fidei responso adhiberent, tertio die, indice ancilla, cognoscentes illum adesse, cum tedis ac facibus subito ingrediuntur reſeratis foribus: horrendum monstrum, & supra humanam fidem terribile, in filiae complexibus conspiciuntur. Accurrunt ocyus uicini ad fœdum spectaculum, atque inter illos sacerdos probatæ uitæ, nec sacrarum literarum ignarus, Euangelium beati Ioannis cum recitaret, eoq; peruenisset, Et Verbum caro factum est: demon asportans cubiculi tectum, incensa suppellectile, stridore emissio horribili abiit. femina post triduum peperit monstrum unde quaque aspectu fœdum, & quale unquam in Scotia uisum non est: quod obstetrices, ne in familiæ dedecus seruetur, extructa pira exusserunt. Huic simile admodum est, quod de Venerea Psyche uelitatione cum formoso deo Cupidine, qui alijs uenenatus serpens & scuiſſima bestia dicebatur, scribit Apuleius. quare etiam eandem ueritatis opinionem iure meretur.

Psyche uelitatione uenerea cū Cupidine.

Lib. 5. de Asino aur.

Aliud idem Boethius recitat, quod suo tēpore etiā contigit anno 1486. E' Phorteā aſtuario cū soluerēt in Belgicā, tanta uis uentorū ac maris nauim quendam afflixit, ut uelis, malo, cæterisq; quæ ad nauis tutelam adhibentur, fractis, sola imminēs submersio expectaretur. Exclamat nauta, hoc demonum esse

q 4 factum,

factum, quod præter temporis rationem sit: siquidem sub æstiuo solstitio, quàm maximè eâ Oceani partem tranquillam esse. Cum diu sic questus esset, auditur

*Si verū hoc
fit, potuit in-
cubū in som-
nopati imagi-
nari: & ut
cantiū om-
nes illuderen-
tur, eam po-
stea à demo-
ne fuisse exci-
tatā nubecu-
lam cū sono
& fœtore.*

uox mulierculæ, quæ ex imo naui accusat seipsam consuetudinis cum dæmone iam multis annis: ac tum demum in naui ab illo subactam se fuisse fatetur. ob idq; rogat, ut quando perniciem afferat omnibus, sola dedatur mari. Ea cum lachrymans exponeret, aderrat fortè sacerdos, qui hortatus feminam ad poenitentiam, & ut de Deo nō desperaret, admonuit. Sic illa lachrymis, suspirijs, animiq; dolore peccatū horruit. interim nubecula quædam è naui sentina expirans, sono, flamma, fumo, fœtore prodit dæmonem. Cuius recessu pacata tempestas, omnesq; cum rebus suis insperatò salui in portum uenère. Idem existimauit Merlinum, cuius maxima adhuc fama est in Anglia, sic genitum esse. Hinc quilibet palàm uidet, quantum hisce miraculis fidei debeatur. Vt autem rerum mendacium collatione clarius eluceat ueritas, ridicula illius superstitiosæ ætatis commenta de Merlino, uelut de Cigno quoque, illinere ex Vincentio, non pigebit. Ab eo narratur, Vortigernum regem consilio capto quid ad sui tutionem facere deberet, iussisse acciri artifices, qui turrin fortissimam extruerent. Sed cum eorum opera tellus absorberet, suusum est regi, ut hominem sine patre inquireret, cuius sanguini lapides & cementum conspergerentur, quasi eo modo stabile redderetur cementum. Inuentus igitur adolescens

Merlinus

Merlinus nomine, qui cum matre adducitur coram rege, quæ illū ex spiritu in hominis specie conceptum esse fatetur. Merlinus hic multa obscura reuelauit, & futura prædixit. Aperuit enim, sub fundamento esse lacum: sub lacu duos latere dracones, quorū unus rubens populum Britonū, alter uerò albus Saxonum designaret: & uter eorum in conflictu alterum superaret, uaticinatus est: atque Aurelium Ambrosium, deuicto Hengisto, & combusto Vortigerno, regnaturum. Ex Helimando idem hæc refert: In Colonienſi diœceſi famoſum & immane palatium Reni fluminis ſupereminet, Iuuamen nuncupatum: ubi pluribus olim congregatis principibus, inopinatò aduenit nauicula, quam collo alligatam cygnus argentea trahabat catena. Inde miles nouus & incognitus omnibus exiliit, cygnusq; nauem reduxit. Poſtea uxorem duxit miles, liberosq; procreauit. Tandem in eodem palatio reſidens, & cygnum inſpiciens aduentantem cum eadem nauicula & catena, ſtatim in nauem ſe recepit, nec uiſus eſt amplius: progenies autem eius in hunc uſque diem perſiſtit. Hoc exemplo, ſpirituum quoque fieri cum feminis congreſſum, deſenditur: & ex eo ſigmento in arce Cliuenſi (ubi & altiſſima turris uetuſta conſpicitur, Cygnea nuncupata, in cuius ſiſtigio cygni ſimulachrum uoluitur) antiquiſſimis tapetis intexto, originis illuſtriſſimorum ducum Cliuenſium uetuſtatem deducunt: quemadmodū potentiſſimorum regnorum & clariſſimarum familiarum

Merlini hiſtoria uel fabula.

Lib. 4.

Iuuamen.

Cygnus nauiculā argentea trahens catena.

Cygnea turris Cliuenſis.

Obscura clariſſ. familiarum initia.

250 De præstigijs dæmonum

initia eiusmodi adornari lenocinijs solent, ut diuinitatis aliquid ijs inesse, citius persuadeatur. Ex Gaufrido Antisiodoro eiusdem fidei miraculū, lib. 3. idem ille Vincentius scribit, narrans decanum quendam sacerdotum, cum sorore ducis Burgundie regi Sicilie Rogerio desponsata, aliquandiu in eo regno inhabitasse, qui se rem ibi comperisse admirabilem certissime affirmaret: iuuenem uidelicet quēdam strenuum, & natandi peritum, circa noctis crepusculum luce lunæ in mari balneasse, & mulierem post se natantem crinibus apprehendisse, tanquam ex socijs aliquem qui eum mergere uellet. Quam alloquens, ne uerbum quidem extorquere. potuit quare opertam pallio, domum duxit, & tandem in uxorem solenniter accepit. Increpatus aliquando à socio, quod phantasma amplexus fuisset, expauescens, gladio extracto coniugi minitabatur, se filium quem ex ea susceperat interfecturū, nisi ipsa loqueretur, suamq; fateatur originem. Quæ, Væ (inquit) misero tibi, utilem perdis uxorem, dum me effari cogis. Tecum mansissem: ac in rem tuā esset, si iniunctū mihi silentium permisisses. Nunc autem me posthac non uidebis: & euestigio euanuit. Puer autem adoleuit, & marinum cœpit frequentare balneum. Tandem die quodam coram multis puerum in eisdem fluctibus occurrentem rapuit phantastica illa mulier. Vlricus Molitor LL. Doctor, puerum hunc dæmonem fuisse in pueri forma apparentem, & matrem succubam, dæmonium scilicet,

In tract. de
Lamijs &
phytonicis.

scilicet, arbitratur: militem item incubum, & Merlinum ex matre delusa demonis artificio supposititium. At mihi fabulae erunt. De demone succuba gratissimae omnium formae adolescentem infestante, memorabilem ex Boethio historiam etiam comperies libro huius Operis quarto.

Delusionis huius & fallaciae diabolicae duo adhuc exempla adijciā, ex illustri philosopho Francisco Mirandula. Agnouit (inquit) uirū nomine Benedictum Bernam, ætatis annorum septuagintaquinque, eundemq; sacerdotē ex his quos presbyteros uocant, qui annis plus quam quadraginta cum demone familiari sub forma feminae illi associato concumbebat, in forū deducebat, alloquebatur, adeo ut astantes qui nihil uidebant, cum pro fatuo haberent. Vocabat autem illam Hermelinam, quasi mulier esset. Alium quoq; Pinnetum (ait) nomine noui, qui ad octoginta et amplius annos peruenerat, cum demone alio, qui mulieri forma ei uidebatur, uocabatq; cum Florinae nomine, plus quadraginta annis uenereas uoluptates exercuisse. Sed is, dum hæc scriberem, uiuebat: alter poenas iam dederat, confessus arcana se in sacrificio non protulisse, consecratum uero munus mulierculis ad ueneficia præbuisse, pueris sanguinē exuxisse, atq; alia eiusmodi graua scelera, tormentorū tamen uiuicium fuisse credas. Atq; hæc aliaq; plura (ait Cardanus, post eorum recitationem) si uellem adijcere, absurda, uiroq; tā graui profectō indigna sunt, ac uana, & ab

*Hermelina
demon, amas
sua sacerdotis.*

*Pinneti amas
sua, Florina,
demon.*

*De Varietate
lib. 13. ca. 80.*

na, & ab omni ratione aliena. Primumq; ex ipsius exemplis illum cōfutare licet. nam iuuenula illæ uel uera uidebantur corpora, cum non essent: quod non solum sensibus & naturali rationi repugnat, sed etiā Seruatoris authoritati. Si enim non solum uisus, sed etiam tactus hoc modo decipi potest, Christi dictum nihil concludit aduersus Thomam. Sin autem corpus fictum illis uidebatur, quod atrocius poterat esse tormentum, quàm uelut damnatū à Mezentio, cum mortuo concumbere? Horret animus, mens stupet, ubi talia cogitat. Sed uir alioqui non imprudens, & nimium quorundam Platoniorum figmentis addictus, monachorum mendacia, uulgi famam, muliercularum nenas fabellasq; aureo asino dignas, sanctis philosophiæ sermonibus immiscuit, totamq; artem fœdissimè conspurcavit, nec Peripateticus usquam, nec satis hac in parte Christianus: nec Platoniorum celebrum, è quorum grege se unum fore existimauit, placitis consentiens. Eo igitur factum est, ut delectare potius lectores, atq; allicere, quàm seriò tractare quicquam uisus sit. Sed & beatus Augustinus à tam absurdis narrationibus si abstinuisset, licet forsitan pauciores habiturus lectores, grauioris tamen uiri opinionem assequutus fuisset apud eruditos. Sed ea fuit seculi labes, ut plurimi, uelut nunc de regno, sic grauidioribus mēdacijs decertarēt: quæ ille uir sanctus pro ueris accipiens, ac quasi æmulatione gentiliū figmentorum, libris suis inseruit. itaq; illi tātum fidei habeo,

quantum

quantum se oculis uidisse testatus est: in alijs, minimè. Iam enim constat unicuique, maiorem talium narrationum partem fabulosam esse. Sed unde tãta incrementa tam absurdis deliramentis, iam penè dictũ est. Auaricia ipsorum quibus inquisitio talium, iusq; eas puniendi permissum est: uanitas ac stulticia delinquẽtium, nouitatis desiderium, & ignorantia causarum, euentuumq; naturalium. Hæc Cardanus. Meo tamen iudicio sacerdos & Pinnetus à diabolo illusi fuerũt, qui mentem utriusq; ita uitiarit, in illorũ phantasiã illapsus, quã imagine mulieris imbuit perpetua, quã illi ualde delectati, facilius induci potuẽre.

Risu sanè excipiendum, quod in hæc rem quidam, me præsentem, coram potentissimo, eodemq; prudentissimo Principe narrabat: famulum scilicet diluculo nuper rus concessisse, ut equos maturè domum è campis reduceret: atq; in agro quandam eiusdem pagi feminam maleficij insimulatam inuenisse, supino decubitu prostratam, cui incubuisset demõ. Ad hæc, quænam fuisset demonij forma, sciscitabatur Princeps. Respondit alter: Canis nigri. Hic ludibria eiusmodi, præstigias & uulgi opinionẽ falsè irridens Princeps: Ignorabam diabolum cani nigro similẽ esse, ait: alio profectò mentis acumine, quàm uulgares censere solent. Nec dubito, mulierẽ illam tunc temporis etiamnum in lecto decubuisse: & simulachrum hoc rustico à satana fuisse obiectum, ad sinistræ de ea conceptæ opinionis confirmationem. Vberior equidem fui studio, in

254 De præstigijs dæmonum

dio, in fœdissimo ludibriosæ huius commixtionis negotio, ut quum omnis illa sagarum turba se ea uitari confiteatur, & unaquæque suum certo indiget nomine procum, si huic congressui nihil inesse ueritatis obtinuero, promptius uniuersa illa phantasmatū dæmoniacorum machina collabatur, ueritas elucescat clarius, diaboli regnum eat pessum altius, & unio in populo Christiano citius renascatur, inuiolatusq; conseruetur.

Cæterum ut tandem hunc fabule actum finire occipiam, quemadmodum hæ Lamiæ nec longiori peregrinatione, labore aut studio, corruptæ mentis doctrinam cum magis sceleratis conquirunt: ita nec ullos habent libros, quorum adminiculo in sua professione instituuntur, promouenturue: nullas etiam præscriptas coniurationum formulas, quas sequuntur: nulum adhæc annulo incarcerationum, aut crystallo soliditate obseptum dæmonem, in suum ministerium, uelut plerique Magi, circumferunt: corruptam uarijs imaginibus ab immundo spiritu ingestis, phantasiam solummodo doctorem uenerantur & colunt: cui ut plurimum propensius confisi, miserè decipiuntur, ac in perniciem ruunt. Nec quidem præter uulgarem morem quicquam peculiare ob indolis crassitiem & spirituum inhabilitatem possunt, quod tamen dæmoni ob tenuitatem subtilitatemque erit facilimum. Et si sustinuero, nusquam dictarum nobis Lamiarum mentionem in uniuersis fieri Biblijs sacris:

Lamiarū doctor, corrupta phantasia.

sacris: non fortassis facile conuincar. Neq; etiam delusorum horum monstrorū sanationem restitutionēq; prætermisisset Dei filius in terris, si eo tempore dira hæc sæuisset pestis.

Quòd uerò hæc maleficiū, aut, si mauis, ueneficiū, etiam sine contactu inferre posse credantur, cum aliquo eius excremento cui nocere debet maleficiū (cuiusmodi est urina, stercus, sanguis, capillorum & unguium præsegmina) atque hæc generaliter includi membris cauis, similibus aliquo modo his quorum in homine sunt partes aut excrementa, claudiq; osse mortui hominis, ac in illius nomine sepeliri, alia quidem in uestibulo, alia in uis crucis formam habentibus, alia in torrentibus: cum bona uenia mei olim heri & præceptoris uenerandi Agrippæ (qui ex hisce nugis librum consarcinauit) hæc merè inania esse, adeoq; ridicula cum Cardano liberè assero, atq; satanæ instinctu in usum uocari: quasi aliquid hic possent res prorsus inefficaces, friuolæq;, quò à se designatum id quod apparet malum, à dæmone constructum, uel aliàs Dei occulta uoluntate aut naturæ uitio natum, credant non sanæ semine: potissimum quum eas noua imbui uirtute, ex inepta uel blasphemata aliqua admurmuratione, aut imprecatione maligna, falsa periuasione opinentur.

Quòd etiam res uiles, aut noxia pharmaca alicubi recòdita, ex interuallo tràscensa aut præterita, noxā inducere, uel ex disiunctissimo etiā spacio, ceu neruo

Ridicula res, quibus sine contactu se ledere posse existimant uesana femina.

Agrippæ herus & præceptor uieri.

Li. 18. de Subtil.

Res uiles aut pharmaca in locis semotis sepulta non posse nocere.

emissa

256 De præstigijs dæmonum

emissa excussaq; uiolenter ferri in eos quos petunt, nonnulli arbitrentur etiam insignes et docti uiri, non mihi fit uerisimile. Si enim ingenita ueneni uirtute eiusmodi infertur uirulentia, eam quoscunq; uel transcendentes uel prætereuntes ferire necesse est. Secus autem experientia & res ipsa docet. Sin uerò quibus male uolunt illæ uetulae, solummodo læduntur: non ueneni halitu continget noxa, sed maleficij ratione. Id porro nihil eatenus posse, iam demonstraui: quum tamē nocumentum hinc subsequi uideatur: reliquum est ut ab ipso satana, ex Dei assensu, ob hominis lædendi incredulitatem, uel etiam ut hic ipse cum Iobo probetur, id ipsum excitetur. Ille est qui excæcat, mutilatq;. Interim huic anui, quæ materiā uenenosam uel qualemcunq; aliam sepelijt, id, ut dixi, quod ab ipso perpetratum est, uel aliàs contigit, ita in mentem firmiter suggerit, persuadetq; dæmon, ut à se factū esse illa credat, asseratq;. Atqui ea diaboli ludibria ut plurimum uim suam sortiuntur ex impia hominum credulitate, qua in eiusmodi potentiam dæmonis consentiunt. Enimuerò si serpens sub ostij limine repositus fœcūditatem amoliri potuit, ut in Maleficarum malleo legitur: cur in illis regionibus ubi serpentum numerus domos peruagatur, non omnes sterilescunt feminae? Si quoque olla in fundo putei arcis recondita, ad congressum reddere potuit impotentem quendam Comitē: cur non omnes ex cōmuni puteo aquam usurpantes elanguere? At organa generationi destituta præ-

Prima 2. part.
tis, quæst. 1.
ca. 1. 6. 9. 10.
11. 12. 13. 14. 15.
ubi uaria in
hanc rem leguntur
exempla: multatē
superstitiosa
& impia per
totum sparsa
librum.

nata præpedijt dæmon (id quod uariè ratione naturali potest) donec ollam concremasset male credulus Comes, tum desitit ille dæmon: quò in falsam de uetula opinionem, Comitem reliquosq; pertraheret. Sic quoq; in feliū (si uera sit historia) specie in operariū insilire potuit dæmon, atq; eodē tēpore in operarij forma uerberare matronas, ut insontes tāquam maleficij reæ, hinc tandem cum iudicij periculo & animarum perniciæ, ad supplicium cogerentur. Nec scopæ aquæ intincta à muliere, & in aere sparsa, pluuiam accit: sed dæmon, ut suprà dixi, ex præcognita aeris constitutione colludens, ut illam his ludibrijs demētatā, in officio arctius detineat. Eadē ratione sunt reliquæ eius artes, doloq; actiones, et instituta in Mallico sparsim enarrata, exactius discutiēda.

Si quedam fortè in Africa sunt uoce & lingua effascinantium familiæ (ut tradunt Isigonius, Meraphodorus & Solinus) quæ si impensius pulchras casu laudauerint arbores, segetes letiores, infantes amœniores, egregios equos, pecudes pastu cultūque opimos, emoriantur repentè: uel eiusdem etiam generis fortè existunt in Triballis & Illyrijs, ut Isigonius adiicit, interimantq; quos diutius intueantur, iratis potissimū oculis, in quibus singulis pupillas (authore etiam Cicerone) habeant binas, & hoc malum sentiant puberes: aut si quoq; inueniantur fortassis eiusdem sortis feminae in Scythia, quæ uocantur Bythiæ, teste Apollonide: uel in Ponto genus Thibiorū,

Diaboli delusiones quomodo inuestiganda.

Pluuiā non potest excitare Lamia.

Quæ occultè quibusdam conata sunt, nō debent ad potestatem Lamiarum delectu haberi referri.

Lib. 7. ca. 2.

De fascino
per oculos,
Plutarch.
Symp. 5. Gel-
lius. li. 9. c. 4.

sicut & multi alij eiusdē naturæ, authore Philarcho, qui eorum notas etiam prodit, in oculo scilicet altero geminam pupillam, in altero equi effigiem: nec eosdem posse mergi, ne ueste quidem degrauiatos. siue quoque haud dissimile ijs genus pharmacū in Aethiopia comperiat, ut refert Damon, quorum sudor talem cōtactis corporibus asserat: horū causam priuatim reddit Plinius, naturā in quorundā toto corpore in aliorū oculis uenena genuisse, ne quid usquā mali existeret, quod in homine non esset. Atqui hæc rara, & quasi miraculo priuatis quibusdā irrogata, ingentiaq; (quemadmodū & quibusdā cōtigit animalibus) nullū hic habent locū: quippe non pro delectu & arbitrio ex fœderis cum dæmone initi uirtute acquisita quæ hic agitur quæstio. Idem de Psyllis & Marsis (quos à Circes filio ortos ferūt) è uulgi opinione, gratia sancti Pauli celebribus, dictū uolo. Huc accēseantur effascinatrices gentes Paetheoborū, Pontū incolentes, quas Plutarchus & Philarchus narrāt, nō pueris modò, quorū habitus sit imbecillis, sed adultis etiā, qui solido cōcretiori; cōstant corpore, pestilētes esse, & intuitu solo; halitu in tabē resoluerē, morbosq; perimētes accire non solū his qui cōtinuò adsunt, uerū et hospitibus, et qui ab eorū cōmercio alienissimi sunt. Adijciantur & Telchines Rhodi populi, qui omnia aspectu suo in peius cōmutasse leguntur. Peregrina hic quoq; erit, naturalis rubentium & lipporum oculorū cōtagio. Nec enim ullū reperiri in
humani

humani corporis fabrica organū, quod tāta spiritūū
copia scateat, & ex quo corū fulgor usqueadeo emi-
cet, ut de oculi pupilla, certū est. Quin Augustus Cæ-
sar tam lucidos traditur habuisse oculos, ut in quos
paulo attentius eos defixisset, hos uelut ad solis ful-
gorē oculis conuiuere cogeret. Author quoq; Suetō-
nius est, Tiberiū Cæsarem expergescētum, etiā in te-
nebris, ut selem, uidisse. Scribit adhæc Gellius, in ul-
tima terra cui Albanie nomen est, incolas in pueritia
canescere, & noctu acutius quā inter diu cernere,
fulgore scilicet tenerā uisus aciem obtundente. Nec
est quod hic confugiatur ad Plutarchi ἀπορροίας, id
est uaporum defluxus, eorumq; potentiam, qua ignis
instar proxima quæq; depascant, dispergantq;. Nec
ingenita naphthæ uis, uaporem & scintillas allicien-
di: aut natiua proprietates occulta charadrij auicule,
galguli latinis dicti, regio morbo laborantibus pri-
mum conspectæ, croccos bilis uapores attrahendi,
huc adducenda. Connata enim ea sunt: at de quibus
hic rei uersatur cardo, ea delectu & uoluntate ha-
beri creduntur.

¶ Atqui iā ad Veneficos, uel si liceret, Venenificos
progrediamur, quos Græci φαρμακῶνες, itē φαρμα-
κῆντας, et φαρμακῆντας feminas, perniciosissimæ
artis (quā Magiā ueneficā, si uoles, appellare licitū
est) conscias, dicunt. Hos pharmacis uel uenenis ex
quacūq; materie, siue ex metallorū, siue ex stirpiū, si-
ue ex animantiū uel excrementorū genere, uel ex cor-
poribus

Charadrij
uirtus.

Heliodor. in
hist. Aethiō.
li. 3. Plutarc.
Sympos. 5.
cap. 7. Sui-
das in dict.

φαρμακῶνες
Aelia lib. 17.
cap. 13.

Galgulus.
Venefici.

260 De præstigijs dæmonum

poribus mixtis, propinatis, illitis, aut alicubi reconditis ut halitu feriant, periculosos ciere morbos cum atrocissimis symptomatibus: alios in corporis extenuationem uiriumq; imbecillitatē inducere, quibusdam iuncturarum compages dissoluere, uarieq; cruciatibus excarnificare, nonnullos diuturna torquere ægritudine: plerisque præcipitanter, quasi uitæ filo mox rupto, interdum & cum intolerabilibus doloribus uitam præscindere constat.

Enneadis 4.
li. 4.

Veneficia horrenda.

Horrenda sunt quæ de Veneficis scribit Antonius Sabellicus in hæc uerba: Infamis inde annus secutus, M. Claudio Marcello & T. Valerio Flacco (siue Potito, ut alij scripserunt) consulibus, quum multi ex primoribus patrum simili morbo & euentu mortui essent, ancilla quædā ad Q. Fabium Maximū Aedilem Curulem uenit, causamq; eius cladis proditurā se professā est, si fides sibi daretur, quod id indicium apud dominos haud futurum esset sibi noxæ. Fabius re ad Consules delata, à Consulibus ad Senatum, fide, consensu ordinis, indicati data, patefactū est muliebri fraude eam cladem accidere: multas esse quæ in uirorum perniciem coquerent uenena: ac si secum eant, fore ut multæ ueneficio occupatæ deprehenderentur. Misi, qui ancillam sequerentur: hi quasdam medicamenta coquentes, apud alias recondita inueniunt. Quibus in forum delatis, uiginti q; numero matronis, apud quas id pharmaci genus fuerat deprehensum, publicè accersitis, & in his Cornelia & Seruilia patriciæ gentis: quæ

his: quæ quum salubria esse contenderent, à confutante indice bibere iussæ, spacio ad colloquendum sumpto, inter se loquutæ, id haurire statuunt: medicamento in conspectu populi et oto, ad unam interiêre. Inde ad centum septuaginta eiusdem sceleris conuictæ, capitali sunt supplicio affectæ. Atrocitas rei, quia ad eam diem in nullam de ueneficio unquam fuerat inquisitum, prodigij est loco habita: uelut alienatis furore mentibus, id flagitium perpetrari contigisset.

Veneficium quoque fuit, quod Casali, in urbe Salsæ regionis Italiæ coniigit. Circiter annum Domini millesimum quingentesimū trigesimum sextum coniurarunt uiri ac feminae, quadraginta ferè numero, inter quos & carnifex erat: ut quū pestis antea seuijssset, & iam coepisset mitescere, unguentum conficerent, quo illitis portarum uestibus, inficerentur qui uestes tractarent: appararant & puluerē, quem uestibus clam inspergentes, noxam inferebant. Latuit aliquandiu dolus, sublatisq; multi, à coniunctis sanguine uel affinitate: data etiam ueneficis, ut ferebatur, pecunia hæreditatis ergò. Sed cum cuiusdā Neci nomine fratrem atq; unicum filium enecassent, uixq; alij quàm domini ipsi domuum aut filij perirent: simulq; animaduertissent Androginā se in domos insinuare, atque eos maximè interire quorum ædes ingrederetur: deprehensa coniuratione, omnes exquisitis tormentis interempti sunt. Fassi etiam quòd in celebri cuiusdam Diui pompa subsellijs perunctis,

uniuersos trucidare ciues decreuissent: paratasq; in hunc usum fuisse supra uiginti ollas. Idem postea Geneuæ tentarunt nonnulli, qui & pœnas dederunt.

Alios etiam Mediolani uerbes inuinxisse constat: sed quæstionibus subiecti, quum nihil confiterentur, nec quisquam obijisset, dimissi sunt. Bassianus Landus scribit, Patauij monachũ quendã cum alijs plerisq; identidem conspirasse, qui pestis tẽpore infecta linteamina in domos occultè conijciebant, ut in multos deriuaretur contagio: sumptũ quoq; ab his est supplicium.

In nobili fãmilia de Petrinis Bononiæ, duo erant fratres, quorũ alter maritus cum numerosa prole in eisdem ædibus cõmorabatur matri uiduæ: alter uerò iunior, spe consequendæ hæreditatis uniuersæ, totam familiam è medio tollere statuit, coniecto in uini dolum arsenico. Ex cuius usu quum grauib; torquerentur symptomatibus, omnes accersebantur medici celeberrimi, Mattheus Curtius, Ioãnes Maria Bettus, & Hispanus Philippaldus: qui in ueneni suspicionem mox uenerunt, quòd ijsdem cruciatibus uicinos quoque exagitari, qui fortè domum ingressi, uinum illud hauserant, intellexissent. Eorum itaque consilio uas infringitur, uinoq; effuso inuenitur arsenicum. Hinc curationem aggressi medici, omnes restituerunt, excepta matre, uetula debili, & puero infirmo. Fugasibi consuluit ueneficus, atque ita ueneficij author innotuit. Facinus hoc contigit anno millesimo quingentesimo tricesimo octauo, in Augusto.

Socrui adhæc gener quidam cantarides, extractæ cassiæ mixtas, obtulit Bononiæ. Quam uesticæ cruciæ mentis tam atrociter afflictam, ut etiam sanguinem largum ex uestica excreuerit, felici successu curauit D. Helidæus Paduanus Foroliuiensis, clarissimus & in artis operibus exercitatisissimus medicus: quemadmodum recensuit D. Ioannes ECHTIVS medicus Colonienfis ornatissimus, illius olim discipulus, qui tunc temporis ipsum sectabatur, & superiori quoq; curationi interfuit. Huic quoq; narrarat D. Gisbertus Horstius, medicus experientissimus: Romæ quendam hydropicum diu decubuisse, cuius uxor tandem impensarum pertæsa, ueneno illum interimere decreuit. quare bufonis in olla usti puluerē ægroto propinat, unde ille copiosum reddidit lotium: hinc denuo eundem pulcrem exhibet, ut citius ille ærurinosam sumptuosamq; uitam cum præcipite commutaret morte, qui multo uberiore exonerata saburra aquea conualuit præter coniugis expectationem. Eandem ipse Gisbertus aliàs sensit calamitatem ab ijs, à quibus minime decuit.

Venefica itē erat Ioanna puella, quæ anno millesimo quingentesimo quinquagesimo quarto, in Nouēbri nobili & pie matronæ Annæ à Virmont, dominæ in Vuell, optimè de ea merita, bis clandestinè arsenicum propinauit. Ego ad morbi, ex prioris ueneni assumptione, curationē accersitus, post alia feliciter administrata, ius caponis simplex ab ægrota sorberi uolui.

*Helidæus
Paduanus
Foroliuiensis,
medicus.*

Venenū propinatum Annæ à Virmont, dominæ in Vuell.

264 De præstigijs dæmonum

Cui denuò, ut è medio (uellè nollem) tolleretur domi-
na, arsenicū largius infuderat Ioāna, quæ illi à cubicu-
lis erat. Eo autè non satis iuri immixto, gustu et uisu
maximè, ob eius copiā, ab ægrota & me deprehensum
est uenenum. Necdū enim in animos antea irrepserat
oblatis arsenici suspicio, sed uenenatū aliquid pisis ab
ea comestis adhæsisse opinabamur. Inde, nū destinatū
gliribus perimendis pulcrē alicubi occlusisset ægro-
ta, sciscitabar: qui cum altero collatus, certiores nos
redderet. Nec defuit successus. Hoc etenim modo in-
notuit, uenenum dominæ denuò exhibitum: et postea
à me & puero, ueneficij adornati ignaris, gustatum
in iusculo. Concitato autem utrinque mox uomitu,
& ijs quæ ueneni uim infringerent oblati, additoq;
antidoto, nullæ ueneni manserunt reliquæ. Venefi-
cium confessa puella, morti adiudicabatur: aliorū ta-
men intercessione ob ætatem iuuenilem, qua uix de-
cimum quintum attigerat annum, uitæ beneficio rur-
sus donata, carceri perpetuo mancipabatur. unde
post menses paucos effractis cancellis eam liberarūt
milites. Vt quilibet hoc doctus exemplo, prouidè ma-
gis suis consularet rebus, facinus hoc quam breuissi-
mè commemorare libuit.

*Femina triū
uirorum uo-
luit detrun-
care capita.*

Hoc catalogo dignabor mulierem famosam, ma-
licia non inferiorem quacunque uenefica, ob rarita-
tem inauditam facinoris, in Septembri proximo an-
ni sexagesimi secundi supra millesimum quingentesi-
mum, recenter instituti ad hunc modū, in oppido cir-
ca Mosam

ca Mosam in Brabantiae limitibus sito, Grauiam nuncu-
pato, loco mihi natalicio. Vt ex quinque captiuis tres
eodem die supplicio ob sua flagitia afficerentur, acci-
tur ex proxima ciuitate Geldrorum Neomagio car-
nifex, qui sperans eos ex magistratus decreto suspen-
dendos, subsequitur: pronūciatam autem sententiam
de capitum feriendorū poena ubi intelligeret, de imbe-
cillitate sua apud satrapam Stheinhusium conquestus
est, quam ante annū contraxisset ex ueneno ipsi clam
propinato à suo famulo, ut in heri sui ministeriū pos-
sit surrogari, (quae solet esse in dignitatibus & prae-
claris officijs inuidia). ne uerò diutius procrastina-
retur supplicium, se statim missurum ad coniugem
pollicetur, quae suum collegam Arnhemiam uocaret, in
sententiae latae exequutionem. cum eo enim se contra-
xisse de opera mutua, et communi lucro, asseuerabat:
quemadmodum plerumque fit, ut inter fideles artifi-
ces aequale redeat ex pacto emolumentum. Consensit
praefectus, mittiturq; Neomagium ad tortoris uxo-
rem, ut euestigio accerseretur Arnhemia publicus
eiusdem officij administrator. Illa cōmodi cupida, aliud
statuit animo, mariti scilicet defectū suis supplere ui-
ribus: quare gladium eiusmodi postremo actui tragi-
co destinatum, ~~pro marito impetrat~~, cultrorumq; fa-
bro dextrorsum exaerūdum mox defert: ipsa etenim
sinistra erat. Inde hora uespertina sibi capillitiū clam
secari iubet, & summo mane uestes uiri induta, impo-
sito capiti pileo plumis ornato. latoq; illo gladio ac-
cincta,

cincta, incunctanter Grauiam properat. Quam sâ-
 trapa uidens imberbem, Arnheimiensemq; ratus esse
 lictorē, rogabat num in ea iuuenili ætate trūm simul
 truncare capita auderet? Hoc sibi committi debere,
 nec iam primum in illud se prodituram theatrum,
 quum eandem sæpius experta esset aleam, respondit.
 Itaq; ad captiuos ingressa, ab uno agnoscebatur: qui
 eam nomine appellans, sciscitabatur, num ipsa hoc
 statuisset exequi supplicium. Cui illa ait: Perinde ne
 est, quis exequatur? Ita illi tandem producti, ut mox
 gladio feriendas submitterent ceruices, publicè Stein-
 husium præfectum orant, ne ipsorum capita à scorto
 sineret truncari. Hic cum uniuerso comitatu ad stu-
 porem usque consternatus, re cognita, reos ad custo-
 diam reduci iubet: tantusq; est rumor exortus, ut nisi
 clam hoc feminei sexus monstrum se subduxisset, ne
 uel ab hominū turba in aquas proximas, detruderetur
 uel alioqui ab alijs oppidi maliciosis feminis trucidar-
 etur, uerendū erat. Reuersa autē Neomagiū, risu a-
 pud multos celebratur, uelut tātō facinore nobilitata.

Philtrum.

Huc quoque pertinet amatorium poculum aut
 pharmacum, Græcis φίλτρον nuncupatum, sensus
 uitians, ijsq; uarias species & amores concitans su-
 riosos. Eius meminit Iuuenalis:

Satyr. 6.

Hic magicos affert cantus, hic Thēssala uendit

*Hippoma-
nes.*

Philtrum, quibus ualeāt mētē uexare mariti. In hoc
 ueneficij genere est hippomanes, carūcula haud pa-
 rū sumosa, carica magnitudine, specie orbiculatū, la-
 tiusculum,

tiusculum, colore nigro, quæ in fronte nascentis pulli equini apparet, quam edito statim partu mater lābendo abstergendoq; deuorat: & si præripiatur, animum à foetu penitus auersum habet, nec eum ad ubera admittit. ob hoc maximam esse uim eius ad amorem concitandum ferunt, quando in puluerem uersa, cum amantis sanguine propinatur in poculis: hinc equis innasci amoris ueneficiū, ait Plinius. Eius mētio nē fecēre Solinus, Aristoteles, & cæteri. itē Virgilius:

Lib. 8. Georg.
4. Aeneid.

— Crines effusa sacerdos,

Ter centum tonat ore deos, Herebumq; Chaosq;
Tergeminamq; Hecaten, tria uirginis ora Dianæ:
Sparserat & latices simulatos fontis Auerni,
Falcibus & messæ ad Lunam quæruntur abenis
Pubentes herbae, nigri cum lacte ueneni.

Quæritur & nascentis equi de fronte reuulsus,
Et matri præceptus amor. — Dicū & eodē nomine uirus illud lētū, quod ex equarū libidinis æstro stimulat. rū pudendis defluit. à Virgilio ita describitur:
Hinc demum hippomanes uero quod nomine dicunt
Pastores, lentum diffillat ab inguine uirgis:

3. Georg.

Hippomanes, quod sæpe male legere nouerca (lū:
Miscētes herbas, & nō innoxia uerba. Et apud Tibul
Hippomanes cupidæ stillat ab inguine equæ. No-
uit Iuuenalis quoque, Hippomanes, carmenq; lo-
quor, coctumq; uenenum Priuigno datum. —
Nomen ueneno inditum ἵππόμαγες, quod effreni
equinæ cupidini similes hominib. amoris accēdat fa-
ces.

268 De præstigijs dæmonum

ces. Hinc Pausania & Aeliano authoribus, tantam in eo nouit uim Olympiæ Phormis Arcas, quod illo æri mixto & effuso equam posuerit, abscissa cauda, huic hippomanes incluserat, fabrica non tam accurata, ut ea falsitate tãtopere ad huius conspectum furis excitari oportuerit equos. Ita enim eos alliciebat, tantaq; agitabat insania, ut disruptis frenis in ipsam uiolentius, quàm in uiuam insilirent equam. Neque quod ungulæ inherentes æræ statuae, lubrico eliderentur lapsu, idcirco cessabat appetitio, imò ardētius multo in his antè ore adhinniebant: neque prius ab æneo potuère depelli simulachro, quàm flagris & equisonum uiolentia abstraherentur. Est & Hippomanes, ut docet Theocritus, *φυτόν ἰππῶν*, id est plāta siue herba, qua gustata equi in furias agūtur: unde & nomen. Inter amatoria adhæc uenena connumerantur, in extrema lupi cauda pilus, eiusq; uirga, remora pisciculus, felis cerebrum & lacertæ, stellio cui stincus nomen: item os de rana uiridi, in formicarum aceruo exesa: sinistri etenim ossis contactu amorem, dextri uerò disidium excitari tradunt. Vtero hyæna sinistro lacerto quoque religato, si quis mulierem inspiciat, usui hic esse etiam perhibetur. Componuntur ea quoque interdum ex excrementis, aut animalibus è putredine genitis, aut ex connata nobis materie, quæ tamen ut illicita meritò mentem potius turbant, mutantq;, quàm ad amandum cogant: sic menstruus mulierum, præsertim biliosarum & rixosarum, potus, adeo

*Amatoria
uenena.*

ius, adeò bibentes effascinat, inficitq; ut lunaticos & amantes efficiat. Habentur & alia philtra, à mortuorum uestibus, candelis, mensuris, acubus, & ijs uniuerſim quæ funerum gratia parantur, sumpta: quæ eò libentius, quòd nugarum plus quàm ueritatis habeât, nomino. quemadmodum natiua illa uenena, nimisq; efficacia ſilentio hic ſepelire malui, doctioribus medicis ex ſexto Dioſcoridis de materia medica, & reliquis itē Græcorū & Arabum, tum etiam quorundā recetiorum libris, atq; uſu quotidiano ſatis cognita.

Animantia adhæc, pharmacis pabulo iniectis, aut alicubi ſparſis ut deguſtentur, uel halitu attrahantur, ledunt perimuntq; uenefici. Idem uel affrictu uel applicatione præſtari poſſe, ut minimè nego, ita meminſſe oportet, quosdam ſtudio, lupi ſtercus clām in præſepibus condere, quod olfactu animaduertentia pecora, uoracemq; hoſtem uerita, ob quandā antipathiam, miro exagitantur furore: ut maleficio ea torqueri, firmiſſimè credant ignari, apud ueneficij huius artifices conſilium inquirentes. Eadem ratione dicunt, caudam lupi in bouum uel equorum præſepi ſuſpenſam, eos ab eſu exterrere. Metu etenim ob odorem percuſſi, obliuiſcuntur cibi eſurientes: quemadmodum hominibus quoque in magnis timoribus uſu uenire experimur. Fuſius naturalia proſequi uenena, non eſt noſtri inſtituti: quum huc ſaltem ſpectet orationis filū, ut actiones & morbi præter naturæ legem percellentes detegantur.

Veneficia perimunt animantia.

270 De præstigijs dæmonum
DE IIS QVI LAMIA-
rum maleficio affecti putan-
tur. Lib. III.

Maleficio affecti dicuntur, qui uarijs & in-
solitis plerumque modis, præter naturam,
Dei assensione, à dæmone in suis corporibus exer-
centur, siue homines sunt, siue bestiae: quum ille
ea alijs uel subit, uel etiam non intrò subit, aut
utiles corporis humores exagitat & inficit, aut
noxios in partes traducit principes, uel hisce uenas
ducuntq; naturales obstruit, uel instrumentorum
structuram luxat, uel spiritus turbat, multifa-
rijsq; imbuat formis, siue uenenata materia siue
halitu intus aut foris conspurcat, defœdâtque,
ac id genus reliqua, quibus ex causis morbi prog-
nûtur innumeri, graues & admirandi. Nec interim
hominû substantia et facultates ab huius subtilis arti-
ficiosiq; hostis maleficio immunes liberæq; perma-
nent. Exemplum luce meridiana clarius in Iobo cer-
nimus, cuius, diaboli studio, primum quinquaginta
bouum iuga & quingentæ asinae abripiuntur, pueriq;
cæduntur: secundò, ouium septem millia cum pueris
igne cœlitus demisso consumuntur: tertio, camelo-
rum tria abducuntur millia, & famuli occumbunt:
quartò, domus, ob procellas impetuosißimas à sata-
na excitatas, ab inmis sedibus conuulsæ ruina oppri-
mitur.

Iob i.
b maleficio
affectus.

mitur omnis soboles. Vbi nec harum calamitatum aceruo Iobum à Dei cultu transuersum agere posset, Iob 26
quin adhuc nomen Domini ille constanter glorificaret: demum, consentiente Deo, eum ulcere pessimo à planta pedis usque ad uerticem percutit, deformatq; tam foedè direq; satanas, ut ille in strquilinio sedens miserabiliter, saniem testa abraderet, adeò atroci excruciatu dolore, quò etiam mortem illi precaretur coniunx, nec ab amicis cum uisitantibus agnoscere-
tur. Quid aliud de eo, quàm ipsum maleficio affectum fuisse, & incantatum in cunctis ad illum pertinentibus, quis dicet? Quæ hic intercessit demonis cooperaria malefica, quæ peruersa Lamiae maleuolentia, quod execrabile ueneficæ pharmacum? Quibuscunq; malis rebus perficiendis satis per se potens est & uoluntate promptissimus diabolus, si diuinæ maiestatis tantummodo accedat permissio: cuius nutum morem gerere, uelit nolit, cogitur.

Nabuchadonexarem regem Babyloniorum furore perditum, & in deserta ab hominum consuetudine pulsum, foeno uescentem, figura uitiata, capillis eius in aquilarum similitudinem crescentibus, & unguibus eius quasi auium, mente adhuc turbata, acerbissimè exagitat totum septennium diabolus.

Satanæ maleficio multis cruciabatur temporibus demoniacus in regione Gadarenorum, è monumentis, suo quippe domicilio, egressus nudus, ac supra modum

Maleficio la-
sus Nabuchas
donexar.
Daniel 4.

Demoniacus
apud Gada-
renos malefi-
cio correptus.
Matth. 8.
Marc. 5.
Luc. 8.

modum seuus, adeò ut per illam uiam transire posset nemo: neq; enim catenis eum ligare poterat quifquam; propterea quòd cum sæpe compedibus constringeretur, & catenis uinciretur, ijs ab illo discerptis, comminutisq; à dæmonio in deserta agebatur. Vociferabatur autem, Quid rei nobis tecum est Iesu fili Dei? Venisti huc ad crucian dum nos ante tempus. Dæmones uerò rogabāt, ne imperaret ut in abyssum abirent, sed eos in porcorum procul in monte pascen tium gregem demigrare permetteret. Christo hic an nuente, egressi in porcorum gregem abierunt, eumq; præcipitem impetu egerunt in mare, ut suffocatus interierit. Hic & porci fermè bis mille dæmonum maleficio agitati, in suam ruunt perniciem.

Marc. 1. Non ne ille quem spiritus immundus discerpens,

Luc. 4. proijciensq; in mediū, qui et Christi iussu exijt nihilq; nocuit, inter maleficio correptos suū sortietur locū?

Matth. 17. Huc referatur lunaticus, qui à puero spiritum ha-

Marc. 9. bebat mutum, quo ubi agitaretur, lacerabatur spu-

Luc. 9. mans, ac dentibus stridens atque arefcens: quem fre-

Maleficio le-
sus lunaticus. quenter etiam in ignem coniecit spiritus, et in aquas, ut eum perderet: neque à Christi discipulis, ob eorum incredulitatem, expelli potuit: puerum uerò tandem ad Christum accedentem, continuo discerpebat, ut in terram prolapsus uolueretur spumans, usque adeò à spiritu exeunte Christi iussu, iterū dilaniatus, ut mortuus à multis haberetur: donec manu illius arrepta, à Iesu erigeretur.

Nonne

Non ne paria cum nostris, qui maleficium patiere
duntur, sensit mulier quæ infirmitatis spiritum habuit, Luc. 17.
à satana alligata octo & decem annis, atq; ita con-
tracta, ut omnino caput erigere non posset, uinculo
isto à Christo sabbathi die soluta? Quis nisi animi
planè præfracti, inficias ire audebit, si hi quos recen-
sui, nunc temporis spectarentur, uno sanè ore accla-
marent pleriq; omnes, hos peruersæ alicuius uetule
artificio ita præter naturam uariè exagitatos, mise-
rè dementatos, contractos, lancinatos, distractosq;?
Atqui cuius arte, dira hac calamitate illos opprimi
testatur Scriptura? Dæmonis. Cuius cooperatione,
aut imperio? Nullius, sed duntaxat propriæ demo-
num uoluntatis malicia, & Dei permissione ex arca-
no ipsius consilio, ut illi uel probentur, uel castigen-
tur, emendenturq;. Nec usquam in uasto Veteris &
Noui testamenti uolumine exemplum, ubi in affligen-
dis corporibus, alicuius Lamie operam usurparit,
aut etiam requisierit satan, comperies: nihil illic ta-
men prætermisum esse, quod huius potentiam, actio-
nes fraudesq; ostendere queat, fatendum est. Neque
etiam alicuius opera indiget ueterator ille, abundè
suo Marte potens ludificare homines, eorum mentis
& oculorum aciem perstringere, morbis præter na-
turam cruciare, ulceribus ferire, aerem multifariam
turbare. Per se maleficia operari diabolus, in Mal-
leo legitur, nec in his indigere consensu. sed & sage
perditionem quærit: unde & ipsam cooperari ali-
s quomodo

Secunda 2.
Partis quæst.
2. ca. 7.

374 De præstigijs dæmonum

quo modo cogit. Permissu tantum illi opus est, teste Gregorio, cui uoluntas semper mala. Interim tamen à se designari eiusmodi flagitia, aliosq; seuerè torqueri, & in rebus externis foelicem impediri successum, & quæcunq; alia diaboli miracula perfici, habent persuasissimum, consitenturq; delusæ quædam aniculæ.

Eas iam dixi, diuersis de causis, à dæmone ita obsidione uallatas, earum mentem tam grauiter fascino læsam, cerebrum cogitatum imaginationumque organum, tam raris fraudulentisq; phantasmatibus & formis ob incredulitatem implicitum, confirmatumq; (quemadmodum in grauibus somnis, atque etiam melancholicis usuuenire quotidie, ostendi) ut aliud nesciant, torturisq; subiectæ fateantur suæ esse facinora, quæ ipsarum saltem sunt phantasia, reuera autē satanæ, Deo huc conuiuente: sic aliquem crebrò à se læsorum recensent numerum, quorum alios occæcos, alios mutilatos, nonnullos hoc uel illo modo à se excarnificatos, falsa opinione dicunt: quo nomine non tam maleficæ, quàm maleficio affectæ effasci natæq; appellari merentur. Quotquot uerò tam crudeliter & multifariam, quibuscunq; etiam conuulsionum generibus, morbis prodigiosis, uomitibus & deiectione, præter naturam torqueri, hunc uel alium imitari sonum, uocem edere, certos mendaciter notare, denominare atq; accusare homines, uti atrocis spectaculi architectos, obseruamus: cunctos à dæmone mali-

Qui demoni
aci, maleficio
corrupti cre-
duntur.

ne mali

ne maligno, mendacique citra alterius cooperatio-
nem agi, uexarique (nisi quandoque uenenum uel
propinatum uel applicatum accessisse intelligatur)
ingenuè fateor, atque adeò sanctissimè astruo.

Huc spectat rerum monstrosarum per os reiectio,
qua præstigiator ille quorundam sensus ita præstrin-
git, ut eas ex corporis meditullio eductas esse, dubi-
re nollent. Sunt autem panni lanei rudioris laci-
niæ ut plurimum, item clauī ferrei iustæ interdum
magnitudinis, eorumq; fragmenta, fibulæ ferreæ &
æreæ, acus, aciculæ, cæque complures numero,
quandoque colligatæ, uel panno insertæ, fili inuo-
lucra. Hæc à me uisa sunt.

*Mateties,
quæ ore reij-
ciuntur, non
omnes fuissẽ
in corpore.*

Nonnunquam & ossa euomuntur, atque reli-
qua id genus longè absurdiora monstra: sepius ma-
gnitudine œsophagi etiam, quoad fieri possit, in
homine uiuo tensi distractique naturalem diducti-
onem exuperantia, quibus nec aliud ab ore intror-
sum laxior patet meatus. quo uel unico irrefutabi-
li argumento facile conuicero, ea dæmonis subtili-
tate celeritatẽque imperceptibili, ori ingesta, no-
stris ad hæc oculis uel celeritate eius uictis, uel fa-
scino delusis, uel interiecto corpore aereo aut aliter
caligantibus. Sic nos fallaci suo machinamento mul-
tiformiter exercet ille milleartifex.

Si porrò instes, urgeasq; ea non ex ore solum, sed
penitiùs è corpore reiecta esse: dic quæso, quo loco
antea in corpore hæserint aut delituerint, quū nul-

lus sit corpori reliquo cum ore meatus communis, excepto œsophago, præter arteriam asperam, cuius caput larynx ex tribus componitur cartilaginibus.

Arteria aspera.

Larynx,

Lapillus tussi reiectus.

De abditis morbis & sanatis causis ca. 24.

Lib. 3. ca. 4.

Oesophagus.

Eius orificiū, dum respiramus, dilatatur: quum deoramus, comprimitur ut plurimum, nonnunquam exacte, ob quod ligamentis membranosis nervosisq; coartatur. Ea arteria solummodo spiritum purum et impurum, recrementitiumque efflatu inspiratuq; transmittit: aut humidum quiddam, puta sanguinem, pituitam, saniem, aut pus tussi expectoratum: nihilque grauius hanc, nisi cum vitæ naufragio, etiamsi exigua admodum materies dura hæc casu aberret, tolerare, manifestum est. Enimvero quàm graues laterum dolores, cum sicca quadam tussicula, triennio cum mortis periculo prius excitarit, quàm ex pectore tussi propelleretur auellane magnitudine lapillus, narrat Antonius Beniuenius. Recitat quoque Alexander Trallianus exemplum de quodam, qui longo tempore tussi vexatus, non potuit, ne ualde tussiret, liberari, quousque calculum expuisset leuem, durum & renitentem: & nisi consilio usus fuisset, illum similiter ijs qui tabe laborarunt, moriturum censebat. Id ipsum cuidam ciui Duisburgensi accidisse memini. Hac itaq; ratione strictius hoc uas, durum cartilaginosumq; ab illa multa, ampla, solida, uarieq; conformata substantia liberum esse constat. Hinc per *οἰσοφάγον*, cibo potuiq; destinata uiam, atq; alterum oris interiorem meatum, è uentriculo illa rerum miraculis

racula uomitari, si imis corporis partibus antea in-
 haerint, necessario sequetur. Eum autem omnino
 neruosum existere, et cū primis eius orificium, ideoq; *Orificiū uen-*
 exactissimo tactus sensu præditum esse, ac leui flatu *triculi neruo-*
 aut halitu putrido facile affici, humore etiam acri uel *sum, & ualde*
 acido grauius pungi, seuissimāq; cieri mala, norunt *sensibile.*
 medici. Plerosq; enim ex flatibus in uentriculo gene-
 ratis ex pituitosis, aut alioqui uitiosis humoribus, aut
 ex cibis in uapores ab imbecilli calore resolutis, gra-
 uissimis uideas torqueri doloribus: alios ex coacerua-
 tis crudis humoribus, uel etiam uitiosis aut acris in
 uentriculi ore, in syncopem aut præceps animi deli- *Ventriculi*
 quium concidere. Quosdam etiam ex alimentorum *dolores.*
 prauitate, aut malignorum humorū qualicunq; co-
 pia, ut à bile admodum corrupta, aut à pituita salsa
 acri, excruciat cholera morbus, in quo uomitibus &
 deiectionibus tanto plerunque impetu biliosa excer-
 nuntur, ut cum humoribus, multis quoque exhaustis *Cholera mor-*
 spiritibus, uires affatim prosternantur, sitiant egro- *bis.*
 tantes, ac sudent, tremor cordis syncopeq; succedant,
 interdum & mors acerbissima. His exactiore lance
 pensiculatis, collataq; grauissimorum morborum,
 symptomatumq; exitialium causa materiali, cū du-
 rissimæ atque adeo acutissimæ materiei, uelut ferreæ,
 aeræ, lignæ, ossæ præstigiōsa uomitione, tum etiam
 expulsionē rei lineæ lineæq; uentriculo & eius sen-
 sili apprimē orificio ita noxiæ, ut suffocationē ple-
 runque quis uereatur, si in faucium partes exquisiti
 s s admodum

278 De præstigijs dæmonum

admodum sensus, uel pilus impegerit, nedum acicula aut acus (quas etiam cum periculosa uitæ lucta uel dispendio ignoranter subinde deglutiri cernimus) uno profectio consensu, adeoque ore uno, ob rationis ueritatisq; robur, hic asserendū atq; proclamandum erit: dictam rerum ore egestarum congeriem, à præstigiatore subtili celeriq; dæmonio in os & fauces uenas, nec ultra, impelli penitusq; impingi, quasi strangulationem minitantem, acie oculorum nostrorum interim elusa, uel spiritu optico turbato, uel eius radijs obscuratis, ne prodantur præstigia, ut simpliciores exigueq; fidei homines expeditius in suam illiciat nassam ueterator: quorum aliqui ab alijs insonantibus, & se magis fortè pijs, ipsiq; Christo fidelioribus, hanc sibi irrogatam iniuriam, mendaci satanae suggestione, imò ipsius facticia uoce ebuccinant: id quod meis coram animaduerti auribus.

Adde quod sæpenumero nihil doloris in stomacho, ante acutæ, pungentis, radentisq; huius substantiæ rudioris expuitionem uiolentam senserint: quum fieri nequeat, quin in ea huiusmodi rerum copia, una transuersè acta, facile alicubi infigatur, quæ suos pariat continuos postea cruciatus: quem admodum de muliere quadam, quæ acum æneam deglutierat, tradit Beniuuenius: unde primum nihil sensit incommodi, inde cœpit eam circa uentriculum urgere dolor satis acutus: quo dum indices magis magisque affligeretur, plures consuluit medicos, nihil de

De abditis
morb. causis
ca. 20.

Ex acn de
glutita noua.

hil de acu uorata, quæ memoriæ penitus excide-
rat, referens. Variæ fuerunt hinc inde sententiæ.
Alij enim ab acriore humore, alij à uento inter
stomachi tunicas recluso, cæteri uerò ex malo ha-
bitu excitari hoc malum putabant. Sicq; annis iam
decem ex una acu, urgente dolore acerbo, misferri-
mam illa trahebat uitam: donec acus perforato uen-
triculo se prodidit, prodijtq;. Se acum & uidisse, &
mulierem curasse, addit Beniuuenius.

Ad nostrum quoque facit institutum, quòd tamet-
si mox uel paulo longius à cibo subsequatur uomitus
hic ludibriosus, nihil tamen cibi uel chyli appareat
mixtum: quod à me diligenti inspectione obseruatum
est. Adhæc euestigiò ab eiusmodi dura, acuta, mul-
tiformiq; re expulsa, qua omnino uentriculũ & œso-
phagum lancinari, radiq;, si profundius quàm ex
oris cavo reijceretur, oportuit, innoxie quasi in ijs
locis illæsi comedunt. Hoc à me nò semel circiter an-
num quadragesimumoctauum supra millesimum
quingentesimum, apud Geldrorum Arnhemiam,
ubi tum stipendio publico medicabar, uisum est: quo
hominum hisce modis à demonio exercitorum, ad-
ducebantur plaustra, quorum uentriculũ (in quo eas
res portentosas supradictas resedisse necesse est, si ex
imis corporis partibus, quod omnium propè erat iudi-
cium, expellebantur) quum ante & post uomitionẽ
summa diligentia uigilantiq; studio in multorum
conspectu contrectarem, ualideq; sursum ac deor-

sum pugno, palma ac digitis uario torquerem modo, ut si quid grandioris, asperæ, acutæq; materiæ in illo contineretur sinu, non amplius posset latere, sed renisu in diriorè ultrò citroq; impellentè manus mea, hinc etiam suam lesionem sensuræ, contrectationem se detegeret: uel nausea, ob non leuem certè eiusmodi palpitationem, uiolenter concitata reijceretur: nihil prorsus tamen animaduersum est unquam eo momento euomi, nec ullam à contentis putatis iniuriam sensit uenterculus. Quod omnino fieri nequiuisset, si altius quàm ex sinuoso oris hiatu prosiliisset obiecta oculis nostris ex ore materia. Puella uerò sedecim plus minus annos nata, ea ratione à me habita, post alicuius moræ intercapedinem facie obseruabatur à patre, & altero qui his eius moribus assueuerant, uomiturire: cuius os cum mox uigilanter & perquam circumspectè intueri studerem, eodem inspectionis momento instratam linguæ panni lanci rudioris nigri laciniam uideo: in quam digitis incunctanter iniectis, appêdices prodigiosarum rerum dictarum ex oris parte altiori, quò eas in uentriculo antea non latitasse ostenderem (id quod paulo antè ibidem latius persuadere conatus fueram) emulgere uolui. Frequenter enim prius sic propulsam fuisse uariè congestam simul materiem, narrabat parens: ostensis quoq; ueritatis documentis, utpote panno rudi nigro, cui aliquot acus & aciculæ infixæ, filoq; conuolutæ adharebant, item clauorum ferreorum uetustorum frag-

mentis.

Historia admirabilis de puella demoniaca.

mentis. At quod meis obiectum dixi oculis, attriti
panni nigri laciniosum rudimentum, uix sputo irri-
gatum erat hora etiam tertia pomeridiana, post soli-
tum quoque prandium, quo tēpore illud crudo cibo
uel chylo oblitum esse oportuit, si reddiderit uentri-
culus. Vt autem aliquam opinionem, qua ex stoma-
cho id proiectum esse induceremur, relinqueret sata-
nas: Quam amarum hoc est, inquit mox post ablatio-
nem puella, uoce à natura prorsus aliena, puerili &
sublallante, à demone haud dubiè elisa, teste Auges-
tino: qui eius lingua diabolum uti affirmat, cuius cor-
pus intrauerit. Atrox uerò paulo antè sp̃s effaculum,
mereq; tragicū, aliquandiu durans in hac puella edi-
derat tortor ille, quo puellæ os ut prorsus obmutiret,
arctissimè constringi, manus atrociter conuelli, ocu-
los toruè intorqueri, corpus deniq; totum horrendo
certè cruciatu exagitari contuebamur: nec citra cru-
cis consignationem, manus aut os aperiri posse, asse-
rebat parēs cum suo comite: à me autem, qualicunq;
in Deum fiducia contra dolosam diaboli hypocrisin,
absque illius signi impressione tandem diducebātur,
& restituebantur. Non quòd cruci quicquam dero-
gatum uelim (sermo enim crucis potentia Dei est, ijs
qui salutem consequuntur:) hæc autem non in signo,
sed in CHRISTI crucifixi imitatione consistit, ut
nimirum ipsius uestigijs insistentes, nos ipsos abnege-
mus, & crucem nostram tollamus quotidie, & sequa-
mur illum. Iudei signum querunt: sed Paulus præ-

Lib. Questio
nū, quæst. 31.

1. Corinth. 1

Sermo crucis,
potētia Dei.

1. Petr. 1.

Matth. 16.

Marc. 8.

Luc. 9.

1. Corinth. 1.

Philipp. 4.

252 De præstigijs dæmonum

*Non crucis
signum, sed
ipsam crucē
sines dæmō.*

Matt. 8.

dicat Christum cruci affixum. Per hunc nos corroborantem omnia possumus. In huius nomine exulerūt demonia Apostoli. Non crucis signum timet diabolus, sed ipsam crucem, uel cruciatum aut punitionem.

Proinde Christo oblatrat, Venisti ad cruciandum nos ante tempus. Et si quid picturis uel statuarijs credendum est, nusquam cruci Christi latronū cruces affingi uidemus, quarum sinistrae non terribilis insideat dæmon. Nec interim ignoro, Arabes philosophos crucem coelestium fortitudinem dicere, quod eorum fortitudo per rectitudinem angulorum & radiorum resultaret: & stelle maximè fortes essent, quando in figura cœli quatuor obtinerent cardines. Ruffinus quoq; in Sacra historia narrat, crucem ab Aegyptijs sacerdotibus inter sacras literas relatam, cuius uis portendebat salutis spem hominibus, credentibus CHRISTO saluatori nostro. Hieronymus Deme- triadem hortatur, ut crebrò signaculo crucis frōtem muniat, ne locum in ea exterminator Aegypti inueniat. Et ad Eustochium de Custodia uirginitatis: Ad omnem (inquit) actum, ad omnem incesum, manus pingat crucem. Idem Tertullianus dixerat: Ad omnem progressum atq; promotum, ad omnem aditum & exitum, ad uestitum & calceatum, ad lauacra, ad mensas, ad limina & cubilia, ad sedilia, quaecunque nos conuersatio exercet, frontem signaculo terimus. Harum & aliarum huiusmodi disciplinarū si legem exposulas Scripturarū, nulla legis traditio tibi pre- tenditur.

*De corona
militis.*

tenditur: *austris* consuetudo, *confirmatrix*, & *fidei* obseruatrix. Factum quoque crucis signaculum in aqua cum fide aspergenda, ad demonum ex Iouis templo comburendo expulsionem, qui aquæ uirtutem non tulit, per Marcellum episcopum *Apameia*, commemorat *historia ecclesiastica Tripart.* Si-
 gnum iure sugillet nemo: sed eius absus omnino accusandus, maximè si qui crucifixo & uiuæ in eum fidei debetur honor, ad crucem referatur. At ad inceptam *historiam* redeamus. Vbi deinde curationem mali puellæ dictæ promitterem, illius puerilis uocis sono, sibi nihil rei uelle mecum esse, & me astutū esse, atq; En quàm callidos habet oculos, respōdit. Percunctante præterea me, num huius calamitatis authorem cognosceret: eadem lasciuiente pueriliter uoce respondens, honestam (meo quidem iudicio) matronā eodem tempore in custodia detentam ob incantationis peractæ suspicionem, insimulat: quæ tamen postea manumissa, domum auehebatur liberè, nā cum matre & duabus alijs mulierculis, propter maleficii crimen illis falso intentatum, iam integrum mensem captis. Illud quoq; hic silentio minimè præterundum censui, puellam hanc, illas panni lacinias, fila, aciculus, acus uel clauus ore nunquā reiecisse, quàm quum à dolore qualicunque, ob incredulitatē (quod à causâ naturali ex abstrusa Dei uoluntate dolor ortus, minus agnosceretur, sed imputaretur maleficæ, ac ad illicita confugeretur consilia) prius Amersfortum, proximum

Lib. 9. ca. 34.

284 De præstigijs dæmonum

*Vnde diabolo
illudendi ner-
uus accrescit.*

*Deuter. 18.
Leuit. 19. 20.*

*Angeli sa-
tanae.*

*Formula be-
nedictionis
vulgo in ma-
lesicij curatio-
ne usurpata.*

proximū illius habitationi oppidum, ad sacrificium
uel templi custodem (ni fallar memoria) itum esset,
qui aquam (consecratam opinabantur) numisma-
tis Snapphani precio diuēdebat, quæ propinata pro-
digiosus hic ciebatur uomitus. Ad hæc siquidem lu-
dibria maximè Deus conuiuere solet frequenter, ubi
ab ipso & naturalibus medijs, in hominum usum di-
uinitus ordinatis, cōtra manifestum Dei mandatum,
fide Christiana postposita, ad satanam curritur, uel
eius angelos: quales hi censentur, qui huiusmodi aqua
uel ex baptisterio sublata, uel aliter impiè lustratam,
aut cereæ paschalis thus, aut eiusdem religionis no-
mine sacratas res alias, ausu uetito nefarioq; in con-
ceptæ de maleficio opinionis iniquæ, diaboli instin-
ctu, confirmationē, lubricæ fidei hominibus offerunt.

Porro feminis, quarum paulo antè memini, incar-
ceratis, ac in concilium productis cum à Senatu Ce-
sarco imperaretur, ut hominibus plurifariam excru-
ciatis, ob maleficii suspicionem formula benediceret
præscripta, nimirum, Benedico tibi in nomine Patris
& Filij & Spiritus sancti, in tuis bonis, sanguine et ar-
mento: eaq; imperata facerent, euestigio sanabantur
egroti. Benedicebatur autem quilibet ab ea, quam
sui tormenti genitricem suspicaretur; uel dæmonis,
aut eius ministri accusatoris Pythij, custodia quoque
coerciti suggestionē putaret. Ne lectorem interrump-
ta historię series remoretur, turbetq;, ea hic paucis
prosequar, quæ alioqui ad sequentis libri argumen-
tum perti-

tum pertinent. Hic sanciebatur ille omnium ore tri-
tus canō: Quæ ligauit, ut & soluat necesse est. Quæ
uerò huius sententiæ sit absurditas, hoc colliges mo-
do: Si Lamia est, suam habere cum cacodæmone com-
munionem & fœdus, eiusq; ope alios uariè crudeli-
bus colligare torturis (quæ uulgi est opinio) eosdem
quoque pro suo arbitrio, ab eo suo & satanæ opere,
cruciatibus scilicet, soluere, ipsius dæmonis ope, qua
antea ligauerat, existimatur. Serua autem est &
mancipium illius, cui se pacto & stipulatione obstrin-
xisse creditur, ut hanc sanè nihil diuinis posse uerbis
peculiariter efficere, certius fidas: quibus recitatis si
aliquid uirium erit donandum, per fideles Ecclesiæ
ministros, piæq; monetæ homines ea pronunciata,
citius suum ex Dei nutu sortientur effectum, quàm
pereas quæ Dei societati ex professo renunciaſſe, bel-
lumq; uelut hostes indixiſſe iudicantur. Christus
cum a dæmoniō uexatum cæcum & mutum sanas-
ſet, atq; à scribis & phariſæis, Beelzebub principis
dæmoniorum præſidio dæmones expellere dicere-
tur, eos confutans ait: Quomodo poteſt ſatanas ſa-
tanam eiſcere? Et ſi regnum aduerſus ſeſe diuiſum
fuerit, non poteſt ſtare regnum illud: & ſi domus
contra ſeipſam diuiſa fuerit, non poteſt ſtare domus
illa: & ſi ſatanas inſurrexerit aduerſus ſemetipſum,
ac diuiſus eſt, non poteſt ſtare, ſed finē habet. Qui nō
eſt mecum, contra me eſt: & qui non congregat me-
cum, ſpargit. Nec etiam ab impio ſuam gloriam, quæ
in ſanan-

Quæ ligauit,
eandem non
ſoluere neceſ-
ſario.

Matth. 23:
Marc. 3.
Luc 11.
In nomine dæ-
monis nihil
boni fit.

Ab impio
ſua non uult
Dei prædi-
cari gloriam.

in sanandis in ipsius nomine hominibus elucet, uelle prædicari Deū, his diuinus uates docet uerbis: Impio autē dicit Deus, Quare tu enarras iusticias meas, & assumis testamentū meū per os tuum? Quum odio habear disciplinā, & uerba mea post te abijcias. Os tuū addixisti malo, & lingua tua dolū concinnat. Hinc palām est, eiusmodi curatione, eas incantationis aut maleficii reas esse non posse cōuinci, & canonē eneruē existere. Eleganter dicit Origenes: Magi nesciūt benedicere, quia dæmones nesciūt benefacere. Quod autē sanentur, nō alia profectō fit ratione, quā, quū hæc corpora Dei permissu, ob incredulitatem exercuerit diabolus, in hac ut afflictos & astantes, & qui bus inusitatum id malū innotuit, tum demum magistratū cōfirmaret, nō coactē, sed ultrō ac suapte sponte cedit: licet se cōpelli simulet, quō magis fallat, illaqueetq; : atque indubitatiū eo modo credatur, illas mulierculas benedictionis uerba recitātes, quāquam innocentes, esse tamen sagas: et alios fide uacillantes, uindictamq; spirantes, suis technis irretiat: ac sententiæ inconsiderate reum magistratum, in caruiciniā in fontium feminarum & punitionem, uocesq; flammās inuitet. ita enim suarum rerū pro uiribus satagit, ut ab initio in ueritate nō stetit: quicquid loquitur & agit, mendacium est, uel falsitatis fermento conspersum: quum optima agere & loqui uidetur, homicidia struit, & mēdacia architectatur, ut animas illaqueet et perdat, homicida ab initio. Desit itaq;

itaque in his egrotis à lesione, quam ipse intulit.

Huc quum faciat singulare D. Pauli Grillandi, iurisperiti clarissimi, iudicium, id ascribendum duxi. Aliàs uidi (ait) sepe numero, quòd prædicti maleficio infecti, ubi liberationis remedium usurparunt, frequenter ex ore euomerent, uel per secessum exonerarent acus, capillos, ferramenta, clauos, plumas, sulphur, lapides, & res demum tales, quas dictum maleficio læsum uorare potuisse, erat impossibile: non solum integras, sed nec fractas, nec minutè in frusta concisas. Vnde quid mirandum uidetur: sed dic, ut quidam censuerunt, satanam ad maiorem hominum deceptionem facere dictas apparere species extraneas in resolutione facturæ, ut res miranda magis uideatur: quando quidem inspicuntur & considerantur ea esse talis naturæ, formæ & qualitatis, ut impossibile fuerit alia potuisse ingredi in corpus maleficio læsi per aliquam partem naturaliter: sed in rei ueritate non sunt species naturales. & quod uerum sit, hinc apparet, quia illa eijciuntur per uomitum uel secessum: atque ita inter materias illas liquidas apparent à principio, cum primum è corpore emittuntur: at si seruaueris illas materias biduum aut triduum, aut dies quinque, quemadmodum ego aliàs studiosè seruari feci, uidebis omnia ea liquefacta penitus, & ipsarum formas periisse totas. Quod si naturalia essent, profectò in sua priori siue primæua forma remanerent, nec possent per aliquos liquores aut humiditates corrumpi,

Tractatum
uoluminerosum
de sortilegijs.

Dura materies uomitu eiecta liquefit.

maximè

238 De præstigijs dæmonum

maximè ferrum & lapides, propter eorum naturalem duritiem: ut manifestum est omnibus. Quidam alij dixerunt, dæmones, ut res mirāda uideatur, tunc temporis, quando maleficio affectus irritatur ad uomitum, uel ad uentris opus, uelocissimè & inuisibiliter afferre ibi species illas siue materias, de quibus supra, ueras & naturales, quas aliunde acceptas, eò attulerant. Sed nota, licet dæmon potentia sua naturali hoc quidē posset, & tam dextro modo illas inferre in uomitu & stercore maleficio agitati, ut nullus hominum aduerteret: prior tamen opinio magis mihi placet, esse scilicet apparentes species sub illis formis non naturales. & quòd hoc uerum sit, apparet ex ratione prædicta: quia communiter non durant sub illa forma, sed breui tempore in illos resoluuntur liquores, cum quibus mixta prodicant: uti ego frequenter uidi, & manibus proprijs contrectaui, quæ à principio (uti dixi) apparebant ueræ & naturales, & retinebant in se nescio quid duri: tamen breui tempore, ut dictum est, resoluebantur & peribant. Hæc Grillandus. Acuum quoque, ossium, capillorum, & id genus reliquorum reiectionem per os, technas esse sentit Cardanus.

Li. 15. de Variet. cap. 80.

De abditis morbo. causis cap. 8.

Maleficio lesa mulier clausa & acuta uomis.

Accidisse suis temporibus nouum et admirandum morbi genus, tradit Antonius Beniuenius. Mulier sextum decimum agens annum, ab ima uentris parte dolore exorto conuellebatur manibus. Cumq; in horrendum clamorem erumperet, intumescibat ilico totus uent-

tus uenter, adeò ut uterum crederes gestasse octo menses: & uoce exhausta, ubi per totum cubile hinc inde reiectans sese, & plantas interdum ceruici connectens resiliabat in pedes, iterum procidens ac exiliens, isthuc ipsum identidem factitabat, quoad paulatim ad se reuersa, quoquo modo recrearetur. Interrogata quid egisset, penitus ignorabat. Nos uerò eiusmodi morbi causas inquirentes, arbitrati sumus hoc malum ex matricis suffocatione, & uaporibus malis sursum elatis, ac subinde cor & cerebrum ferientibus, prouenire. Sed cum medicamentis nihil promoueretur, ea ferocior facta, ac toruis oculis circumspiciens, tandem prorupit in uomitum, quo longiores & recuruos clauos, aneasq; acus, una cum cera & capillis conglomeratis reiecit: & nouissimè ex ientaculo frustum tantæ magnitudinis, quale integrum nullius deglutijssent fauces. Cumq; id ipsum sepius etiam uidente me factitasset, teneri eam arbitratus sum spiritu malo: qui dum hæc ageret, spectantium oculos perstringeret. Quare ecclesiasticis medicis commendata, manifestioribus deinde signis & argumentis rem comprobauit. Nam & nos eam uaticinantem audiuius, & ea præterea agentem uidimus, quæ omnem morbi uim supergressa, humanum etiam captum excederent. Hucusque Beneuenus. Hæc omnia certè in corpore non fuere, sed diaboli oculos spectatorum effascinantis, ne huius materiæ in os impulsio animaduerneretur, præstigijs
t & celeri-

290 De præstigijs dæmonum

Et celeritate in os saltem illata sunt, et tanquam uomitu mox eiecta. Id æsophagi huic mater e. imparis angustia, illæsus post uomitum uentriculus, et ante uomitum (ut supra dictum est) uentriculi robur testantur: quæ profectò minimè erant expectanda ex acie, et durissimæ substantiæ inæqualitate. Si ea eructauit uentriculus, quando usque adeò insensibiliter ingesta sunt, aut unde tam innoxie reuomuntur, potissimum ore uentriculi ita sensibili, ut uel paucò humore acri extremè affligatur?

Quæstoris filius Morsæ aduersa nonnihil afflictijs uale tudine, eam credidit inductam à muliercula, cui herbarum plenum corbem in porcorum pasturam attulisset: quòd hæc gratias agens, ipsius pressisset humerum. Vnde territus eo tempore puer, coepit paulatim, etiam animo deiecto, peius habere. Hinc trica feminei capillitij nigri et cinerei sicca, citra alterius materiæ admixtionem, excerni uisa est. Tandem admiranda magis, puta setas porcorum, pellæ etiamnum inhaerentes, ita siccas aluo deponebat, ut papyro conseruarentur, interdum similia cum excrementis deieciabat. His ludibrijs circiter medium fagebatur annum: quæ dein pedetentim, ut coeperunt, euanuere. Nec dubium est, ea ob parentum, et adolescentis incredulitatē fuisse permissa: quòd quum hic secundum naturæ ordinem nonnihil morbo grauari conspiceretur, eum non in naturæ uitium, aut Dei uoluntatem, sed in mulierculæ impressionem retulerunt.

ulerūt. Eam itaq; delusionē diabolō, quib. explicatū est modis permisit Deus, donec fortassis resipuere.

Noui itē cuiusdam uiri consularis coniugem, cuius alius sæpenumero arenā reddere uidebatur, diabolo colludente, conuiuēteq; Deo: quod ægrota ad illicita maleficorū diuinorumq; auxilia confugisset, contra diuinæ maiestatis edictū, impias horū hominū actiones comprobans. Cui certam polliceri opem cum Dei gratia, si imperata faceret, audebam. Morbum siquidē, quo afficiebatur, ex naturali causa ortū esse iudicabam: at arene deiectione, quod incredula ad uetitū declinasset consiliū, eā à satana ludificari, dicebat animus. Frequenter etenim hoc usuuenire uidemus, ut quum à naturali quis infirmetur causa, Deiq; (qui naturalium rerum usum docuit, atq; cum nos affectare & inquirere uoluit) potentie diffusus, uoluntatiq; immorigerus, ad demonij clientelam cōsulturus cum Saule accurrat, uoluntariē in reprobū tradatur sensum, ludicrisq; maligni obijciatur illudendus.

Commemorat Cardanus, probū quendā rusticū & amicū, qui facilius decipi poterat quàm decipere, sic ipsi narrasse, quod morbo incognito plures laborarit annos: quo tēpore excātationibus sæpius uitrū, clauos, & capillos euomisset: & quanquā denum restitutus fuisset, tamē in eum diem quo hæc referret, sentire se uentre assuerabat maximā uitri confracti congeriē, sonumq; non leuē, quasi quis saccum uitri fragmentis plenum concuteret, à quo nō parum ue-

*Arena per
alium mulie
rem reddita.
Deut. 18.
Leuit. 19. 20.*

*De Variet. r.
rum li. 15.*

292 De præstigijs dæmonum

xaretur: tum uerò singulis octodecim noctibus septima hora, etiamsi horarum numerum non obseruaret, totidem ictus annis octodecim, quibus iam sanatus fuerat, in corde maxima cum molestia perferre. Quis in eo organo, diaboli ludibrijs ob simplicitatem apto, non uidet dæmonis actus, præstigias & uexationes?

Rusticus horarum ictus in corde sentiens.

Demoniacarum uirginum Vestalium historia horrenda.

1) ~~Admirabilis & horrida~~ fuit uexatio uirginum quarundam Vestalium, occlusarum, Vuerteti in comitatu Hornensi, à dæmonijs exercitarum. Initia autem eiusmodi dedisse pauperculam feminam narrat, quæ in ieiunio salis libras tres (quartam uulgus nostras uocat) mutuò à uirginibus acceperat, fereq; duplum circa Paschæ solennitatem restituit. Hinc in loco uirginum dormitioni dicato inueniebantur spherulæ candidæ, uelut incrustata saccaro semina, at gustu salis, quæ tamen non edebantur: nec quomodo peruenissent eò, sciebatur. Postea eodem in loco obseruabatur incessus rei ingemiscantis, uelut hominis aegroti: audiebatur item quandoq; uox, plerasq; uirgines ut surgerent, & ad ignem secum accederent, se aegrotam esse, commonefaciens: ubi porrò surrexissent, morbidam sororem inuisuræ, nihil inueniebant. Si quando etiam hæc in arrepta matula meicere tentarent, ea uiolenter eripiebatur, ut lotio conspurcarent lectum. Aliquoties pedibus è lecto ad passus aliquot subtrahebantur, atq; adeò sub plantis titillabantur, ut præ nimio risu morituras se uererentur. Quibusdam car-

Demoniacæ uirgines Vestales Vueretti occlusæ.

dam carnis particula euellebantur, plerisque in aduersam partem prorsus intorquebatur tibiae, brachia & facies. Quaedam sic excarnificatae, licet ad dies quinquaginta duos, nihil praeter raparum ius citra panem sorpsissent, attamen atri liquoris, uelut atramenti scriptorij multa uomitu reijciebatur copia: quae tam ferebatur amara & acris, ut etiam pelliculam ex ore abraderet: nec ullum effingi poterat cōditum, quo afficerentur. Aliquae supra hominis caput euehebantur, & uicissim deijciebantur. Quum aegrotas tūc sedatas letasq; recreaturi circiter tredecim numero amici simul monasterium aliās ingrederentur, illae ē mensa deorsum citra uocem & intellectum dilabebantur, nonnullae inuersis tibijs & brachijs tanquam mortuae iacebant. Vna in altū sustollebatur, & quamquam manibus iniectis obluſtarentur aſſiſtentes, tamen supra eorum caput abripiebatur: eoq; denuō precipitabatur modo, ut haberetur mortua. Postea ad se tanquam ē somno rediens, ē nosodochio in monasterium progreditur. Nonnullae incedebant tibiarum extremitatibus innixae, uelut ἀποφες, citra pedum usum, qui uidebantur trahi tanquam ligamentis nimium laxatis, in saculo penduli. Arbores quoque conscendebant ut feles, ab ijsq; proserpebant, nulla corporis immutatione. Contigit item, ut cœnobij praefectae (quam matrem uocant) in eius ambitu colloquendi cum generosa & insignis pietatis domina Margareta comitissa Burenſi (cuius in iu-

Margareta
comitissa
Burenſis pia.

294 De præstigijs dæmonum

storum resurrectione meminerit misericordiarum pater) ex fœmore erueretur caro: illaq; præ dolore exclamans, in lecto deponebatur. Vulnus autem partim lucebat, partim nigricabat: sed curabatur. Accidit quoq; , quum due sic excruciatæ uirgines simul confidèrent ridentes & exhilaratæ, mutuoq; colloquerentur de se le nigra in *νεκρῶν* corbi inclusa à matrona, quā in oppido cōmorantē nominabant: collatione uerò clām obseruata, à tertia uirgine sana, corbis ab hac, & præfecta cū duabus aut tribus uirginibus inquiritur, aperiturq; , unde felis exiliens aufugit. Ea hinc notata mulier tanquā maleficij rea in carceres conijcitur, cū septem deinde alijs, inter quas senior numerabatur matrona: de qua uicini & pauperes eam fuisse usq; adeò misericordē & in egenos profusam, ut ipsa etiā indiguerit, testabantur. Hæc eadē questionibus à tortore subiecta, nullis unquā tormentis ad sceleris confessionē adigi potuit. Tandem ubi ex more uictum offerret Burchgravius, se infirmiorē esse quā ut cibū admitteret, ait: at se potius solūmodo desiderare. quo à Burchgrauio mox subministrato, ipsius uestē illa apprehendebat, & eius innixa femori expirabat. Alia quoque rerū miracula hic uisa sunt: durauitq; ea carnificina ad annos tres manifesta, quam postea celarunt. Eas uerò uirgines satanam obsedisse, dubitandum minimè: qui ludificandi occasionem sibi commodè porrectam ratus ex sale à muliercula reddito, credulis uirginibus maleficij opinio

nem iniicere, & infonti femine insanabile inurere
cauterium studuit. quapropter formam sarsit gra-
norum quasi saccharo obductorum, ut ad eorum gu-
stationem pellicerentur uirgines: falsedine autem in-
didit, ut suspicionē de ea quæ salem restituerat, citius
ingereret. Nec defuit euentus. Concessit porro Deus
eam diuexandi potestatem, uel ut tentarentur uirgines,
uel castigarentur, uel ob earum incredulitatem. Lubri-
ce fidei notæ fuerunt, quod non ad Dei uoluntatem,
sed in feminas cruciatuum causas retulerunt. Hinc sa-
thanicum illud duarum uirginum concilium ab astu-
to fuit institutum diabolo, qui earum rexit uoces, ut
innocenti matronæ maleficii stigma imprimeretur,
carceresq; tormēta & cædes promoueretur. Si quoq;
felis fuerit uera, eā dæmoniū haud dubiè eò inuexit:
atqui ut dæmonem assumpto felis simulachro, fuisse
credam, potius inducor. Vides etiam constitutos illi
precise ledendi limites, ut ex alia illa euectione &
precipiti deiectione, etiamsi una mortua uideretur,
nihil tamen lēSIONIS senferit: sed uelut è somno ex-
perrecta, abierit.

Non absimile fuit quod uirginibus Brigittæ, stri-
ctis legibus inauguratæ, in cœnobio non procul à
Xanctis disito olim usuenit, quæ miris quoque
modis diuexabatur, plerunq; exilientes, nonnunquam
balatum uocesq; elidentes horrendas: urgebantur in-
terdum ex designatis in templo sedibus. uel i & capi-
tis uelamen quandoq; abripiebatur: fauces his etiam,

*Brigite sacre
uirgines da-
moniacæ.*

296 . De præstigijs dæmonum

ne cibum admitterent, nonnunquam præcludebatur. Perstitit uaria & dira ea calamitas in plerisq; ad decennium. Tragœdiæ causa imputabatur uirgini iuuenis amore aliquando sauciæ, quem ea affinitate non dignarentur huius puellæ parentes. Idcirco huic in extremo mœrore positæ, dæmon accita iuuenis illius effigie, se obijcit, eam in uotum illud monasticum cogens: quæ dicto audiens, se cancellis constringi patitur. Inclusa, uelut furore percita, omnibus horrendum plurifariam exhibuit spectaculū: quod quidem malum uelut contagio in multas proserpsit uirgines: quæ ob propriam illius confessionem, ipsam uniuerse eiusmodi miseriæ genitricem fuisse, certò crediderunt. Ex ea deinde capta, aliòq; euecta, prolem bis sustulit carceris custos: ac tandem manumissam, à maleficij opinione inculpatam uixisse arbitror. Delusio fuit merè diabolica, qua illa decepta, se ea fecisse confiteretur, quæ peculiaria ipsius satanæ erant opera. At in quem finem ea fuerint à Deo permissa, sequenti intelligetur libro, ubi omnibus imitanda harum proponetur curatio.

*Dæmoniace
uirgines nobiles iuxta
Hammonē.*

Huc pertinent nobilium uirginum in monasterio Centorpio, prope ueterem Marcam iuxta Hammonem inclusarum, monstrosæ omnifariæq; conuulsiones, à dæmonibus excitatæ: quarum in primo memini libro, ubi de satanæ potentia agebatur. At hæ omnes à dæmonibus afflictæ, tormenta nec Dei uoluntati subijciebant, nec diabolo imputabāt: sed ad Else Kamensis,

mensis, in cœnobio coëtricis, maleficas artes uno ore
 & consensu referebant: quæ quidem capta, tragicum
 hoc spectaculum à se editū fuisse fatebatur primum,
 uenenata mixtione: moritura autem, nihil unquam
 uirulenti à se alicui propinatum fuisse, sed quicquid
 id esset mali, se mente & mala imprecatione effecisse
 confessa est. Num uerò hoc ita fieri posset, paulopost
 explicabitur. Ab eius & matris exustione tanquam
 suæ potestatis iam neruum adeptus satanas, oppidi
 proximi ciuibus non paucis uario tormentorum ge-
 nere insultat: è quorum numero quinque, ubi eccle-
 siæ pastor in suum acciuisset cubiculum, ex Sacris li-
 teris eos aduersus satanæ ludibria instructurus, mu-
 niturusq; : atque hi Decē præcepta, Symbolum Apo-
 stolorum, & orationem Dominicā recitassent: hinc
 alter alterius nomen inquirat, mutuoq; ludicrum ni-
 mis indicat, primo libro inter ficticia demonum no-
 mina expressum. atq; unus pastorem irridens, in hæc
 erumpit uerba: Quid nunc facturi sumus? expelle-
 re nos conatur pastor? Respondit alter: se uelle in hir-
 co nigro equitare, ad quandam mulierem non ita se-
 iunctè habitantem, quam etiā nominabat, se gratum
 illi fore hospitem iactans: ut maleficæ artis nomine
 redderet illam suspectiorem. Identidem se facturum
 alter quoque narrabat, ac eodē uectore profecturū
 ad aliam feminam, nomine designatam in eundem fi-
 nem: ac uterque sedi insidens tanquam fatuus, conti-
 nuò uocis indicijs ad dictas equitando uidebatur fer-

*Demoniaci
 ciues Ham-
 monenses.*

ri mulierculas, quum interim ne à loco quidē dimo-
uerentur. Tertius adhæc quasi in globum cōuolutus,
cōtractusq; ad clausum cubiculi abripiebatur ostium,
per quod inopinatō apertū, è gradibus decedit ille-
sus. Nec procul hinc in alia ciuitate similiter diris
torqueri modis à dæmone interea cœperūt oppidani:
quare aliquæ fuerunt uinculis traditæ mulieres, at
plures accusatæ, quemadmodum in negotio eiusmodi
diabolico fieri assolet.

*Puella à dæ-
mone uexa-
ta.*

Huic albo accenseatur uirgo illa ue'talis Buscidu-
censis, à dæmonio horribiliter torta: cuius raros cru-
ciatus libro primo descripsi, ubi dæmonis potentia
depingitur. Accedat & cognita mihi puella, uirginis
nobili in cœnobio ancillans, cui fidē dederat rusticus,
qui deinde ad aliam animū adiecit. Qua re cognita,
mœrore turbari illa cœpit: ablegatq; mediū circiter
miliare à monasterio, in eximij iuuenis forma obuiū
habet dæmonē, qui se familiari colloquio in eius insi-
nuans amicitiam, omnia rustici amati secreta huic de-
tegit, cunctosq; cum altera puella habitos sermones
enarrat: & cū ad angustum peruenissent ponticulū,
ille assumpto oleo, quod ea manibus gerebat, ut mi-
nus impedite transiret, eam iuuat, inuitauitq; tandem,
ut ad notū comitaretur locum. Quo nam cōsequeretur
(respondit illa) ubi paludose tantūmodo sunt aquæ!
Hinc ipse euauit, illaq; perterrita in animi incidit
deliquiū: quare iussu dominæ mihi familiaris, bigis
in cœnobium re ducebatur. ubi uelut mente turbata,
multi.

multifariam sensu distrahebatur, querebaturq; se etiamnum miserè ab illo demone uexari, ac illum ali quando per fenestram uel aliò uelle eam abripere. Nulla certè alia huius maleficij extitit causa, quàm meditatundus animi mœror, ob amoris impotentiam: quam illudendi perdendiq; occasionem præproperè arripuit satanas.

Ceterum illud quod à Christi natiuitate anno millesimo quingētesimo tricesimonono, in quodā Eistetensis episcopatus pago Eugenthal, accidisse perhibet multijugæ lectionis uir IOANNES LANGIVS, illustrissimorum Principum Palatinorum Rheni medicus doctissimus, omnem superaret fidem, nisi oculati spectatæ fidei testes adhuc superessent. In hoc pago Vbricus Neufesser agricola, cum crudelibus dolorum tormentis circa alterum hypochondrium conficeretur, subitò clauum ferreum sub illa cute manu apprehendit, quem chirurgus illic balneator nouacula exciderat: nec tamen cessarunt dolores, sed in dies magis in crudecebant. Quapropter quum nec aliud doloris remedium fore miser, quàm mortem, suspicaretur, arrepto cultello, sibi guttur abscidit. Itaque dum tertio die ad sepulchrum mortuus efferretur, aderant tum Eucharis Rosenbader ex Vucissemburg, Noricorum oppido, ac Ioannes ab Ettenstet balneator, qui astante magna hominum frequentia, demortui agricolæ uentriculum inciderunt,

in quo

Lib. 1. Epist.
38.

Clauus ferreus sub illa cute latens & excisus.

*Lignum &
cultri in uen-
triculo inuen-
to.*

in quo lignum teres & oblongum, quatuor ex cha-
lybe cultros, partim acutos, partim instar serræ den-
tatos, ac duo ferramenta aspera repererunt, quorum
singula spithami longitudinem excedebant: aderat et
capillorum instar globi inuolucrum. Sed quid po-
tissimum hic admiraberis? an quomodo tot & tanta
ferramenta in uentriculi cauitate cōtineri potuerint:
an qua arte sint ingesta? Certè non alia, quàm demo-
nis astu & dolo. Hæc Langius.

Vlrico etiamnum superstitè non ea in uentriculo
hæsisse, ut nec clauum sub illæsa cute in carne ante
sectionem uerè impactum fuisse, ausim dicere. Enim-
uero cum in illis locis ex mala intemperie, aut humo-
rum acrium affluxu, uel flatuū copia, huiusmodi po-
terat prouenisse dolor, qualem in iliaco & colico
affectu experimur: & sinistra opinione iam fortassis
ægotus, uel astantes, uel utrique, constanti de malefi-
cio ducerentur, dæmonis, uel illius clientele, magis
ueriti uolūtatem malignam, permissasq; uires, quàm
Dei patrociniū & incomparabili potentie fisi: dia-
bolo traditi sunt illudendi, ut in carnis, antea nonni-
hil duræ & tensæ uel à materia, uel dæmonis astu ita
apparentis, sectione clauum, & in aperiendo stoma-
cho reliqua hæc rerum monstra ingesserit, præstri-
ctis secantium oculis, quo id in cuius finem hanc insti-
tuerat tragœdiam, nempe incredulitatē, stabiliret:
quum in rebus aduersis, eo relicto qui languoribus
nostris uerè mederi potest, perfidi, satanam nimirum
in corpus

in corpus humanum, Dei scilicet creaturā posse concedimus, extra eius potestatem in mutanda rerum natura, aut materia aliqua duriori & acuta, certā medietatem per quos inferri oporteret, proportionem exuperante, illasē & insensibiliter penitus ingerenda impellendaūe: quum tamen oesophagum & fauces latius diducere & extendere nequeat dæmon, quocunque suo artificio, quā ex prima creatione ferāt: quemadmodum aliās fusiū ostendi. Dissidiū quoq; seminarium hoc modo à diabolo spargitur, ubi eo nomine alios maleficiū irrogati reos confestim incusamus: quos adminiculo dæmonis illud machinatos esse credere malumus, quanquā infantes reuerā existant.

Interim naturali etiā ratione in stratomatum & atheromatum, aliorumq; apostematum sinibus, carne exesa, ex uiscosis & putridis humoribus ac fibris calore coquente exiccatis, materias lapidibus, tophis, arenis, urceolorum testis, lignis, carbonibus, capillis & amurcæ similes nasci, incantationibus ab imperitis ascriptas, scimus ex Galeno & Cornelio Celso. Nonne in morbo articulari plerisque à pituita resiccata, crasso terrestriq; humore indissolubiliter impaſto tophos, Græcis τώπας, uelut calcem, in iuncturis enasci uidemus: quam etiā exemptam, paulatim excipit alia? Qui post longam frequentemq; tuſim ex thorace uiolenter calculum expectorarunt, supra recensuimus. In panniculo item epar cingente, lapilli aliquo numero inuenti sunt letales. Vnum similiter

ex inte-

Varia apostematum contenta apud Galenum, li. 2. ad Glauco. & li. 14. meth. & Celsum li. 7. ca. 6.

Tophi in iuncturis.

Anton. Beni uenius de abdi. morb. caus. ca. 3. 18. 24. 24.

Calculi ex thorace et in testinis expulsi, inuenti etiā in epate, fellis folliculo, et matrice.

302 De præstigijs dæmonum

ex intestinis expulsus fuisse, & ex fellis folliculo, uelut & è matricis altero cornu duos excisos memini. At ab eadem causa in his partibus, qua in renibus uel uesica, generari potuerunt: nimirum ab humore crasso, uiscido, terreo, & caliditate humorem hunc adassante, cogente & in lapidē indurante, qui interdum uariæ & admirabilis inuenitur formæ. Tradit Alexander Benedictus, mulieres calculis minus affici in uesica, præter calculos setarum, ueluti quædam capillamenta, qui non sine diro cruciatu innascuntur ex mucosa materia: additq; aliquibus quædam in uesica concrefcere, quæ nihilo à conchilijs specie differunt. Rerum adhæc miracula alia hac facientia idem ille describit lib. 3 Anatom. in hæc uerba: Acies scalpelli fracta, dum uenam imprudens chirurgus cuidam incautè secaret, meatus penetrauit diuersos, postq; aurem constitit, ubi continuis ferè punctiõibus sentiebatur, qua molestia sepe à nobis leuari uoluit. Suprà fidem est, quod ipsi cum in Creta essemus, uidimus. Rusticus in quodam tumultu seditioso sagitta circa dorsum impacta uulneratus fuit: euulsa sagitta, ferrum in thorace relinquebatur. ac uulnus, perquisito frustra ferrea cuspide, chirurgus sanauit, at post biennium per inferna ea excidit: quæ miraculi gratia, barbata figuræ duorum digitorum latitudinis ostentabatur. Secundum enim diaphragma prius mucrone penetrauit, ubi pars carnosior est: deinde secundum intestina delapsa, iuxta aluum sensim podicem secuit,

lib. 3. Anatom. cap. 22. Calculi mulierum.

Cap. 9. Aciem scalpelli chalybeam per uenam tortuosas ascendisse, non mihi fit uerisimile.

Cuspis ferrea in thorace relicta; quæ iuxta aluum post biennium excidit.

fecit, uiamq; sibi ad exitum fecit semiexesa: qua de
re magna medicorum fuit concertatio. Idem lib. 2.

Anat. Qui uenarum mesenteriacarum orificia inter Cap. 9.

intestina ampliora putant in uiuente, quæ in cada-
uere delitescant, longè decipiuntur arbitrantur enim,
ciborum frustra per easdem fibras tenuissimas attrahi
posse: putantq; , uirginem ætate nostra Venetijs,
dum hæc conderemus, quæ crinalem acum quatuor
digitorum longitudine, quam inter dentes dormi-
tura continebat, incautèq; in somno deglutierat, per
urinam post menses decem maximis emisisse crucia-
tibus, quoniam in uesica collectis uiscosis humo-
ribus lapis circum acum coaluerat, gallinacei oui
magnitudine: & à uenis mesenteriacis acum prius
haustam fuisse contendunt. Obiter hic adijciam, acus
illius per urinam redditæ exemplum plurimos disse-
ctionis ignaros commouisse, qui eam per uenas me-
sentericas à stomacho ad iccur, ac per uenam maiorem
ad renum angustias. inde ad uesicam penetrasse, falsò
arbitrantur, ora fibrarum in uiuentibus patentiora
esse ad acum suspiciendam putantes: acus enim sua
acie paulatim multoq; tempore per intestina penetra-
uit (siquidem uiam sibi facit, quod à natura propel-
litur) hinc per uesicam quæ parte carnosæ est, inde
per urinarium meatum excerni potuit. Ad eundem
censeatur modum, de sagittæ ferrea cuspide, quæ
biennium naturæ ductu cōmodas fecit partes: quòd
& alijs mirabilibus facile comprobauero exemplis.

*Acus deglu-
tita, cum lo-
tio excreta.*

Anna

Anno 1549. commemorantur in Vngaria circa Thayse flumen inuenti homines, in quorum corporibus absolutæ lutræ & lacertæ essent inuentæ: num uerisimile uideatur, aliorum esto iudicium. licet non ignorem, uermes prodigiosos ex causa naturali quandoque in hominū sinibus ingigni. De qua etiam puel la suspicio spargeretur falsa, serpentem stomacho inherere, cruciamenta excitare, & subinde ad fauces conscendere: sub mea fuit cura, belleq; iam habet.

*Pila in bouis
uētriculo un-
de nata.*

Pilam magnam instar magni pugni æqualiter orbiculatam sine sutura, pilis paruis mollibus artissimè infartam, ex bouis iunioris sani lanienæ destinati uentriculo exemptam, aliquot annis penes me habui. Incantatione ingestam hanc, exclamarent multi: generatæ tamen huius pile causam inuestigare naturalem libet. Vituli adhuc lacte uiuentes materno, si quando alimonia destituti, uel alioqui petulca ætate insolescentes, ad parentem uel aliam accurrunt uaccam, eius suras uel quencunq; contigerint ore locum hirtum, maximè posteriorum coxarum, tam exugunt auidè, ut etiam depilè reddant, piliq; ualido crebroq; suctu in uentriculum attracti, & frequenti motu saltuque lasciui paulatim conglomerati, plerunq; chylo obuoluuntur, aut pituitoso succo lento: qui temporis successu tenacior redditus, mēbranæ induit faciē: quemadmodum substantia limosa albida statim à sectione uisa est primū obducta hæc pile pellicula: quæ deinde exiccata pedetentim, corio tincto etiam
nigritie

nigritie assimilabatur. qua una in parte cultro non-
nihil excisa, cuiusmodi uniformes pili molles (quales
in illis dictis pecorum locis inueniri cernimus) admo-
dum compacti apparuerunt. Citius huic sententiae
assipulabuntur, fidemq; habebunt, quicumque ueteri-
nariae rei assuevere, et iumentorum educationem at-
tentius obseruauerunt. Ita nihil omnino rationi déro-
gatum uolo, siquando ea in rerum miraculis uel ma-
nifestò adesse, aut occultè foueri uideatur. Verùm
qua praeter naturae ordinem & rationis cognitae mo-
dum à milleartifice satana, dolo & praestigijs, ut non
credentes in suam illiciat nassam, nemine uerè, licet
quidem phantasticè cooperante, effinguntur, & in-
cantamenta putantur (quorum nomine frequenter
ineusantur puniunturq; innocentes) propono, quò
ueritas à mendacio secreta cognoscatur, & daemonis
uulbera penitus nota negligantur, atque sanguini
innoxio posthac parcatur: aequiorq; sententia accu-
satores, peculiaria diaboli mancipia (diuinos alij uo-
cant, mihi uerò erunt malefici) conuersa, male ino-
lite consuetudinis fori forma exhibilentur.

Illis porrò daemonis actionibus sepius uel peritis-
simos & in artis operibus exercitatisimos medicos
circumueniri deprehendimus. Exēplum erit memora-
bile, quòd haud ita pridem, quum melancholia puel-
lam uiginti annorum affici iudicaret clarissimus me-
dicus, mihi unicè charus & obseruandus, Ioannes

*Puella à da-
mone obsessa.*

Echthius,

306 De præstigijs dæmonum

*Medicus irri-
detur à demo-
niaca.*

*Cogitationes
hominum i-
gnorat da-
mon.*

*De diffinit.
eccles. dog-
mat.*

*De abditis re-
rum causis*

lib. 2.

*A mali esu
quidā factus
dæmoniacus.*

Echthius, noctesq; ea insomnes circiter undecim trāse-
gisset, hic ex arte pilulas de cynoglossa somnū cōci-
liaturas offerret. quarū una deuorata, digito alterum
ægrotā occludens oculum: Vide, inquit, quā nunc
dormiam. Mox à dæmone eam obsidione subiuga-
tam, nec perperam, asserit medicus: à quo se irride-
ri animaduertit. Quum uerò hinc hominum cogi-
tatus dæmoniū perspicere arbitraretur, quòd nulli se
eas ad somnū exhibiturū pilulas aperuisset (id quod
tamen satanæ puellam obsidenti innotuisse, docuit
ironica illa de somno ex pilula exigua deglutita ge-
nerato, obiectio) inquam ego, Medicum ad obesse
curationē accitū fuisse nouerat dæmon: quare omni
eius instituto curandi hanc modo, & medicamentorū
preparatione uigilanter obseruata, ut spiritus est,
eas somno prouocando destinatas fuisse pilulas, ex
ratione naturali promptè intellexit: quo nomine ca-
ptata occasione, medicum illudere, ridereq; illi non
fuit difficile. Nec hominum cogitationes nouisse dæ-
monem, tradit quoque Augustinus. In ea etiam pu-
ella, horrenda conuulsionum atrocium facies, cre-
pitantibus quoque iuncturarū compagibus, aliquan-
do conspiciebatur. Ad aquæ lustralis aspersionē mirè
etiam uidebatur exhorrescere.

Narrat præterea insignis philosophus & medicus
Ioannes Fernelius, quòd quum non ita dudum qui-
dam per æstus nocte uehementer sitiret, è somno sur-
gens, potu non inuento, obuium malum fortè pre-
hendit;

Liber tertius.

307

hendit: id mandens, fauces sibi quasi manu præcludi strangulari; sensit: simulque à subeunte demone iam obsessus, uisus est in tenebris uidere se à prægrandi nigerrimoq; cane uorari: quæ postea, restitutus integra mente, ordine recensuit. Hunc non pauci ex pulsu, ex calore & scabritie linguae febricitare, ex uigilijs & mentis perturbatione simpliciter delirare iudicabant.

Iuuenis alius equestris familie, paucis antè annis, corporis concussione, & quasi conuulsione ex temporum interuallis laborauit, qua nunc solum sinistrum brachium, nunc dextrum, interdum etiam digitum unicum, aliàs crus alterum, aliàs utrunque, aliàs corporis truncum tanta celeritate exagitaret, ut uix à ministris quatuor decumbens cohiberetur. Caput autem inconcussum iacebat, lingua & locutio libera, mens sana, omnesque sensus integri, uel in conuulsionis ferocia. Decies ut minimum quotidie corripiebatur: in interuallis sanus, sed labore confractus. Vera epilepsia iudicari poterat, si mentis sensuumque læsio accessisset. Peritissimi quique adhibiti medici, conuulsionem epilepsiæ finitimam à maligno uenenoque uapore, spinæ dorsi impactu censuerunt, è quo uapor in eos nervos emanaret, qui à spina in artus quoquouersum, non autem in cerebrum disseminantur. Hæc credita causa ut summoueretur, clysters imperantur frequētes, purgationes generis

Equestri ordinis quidā demoniacus

308 De præstigijs dæmonum

omnis & ualide, cucurbitule infiguntur neruorum
 initijs, fœtus, unctiões, emplastra primum quæ di-
 scuterent, dein quæ roborarent, uenenatamq; mali-
 gnitatem obtererent. His parum proficientibus, su-
 dores proliciuntur balneis, æstuarijs, & Guaiacine
 hebeni decocto: quæ nihilo magis profuerunt, quo-
 niam omnes longè aberamus à cognitione ueri. Nam
 mense tertio primum deprehensus demon quidam
 totius mali author, uoce insuetisq; uerbis ac senten-
 tijs tum Latinis, tum Græcis (quanquam ignarus lin-
 guæ Græcæ laborans esset) se prodens. Is multa me-
 dicorum secretâ detegebat, ridens, quòd eos magno
 periculo circumuenisset, quodq; irritis pharmacis cor-
 pus hoc penè iugulassent. Quoties laborantem pater
 inuisebat, is procul à conspectu inclamabat, Apellen-
 tem hunc arcete, & ab ingressione propulsate, aut
 torquem è ceruice detrahite. ex hoc enim, ut Gallo-
 rum torquatis equitibus in more est, diui Michaelis
 imago propendebat. Ad hanc Fernelij narrationem,
 uelut parenthesi interiecta, respondeo: hunc demo-
 nem se Michaelis imaginem usque adeò uereri simu-
 lasse, ut astantes falleret euidentius: quasi uerò hic
 ullius exhorrescat simulacrum, qui ne quidem ipsius
 Christi præsentiam timuit, quem aggredi, circumue-
 here atque tentare ausus est: Paulum, uas electionis,
 colaphis cedere: Iobum iustum affligere, Euam in in-
 nocentia constitutam uasro affatu fallere. Interro-
 gatus hic (prosequitur ita Fernelius) quis esset, aut
 quomodo,

*D. Michaelis imaginem
 se formidare
 simulat dæ-
 monium.*

Matth. 4.

Marc. 1.

Luc. 4.

2. Corint. 12.

Iob. 1. 2.

Genes. 3.

quomodo, & qua hac potestate moliretur? dixit, multa intus esse domicilia, in quibus se recondit, & in quiete ad alios commigrare: se in hoc corpus iniectum à quodam cuius nomen non efferret, à pedibus ingressum in Regia, & à pedibus egressurum, quum præstitus dies aduentarit.

Hæc (mea quidem sententia) mendacij parens fingit, libenterq; fatetur, non coactè, licet ceremonijs & execrationibus se compelli simulet, ut alios ludat, à Deo auocet, sinistram de innocète opinionem iniiciat, quò authorem iniecti demonis mox credant hunc de quo illis uolitet suspicio peruersa: ita rerum suarum sategisse arbitratur, si hac quoque ratione hominum diuellat animos, cadesq; struat. Enimuerò ut ne demoni quidem licitum est, corpora aut hominum aut bestiarum ingredi pro sua libidine aut arbitrio:

si nulli uetulae, nulli obstetrici (quæ corrupta multorum est opinio) nec ulli homini, quantumuis maligno aut scelerato diaboli mancipio, concessum est, corporibus dæmonas imprecando immittere. aliàs sa-

*Dæmones ne
mo alicui im-
precando po-
test immitte-
re.*

tane potentiam exuperaret hominis uirtus maligna, si homo pro corrupta sua uoluntate hic posset, quod demoni denegatum scimus: quum hunc nihil omnino aut intus aut extra posse, citra peculiarem Dei assensum, ex Sacrarum literarum traditione manifestum sit: quo suffragante, in procinctu stat spiritus ille nequam, opinione celerius corpus uel ingrediens, uel collidens. Hæc unica est eius uoluntas, spes & expe-

ctatio:

etatio: Dei nutum obseruat, & calculum expetit, non
 uerò maleficiosam ullius hominis imprecationē. quæ
 si tantillum haberet momenti, uix homo in rerum na-
 tura superesset, qui non uel dæmonū myriadibus in-
 farciretur, uel ab ijs auferretur, uel peste tolleretur,
 uel lue Gallica, aut Iobis ulceribus fœdissimis con-
 spurcatus lugeret: ita urbes, pagos, plateas & do-
 mos his diris & imprecationibus personare ubilibet
 audias, ut nec parentes liberis, nec liberi parentibus
 parcant, imò seipsos leui de causa plerique deuocant
 horribiliter, sitq; eiusmodi execrabilis salutatio con-
 iungi à marito plerunque etiam hora matutina expe-
 ctanda, & ediuerso. Sæpenumero ira perciti non-
 nulli, usque adeò his assuescunt uotis, ut in habitum
 ea denegerent: & pro decoro tandem habeatur,
 atque orationis lenocinio, si in familiari colloquio,
 uel amica salutatione, uel risu iucundo, horrendæ
 eiusmodi concrepent uoces: quas tamen nullum forti-
 ri effectum in alium, palam cernimus: tantum male-
 dici hominis, olim rationem reddituri, nisi poenitudi-
 ne conuertatur, ledunt animam. Atqui potius, si-
 quid imprecationes ualere quis urgeat, omnibus erit
 indubitatè æterna salus expectanda: quum nemo
 sit, cui non aliquis salutem precetur perpetuam: quæ
 precatio ex Dei uoluntate sit, quemadmodum ex sa-
 tanæ impulsu illa maligna. Si quandoque ex mali-
 ciosa parentum in filios imprecatione sinister ali-
 quis euentus sit ui suis, nihil contra nos facit, ob pecu-
 liarem

liarem ingenitamq; parētum cum filijs sympathian.

Spectacula interim nō uulgaria subinde oculis no-
stris a Deo proponuntur, ut ijs territi, inueteratam
malè imprecandi, uel etiam temerè iurandi, & sepe
falso, consuetudinem declinarem. Sic fertur milita-
rem peditem ante paucos annos iter per Marcham
fecisse: ac nummosos loculos cuidā suæ hospita, apud
quam decubuit egrotus, custodiendos tradidisse. Post
dies paucos resitutus, pecuniam reposcit ab hospita,
quæ iam cū marito de ea retinenda deliberarat, pepi-
geratq;. Se itaq; eam habere negat, iniuriarū alterum
accusans. Iratus pedes, hospitam uicissim infidelitatis
insimulat. Quo audito, coniugē purgat hospes, pedi-
teq; e: ædib. deturbat. Hic rei indignitate permotus,
extractū ensē in ostiū infligit incōsideratè. Vim suæ
domui fieri ab hoc homine, proclamat hospes. Qua-
nā magistratu in carcerē conijcitur, agitaturq; sentē-
tia ob illatā uim, illum gladio feriendū. Iam extremus
dies iudicialis præ foribus erat, ipsiq; captiuo morien-
dū esse, in carcere nūciat dæmō: at si se ipsi dedere uel-
let, ut nihil sit periculū, se facturū pollicetur. In inno-
cētia se mori malle, respōdet captiuus, quā ea ratio-
ne liberari. Proposita denuò periculi immēsitate, ubi
se aerē uerberare et nihil proficere animaduertit dæ-
mō, gratis suā illi desert operā, qua apud aduersarios
iudicaretur: cōsultatq;. Quādo iudicio sistēris, tuam
in causā forensi prætendes inscitiam, præsertim in di-
tendo: expropter tibi patronū, quē aduocatū dicunt,

*Historia ad-
mirabiles
si uera.*

concedi orabis: atque me non procul stantem pileo cyaneo plumis insignito, postulabis causæ defensorē. Annuit captivus, qui postridie in iudicium produci-
tur: & cognita magistratus accusatione & instituto, rogat sibi in extrema illa necessitate permitti patro-
num: qui conceditur. Multa disputat hic doctor iuris uersutissimus, et argute defendit, falsò accusatum esse & condemnari peditem: hospitem enim illi pecunia spoliato uim intulisse, ostendit: rem omnem ordine quo gesta est, & ubi seposita conseruaretur pecunia, aperiens. Hospite uerò audacius inficiente, & se dia-
bolo deuouente, imprecanteq; aliquoties, ut ab eo sus-
tolleretur, si pecuniam haberet: destitit tandem à de-
fensione causæ LL. doctor pileolo cyaneo ornatus, ac hospitem abreptum per forum in aerem auehit, ut
ubi manserit, nemo cognouerit unquam.

A diabolo
aufertur ho-
spes ob impre-
cationem ma-
liciosam.

Anno 1551. in Megalopolicis finibus, non procul

A demone
auehitur fe-
mina, ob nefa-
ria iuramenta.

Vuilstadia, in Pentecostes ferijs, plebem cereuisie poculis indulgisse scribitur: cui mulier intererat, quæ
sepenumero diabolum suis immiscebat iuramentis.
qui, spectantibus omnibus, eam per ostium in aerem
altius sustulit. Reliqui perterriti insequuntur uisum,
quò deduceretur femina: cernūtq; eam extra pagum
in aere aliquandiu pendulam, inde redditam in agro
præcipitem compererunt mortuam.

Superioris præterea argumēti, nimirum de ægro-
tis dæmoniacis, historiam Langius recenset de qua-
dam muliere, quæ, quum Bononiæ rei medicæ ope-
ram ille

nam ille nauaret, circa pudenda ulcere sanioso, meliceride scilicet, laborabat: simulatque uerò spem consolidationis maximè læto chirurgus ostentaret, tum repente nouus *ἰχθυος*, humor melli simillimus ubertim erumpebat, donec dæmon, quo obsidebatur, diuinis deprecationibus expelleretur: tum eadem nocte, nullo relicto cicatricis uestigio, ulcus sua sponte consolidabatur.

In hac muliere, quam obsidione constrinxerat dæmon, sua ipsum ostentasse ludibria, & ulceris illius speciem, certum est: atq; allato illitoq; humore melli simillimo, chirurgi oculos fascino delusisse, ut hic ex ulcere *ἰχθυος* promanasse crediderit, quem à dæmone inuectū fuisse in ulceris ferè consolidati uestigium, uel in ulcus phantasticum, ipsa momentoperacta dæmonij secessu testatur curatio.

Hoc modo illorum quoque sensus à dæmone obtundi, & oculorum aciem perstringi censeo, qui carmine sibi testiculos totaq; pudenda auferri existimāt: quibus quum aliquādiu orbatu uideātur, in integrum postea restituuntur. Hic satanæ potentia & arte nerui testium pudendorumq; ad suam conuelluntur originem, quemadmodum plerunque in deploratis morbis uidemus fieri, malæq; notæ argumētum dicit esse Hippocrates: Testiculi pudendaq; retracta, uehementes dolores atque letale periculum significant. Inter moritur enim facultas uitalis, & nerui uersus originem retrahuntur. In dæmonis uerò operibus minimè

Clem. lib. 5.
Recogn.

Testes carmine
ne nō adimi.

Lib. 2. 10.
Præfag.

314 De præstigijs dæmonum

illud uitæ naufragium hic pertimescendum: nec naturalis ea subest causa. ille etenim ad tempus fascino obiecto deludit, uel dolosa neruorum retractione fallit. Ita fit, quòd postea, ubi ad uetita cõsilia eos adegerit, impietatisq; reos effecerit, libenter ab opere desistat, coactus minimè: licet se compelli simulet, ut superstitionem qualemcunque confirmet, aliosq; arctius irritat. Si enim hæc membra uerè adempta fuère, quando hoc factum est, & quibus medijs? num citra sanguinis effusionem, partium lesionem & uulnerationem, omni adempto sensu id fieri potuit, & uel momento sanari? Et si hoc quoque, licet *αδύνατον*, demus: unde quæso contigit restitutio, si prorsus ea à corpore auulsa, & proinde alimento & uitali fomite destituta, tanto tempore mortua putrediniquè obnoxia fuère? Num satanæ est, & angelorum eius, noua creare: aut ablatis omnino partibus uitali uirtute destitutis, redintegrare pro suo arbitrio uitam, ac ueluti colla eas agglutinare, aut sua potentia genuino affigere loco: quemadmodum à Christo aui-

Luc. 22.

rem Malchi à Petro abscissam, indubitanter credimus restitutam? Minimè gentium. Antea auditum est nihil planè dæmonem posse creare: explicatumq; quid illi *αδύνατον* uel inimitabile.

Impotentia
concupitus
quomodo effi
ci potest.

Adhæc, quòd incantamenti quidam uinciri putentur, ut concubitus omnino impotentes, quasi euirati, reddantur: hoc naturali occasione uarijs de causis
usuuenire

insueneri potest, uitiat, impeditisue uel natura, uel
ex accidente congressus organis, quæ etiam propina-
to pharmaco labefactari queunt. Vnde legem de fri-
gidis & maleficiatis, et ad libidinis usum ineptis, tulerunt
Theologi. Propterea non semper erit incantatio
in imputandum illud uitium, nec statim suspitione ag-
grauandus insons. A' demone tamen ut quidem geni-
turæ instrumenta posse cōcubitu inidonea reddi fa-
teor: ita quoque spurcissimæ anus maligna uoluntate
& insulsa imprecatione id effici, constanter nego:
quanquam illa, iniqua à demone persuasionem indu-
cta, secus aliquando credat. Eodem authore, alius
cum certa semina congressus, sæpe eidem homini per-
mitti, relictis eius organis liberis, potest: alius cum
altera uicissim præpeditis ueneræ actionis instru-
mentis inhiberi, ubi nullo alterius adminiculo illi
opus est. Sic in Italia, & cum primis Romæ, uiros se
quoque impotentes reddere arbitrantur nobilissima
ac eadem putidissima scorta, si antea subligaculi
ligamen furtiue extractum colligent: eo etiã reddito,
ab ea impotentia se rursus eundem liberare autumant.
Idem de lupi uirga in alicuius nomine ligata uel so-
luta creditur. Quidam narrat, quendam conterraneum
suum, uirum nobilem iurasse, ligatum se esse, ne cum
mulieribus congregaretur: ac se restitutum dexterita-
te quadam, qua alterius persuasionem confirmabat,
adducens ei librum Cleopatæ, quem de seminarum
informan-

Decretal.
Greg. 9. tit.
15.

316 De præstigijs dæmonum

informanda speciositate fecerat: legensq; locum ubi eo modo ligati corpus totum inungi iubet coruino, felle, mixto cum sesameleo, & ita iuuari. Hoc audito confusus libri uerbis id fecit, citoq; augmentato libidinis æstu restitutus est. Quemadmodum impia credulitate quis leditur: sic & leuari eadem, credibile est, usuq; obseruatur.

De ludicro incuborum & succuborum cum hominibus congressu, prolixè superiori libro, ubi sagarum discutiuntur ponderanturq; actus, egisse mihi uideor.

Ligatura uaria.

Hic leuiter uelut in Catalogum reducantur multiplices ligationis deliria: quemadmodū ligatio in amorem uel in odium, in ægritudines & sanitates, & similia: item ligatio furum & latronum, ut in aliquo loco furari non possint: ligatio mercatorum, ut in aliquo loco emere uel uendere nequeant: ligatio exercitus, qui limites aliquos transgredi prohibeatur: ligatio nauium, ut nulla uiuentorum, etiam infinitis uelis uento obuersis, portum egredi ualeant: item ligatio molendini, ut nullo impetu uolui possit: ligatio cisternæ uel fontis, qua aquæ extractio inhihetur: ligatio agri, ne progerminet: ligatio alicuius loci, ne quid in eo possit extrui: ligatio ignis, ut in aliquo loco accendi nequeat, nec aliquid combustibile admotum etiam igne uehementissimo ardeat: item ligatio fulgurum & tempestatum, ne noceant: ligatio canum, qua uetatur latratus: ligatio auium & ferarum, qua uolatus

volatus uel fuga præpediuntur: atque id genus reliqua, si dem profectò exuperantia, quæ partim ficta sunt: partim, si euentus eiusmodi spectentur, non impijs imputandi hi erunt ligationibus, sed ad causas naturales, impiam credulitatem, demonis collusionem, uel ad occultam Dei uoluntatem referendi. Interea tamen eiusmodi ligationum opinio perficitur per maleficia, collyria, unguenta, potiones seu philtrea, certas designatas materies: per alligationes, suspensiones: per fortes item imaginationes, et animi excessus: per imagines, characteres, annulos, lumina, sonos, numeros: per imprecationes, inuocationes, coniurationes, sacrificia, consecrationes, uota, nomina, uerba, perq; uaria obseruationum et superstitio- num deliramenta. Quibus annumeretur conscripta ab Olao historia, magi Gilberti nomine, apud Ostro- gothos, ut immobilis maneret, ligati in specu à præ- ceptore Catillo, cui ille insultare solet. Se quoq; li- gari simulant demones: at certè non alijs uinculis, quàm quæ ipsi tradiderunt, mendacijs scilicet, sacrile- gis, adeoq; uanis obscœnisq; rebus, ut eas referri pudor sit.

Quosdam insuper maleficio affectos, frequenter et uariè à diabolo transferri, ultrò citroq; rapi, lin- guas sonare diuersas, nonnullis itè insecti speciè ex au- ribus uel prodire uel euolare, et id genus miraculorū plura, ipse obseruauit: quæ tamen solius demonij ope- ra, effectis mulierculis iniquè asscribūt malè creduli.

Plerosq;

Lib. 3. hist.
Sept. ca. 20.
Ligatus in
specu Gilberti.

Symptomata
uaria demo-
niacorum.

318 De præstigijs dæmonum

In bestias nō
transformari
homines ma-
leficio.

Plerosq; etiam sagarum maleficio, in bestias con-
uerti, uoluit credula superstitiosaq; uetustas. Sic quo-
que Demarchum cōmemorat Plinius, degustatis pue-
ri immiolati in sacrificio extis, in lupum se conuertisse
(meritò uorax dicatur lupus, qui hominis exta uo-
rat) & Circe poculo socios Vlyßis in illo errore diu-
turno fertur mutasse in feras, ut est apud Virgilium:
Quos hominum ex facie dea sæua potentibus herbis
Induerat Circe in uultus & terga ferarum.

Item Eclog. 8.

Has herbas, atque hæc Ponto mihi lecta uenena
Ipsa dedit Moeris: nascuntur plurima Ponto.
His ego sæpe lupum fieri, & se condere syluis
Mærim, sæpe animas imis excire sepulchris,
Atque satas aliò uidi traducere messes.

Huc facit Boetij carmen,

lib. 4. de
Consol.
philos.

Vela Naricij ducis
Et uagas pelago rates,
Eurus appulit insula:
Pulchra qua residens dea,
Solis edita semine,
Miscet hospitibus nouis
Tacta carmine pocula:
Quos ut in uarios modos
Vertit herbipotens manus,
Hunc apri facies tegit,
Ille Marmaricus leo
Dente crescit & unguibus:

Hic la-

Liber tertius.

817

Hic lupis nuper additus,
 Flere dum parat, ululat:
 Ille tigris ut Indica,
 Testa mitis obambulat.
 Sed licet uarijs malis
 Numen Arcadis alitis,
 Obsitum miserans ducens
 Peste soluerit hospitibus:
 Iam tamen mala remiges,
 Ore pocula traxerant:
 Iam fues Cerealia
 Glande pabula uerterant,
 Et nihil manet integrum
 Voce & corpore perditis.
 Sola mens stabilis super,
 Monstra quæ patitur, gemit.
 O' leuem nimium manum,
 Nec potentia gramina,
 Membra quæ ualeant licet,
 Corda uertere non ualent.
 Intus est hominum uigor,
 Arte conditus abdita.
 Hæc uenena potentius
 Detrahunt hominem sibi,
 Dira quæ penitus meant,
 Nec nocentia corpori,
 Mentis uulnere sæuiunt.

Hiscæ figmentis & Apuleij in asinum uersi fabulæ. In dialog. de
asino.

scri-

320 De præstigijs dæmonum

ascribatur Luciani metamorphosis: qui in Thessaliâ profectus, ut magicas artes disceret, in hospitium fortè diuertit, ubi mulier se unguento illinens, in coruū mutabatur. Lucianus eodem linimento se uolens inungere, in aliud errore incidit, quo unctus uertitur in asinum. Inductus autē in theatrum uarijs conspersum herbis, ex ancillæ institutiōe per rosarium esum restituitur.

Herbis & uenenis nō sunt uires attribuendæ, quæ nec ad manifestas qualitates, nec ad totam illarum substantiam referuntur. his uerò rationibus homines ab illis non transformari in bestias, notum est: criminibus itaque eam imprimi illis efficaciam sequitur.

De Ciui. Dei
lib. 18. ca. 18.

Lib. 3. & 4.
ubi se à Foti
de maga in
asinum uer-
sum, et quid
tū egerit, de-
scribit. at
meræ sunt
nugæ, ut etiā
quæ in reli-
quis illis le-
guntur libris.

Augustini hic audiatur sententia: Si dixerimus ea non esse credenda, inquit, non desunt etiam nunc qui eiusmodi quædam uel certissima audisse, uel etiam expertos se esse asseuerent. Nam & nos cum essemus in Italia, audiebamus talia de quadam regione illarum partium, ubi mulieres stabularias his malis artibus imbutas, in caseo dare solere dicebant, quibus uellent seu possent uiatoribus, unde in iumeta ilico uerteretur, & necessaria quæque portarent: postque persuncta opera, iterum ad se redirent: nec tamen in eis mentem fieri bestialem, sed rationalem humanamque seruari: sicut Apuleius in libris quos aurei Asini titulo inscripsit, sibi ipsi accidisse, ut ueneno accepto, humano animo permanente, asinus fieret, aut indicauit, aut finxit. Hæc uel falsa sunt: uel tam inusitata, ut merito non credantur, &c. De Præstantij patre quæ postea re-

ita recenset, phantastica hæc esse testantur. cui opinioni suffragatur D. Thomas, in questione de Miraculis. Pagano quoque & infideli deteriorem esse indicant Decreta, qui credit, posse fieri aliquam creaturam, aut in melius deteriusve transmutari, aut in aliam speciem uel similitudinem transformari, quam ab ipso omnium Creatore. Sed in Lamiarum historia de ijs prolixius.

2. Parte. 26.
q. 5. episc.

Socios porrò Vlyssis in bestias uersos, & Diomedis comites in aues, atque Arcades stagnum quendam transgressos in lupos commutatos, fabulosa esse, & poetarum commenta, multi credunt cum Plinio: ubi illud de Diomedis socijs ideo cōfictū à poetis tradit, quoniam aues Diomedæ siue cataraclæ dictæ, in solo totius orbis loco uidentur in insula, ubi tumultus & delubrum Diomedis extant, cōtra Apuliæ oram, fulicarum similes. Et quoniam aduenas barbaros clangore infestant, Græcis tantum adulantur, mirò discrimine, uelut generi Diomedis hoc tribuentes: eademq; eam quotidie pleno gutture madētibus pen- nis perluunt, atque purificant. unde origo fabulæ, Diomedis socios in earum effigies mutatos. Illarum cuium supra quoque, in alium memini finem. Sunt qui ea ad mores referant: nimirum quòd Arcades luporum more uiuebant, ut homines uoraces & imma- nes, crudis uescentes carnibus, & sortè humanis. Idem de mutatione sociorum Vlyssis, iumentis afimi- latorum, prauitate eorum intelligi potest: quemad-

Lib. 10. ca.

44.

De Diome-
dis & Vly-
ssis iocis ad-
que Arcadæ
bus in aues es-
sas conuer-
sis, fabulæ ex-
plicatio.

x

modum

Daniel. 4. modum quoque de Nabuchadnezare Babylonis re-
ge conuerso legitur. Atqui dæmonem, aut ullam crea-
turam, nihil posse condere, aut reuerà immutare, se-
mel confessum est. Si fortassis mulierem in marem de-
Sabelic. li. 9. generasse abstrusa naturæ operatione, ex Plinij, Sa-
ca. 8. de o- bellici, Pontani, & quorundā aliorum relatu conten-
stentis. ditur, nullū hic meretur locū: ubi dæmonū præstigias
actionesq; quoad fieri potest, explicare (ut dictum
est antea) institui.

Obsidi dæ-
moniaci fig-
menta.
In hac eorum qui à dæmonum maleficio exagitan-
tur, historica serie, non extra institutum fuerit, recen-
suisse naturale, rarumq; tamen diabolicæ obsidionis
figmentū, à me olim Neomagij apud Geldros uisum,
in quodam mēdico nomine iusto. Hic ut iusta occasio-
ne pecuniam emendicaret largiorem, ante templi so-
Mendicus Iu-
stus ficti dæ-
moniacus.
res decubuit, dæmonij in se dominium simulans. Nam
perpetua inquietudine exiliebat, cōcidebatq; iacenti
uenter: interdum et fugam minacem, insultum uiolen-
tum, & toruam faciei inuersionē fingeat. Custodes
latus utrinq; obseruabant, eius coniunx & scortum:
quæ proflienti renixæ, ferramentis appositis eum
coercendum mentiebantur: interea oratione mendi-
corum rhetorica oppidò instructæ, strenuā nauabāt
operam, ut eleemosynā à populo die Dominico ma-
ne hunc ad eunte locum, elicerent uberiorē. Tandem
in dolosi machinamenti opinionem uenit magistra-
tus. Adhibiti lictores, qui à cœmiterio discedenti, sub
prandio, quo tempore ab hominum frequentia hictu-
tus est

huc est locus, manus iniiceret. nā hic eiusmodi apprehendisse hominē, erat religio, nefasq; ducebatur, ob prophanationē loci scilicet sacri. Postremò tamen cognito latrocinio quater perpetrato, abreptus, in uinculis artem cōfessus est, qua uentrem, ut pro suo nutu exundaret subito, relabereturq; cōtinuo uortice, coegisset. Prius obice altius podici indito, & multo butyro simul deuorato, quo antea obliniebātur prænunciabaturq; uenter & intestina aduersus uim hydrargyri deletoriā, argentum uiuū deglutiebat, quod suo pōdere ex uentriculo per pylorū in intestina ferebatur, ubi ob pessum ostio obditū, præcisa erat exitus uia: quare quū uehementer id humidū sit, et tenuium ualde partiū, ac cognata mobilitate inquietissimum, quanquā à calore naturali excitatū, non tamē ob intestinorū butyro inunctorū anfractus euaporare (etiā si ea fuisset caloris uehemētia) potuisset. Hinc ciebatur ualida illa uētris perturbatio, et iactus inæqualis, illæ sis interim ob præsumptū butyri antidotū partib. interioribus. Stipe autē collecto, et arbitris semotis, inquietū demonē, captiuū quippe Mercuriū extracto pessulo liberabat. Hūc tragœdū decimo post editum hoc spectaculū die, propter latrocinium, Germanica punitione imponi rotæ uidi: ex quā horis duabus post descendit, eodem tamen repositus die, strāgulatusq;.

Ad hunc numerū referatur impostura, uerè cōmenticijs ligaturis ascribenda, cuiusdam Ioannis Patris nomine, Germanis Hans Vatter: nati in pago Mellin

*Hydrargyri
ualde humi-
dum & tenui-
um partiū.*

*Ioannis Pa-
tris cōmenta.*

314 De præstigijs dæmonum

ge, medium miliare disſito à Duringorum Vuymmaria. Hic profeſſione bubulcus, triennium per celebres aliquot Germaniæ ciuitates uagatus eſt, ſimulans ſe ipſis D. Ioannis ferijs hora matutina, quum bouum curam gereret, à Nicolao Gottel, poſtea ob ſua flagitia Vuymmaria exuſto, incantatū, pane aſſumpto cyaneo ex ſextuplici ſanguine confecto (nimirum infantis nondum baptiſmo initiati, & ab eo occiſi, ſerpentis, buſonis, echini, uulpis ac lupi) ut duodecim annis atrociter à diabolo diuexaretur. Hoc Nicolaum in carceribus cōfeſſum fuiſſe aſſeuerabat. Hinc dæmonem excruciaſſe ipſum multifariam ait, ac tam ſtriçtè momento colligare manus ſæpe intergo uinculis ex pilis equinis & ſericeis lacinijs intortis, ut niſi mox eorum incifione laxaretur, ſanguinis ſubſequeretur eruptio. Coartabatur enim ſingulari artificio ligaturæ nodus inexplicabilis. Ac antea præ angore ſanguinem è ſiniſtra aure atque ore frequenter effluere querebatur: et inter reliqua, ſemel Manſfeldia in acra euectum ſe, & ualido uento Halam ultra muros translatum, ibiq; catenis argenteis colligatum fuiſſe narrabat: item Bornæ, ubi in turre incluſus fuerat, ut nonnihil à diaboli torturis leniretur, atque ab eius laqueis tutus conſeruaretur, per foramen anguſtū craſſi fornicis à diabolo perruptum, ſe induſio ſaltē tectū, à dæmone extractum fuiſſe, atq; in uaſtam traductum ſolitudinē: ſed quo modo, ſe nescire: atq; ibi tres noctes ſine ulla cibatiōe humana per-
egiffe.

egisse. Addidit quoq; se catenis ferreis crebrò à dæ-
mone constrictum fuisse circum corpus, pedes & col-
lum: ac semel ita in patibulo ad hoc spectaculum à sa-
tana ex ingentibus lignis constructo, in quodam hor-
reo alligatum fuisse. Admiranda quoque phasmata,
apparitiones & spectra annexuit, nec omnia enarra-
re breuib; se posse inquit: sed cuncta ordine uelut se-
riem historicam, conscripta esse, tandemq; per typo-
graphiam lucē uisura, ut mundo innotesceret, quan-
ta crudelitate plurifariam à dæmonio excrucietur,
dilatieturq;. Nec prætermisit suum in orando, con-
cionibus sacris audiendis, & communicatione sacra-
menti corporis & sanguinis Domini singulis qua-
tuor septimanis, studium. Ad resipiscentiam quoq; ut
populum hortaretur, se impelli affirmabat. Post diu-
tinam huius tragædiæ ostentationem, Norimbergam
tandem uenit, ubi iisdem usus technis, à prudenti &
circumspecto Senatu obseruari cum uigilanti sagaci-
tate industriaq; semotis custodibus solitis, iuebatur:
& licet primum abitionem urgeret, desperationem
deinde simularet, & nescio quæ non cōminisceretur
ad artis suæ fucum: eò tamen ad extremum redactus
est, ut se nunquam à diabolo ligatum fuisse, sed sibi-
ipsi laqueos à se paratos, celeriter semotis arbitris in-
iecisse, ubi item eorū materiem suffuratus fuisset, fa-
teretur. Vinciendi etiam specimen ostendebat liberè:
& suctu sanguinem ex gingiuis extractum fuisse nar-
rabat, quæ quoq; manu quàm ocysimè in aurem scor-

326 De præstigijs dæmonum

sum infilabat. Reliqua item enarrata miracula, merè fuisse mendacia fassus est: uniuersamq; huc spectasse fabulam, ut inde rem faceret. Quapropter ob facilem, nec extortam confessionem, sententiam mitigauit: reumq; publico palo in spectaculum & irrisiōem ad horæ dimidiū alligatum, exilio puniuit eximie prudentiæ ordo Senatorius, 9. Maij, Anno millesimo quingentesimo sexagesimo secundo. Id uerò diabolica uexationis per incantamenta figmentum, tanquam rem ueram, alius antea epistola typis excusa præmaturè euulgauit, tecto dolo falsus.

Puella Vuerlensis epileptica, putatur demoniaca.

» Eodem anno, in Martio, Dusseldorpiū uenit puella quædam Vuerlensis, circiter annos uiginti nata, bene habita, sed uultu torua. Hæc, ut mendicandi solennior esset occasio, literis munita testantibus, eam à demonio obsessam, ad D. Hubertum Ardennatem professionem insituerat, ut ibi à satanæ iugo solueretur. Cum patruo & conducticio homine comitem etiam habebat monachū, annum prope trigesimum agentem. In collo, tanquam amuletū contra diaboli scilicet impetum, dependebat stola ecclesiastica. Ab eximie pietatis & doctrinæ uiris ornatissimis, ecclesiaste suo, & medicis collegis meis coniunctissimis (qui bona fide rem omnem mihi exposuerunt, tum enim aberam) quicquid id esset negocij solertissimè inquire uoluit Princeps noster illustrissimus, quibusuis imposturis non tam faciles (ob non uulgares ingenij dotes) offerens aures. Quantum itaque ex e-

grota

grote & aliorum relatu conijcere illi poterant, epileptica putabatur. At monachum comitari, quòd ob ecclesiastici uiri præsentiam, minus à demonio impeteretur, dicebat: tandèmq; eò adacta est, ut illum in eodem secum decumbere noctu lecto fatetur, non autem à suis exuijs prorsus nudatum, sed qui indusio adhuc tectus esset. Quum uerò horæ quadam matutina è somno excita, patrum, atque alterum custodem, uestitos in lecto secum conquieuisse obseruaret, (fortassis uestpere præcedenti, potius adeò consopita, ut minorem horum concubitorum habuerit rationem) se aliàs eos pedibus è lecto expulsuram minitabatur, si redirent: at nullam patiebatur repulsam monachus. Rogata etiam, quomodo aliæ monachi lupæ aut concubinae (quas duas illum Vuerle reliquisse non negabat) ipsius peregrinationem ferrent: Aegerrimè, respondit. Monacho quoque iactanti, se tribus uerbis horribile in ea posse spectaculum excitare: quum à collegis meis permitteretur, ut quicquid ad hanc rem ualeret, ostendere non grauaretur. nihil omnino potuit.

Quidam in Hammonie finibus Mabase, subit- *Obsessionis
demoniacæ
cōmentum.*
gatum se à demone simulabat: uocemq; horrificam,
stridentem & boantem mentiebatur.

In hanc scenam adornatus sacrificulus falsi-
tatis conscius, & comes perpetuus, quocunque

318 De præstigijs dæmonum

alter proficisceretur. suis exorcismis diris nihil non à dæmonio extorquere interrogando nitebatur, potissimum quod peculiarem spiraret uindictā, aliorūq; calumniam. ad hoc ex uoto respondebat dæmon, antea instructus. Inter alia sciscitabatur ille, quid nā omnium sibi inimicissimum sentiret maledictus sathanas? Qui primum aliquandiu tergiuersatus, tandem ueluti coactus, Aquam (aiebat) benedictam. Tum illi grunnitu renixo, eiusmodi aquam quasi maximè contrariam infundebat sacrificus: applicabatq; illius collo, uti præsentissimum alexiterium aduersus sathanæ uolentiam, D. Gundule reliquias aurata theca reconditas. Vnde collo arte mirum in modū tumido, grauiter se torqueri fingeat uoce horrida, uelut porci, manū lanij gulam secantem sentientis. Contigit etiam sacrificulum diris execrationibus urgere, ut cederet commenticius dæmon. tādē pro singulari sua eruditione inquit, Ipse est extrā. Vtroq; tamen ad ingenium redeunte, ac perseuerante in nefanda fallacia, post menses aliquot dolus detectus est. Relatu uiri docti & pij, fide dignissimi, qui ludi huius fuit spectator, hæc cognoui.

Veneficio infecti.

Ceterum si qui ueneno oblato, uel illito, uel eius uapore attracto, à ueneficis infecti sunt, iudiciū esto penes medicos: qui hīc inter uenena (quorum uis caeca & delitescens uario symptomatum cruciatu fatigat) & inter morbos ex illis natos (quæ nō tantum manifestis qualitatibus, sed totius etiam substantiæ dissidio,

fidio, uitæ nostræ primordia demoliri constat) atq;
inter morbos alios uulgares, raros, occultos, natu-
rales tamen, secundū peculiare quorumcunq; notas,
discernent. Siquidem uenenati, pro pharmaci hausti Dioscor. li.
uel applicati qualitatibus apertis, uel occulta totius 6. in Prox-
substantiæ proprietate, multifariam afficiantur: ut mio.
stomachi, alui, intestinorum, iecoris, renū & uesicæ
cruciatibus grauitè exerceantur, ut singultiāt, cro-
dantur, contremiscant, refrigerentur, obmutescant,
conuellantur, pulsus difficilis fiat, ueternus premat,
uertigo obuersetur, caligent sensus, sanguis erūpat:
ut item strangulentur, siti aut febre conflictentur, æ-
grè lotium reddant, torminibus uexentur, nausea
prematur, crebrò uomant, frequens animi deli-
quium ex nimia cordis angustia sentiant, dysenteria
flaccescant, rubescant, tabe putreant, liuore sugillen-
tur, pallescant, desipiant, stertant, uiribus deficient:
imò ex tarantule morsu alij perpetuò rident, alij plo-
rant, alij clamitant, alij dormiunt, alij uigilijs affi-
ciuntur, plerosque uomitiones torquent, nonnulli
saltant, sunt qui sudant, alij tremebundi fiunt, quidā
pauoribus infestantur. alij alia patiuntur incōmoda,
& phreneticis, lymphaticis ac maniacis assimilan-
tur: & mirum, quòd auditis continuò musicis instru-
mentis tripudiantes, donec ueneni uis insensibiliter
per cutis meatus & per sudorē discutiatur, liberētur.

Venena autem, eorumq; tam generalia quàm pri-
uata indicia, præter reliquos, nō minus diligenter &

330 De præstigijs dæmonum

Lib. 6. de ma-
teria mcd.

Venena intro-
assumpta.
Contactu la-
dentia.

Halitus feri-
entia.

6. de Nat.
hum.

Lib. 6. de lo-
cis affect.

exactè, quàm etiam doctè descripsit Dioscorides: nec
segnè in eo opere explicando, exornandoq; præstitit
operam, solertissimus simplicium inuestigator Mat-
thiolus. Inter ea uerò quæ intro assumuntur, multo
præsentius ac atrocius, quàm quæ contactu, of-
fendunt. At quæcunque contactu ledunt, hebetio-
ra, minusq; efficacia sunt: neque in solo spiritu uel
in aere, uerum in humore quodam promouente, ui-
res sortiuntur. Porro quod halitu ferit uenenum,
omnium præsentissimum & efficacissimum est, nec
humoris nec crassioris materie tanquam uehiculi
indigum, ut in nos agat, commigrètque. Enimuero
tenuissimum quum sit, spiritu attractum, ocyssimè
per pulmones in cor, uiscus uitæ primariū, & in ar-
terias propagatur, in uniuersum deniq; corpus pro-
repat: primumq; spiritus, deinde humores, postremo
ipsam partium substantiam uitiat. Morbi, teste Hip-
pocrate, qui à corporis membrorum ualidissimo pro-
ficiscuntur, grauissimi sunt: atq; si, ubi coeperūt, per-
manferint, necesse est ualidissimo membrorum labo-
rante, totum corpus affici. Interim meminisse oportet
ex putredine longius grassata, uel alia abditore ex
causa, uirus etiam in nobis prouenire gigni q; posse.
Hanc quæstionem ueteres disputasse, docet Galenus:
rationibusq; apertissimis collegisse, eosdem affectus
fieri & à lethalis ueneni haustu, & à corruptione,
quæ à corpore scaturire potest.

Huc pertinent eorum notæ, quos φαρμακεία λε-
σιν: ubi

fit: ubi scilicet philtra ad amorem ciendum porriguntur, esu haurienda, uel potu. Sic in uita Marci Antonij Plutarchus de eodem refert, quòd magicis carminibus & amatorijs poculis deuincta mens, amissa libertate propria, in Cleopatræ uultu hærebat infixæ, longè redeundi quàm uincendi cupiãior.

Veneno adhæc propinato, uel ita collocato ut hali-
tu ledat, iumenta perniciose affligi quandoq; inficia-
tur nemo: sed ea numerosa, sæpius ad internecionem
grauissima prosterni peste his peculiari, homines non
insestante, item præcipitibus alijs morbis in suo quæ-
que genere, partim hominibus quoque familiaribus,
partim plerisque pecoribus proprijs, subito tolli, ab
optimis agriculturæ & ueterinariæ artis uel mulo
medicinæ scriptoribus tam ueteribus quàm recentio-
ribus memoriæ proditum est: qui tamen morbi à uul-
garis ingenij hominibus, ne alios nominem, malefi-
cia frequenter creduntur.

*Pecudum na-
natio.*

*Pestes ani-
mantium.*

Sæpenumero id contuemur, & superioribus an-
nis contigisse meminimus, ut solos iugularit boues
pestilentia quædam. irrepit etiam quæ sues, & quæ
oues, alia quæ gallinas interimat. Pecudes ferasq;
tollentem pulchrè describit Virgilius:

Hic quondam morbo cœli, miseranda coorta est

1. Georg.

Tempestas, totoq; autumnu incanduit æstu,

Et genus omne neci pecudum dedit, omne ferarum,

Corruptiq; lacus, infecit pabula tabo. Discrimen

uero paulò antè expresserat:

Quàm

*pestis pecorū
et frugū ste-
rilitas accidit
sepe ob nostra
peccata.*

Quam multe pecorum pestes, nec singula morbi Corpora corripunt. — Pestem etiam pecorum, quemadmodum et frugum sterilitatem, interdum à diuina uoluntate ob populi flagitia prouenire, obseruatu necesse est. ut Iohelis 1. Dissipata sunt horrea, disiectæ apothecæ, confusum est triticum, ingemuit animal, mugierunt greges armenti, quia non sunt pascua eis, sed et greges pecorum disperierunt. Et Aggei 1. Ponite corda uestra super uias uestras, dicit Dominus. Seminaastis multum, et collegistis parum: comedistis, et non estis saturati: bibistis, et non estis inebriati. Et infra: Respexistis ad amplius, et ecce factum est minus: et intulistis in domū, et ego exufflaui illud. Propter hoc, inquit, super uos prohibiti sunt cœli, ne darent rorem: et terræ prohibitum est, ne daret germen suum: et uocaui siccitatem super terram, et super montes, triticum, uinum, oleum, et quæcunque progignit humus, et super homines, iumenta, et omnem manuum uestrarum laborem.

Deuter. 32. Et cap. 2: Percussi uos uento urente, et aurigine, atque omnia manuum uestrarum opera, et non fuit qui ad me conuerteretur. Item Leuit. 26: Si non feceritis mandata mea, dabo cœlum uobis desuper ferreum, et terram æneam, et consumetur incassum labor uester, immittamque in uos bestiam agri, quæ orbos uos faciet, atque exterminabit pecora uestra, et imminuet uos. Si autem in præceptis meis ambulaueritis, dabo uobis pluuias temporibus suis, et terra gignet germen suum.

men suū. Resipiscētibz uerò hac ubertatis fit promissio, Iocelis 2: Zelatus est Dominus terram suam, & pepercit populo suo, & dicit: Ecce ego mittam uobis frumentum, uinum & oleum, & replebimini in eis. Et non dabo uos ultra opprobrium in gentibus.

Eam autem rerum suarum iacturam impatienter quidam tolerantes, nō cum Iobo eam Deo acceptam ferunt: uerū ad diuinos & ariolos, sacrificos, diabolicarum actionum patronos, quasi à Lamia, satanæ adminiculo, ad eam deuenerint stragem iumenta, confluunt: qui inde ementitis notis, & quacunque possunt fallaci persuasione, hos damno & incredulitate bis miseros homines in maliciosa opinione semel concepta obfirmant: adhibita etiā non solum superstitiosa, sed & impia curatione, quā sequenti explicabo libro. ubi quoq; ostēdetur, quod stercore lupi in præsepib. posito, iumentor maleficiū aliquando fugetur. At quo modo in pecoris uentriculo ex pilis, iuxta quantitatis pila increuerit, paulò antè dictū est.

Gadarenorū porci, satanæ maleficio adacti, in mare præcipientes lati perierunt: ut Scriptura docet. Docuisse quoq; senē Hilarionē, tradit Hieronymus, diabolum hominū causa etiā iumenta corripere: & tanto eorū ardere odio, ut non solū ipsos, sed & ea quæ ipsorum essent, cuperet interire: atq; huius rei proposuisse exemplum, quod antequam beatum Iobum tentare permetteretur, omnem eius substantiam interfecerit.

Matth. 3.

Marc. 5.

Luc. 8.

In uita Hilarionis crenu-
ta.

Iob. 2.

CVRA-

CURATIO EORUM QUI
Lamiarum maleficio affici, uel dæmo-
nis obsidione subigi creduntur.

Lib. IIII.

Vbi eadem opera ob argumenti communio-
nem, curationes à maleficio diabolico non
alienæ interseruntur: & ligaturarum, chara-
cterum, annulorum, periaptorum, & effigies-
rum tam in sanando, quam in lædendo, siue
claustris aperiendis, siue furibus inuesti-
gandis, uanitas ostenditur.

*Curatio ad-
uersus diabo-
li conatus
præseruans.*

Curationis ratio hic partim erit *περὸ φυλακῆς*
νῦν, exoptatissima medicationis pars, ut à fa-
scino & incantationum ludibrijs quis præseruetur.
partim etiam *μεθόδου*, ut ij quos iam maleficio col-
lisos credimus, ritè legitimoq; resituantur ordine
atque erit illa aliquo modo communis, ex sacrarum
literarum fontibus deprompta, non autem magica
uel superstitiosa, tantopere à multis desiderata, ex-
cultaq;. Quum uerò, quicquid hætenus rerum mon-
strosarum in hanc relatum est historiam, diaboli sint
artes, opera, ludificationes, larum & spectra: con-
tra hunc nos circumquaque ualidis aggeribus, præ-
sidijsq; infallibilibus communiri est operæ precium.
Atqui spiritus quum sit, spirituali accingamur ar-
matura: quam ex diuina Pauli exhortatione cognos-
cere, atque uniuersis complecti neruis decet, qui ita
hortatur.

hortatur: Quod superest, fratres mei, sitis fortes per
 Dominum, perq; potentiam roboris illius. Induite
 totam Dei armaturam, ut aduersus diaboli assultus
 consistere possitis. Quoniam non est nobis lucta
 aduersus sanguinem & carnem, sed aduersus prin-
 cipatus, aduersus potestates, aduersus mundi do-
 minos, rectores tenebrarum seculi huius, aduer-
 sus spirituales astutias in cœlestibus. Quapropter
 assumite uniuersam Dei armaturam, ut possitis
 resistere in die malo, & omnibus peractis stare.
 State igitur lumbis circumcinctis baltheo per ue-
 ritatem, & induiti thoracem iusticiæ, & calceati
 pedibus, ut parati sitis ad Euangelium pacis: su-
 per omnia assumpto scuto fidei, quo possitis om-
 nia iacula mali illius ignita extinguere. Galemque
 salutaris accipite, & gladium spiritus, qui est uer-
 bum Dei, in omni deprecatione & obsecratione,
 orantes in omni tempore, in spiritu, & ad hoc ipsum
 uigilantes cum omni sedulitate. Petrus item admo-
 net: Sobrii estote, uigilate, quoniam aduersarius ue-
 ster diabolus tanquam leo rugiens obambulat, quæ-
 rens quem deuoret. Cui resistite solidi in fide, scientes
 easdem afflictiones, uestræ quæ in mundo est frater-
 nitati consummari. Hic enim agit in incredulis. Re-
 ctè ergo Hermes Trismegistus tradit, unam & solam
 custodiam hominum à demonum astu, esse pieta-
 tem. Pium enim hominem nec demon malus,
 nec fatum terret. Et quemadmodum uera fides
 mirabi-

Ephes. 6.

Armatura
Dei.

1. Thessal. 5.

Gladius spi-
ritus.

1. Petr. 5.

Ephes. 22

336 De præstigijs dæmonum

mirabilia in credentibus operatur: sic & falsa credulitas, Deo permittente, euentus inauspicatos interdum operatur, uel potius demeretur. Cum Dauide confidenter dicamus: Dominus mihi adiutor, non timebo quid faciat mihi homo. Omnium itaque primum tanquam rei caput desideratur, ut in uera doctrina & genuino Dei cultu instituti, nos totos resignemus, tradamusque ipsius uoluntati; fide uiua & spe indubitata, nos illi curæ esse, sub ipsius patrocínio & tutela securos degere, ipsius primum gratia progenitos, singularique nos consecretante misericordia seruari: uerè confisos, Christum in hoc nobis natum, & filium nobis datum, qui peccata nostra super humeros suos in ligno pertulit: & per potentiam Patris, à morte suscitatus, mortem uicit, & satanæ imperium demolitus est, ut hic iam inde irritò conatu suas nobis machinetur insidias, si sepulti unà cum Christo per baptismum in mortem, & peccatis mortui, in nouitate uitæ ambulemus, iusticiæque uiuamus. Si etenim Christo insiti, in illum atque Patrem eius credimus, illius mandata obseruamus, uestigiisque insistimus, abnegato dæmone, omnibusque eius consilijs, uniuersa denique impietate, opera spiritus sectantes, fructusque fidei edentes, in charitate non ficta erga Deum & proximum, in mansuetudine, benignitate, lenitate, temperantia, continentia, castitate, sensuum cohibitione, constanti cuiuscunque aduersitatis, iacturæ & iniuriæ tolerantia, uitæ demum innocentia, puris manibus exten-

Psal. 117.

Esaiæ 9.
Ioann. 3.
1. Petr. 2.

Rom. 6.
1. Petr. 2.

Galat. 5.

bus extensis orationi assidue intenti, peccati inquinamentum ut ueneni perniciosissimi perditissimiq; habitum, internecionis periculo repente nos obijcientē, declinantes: maleficorum profectō minas haud difficulter cauebimus, uel negligemus, uel tolerabimus.

Si uerò quis peccauerit, inquit Ioannes, aduocatum habemus apud Patrem, IESVM CHRISTVM

1. Ioann. 2.

iustum. Et ipse est propitiatio pro peccatis nostris:

non pro nostris autem tantum, sed etiam pro totius

mundi. Et per hoc scimus quoniā cognouimus eum,

si iussa illius obseruamus. Qui dicit, noui eum, &

praecepta eius non seruat, mendax est, & ueritas in

eo non est. Qui uerò seruat sermonem eius, uerē in

hoc charitas Dei perfecta est. Per hoc scimus, quòd

in ipso simus. Qui dicit se in eo manere, debet sicut

ille ambulauit, & ipse ambulare. Qui committit pec-

1. Ioann. 3.

catum, ex diabolo est: quoniā ab initio diabolus pec-

cat. In hoc manifesti sunt filij Dei, & filij diaboli.

Omnis qui non facit iusticiam, non est ex Deo: & qui

non diligit fratrem suum. Hinc Paulus, in Christo

Iesu neque circumcisionem, neque praeputium ualere

asserit: sed fidem, quae per dilectionem operatur. cuius

Galat. 5. 6.

fidei loco nouam creaturam sequenti capite ad

Galatas, locat: & obseruationem mandatorum Dei,

1. Corinth. 7.

ad Corinthios, supponit. Vnde satis liquet, de qua

hic fide loquar, quam amplecti, cuiq; firmiter insiste-

re oporteat. Non simplicem formulæ fidei præscri-

ptæ enarrationem propono, quam & facile pronun-

ciaret diabolus: non etiam ore iactatā ab ijs quorum cor à Christo procul est, quæ consopita, mortua, sterilisq; delitescit, nusquam se prodens, uelut infœcunda arbor excindenda, igniq; mandanda: sed hancurgo, quæ totum innouat hominem, uirtute uiua se in

Vera fides. Christi membris exerens, fructificans, efficax potentia Dei ad salutem habenti, sacra saluationis nostræ ancora, prora & puppis, petra contra quancunque satanæ tempestatem impetumq; immobilis, in qua quicquid superstruitur, inuiolatum perdurat, imò aduersus hanc ne quidem inferi portæ præualent. Augustini hic audiaturs consilium: De ista

*De Ciuitat.
Dei lib. 18.
cap. 18.*

tota dæmonum ludificatione, ait, nos quid dicamus, qui hæc legent, fortassis expectant: quid Christiani agere debeant, quando inter idola gentium miracu-

Hierem. 51.

la fieri asseruntur. Et quid dicemus, nisi de medio Babylonis esse fugiendum? Quod præceptum Propheticum ita spiritualiter intelligitur, ut de huius sæculi ciuitate, quæ profectò & angelorum & hominum societas impiorum est, fidei passibus, quæ per dilectionem operatur, in Deum uiuum proficiendo fugiamus. Quāto quippe in hæc ima potestatem dæmonum maiorem uidemus, tanto tenacius mediatori est inherendum, per quem de imis ad summa conscendimus. Hactenus ille. Huic fundamento firmiter insistentes, tantum abest ut ulla unquam ratione, satanæ artibus siue astutijs à uera in Deum uiuentem fiducia dimoueri possint, ut etiam uarijs ac multipli-

cibus

tribus illius conatibus & insultibus impetiti, exercitati, ac uelut aurum in fornace examinati, indies se-
 ipsis sanctiores iustioresq; euadant. Quare demoni-
 bus imbecillitatem in eos, quos diuina non desitui-
 set gratia, exprobrare solet D. Antonius, in assidu-
 suis aduersus illos luctis: & eos expauescere uere
 credentes, asserit Petrus apud Clementem: item in-
 fimo Dei iudicio, in huiusmodi cogitationum u-
 nitate languentibus, labores & afflictiones pro
 medio conferri, idem Clemens tradit, postea addens:
 Demonem, nisi quis uoluntatibus eius se fronte
 subdiderit, potestatem aduersus hominem non ha-
 bere. Vitae igitur emendatione, & attenta assiduaq;
 oratione ad Christum confugiendum est, exemplo
 Chananae mulieris. Hec, Chrysostomo autho-
 re, non iuit ad diuinos, non quaesuit ligaturas, non
 lefectionis reas mulieres: sed omnia reliquit tenta-
 menta diabolica, & uenit ad Iesum. Si enim uolu-
 mus Deum sententiam mutare suam, nostram in me-
 liorem mutemus uitam. Rite hic hortatur Iesus
 Sirach: Conuertere ad Dominum, & relinque
 peccata tua: precare ante faciem Domini, &
 minue offendicula. Reuertere ad Dominum, &
 auertere ab iniusticia tua, & nimis odito exe-
 crationem, & cognosce iusticias & iudicia Dei,
 & sta in sorte propositionis & orationis altissi-
 mi Dei. Non demoreris in errore impiorum. Nec
 minus pie quam prudenter, in tribulatione ini-

Li. 4. Recog.
 Demones ex-
 pauescunt ue-
 re credentes.

Matth. 15.

Cap. 17.

2. Paral. 30.

micorum consulit Iosaphat rex Iuda: Cum ignoramus quid agere debeamus, hoc solum habemus residui, ut oculos nostros dirigamus ad te Deus.

Quidam pastores ecclesiarum magi.

Ad huius fundamenti iacti perpendiculum, si recto filo superstruerent ecclesiarum pastores, obstructis quibuscunque adulterinæ doctrinæ impietatisq; fenestris, saluberrima præcautione subditis prospectum consultumq; foret contra dæmonis artes, præstigijs & ludibria: quibus non usqueadeo temerè illaquearentur incauti, quemadmodum quotidie cum animarum iactura usuuenire cernimus, non modò pastorum quorum intererat, munusq; postulabat præcauere, negligentia: sed & eorum instinctu, consilio, peruersa doctrina, fallaciq; operatione, quæ imperitum uulgus in rebus afflictis, morbis subitis, longis, cognitis, incognitis, ex causa naturali uel præternaturam, mox ad illicitæ opis inquisitionem illectant, quam & ijdem promissa certa salute ostentare, uenalemq; prostituere nõ erubescunt, homines planè impti, rudes & indocti, sacræ medicinæ (quæ ne à limine quidem salutarunt) cognitionem nefandè mentientes (de ijs saltem hic loquor, non de uiris bonis, pietatisq; nomine spectatis) ut uel hac suspensa hedera, ueluti pallio actiones suas tegant fraudulentas, potissimum quum professione sint uiri scilicet ecclesiastici, sacerdotes uel monachi, de quibus, ut gregis exemplaribus doctoribusq; in sinistram tantummodo impегisse calumniam nefas ducitur. Sed fortassis hanc

hanc artis quasi per manus traditæ prærogatiuam,
iure sibi uendicant hæreditario hi magi: quod Aegy-
ptiorum sacerdotes, à quibus Pythagoras, Empedo-
cles, Democritus & Plato magiam didicerunt, quo
quisque remedio sanitati restitutus esset, id simul
conscriptum, Memphis in Hephæstio, Vulcani &
Isidis sacrario deponebant: quemadmodum & Græ-
corum sacerdotes magiæ antistites, suas obseruatio-
nes in adytis templorum Apollinis & Aesculapij in
Pergamo etiam repositas custodiebant, quas uelut
Aesculapij oraculo edocti sacerdotes, ægrotis cõmu-
nicabant, à quibus summa cum fiducia eæ acceptari
solent. Sancta extat in horum impudentiam, eximij
Hippocratis, quanquam religione ethnici, sententia:
qua non argute tantum, sed & piè hos redarguit, &
impietatis insinuat: Qui, inquiens, lustrationi-
bus & magicis incantamentis morborum affectiones
depellere se iactant, hi uictus indigi, uerba eorum ad
demonium referūt, ut quiddā se amplius scire uulgo
ostentent, & homines decipiant. Expiant enim mor-
bo correptos, sanguine & sceleribus inquinatos, in-
iustos & intoxicatos, ac expiamenta alia sub terram
defodiunt: alia in mare proijciunt, alia ad montes de-
sertos, ne quis ea contrectet, asportant. At Deus, ait,
qui maxima & sceleratissima peccata purgat, nostra
est liberatio. Nec eò impudētia illos arbitror dilapsu-
ros in liberioris incantationum usus defensionem, ut
mihi obtrudere audeant, plerosq; Romanos pōtifices

Galen. lib. 5.
de comp.
med. ses.
gen. & lib. 6.
Epidem.
Herod. lib. 1.

De morbo sa-
cro.

Pontifices Ro-
mani pleriq;
infames ma-
gi.

magiam infamem edoctos, eam quæstuosè uoluptuariq; exercuisse: cuiusmodi erat Syluester secundus, qui (teste Platina & Nauclero) eo artificio pōtificatum adeptus est: quemadmodum & anno 1924. Benedictus nonus, antea Theophylactus dictus, postea ob maleficia Maledictus nuncupatus: Ioannes uicesimus, & Ioannes uicesimus primus (authore Bennone Cardinale) qui Laurentio, Ioanne Gratiano & Hildebrando, cardinalibus, incantamentorū conscijs, ut & Malfitano & Gerardo Brazuto familiariter usi traduntur. Nam à Sylvestre secundo ad Gregorium septimum, magū eximiū, qui (ut Benno refert) quando uolebat, manicas discutiebat suas, unde ignis in scintillarum modum disiliyt, omnes pontifices fuisse incantatores, scribitur in eorū Vitis: ubi eius farinæ exempla execrabilia, quibus mulieres in amorem pellicerent, dæmonum sacrificijs in syluis & montibus dediti, leguntur: quæ silentio sepelire malui, ne hominum in eo dignitatis fastigio collocatorum flagitia ueneficiaq; commemorasse, in reprehensionem rapiatur. Licet etiam pauci tales fortassis extitère, maiorem tamē numerum à malis artibus fuisse liberum, nulli in dubium uenit. Non est itaq; quòd hoc pallio se tegant, aut aliud prætexant hi nostri recentiores malefici. Hoc tamen deplorandum, quod nusquam ullum genus hominum comperias tam iniquum, impunitumq; atq; horum plerosq;: qui ubi in aliquis calamitate corporis uel anime, rebus perditis uel

quascunq;

quacunq; alia aduersitate, in consilium à simplicioribus uocantur, neutiquam eos admonent, hæc à Deo uel immitti, uel permitti, ut tanquam in igne 1. Petr. 4. probentur, & propterea ad Deum unicum afflictorum patronum confugiendum, ac diuina & à Deo in nostrum usum iusto ordine instituta auxilia ritè inquirenda: uerùm impietatis incredulitatisq; uiam sternunt, ore impudentissimo ac mendacissimo ad maleficium uel incantationem uicinæ alicuius matronæ, quicquid id est mali referentes, fictisque quibusdam notis, unde mali genitrix dignoscatur, insinuantes, næ sacrilegi perditionis authores. Odij certè plusquam Vatiniani seminarium hoc, frequenter inter proximos quosque uti pestilentissimum, ita & durantißimum, quò non modò integræ uicinæ admodum antea pacatæ, hac arte grauib; conturbentur dissidijs, cædib;que diuexentur, sed & pagorum atque urbium auita societate unitarum compages disrumpantur, ac iniusta familijs calumniarum stigmata in longam propagentur posteritatem. Eius sectæ noui sacrificum, qui (designatum numerum exprimere propemodum pudet) trecentas sagas in oppido minus amplo aut populoso, ubi iã dego, quod fortè ingrediebatur ille, aliàs ipsi incognitum, commorari, mendaciter fingere non erubuit. Quemadmodum earatione satanæ regnum accrescit, confirmaturq;: ita Christo summa fit contumelia iniuriq; , ac eius

344 De præstigijs dæmonum

Ecclesiæ immedicabilia infliguntur uulnera ab illis, quorum studio ex professo sanari eam sauciam luxa- tamq; magis decuit. De eius familiæ hominibus ma- nifesto Paulus, ueluti digito commonstrans, suo na- ticipinatur Timotheo in hæc uerba: Spiritus certò lo- quitur, quòd in posterioribus temporibus desciscant quidam à fide, attendentes spiritibus impostoribus, ac doctrinis dæmoniorum, per simulationem falsilo- quorum, cauterio notatam habentium conscientiam, prohibentium contrahere matrimonium, iubentium abstinere à cibis, quos Deus creauit ad sumendum cum gratiarum actione fidelibus, &c. Rectissimè igitur à Basilio scribitur: Qui incantatorem audit, illumq; obseruat, quacunque pressus est necessitate, iam etsi uerbo dicat in Deum se fidere, re tamen ipsa ex futi- libus uanisq; rebus auxilium sibi asciscit. nam iusto rerum auxilium Deus est.

*Sacrilegi hu-
ius seculi
magi.*

Præter mendacem illam persuasionem, qua uulgo nimis credulo hi imponunt, ut aliquid scire præter doctorum hominum cognitionē in hoc inscitie thea- tro illi ἀναλφάβητοι, imperiti & impij uenditenti, suis hinc inde emendicatis blasphemis exorcismis, se mendaciorum unicum authorem in speculo uel urna aqua, incantationis conscij imaginem præ se feren- tem cogere, qui rei ueritatem tanquam irrefutabilis testis detegat, profitentur: Nec minus blasphemiarū, multifarijs crucibus sæpenumero scelerata manu consignatis ornatarum, in ter miserorum hominum curatione

puratione effundere audent, mente reprobi, cum
Ianne & Mambre olim poenas daturi, nisi maturè
resipiscant. Hic suā sortitur uim aqua extra primam
Dei consecrationem benedicta, uel sæpius inaspera,
uel propinata: sal item exorcismo expiatus, cereæ
Paschatis eadē ui consecratæ particula, uel eiusdem
thus, candelarum in die purificationis contra pau-
dum (si dijs placet) dæmonem lustratarū incensus,
ramorum & frondiū in die Palmarum sacratorum,
item herbarum in ferijs D. Ioannis Baptiste ante æ-
des suspensarum, uel in solennitate assumptionis D.
Virginis in templo aspergine lustralis aquæ solenni,
ex more, uirtute ex alto aduersus satanæ potentiam
maiore, quàm in prima Dei creatione indutarum sus-
fumigia: & nescio quæ non eiusdem religionis osten-
ta, quibus in admirationem imprudentes illiciant,
stuporemq; incutiant. Scribit in hanc sententiā Mar-
tinus de Arles, Theologiæ professor, ijs uerbis: Quòd
præstigijs & pythones & necromantici sunt isti, ad
quos quotidie populus stultus & insipiens concur-
rit, ut futura cognoscat, uel perdita restituantur: qui-
bus fiunt, ut uulgo fertur, dæmonum apparitiones in
uitris uel annulis, ubi ueniūt inuocati ad uocata præ-
dicenda, uel ablata manifestanda: & ut dicitur, isti
arioli semper miscere conātur sacra inter suas super-
stitutiones, ut qui ad eos concurrunt, simplices hi atte-
stantur. Nam & infœlices ipsi eodem die quo similia
nefanda perpetrare non uerentur, sacrificium eucha-

Tract. de su-
perstit.

346 De præstigijs dæmonum

ristiæ celebrare infeliciter audent. quod magister
Ioannes Nider in suo præceptorio ostendit, dicens:
 Malefici instrumenta suæ malitiæ per Ecclesiæ sacra-
 menta, uel per alia diuina contingi uolunt: ut filum
 trahendo per chrisma sanctum, imaginem terream
 sub pala altaris ad tempus ponendo, & similia facien-
 do. Nam eucharistiæ sacramento (ut fertur) utuntur
 in suis maleficijs, & plurima talia committunt,
 immiscentes res sanctas suis superstitionibus. Sed ex
 instinctu dæmonis ista fiunt triplici de causa, ut reci-
 tat idem doctor. Primò, ut non solum homines taliū
 occasione perfidi fiant: sed etiam sacrilegi, diuina
 quantū in eis est contaminando, ut magis creatorem
 suum offendant, & intimius animas proprias con-
 taminent, & plures in peccata ruere faciant. Secun-
 dò, ut Deus grauiter ab hominibus offensus, secun-
 dum beati Augustini sententiam, dæmoni maiorem
 potestatem in hominibus malis tribuat: cui Deus con-
 cedit iratus, quod denegaret propitius. Tertiò, ut
 sic sub specie boni apparentis, plures simplices faci-
 lius decipiant, qui tacta diuinis rebus & orationibus
 à Deo putant aliquid numinis obtinuisse, ubi solum
 grauiora erant commissa peccata. Hæc ille. In alijs
 autem superstitionibus, quæ fiunt ab istis ruralibus,
 etsi dæmones non expresse inuocentur, interserunt
 tamen se actibus & superstitionibus, ut hominum
 decipiantur mentes. Hactenus theologus ille. Et 2.
 q. 8. Episcopi à diabolo captiui tenentur, qui relicto
 Creatore,

Creatore, à diabolo auxilium quærunt. Et post:
 Attende ubi maleficiū occulto Dei iudicio permit-
 titur, non ad magos & necromanticos & sortilegos
 est recurrendum pro solutione & remedio, ut hac
 nostra tempestate ad quosdam nefandos sacerdotes
 passim isti uulgares concurrere non uerentur: sed
 ad Deum, per hanc uilem confessionem & deuotam
 orationē: ut habetur 33. q. 1. ca. ultimo. Nec facienda
 mala, ut eueniant bona. Plura ibidem. Item postea:
 Quare autē ad prædictos necromanticos sacrilegos
 & diuinos nullus debet concurrere, ultra hæc quod
 peccant mortaliter, & participes efficiuntur culpæ
 & damnationis ipsorum, ratio est: quia ipsi, etsi Deo
 permittente, aliquando uera dicunt, eorū tamen testi-
 monio non est utendum, quia sæpius fallunt & men-
 tiuntur. Patet, quoniā in spiritu ueritatis, falsitas non
 est: in spiritu autē mendacij, plurimæ quoq; sunt ueri-
 tates, ut unica latente falsitate decipiat, ut dicit Ger-
 son de Probatione spirituum: Hac ratione, inquiens,
 prohibuerunt à testimonio ueritatis, quam fateban-
 tur, Christus dæmoniacos, & Paulus Pythonissam.
 Hic Augustinus: Fratres, ait, nostis me supplicasse fre-
 quentius, ut consuetudines paganorum & malefico-
 rū minimè seruare deberetis, &c. ergo apud Deum
 me absoluo, dum iterū atq; iterum admonco & con-
 testor, ut nullus ex uobis diuinatores aut sortilegos re-
 quirat, nec eos de qualibet re aut causa aut infirmita-
 te interroget. Nam qui ad hos consultum accedunt,
 eos fidei

Act. 16.
 In Sermone,
 de augurijs

348 De præstigijs dæmonum

eos fidem abnegare, probant Theologi ex Augustino 27. q. 7. Non obseruabitis. ubi enumeratis multis superstitionibus sic concludit: Qui hanc & quasque obseruationes aut facta aut auguria obseruat, aut attendit, aut consentit obseruātibus, aut talibus credit, aut ad domum eorum uadit, aut in domum suam introducit, aut interrogat, sciat se fidem Christianam aut baptismum præuaticasse: & ut paganum & apostatam & Dei inimicum, iram Dei in æternum grauitè incurrere: nisi Ecclesiastica pœnitentia emendatus, Deo reconcilietur.

Sacra scriptura & nomina Dei abusus detestabilis.

Huc, ut ἐμπόριον suis fucata coloribus, multorum demereatur animos, atque in sui amorem emendicato lenocinio, aliòs cautè illicitat, uerba Scripturæ sacre pura, uel instituto immixta, item Dei nomina, uelint nolint, contorquentur: uerum quàm conuenienter, iudicent illi qui penitus mysticum Dei uerbum, essentiam ac uiuam uim intelligunt. Sed hunc uerbi Dei abusum prorsus detestabilem esse, & hanc sacratissimi Dei nominis prophanationem scelus horribile dicendam esse meritò, fateamur necesse est. Nec profectò mendacium auditur impudentius, atq; in Deum contumeliosius, quàm ex prolata Scripturæ sententia, aut nomine Dei pronunciato, contra designatum à Deo Scripturæ ordinem & sacratissimi nominis usum, in rebus quibuscunq; uel ludicris uel serijs, aut contra morbos, nouā exilire uim effectricē, qua id obtineamus quod proposuimus. Cuiusmodi hæc sacrosancta
de Christi

Liber quartus.

349

de Christi ossibus à Iudeis non confringendis existit prophetia: Os non cōminuetis ex eo. Si quis hæc uerba proferens, dētes cōtingat, dū Missa peragitur, dentium dolorem sedari credunt. Alius ante febris accessionem manus cum egroto lauat, secretò ad febris sanationem, psalmum illum enarrās, Exaltabo te Deus meus rex. Est qui laborantis præhensa manu dicat: Aequè facilis tibi febris hæc sit, atque Mariæ uirgini, Christi partus. Vt uinum eo anno non perueratur, uasi inscribit Aphricanus: Gustate & uidete, quòd bonus est Dominus. Sunt qui in sanguine sistendo hæc recitant: Sanguis mane in te, sicut fecit Christus in se. Sanguis mane in tua uena, sicut Christus in sua pœna. Sanguis mane fixus, sicut Christus quando fuit crucifixus. Ter repete. Aliud, De latere eius exiuit sanguis & aqua. Item, ex quacunque corporis parte profluentem sanguinem cohibere nituntur his uerbis: Christus natus est in Bethlehem, & passus in Hierusalem, sanguis illi turbatus est: dico tibi per Dei uirtutem, & omniū sanctorum auxilium, ut consistas, quemadmodum Iordanus, in quo sanctus Ioannes Dominum nostrum Iesum Christum baptizabat, in nomine Patris & Filij & Spiritus sancti. Tene innominatum digitum in uulnere, & fac cum eo tres cruces super uulnus, dic quinquies Pater noster & Aue Maria, et semel Symbolum in sanctorum quinque uulnere honorē. Hic insignis philosophiæ Iulius Scaliger ad Cardanum scribit: Declarasti præcantantis

Exod. 12.
Ioann. 19.

Psal. 144.

Psal. 33.
Cardanus de
subt. lib. 18.

Ioann. 19.

De subtilit.
exerc. 112.

350 De præstigijs dæmonum

cantantis fidem magnopere cōferre ad efficaciam præ-
cātationis, in tuis Antilogijs, exire à fascinatricis ani-
mo facultatem, atque aerem immutare, cuius corru-
ptione ueneficæ spei finem illa consequatur. Quòd si
uerba tua sanguinem sistunt ex incisa uena profluen-
tem, nulla cum eorum robore magnetis potentia
comparari mereatur. Haud minor, propè dixerim,
impietas in alia ratione.

Vidi haud ita pridem apud magnæ authoritatis
uirum nobilem, librum conscriptum execrabilem,
flammis dignissimum, plenum exorcismis, frequenti
crucis consignatione, et ex sancta Scriptura formulis
in nomine Patris & Filij & Spiritus sancti finitis,
contra equorum non modò morbos quoslibet, sed &
quæcunque eorū impedimenta: ut si uel calceus equo
ferreus in itinere excidisset, statim precatione eius-
modi recitata, illæsus ungula ad stabulum progredi
crederetur, etiam longissimè dissitum. Carminibus
equos apud Nigritas etiam strenuiores & in bello
tutiores reddi, docet Aloysius Cadamustus. Interim
scelera hæc & blasphemie exterminandæ suos habet
& admiratores & cultores: et à quibus impunè exer-
centur, noui. Atqui uix hæc merentur ut Cabalistarū
cōmentis assimilentur, qui decē Dei ueri nominibus,
& angelorum, quorum in sacris Biblijs fit mentio, ea
quæ magnificè pollicentur (quemadmodum & illi
nefandæ impietatis patroni, diabolo operante, &
Deo ob præfactam eorum incredulitatem conui-
uente,

Liber quartus.



nente, plerunque conficiunt) peragere se asseuerant. Horum Cabala ligaturis & nefarijs magicæ nugis scatur, foetetq; de quibus etiam librum conscripsit Costaben Luca apud Hebræos. Verè hic Clemens ait: Usque ad hoc res deniq; accessit, ut cum uerbo Dei fugentur demones, per quod esse providentiam declaratur, inuenerit ars magica ad infidelitatem confirmandam, quomodo etiam hoc ex contrarijs imitetur. Sic serpentum uenena mitigare carminibus inuentum, & uerbo ac potestati Dei contrarias inducere sanitates. Angelis quoque Dei contraria reperit ars magica ministeria, animarum suscitationes, contra hæc & figmenta demonum ponens.

Non alienum ab hoc argumento modum inuestigandi furis interseram, quem sic experiendum quidam præscribunt. Conuersus ad Orientem, in crystallo crucem facito cum oleo oliuæ: & sub cruce scribatur, Sancta Helena. Inde puer castus, ex legitimo toro natus, annorum decem uel circiter, capiat manu dextra crystallum. à cuius tergo tu genibus flexis prouolutus, ter summa cum ueneratione hanc recitabis orationem: Deprecor te domina sancta Helena, mater regis Constantini, quæ crucem Domini nostri Iesu Christi inuenisti, & per illam sanctissimam deuotionem & inuentionem crucis, & per illam sanctissimam crucem, per illud gaudium quod habuisti, quando illam sanctissimam crucem inuenisti, & per illam dilectionem quam circa
filium

Li. 3. Recog

Serpentes 2.
Nigritis fasci
nari, scribis
Aloysius
Cadamustus
in nauigat.
ca. 28.

Inuestigandi
furi modus
demoniacus.

352 De præstigijs dæmonum

filium tuum regem Constantinum habuisti, & per illa summa bona quibus frueris æternaliter, ut debeas demonstrare in hoc crystallo quicquid peto & scire cupio, Amen. Et cum angelum in crystallo uidebit puer, rogabit quæcunq; uolueris, & respondebit angelus. Hoc autem facies in solis ortu, cum iam emer-
serit, & aer serenus clarusq; extiterit.

Lib. 16. ca. 93.
de rerum uari-
etate.

Irridere eiusmodi commenta (inquit Cardanus) semper consueueram, quanquam hoc ipsum experimentum à multis probaretur, habereturq; secreti loco. Verum contigit, ut puer quidam contubernalis ac sciolus affirmaret, se uidisse in phialæ collo furem, de quo interrogabatur, qui in imum descendisset, nec amplius apparuisse, idemq; alios duos spectasse: in aduentu item ipsius quasi fulgur illuxisse, ac manum capiti imaginem admouisse, capitumq; antè retraxisse. Erat autem phiala uitrea, nitidaq; aqua sacra plena, in linteo expiato collocata: linteum uero erat instratum scamno, tres candelæ cereæ accensæ & illustratæ. super os phialæ duo oliuæ folia, transuersè in crucis formā imposita. Per breuis accedebat conu-
ratio: Angele sancte, angele candidè, per tuā sanctita-
tem, meamq; uirginitatē, ostende mihi furem. & hæc
super os phialæ obmurmurant: prius uero præcatio-
nem Dominicam et salutationem Angelicam singuli
genibus flexis proferunt ter, ac singulis uicibus pol-
licis ungue crucem super phiala signant. Soli astant
in obscuro. Videbant integrum hominem, et pallium
habentem,

habentem, capite prono, caluū, ascendentem descen-
temq; in phialæ collo, non aliter quàm solent atomi
in sole. Visus est autem fermè ad octauam horæ par-
tem. Totum hoc spectaculum ad tres horas perdura-
uit: nihilominus, ut autor rei ait, fur non est deprehen-
sus, neq; inuenti calices duo argentei qui perierant.
Referunt eum qui sustulit, si ritè hæc peragantur, ali-
quid pati, dum peraguntur. Hæc dum ille narra-
ret, experiūdi talia inceßit cupido, adfuitq; occasio.
Mulier quædam contubernalis desiderio uidēdi quæ-
dam capta, aduocat aliam mulierem admodum eiu-
scemodi rerum peritam: adornant sacrificium, tres
puellæ (ut referebant ipsæ) uiderūt multa: ego tunc
temporis aberam. Denuò mulierem aduoco, paratur
sacrificium: folia oliuæ non intererant, nulla preca-
tio Dominica, nulla salutatio Angelica, sed tentorio-
lum solum undiq; conclusum additur. Adest & ipsa
femina, quæ non solum uidebat, sed & puellæ: non
in phialæ collo, sed in cono illo qui super eius fundo
consistit: non in aqua, sed uitro: non perfectas ima-
gines, sed quasi partem solum superiorem: non ma-
gnas effigies, sed non minores minimi digiti ungue:
non descendentes è superiore parte, sed ex imo quasi
coni uacuo ascendentes. Videre se referebāt puellæ,
puerq; ille de quo iam antea dictū est, qui & fratrem
tunc in Hispanijs degentem conspiciere se asserebat,
puellæ alios sibi cognatos: mira res, seu fabula. Cum
ab initio filium magæ cernerent (is erat puer & mo-
nachus)

nachus) illiusq; aspectu delectarentur, rogabant eam ut dimitteret: negauit se facturā, quod interim ipsius filius torqueretur. Referebat aliquando Iosephus Niger, harū rerū maximè peritus, dæmonē pueris se sub forma Christi ostendisse, petijssēq; ut adoraretur: quod cum polliceretur se facturū ea conditione, si dæmon eius cogitationes aperiret: inde iratus euauit. Spectabant præterea in phialæ collo quid rubens, quod quasi in extrema erat aquæ superficie (nā phialæ aqua tantū ad collū usq; aut paulo altius consurgebat) hoc saga angelū cū nauicula textoria in manu, esse dicebat: puellæ illius faciē in uacuo se uidere aiebant, tanquā pueruli: puer, solū brachiū cum nauicula. Hic, ut referebant, perpetuò circūfertur ac uidetur: nam reliquæ imagines statim abeūt: unde anus illa imperare uidebatur, ut pueris ludimagistri, uiaq; imaginem statim post aliam euocare. Cumq; ipsa alijs commonstraret, sciscitatus sum, quo modo ipsa quæ iam filios quinque pepererat, spectaret quæ ego non uiderem? se facturam respondit ut conspicerem: uerū opus esse festo D. Ioannis Baptistæ, aut Natalis Domini, ait. Iam in foribus erat id festum, accedo media nocte, docet arcana: ea erant sex uerba, quæ multiplici sensu explicari poterant, sed (meo iudicio) in Christi contemptum potius maximū, quā gloriam: uelut, Iesus transit, significare potest quod moriatur, quod transeat per uiam, & quod finem habeat: qui sensus uidetur uerior esse, cum subiiciat, Ego sum. de-

sum. deinde, Angele sancte, & reliqua. Deprehendi
meras esse fabulas, nec quicquā illam scire præter nu-
gas. Cum enim bullas in aquæ margine excitasset ne-
scio qua arte: ut margaritæ mihi uiderentur, uolebat.
Forſitan constanti illa ſua intrepidaq; opinione pue-
rulos alioqui faciles, in ſuam trahit ſententiam: atque
ita ſe uidere fatentur, quæ minimè uident. Etenim
puellas, de quibus dixi, tandem eò adegì, ut nihil ſe
uidiſſe faterentur: cum multæ, ne uideantur corru-
ptæ, ſe uidere ſimulent. Huc uſque Cardani.

¶ Vt in hoc actû blasphemus nominis Dei & ſa-
crarum literarû abusus euidentius innotescat, exem-
pla prodendi furis uel ſagæ, ex ſacrifici libro clàm à
me ſubtracta annectam. Accede fluentem aquam,
inde collectos tot numero lapillos, quot ſunt de qui-
bus furtum commiſſum ſuſpicaris, domum confer, &
igneſcant: hinc ſub limine ſepeliàtur per quod ingre-
di conſueuerūt homines, & triduū relinquantur, po-
ſtea ante ſolis ortū eximantur: deinde ſcutella cū aqua
imponatur circulo, tanſuerſa obliquaq; mixtim cruce
inſignito, cui inſcriptum eſt, Chriſtus uincit, Chri-
ſtus regnat, Chriſtus imperat. Scutella adhæc cruce
ſignata, & formula coniurationis per Chriſti paſſio-
nem, mortē & reſurrectionē adhibita (quā propter
impiè curiosos celo) in aqua ſinguli lapilli in cuiuſq;
ſuſpecti nomine conijciantur: & ubi ad rei lapillum
fuerit uentū, tum calculus tanquam ignitū ferrū, ſer-
uorem concitat. Vt inſontem grauet, fraudetq; eiuf-

*Vt fur depre-
hendatur.*

356 De præstigijs dæmonum

modi fingere ebullitionem, diabolo non est difficile.

*Quomodo fur
si oculus ex-
cutitur.*

Ex oculo excusso sic fur cognoscetur. primum leguntur septem Psalmi cum Letania: deinde formidabilis subsequitur oratio ad Deum patrem & Christum, item exorcismus in furem. hinc in medio ad oculi similitudinem, uestigio figuræ circularis nominibus barbaris notatæ, figitur clauus æneus, incutiturq; malleo cypressino, & dicitur: Iustus es Domine, & iusta iudicia tua. Tum fur ex clamore prodetur.

Psalm. 118.

*Impius mo-
dus ledendi
furis, sage &
inimici.*

Si furem, sagam, inimicum secus ledere uoles, & malum tolli: ante solis exortum die sabbathi, auellane ramum unius anni abscondes, sic dicens: Ego te ramum huius æstatis refeco, in illius nomine, quem cedere aut mutilare institui. Inde in mensa sternatur tegumentum, additis his uerbis: & in nomine Patris & Filij & Spiritus sancti & ter hæc & sequentia recitetur, & incute, droch, myrroch esanaroth & betu & baroch aff & maroth. postea dic: Sancta trinitas puni hunc qui id mali designarit, atq; hoc aufer per magnam iusticiam tuam, & eson elion & emaris ales ege: in tegumentum incute.

¶ Porro, quod nam sacrilegiū grauius existima-ueris, quàm omni propriæ salutis memoria pertinaciter excussa, tam sceleratè uenerabili Dei nomine abuti, & sacrosancto eius uerbo uim inferre, & rapere intorquereq; ad dæmonij præstigias in Dei contumeliam tegendas, quod ex arcano Patris æterni sinu humani generis amore uictus Dei filius CHRISTVS

IESVS

IESVS depröpsit, promulgauitq; miserorū et per-
ditorū hominū causa, ut hi cū essent lapsi primorum *Verbi Dei ge-*
parentum à Deo separati, omniq; gratia excidissent, *niniuo usus.*
ex hoc se in gratiam repositos discerent, haberentq;
certa & expressa diuinæ erga se uoluntatis testimo-
nia, quibus se in ueris animorum consternationibus,
& ancipitibus distractorum sensuum fluctibus erige-
rent & erudirent? ut prolixius docet Pencerus in
suo de Diuinationibus commentario.

De genuino sacræ Scripturæ usu sic Timotheo
scribit Paulus: Omnis Scriptura diuinitus inspirata, *2. Timoth. 3.*
est utilis ad doctrinam, ad redargutionem, ad cor-
rectionem, ad institutionem, quæ est in iusticia, ut
integer sit Dei homo, ad omne opus bonum appa-
ratus. Item Romanis: Euangelium est potentia Dei, *Rom. 1.*
ad salutem omni credenti. Ad hos usus, nimirum ad
renouandam hominum corruptam naturā, traditum
est Dei uerbū. Hæc præstat fide apprehensum in cor-
dibus credentium, cooperante Spiritu sancto, qui per
uerbum efficax est: non, ut mentitur diabolus, a scele-
ratis & impijs ipsius ministris prolatum, alias exe-
rit uires, quam quò destinatum ab initio fuit. Cumq;
pronunciet Dei lex, Non assumes nomē Domini Dei *Deuter. 5.*
tui in uanum: non enim infontem habebit Deus eum,
qui assumpserit nomen Domini Dei sui in uanum:
certissimum est, & irrefragabiliter uerum, eos om-
nes qui eiusmodi incātationum Scripturæ sanctæ fu-
co uelatarum, ritibus & modis utuntur, atrocissimas

358 De præstigijs dæmonum

manere poenas. Quare si quis affectus sub horum uerborū pallio, uel uerè uel fascino uideatur cōsequi, dæmonis esse opus ne dubites. Nihil aut accedit aut de-
cedit uirtuti uerborū, ab impijs his hominibus pronun-
ciatorum. Confirmat hæc Augustinus, dicens: Verum est, fratres charissimi, quia permittit hoc Deus diabolo, ad probandum Christianū, ut cum interdum per illa sacrilegia, aliqua remedia, in illa infirmitate percipere, et aliquid uerum potuerint agnoscere, facilius diabolo credant. Sed qui totā religionem Christianam desiderat custodire, oportet ut hæc omnia tota animi uirtute contemnat. Memorandum fallacis curationis maleficij dæmoniaci, cum certa benedictionis formula exemplum, ob historie continuatum tenorem, superiori libro conscriptum inuenies. Cui obiter adiiciatur alter modus superstitione priorem uincens, atq; ex sacrifici libro exscriptus, ut hinc de reliquis eiusmodi sanationibus præiudicium concipiatur. Accipe tres olei uiolacei mensuras: et consistens contra solem, ante eius ortum, exprime nomen hominis lesi, et matris eius, et angelos glorie qui stant in gradu sexto, septē diebus ter in die. Septimo autem collocetur ille nudus sub sole, et oleo uniuersa inungatur caro: hinc corā sole suffumigetur myrrha, olibano, et præcipuis aromatibus: deinde istos honoris angelos inscribe in argēti lamina, quæ cū aromatu incēso suffita, in collo suspēdetur. Vicesima die mensis hoc fiet cū successu ut maleficio affectus curetur.

Huc per-

Sermon. 241.
de Tēpore.

Sacrilegus
curationis
maleficij mo-
dus.

Huc pertinent superstitionum & uerborum ignorantum, quibus utrum bene aut malè preccris ignoras, monstra: haud dubiè à malis inuenta, & pro libidine excogitata hominibus, quæ cum Dei contumelia in sacrosanctæ nostræ medicinæ conspurcationem calūniamq; furtim irrepserunt. cuiusmodi hi usurpantur rhythmici contra epilepsiam:

Curationes
superstitiosæ
& impia.

~~Caspar fert myrrham, thur Melchior, Balthasar~~
aurum:—

Hæc tria qui secum portabit nomina regum,

Soluitur à morbo Christi pietate caduco. Ita antiquitas credebatur uerba cum sua radice tutum, uino aspersum, folioq; inuolutum, & in cinere calefactum, strumisq; impositum, eas abigere, si hoc fecisset uirgo ieiuna ieiuno, & manu supina tangens dixisset: Negat Apollo pestem posse crescere, quam nuda uirgo restinguat. Atque ter hinc despuendum putabat. Narrat Beniuenius, quòd ariolus duobus digitis uulnerei militis superpositis, & carminibus nescio quibus insusurratis, telum in dextram pectoris partem immissum, ossiq; sinistræ scapulæ infixum, redire exosse iusserit. unde (scribit) etsi absque ægroti noxa, non tamen sine utriusq; animæ dispendio miles curatus est. Facile fuit demoni, ad magi murmur colludenti, telum extrahere, ut magis alios suis fraudulētis perniciosissq; actionibus sibi deuinciret. Adhæc, ut sanguinis fluxus inhibeatur, in usu est: In nomine Patris & Filij & Spiritus sancti, Chūrat cara sarite cōfirma

De abditis
morb. cau-
sis ca. 26.

360 De præstigijs dæmonum

consana imaholite. Hic meritò dixerim: Quæ com-
 2. Corinth. 6. munio luci cum tenebris, aut quæ concordia Christo
 cum Belial? Addam, quòd carmine apud Homerum,
 sauciato Vlyssi sistere sanguinem potuit Autolyçi fi-
 Plin. lib. 38. lius. Sic Theophrasto ischiadicos sanat carmen, Ca-
 62. 2. toni luxata membra. Si duo maleficio læsi, mutuò se
 grauitèr prosequantur odio, in pane missali hæc in-
 scribuntur uerba, Abrac amon filò; & offeratur utriq;
 edendus panis, hinc perpetuus utriusq; subsequetur
 amor. Contra canis rabidi morsum, pani inscribitur:
 Irioni khiriori essera khuder fere. inde uoratur. Nò
 infimæ sortis nobile cognoui, simili curationis ratio-
 ne celebrè, qui pomi particule inscribit, hæc pax max
 Deus adimax: atq; edendâ illam uenenato à cane rabi-
 do porrigit. A' singulis autem medium stuferum Bra-
 banticum postulare eum audio. qua pecunia conge-
 sta sacellum prope arcem suam extruxit, missis ali-
 quot ea impietatis mercede redēptis cohonestatum,
 uti fertur. Vt uerò huic mysterio ponderis aliquid ac-
 cederet, ad maximum natu ex sobole uelut iure hære-
 ditario propagari eam curationis efficaciam, nec ad
 alios posse deriuari, temerè credulis persuadetur.
 Similibus diabolicarum uocum portentis contra den-
 tium dolorem utuntur, Galbes galbat galdes galdat.
 Ridiculum quoque hoc scriptum appenditur, Stri-
 giles falcesq; dentatæ, dentium dolorem persanate,
 Quidam ad febrē omnis generis intermittentem, uir-
 gas duas parallelas uerborum ui medijs partibus com-
 mittit,

mittit, ipsoq; contactu uincit crucis effigie, quā collo subnectit: sic quidē multos leuat, sed qui ferē grauius recidant. Contra febres thoraci lignū rotundum applicāt Turcæ, deinde illud alio simili ligno percutiūt, nescio quid submurmurantes. In collo schedulā cōtra easdē suspendebāt quidā superstitiosi monachi, iubentes singulis accessionibus quasdā effundere preces, et post tertiā accessionē bene sperare. Quis nō animaduertit fucū? In primis plurimū ualeat cōfidentia, nec in principio cōsiliū quæritur: deinde in acutis, iam morbo adulto, uix fieri potest quā post tot paroxysmos mutetur morbus. Si Dei aut demonis uirtute ob scriptū euenit sanitas, cur nō euestigiō ea sequitur? Exaratas has uoces, Gibel got gabet, rostro pulli imponunt: inde stylo præacuto huic caput rectā in medio pertundunt: pullus que exilit ac uiuit, maximē in æstate. Ea autē delitescit causa, quōd pulli caput cerebrumq; osse utrinq; diuiditur, inter quod in medio distinctū stylus quā facile potest, penetrat: nec quicquam, illæso cerebro, uitæ decedit. Verbis porrō eam inesse uim existimat uulgus, earū rerū imperitū. Atqui ab illis si uirtus ea promanat, cur transfixo hædi siue hominis aut canis capite nō idē contingit? His adde illud Constātini, in pisciū captura: Iao Sabaoth. Iure itaq; optimo Galenus, quanquā ethnicus, Chariachirum & Bamachiū derisit: ipsisq; Dioscoridem prætulit, quinon imprecationibus & uerbis superstitiosis, uelut illi, tradidit medicinam.

Lib. 6. simpl.

Rusē de ijs
cōtra Alchin
dū disputat
Io. Franc. Pi
cus lib. 7. ca.
6. de p̄not.
superstitiosa
aduersus ma
giam.

Illud porrò omnē superat stulticiā, quòd quasdam
uoces cū imaginibus quibusdā cœli conuenire pleriq;
autument, & uerba quæpiā cum solennitate prolata
mutare sensus hominū & brutorū: hinc in speculo cō
secrato uideri imagines, hinc moueri feminas in amo
rem, hinc mutari elemēta, terrā uariē affici, ignem ab
ustione cessare, morbos curari. O' deliriū incōparabi
le. Quenā uis hæc quæso, unde deriuata, ubi recepta?
Si etenim pendet ab harmonia cœlesti tota uerborum
uirtus, ut Alchindus cōtendit: cur nō ipsa per sese ope
rari id potest, cū sit causa superior? Dicet fortasse, cœ
lum media et proxima causa, hoc est uerbis agere. At
hoc doceat, in sonō ne aut in uoce, an in uerbis exte
rioribus operādi uis recipiatur. prior enim natura so
nus quā uox, & uox quā uerba: hæc enim ex illa,
illa uerò ex alio conficiuntur, quū uerba uocē & so
num includāt, & in definitione uocis contineatur so
nus. Sine uoce sonus esse potest, quia natura prior: pa
ri ratione sine uerbis uox. sine uoce autē & sono uer
ba nō sunt. Si igitur uis in sono recipitur, et qua sonus
mouet elemēta, omni sono etiā inanima torū corporū
poterit ea uirtus cōmunicari: quare nec uoce, nec uer
bis opus erit. Si autē in uoce, cū ea plerisq; etiā animā
tibus præterquam homini cōpetat, idipsum poterit
brutis etiā fieri. Si uerò in humanis uerbis tantū reci
pi dixeris, rogo unde recipiatur uis, in primā uē sylla
ba, aut medijs, aut ultima? Si in syllaba, iā non in uer
bis: ea uerò mox perit. eadē in alijs erit ratio. Qua
re colligitur,

re colligitur, nullo modo uerbis inesse hanc posse uirtu-
tem cœlitus operantē. Hic ligaturæ magicæ & pe-
riapta tū alia, tū ex sacris maximè literis furtim tra-
cta, suū habent locū, quibus cōtra demonū studia, in-
cantationes & maleficia homines quoq; demētantur.
quemadmodū quum primū Euangelij Ioannis caput
minutissimis literis in schedula pingitur, & hæc Mis-
se recitatione cōsecrata collo alligatur, mirū contra
incantamēta & diaboli machinationes creditur esse
amuletum. At si ea alicuius habebitur efficaciz, præ-
rogatiuam certè singulārē aduersus satanæ molimi-
na obtinebunt illi, qui sacram Scripturā ex professo
in manibus uel manicis continuò circūferunt. Sed ea
nisi animis sit irradicata nostris, ubi uelut à fomite ui-
tali in actū excitetur, mortua permanet litera, etiā si
millies suspendatur, alligetur, portetur, affricetur,
obmurmuretur, edatur, bibatur, inscribatur, sigillis
aut annulis imprimatur. Confirmat hæc Chrysosto-
mus: Quidam, inquiens, sacerdotes aliquā Euangelij
partem scriptam circa collū portant. Sed dic sacerdos
inspiciēs, nōne quotidie Euāgelium in Ecclesia legitur
& auditur ab omnibus? cui ergo in auribus posita
Euangelia nihil prosunt, quomodo possunt circa col-
lu suspēsa seruare? Deinde, ubi est uirtus Euāgelij? in
figuris literarū, an in intellectu sensuū? Si in figuris,
bene circa collū suspendis: si in intellectu, ergo melius
in corde posita prosunt, quā circa collum suspen-
sa. Hac ratione docet Athanasius quoque, demones
plurimum

Ligaturæ
& periapto-
rum uanitas.

Verbum Dei
non mortua
est litera, sed
spiritus & ui-
ta. Ioan. 6.

Homil. 43. in
cap. Matt. 23.

In lib. de Vae-
rijs quæ

364 De præstigijs dæmonum

plurimum formidare uerba Psalmi 68, si quis ea attentè ex animo oret: Exurgat Deus, & dissipentur inimici eius, & fugiant à facie eius qui odiunt eum. Sicut propellitur fumus, tu propelles eos: & sicut liquescit cera à facie ignis, sic pereant impij à facie Dei, & reliqua.

Characterũ,
effigierũ, annu-
lorum &
sigillorum
uigæ.

Minus insuper momenti habebunt manu effecti characteres, effigies, annuli uel sigilla, hac illaue figura delineata, sculptaue, uel imaginibus ad certos cœli positus hoc momento, et illo loco insignita. Atq; ut nulla astrorum uis in ea quæ manibus conficiuntur opera imprimatur: ita etiã si infinitè diuinis notis, nominibus aut Scripturæ sanctæ uerbis ornentur, substantijs nihil ex figuris quibuscunq; ueræ uirtutis uel accedit uel decedit: quibus singulis mirandas peculiareq; uires certarũ actionũ effectrices ab initio Deus indidit. Nec enim iam noua ibi instituitur qualitatum mixtura, non materiæ ex prima ordinatione, conuenienti qualitatum temperamento indutæ noua & essentialis forma infunditur: sed corpori antea conformato sua materia & forma, quibus existit, conseruantur, suaq; adornato temperie, arte duntaxat noua affingitur species: ad quam nihil sidera, nihil eo tempore existentes in aere qualitates conferunt. Imò, ut semel dicam quod res est, uniuersam hanc commenticiarum specierum congeriem, uanam esse & inefficacem, non pudet liberè profiteri: etiamsi hic mihi offundent, Thebit philosophum, & magiæ antistitem, annu-

tem, annulos conficiendi modum docentem, quibus
animum exhilarari, hostes, cacodæmones & morbos
arceri (cuiusmodi annulorum commenta Eudemum
philosophum quoque fabricatum esse tradunt) mi-
raculâq; edimentiuntur. Obijcient & Albertum sui
semper similem, & horum annulorum sigillorumq;
à ueritate sæpenumero diuaricantem fabrum. acce-
det quoq; Marsilius Ficinus, doctissimus alioqui phi-
losophus, & plerique alij. Nec Gygis Lydorum
regis annulus menti excidat: ut magica annulorum
cathena ornatiùs prodeat Lania, Menippi Lycij
sponsa: cuius digito, ne comitali morbo correpta
cadat, à philosopho redarguta, annulus applicetur
argenteus, hoc modo intus notatus: + habi + haber
hebr +. atq; hinc breuiola, quæ uocant, contra fe-
bres à quodam nebulone quæstore ficta, offerantur:

Ananiasapta ferit, mortem quæ ledere quærit,

Est mala mors capta, dum dicitur ananiasapta.

Ananiasapta Dei, miserere mei. Per nuptialem
uero annulum sponsus mingat, ut ab impotentia ue-
neris & fascino soluatur, autore Nicolao et Guiliel-
mo Varignana medicis, & Petro Argelate chirurgo:
si amorem quis dissolui uelit, in amantis calceo ster-
cus amatae collocetur, odorque perceptus amorem
infringet.

Thesaurū porro sic inquirunt hi magi. Virga auel-
lanæ tribus signata crucibus, coniuratur non modò
superstitiose, sed & impiè ac blasphemè. addūtur cha-
racteres

Plato li. 2.

de Rep.

Lib 2. Mine-

ral. Tract. 3.

ca. 1 & 3.

Marsiliū Fi-
cinū hoc no-
mine notat

Io. Fr. Picus.

lib. 7. cap. 6.

Philostr. li. 3.

366 De præstigijs dæmonum

raçteres cum barbaris nominibus, & in fodiendo lægütur Psalmi, De profundis, missæ, Misereatur nos, Requie, Pater noster, Ave Maria, & Ne nos inducas in tentationē, sed libera nos à malo, Amen. A' porta inferi, Credo uidere, &c. Expectate dominū, Requie æternam, cum oratione certa. Et si fodiendi tempus neglexeris, à diabolo tollitur thesaurus.

Vt claustra aperiantur, in particula cereæ baptismo designatæ flores uolubilis imprimuntur, liganturq; in anteriore indusij parte: ac ubi refecare uoles, ter inflabis, dicesq; hæc uerba: Arato hoc partito hoc maratarik in tuo nomine aperio hoc claustrum, quodd infringere cogor, quemadmodum inferna confringis, in nomine Patris & Filij & Spiritus sancti, Amen.

Pro defensione, figura cum creta in terra notatur, & miræ affinguntur nugæ, recitanturque Psalmi, & Orationes, necnon Missæ actum cohonestant, & in arbore clauus figitur ferreus.

Vt mille hominibus uel equis cinctus quis appareat, unius anni ramus saliceus unico infictus abscissus usurpatur cū exorcismo, barbarorū nominū recitatione, & characteribus absurdis. Damnum alicui inferre se credunt, si imaginem conficiant in eius nomine quæ læsuin cupiunt, ex cera uirginea noua, sub cuius ax illa dextra hirundinis cor locetur, & hepar sub sinistra. Item, collo appenditur filo nouo effigies, quæ acu noua in membro lædēdo figitur, recitatione
uerborum,

uerborū, quæ ob curiosos studiò prætermittenda cē-
sui. Ea ex ære quandoq; apparatur, cuius membra ad
diriores deformationē inuertuntur, ut pes manus lo-
co formetur, & pedis uicissim locum subeat manus,
faciesq; inuertatur. Ad atrocius malum similis imago
adornatur in hominis forma, in cuius capite nomen
certum scribitur, & in costis ea nomina, Alif caseil
zazabit mel meltat leuiatan leutatace: ea in sepul-
chro defoditur. In eundem usum, ut ipsi uocant, in
Martis dominio, parantur duæ imagines, una cerea,
altera ex hominis mortui terra, & ferrum quo homo
necatus traditur alteri imagini, ut alterius necandi
simulachri caput transfigat. In utraque duo inscri-
buntur nomina, & characteres seorsum peculiare:
& certo altera reconditur loco. In mulieris a-
more conciliando, conficitur in hora Veneris ima-
go, ex cera uirginea in amata nomine: cui chara-
cter imprimitur, & circa ignem calefit, & inter
agendum, cuiusdam angeli memoria in mentem re-
pat. Non absimile monstrum fingitur, ut quis
tibi in omnibus obsequatur.

Vt tandem capillitio suspendatur nostra hæc ma-
lefica, & huius nugatorij actus scena tragicum for-
tiatur exitium, apparatur effigies ex terra capitis
mortui hominis, in alterius nomine baptisanda, cui
nomen cum caractere inscribitur: hinc osse putido
suffitur, & inuerso ordine leguntur Psalmi, Domine
dominus noster, Dominus illuminatio mea, Do-
mine exau-

mine exaudi orationem meam, Deus laudem meam
ne tacueris, &c. Deinde duobus diuersè locis ea se-
pelitur. Vt periaptorum, characterum, figurarum,
annulorum, imaginum, reliquorumq; id genus pro-
digiorum uanitas ubique explodenda, omnium obtu-
tui lucidissime pateat, formulas has sacrifico surre-
ptas suppressere nolui, quo de cæteris eiusmodi homi-
num ludibrijs facilius pronuncietur sententia: quibus
si uel ueritatis momentum inesse leui saltem cogitatu
suspicatus fuisssem, eas haud dubiè euestigiò, cui deben-
tur, consecratas excepisset Vulcanus.

Hinc liquet, quantum fidei sit adhibendum furo-
demoniaco, ab Hieronymo in uita Hilarionis eremi-
te descripto: Eiusdem, inquit ille, Gazensis emporij
oppido, uirginem Dei uicinus iuuenis deperibat: qui
cum frequenter tactu, iocis, nutibus, sibilis, & cæte-
ris huiusmodi, quæ solent morituræ uirginitatis esse
principia, nihil profecisset, perrexit Memphim, ut
confesso uulnere suo, magicis artibus rediret arma-
tus ad uirginem. Igitur post annum doctus ab Aescu-
lapij uatibus, non remediatis animas, sed perditis,
uenit præsumptum animo stuprum gestiens: & sub-
ter limen domus puellæ tormenta quædam uerbo-
rum, & portentosas figuras sculptas in æris Cyprij
lamina defodit. Ilicò insanire uirgo, & amictu capi-
tis abiecto, rotare crinem, stridere dentibus, inclama-
re nomen adolescentis. magnitudo quippe amoris
eam in furorem uerterat. Perducta ergo à parenti-
bus ad

bus ad monasterium, seni traditur, ululante statim & confitente demone: Vim sustinui, inuitus sum abductus: quàm bene Memphis somnijs homines deludebam? O' cruces, o' tormenta quæ patior. Exire me cogis, & ligatus subter limen teneor. Non exeo, nisi me adolescens qui tenet, dimiserit. Tunc senex: Grandis, ait, fortitudo tua, qui licio & lamina strictus teneris. Dic, quare ausus es ingredi puellam Dei? Vt seruarem, inquit, eam uirginem. Tu seruares, proditor castitatis? Cur non potius in eum qui te mittebat, es ingressus? Vt quid, respondit, intrarem in eum, qui habebat collegam meum, amoris demonem? Noluit autem sanctus, antequam purgaret uirginem uel adolescentem, signa iubere perquiri, ne aut solitis incantationibus recessisse demon uideretur, aut ipse sermone eius accommodasse fidem: asserens fallaces esse demones, et ad simulandum esse callidos. & magis redita sanitate increpuit uirginem: Cur fecisset talia, per quæ demon intrare potuisset? Puellam magis obsederat amorem mentiens demonium, quàm amor. nec uerborum aut figurarum in lamina incisarum potentia id contigit: sed quòd diabolo occasionem subministrasset, quemadmodum exprobrat Hilario, eam exertendi facta illi fuit potestas.

D. Thomas credit, annulos, uel quicquid est figuratum ex arte, nihil operari ratione illius figuræ: neq; ex illa figura maiorem uim recipere à corporibus cœlestibus, quàm non sic figuratum: quoniã quæ

A

ex arte

Demonis mendacium, ut illis quisquilijs ipsum detineri persuaaderetur alijs.

In libel. de occultis naturæ, operibus.

Figurato nulla inest uis rationis figuræ.

370 De præstigijs dæmonum

Lib. de su-
perstit.

Thomas Aq.
in lib. contra
gentes, de fa-
to, de operi-
bus naturæ
occultis, &
præcipue in
ij. parte sum-
mæ theologi-
cæ.

ex arte fiunt, non sequuntur materiã, neq; formam. Identidem & de uerbis prolatis sentit: quoniam uerba nihil immutant, nisi auditum. Verissimè ergo, imagines ex ære, plumbo, auro, cera alba, rubra, uel alia materia baptisatas uel adiuratas, consecratas, imò potius execratas, per magorum artes & sub certis diebus, uirtutes obtinere mirabiles, in eiusmodi artium libris recitatas, errorem esse scribit Martinus de Arles theologus. Et Porphyrij opinionem de talibus construendis imaginibus, fuisse falsam, comprobat D. Thomas Augustini testimonio, lib. 10. de Ciuitate Dei. Verum quidem est, res naturales, formas suas & uirtutes consequi ex corporibus cœlestibus: sed imagines artificiales nullam ab arte uirtutem imbibere, aut aliã assequi uim queunt, nisi quam ratione materiæ obtinent. Figura autem non est alterandi principium. ideo nec alijs uirtutis causam habet aurum eius imaginis, quàm aliud alterius figuræ aurum. Atqui si alium consequi effectum appareat, fit is dæmonum operatione homines ludificantium, secundum Augustinum. Tales itaq; imagines astronomicæ uim adipiscuntur per dæmonem: cuius signum est, quòd illis imaginibus quosdam imprimi characteres oportet, quum naturali uirtute eæ operentur nihil. In hoc tamen à magicis simulachris discrepant astrologica, quòd in magicorum compositione sunt expressæ quædam dæmonum inuocationes, unde eiusmodi effigies ad expressa pertinent pacta cum dæmonibus

monibus inita. At in astronomicarum factura, tacitum existit cum demonibus foedus per quosdam characteres & figuras ab ipsis demonibus inuentas, ad quorum characterum impressionem, facientibus suffragantur demones. Haecenus ille. Scitè igitur à Cardano, philosopho & medico, dicitur: Licet sigillis uim non leuem tribuant, ut Solis ad magistratus honores & gratiam cum principibus, Iouis ad diuitias & amicos, Veneris ad uoluptates, Martis ad audaciam, Mercurij ad solertiam, Saturni ad laborum patientiam, Lunæ ad populi fauorem: non ignoro lapides prodesse, figuram autem nihil. Idem, ubi magice stultitiæ maximi in ea arte Artephij placita enarrauit, ut non solum dolosos, sed etiam mente captos fuisse magos dijudicetur, prodigiosos quoque planetarum characteres, item annulos terrificis planetarum notis insignitos, & sigilla monstrosos eorum formis munita delineat. at mox subiungit: Hi sunt characteres dolosa mente excogitati, quorum uirtutem nullam esse certum est. Nam quid his characteribus cum planetis ipsis rotundis commune est? At ne nomina putes aut Arabica aut Chaldaea aut Hebræa aut Græca: quòd si etiam essent, quid plus eis inesset uirtutis quàm latinis? Igitur signum mera esse oportet, nulliusque uirtutis: quam si contendas obtinere, non nisi demonum pacto fieri potest. Quis etenim talia inuenire ualuit, nisi demonum persuasionibus? At iam demones nihil docere constat.

Lib. 18. de subtili.

Lib. 16. cap. 90. de uarietate.

Similia apud Agrippam de ocul. philosoph. lib.

372 De præstigijs dæmonum

Dicent autē, formas esse in Nona sphaera, quæ in India uidentur. Ita siquidem malus ille Aponensis finxit. Sed cōcedatur: quis uerò postmodū docuit, hunc characterem Solis esse, illum Saturni? Hinc clarè liquet, deridentium hominum hæc pura fuisse commenta. Plura inde magorum deliramenta ordine ex Artesio ibidem recitantur.

Si contendant magi, se rebus naturalibus uti, characteribus, figuris, herbis & uerbis, publica alioqui dæmonum commercia abominati: hinc refellentur, cum sit apud Aristotelem & omnes naturales philosophos compertissimū, actiuas uirtutes non posse figuris inesse, et literis, uel quibuscunq; characteribus, cum nihil aliud sint quàm compositio & ordo exco- gitatus ab artifice seu pingente seu fingēte: præterea & materiales imagines ultra suā speciem & formam operari non posse, testatissimum est, multo minus admirabiles supra naturæ legem producere effectus. Signa uerò si dicantur, ea quum diuinitus instituta non sint, quin potius reiecta, & à natura abhorrentia: restat ut plus quàm superstitiosa sint, & à dæmone inuēta, uel palàm fabricāte, uel clām in malè credulorum phantasiā suggerēte. Somnia item sunt, quòd figuras & characteres in elementalī materia impressos pārerē radios fingat Alchindus Arabs, quibus motiones in rebus alijs excitentur, quum illi quatenus ex arte fiunt, nullo modo causarū superiorum influxus commoueant. His adde Porphyrij deliramēta, quibus
figuras

figuras à dijs maximopere amari, eosq; in sacrata imagine contineri imaginatur: contra Aristotelem, atq; etiam Theologos, qui characterum, herbarum, aut etiam uerborum ui, separatas mentes supra hominem in aliqua materia coerceri posse negabunt.

Quapropter ociosa, patrocinate ueritate, prodigiosum huiusmodi figmentorū permanebit fabrica: impiumq; est comminisci, sacra uerba ea pollere uirtute, si denuò eò confugiatur, ut notatis solis literarū figuris tam mirabiles progignantur effectus. Euangelij efficacia, non in exaratis characteribus, huic figuræ uel illi annulo, sigillo aut imagini applicatis: uerum in uirtute mystica, ad salutem credenti, consistit. Verbum Euangelij in corde iuxta uiam satum, auditum & non intellectum, rapit malus ille: auditum autem, protinusq; cum gaudio exceptum, radicem, ut in petra satū, non habens, continuo euanescit: auditum item, & cura huius seculi suffocatum, ut semen inter spinas iniectum, infœcundum manet, inefficaxq;: sed auditum & intellectum, firmaq; fide apprehensum, efficax est, hominemq; in nouam commutat creaturam, & mentes consolatur afflictas, aduersus demonis insultus communiens, ardentiq; inuocatione in Christi nomine inflammans, exorante quæcunq; petuntur: non autē hoc præstat chartis illitum uerbum, uel collo alligatū, siue superliminari impositum, aut sub limen in terra sepultum. Tantum enim abest ut intuitu pictarum aut incisarum insculptarum uel Scri

Roman. 1.
1. Corint. 4.
Matt. 13.
Marc. 4.
Luc. 8. 4

374 De præstigijs dæmonum

pturæ sacræ uocum aut sententiarum, quacumq; sint expressæ forma, terreatur, fugetur aut uinciatur diabolus, ut etiam ipse eandem probè calleat, nec allegare erubescat, quò fallat cautius: quæadmodum quum Christum tentatione impeteret, fecisse legitur. sed bona conscientia, uiua fide, ex uera Dei agnitione & spiritu sancti inspiratione prognata, atq; uerbi Dei potentia prosternitur ille, profligaturq;. Hinc ligaturas omnes & remedia, quæ medicorum condennat schola, iure quoque Augustinus reijcit.

Matth. 4.

Marc. 1.

Luc. 4.

Psalm. 90.

Li. 2. de doct.

Christ.

Ioã. Echtius
medicus.

Superstitiosa
dæmoniace
uirginis cu-
ratio.

¶ Non inconuenientem curandi maleficij modum merè superstitiosum, quanquam mysterij loco habitum, hic asscribam, ut euidentius quorundam hominum eluceat impia credulitas. Hunc insignis doctrinæ, integritatis atque usus uir D. Ioannes Echtius, ιατρὸς ποικίλων αὐτὰρ ἁγίος ἄλλωρ, pro suo candore, ut & multa huius argumenti alia, conatus meos iuuare cupiens, communicauit: non quòd eum approbaret, sed risui una mecum exponendum arbitraretur: à matre autem ægrotae nactus erat, quæ studiose religioseq; omnia præscripta se obseruasse affirmabat, filiãque inde curatam, si dijs placet. Historia, cui annectitur curatio, sic habet. Clarissimi iuriconsulti N. filia, annos nata circiter tredecim, monialis (quam uocant) monasterij non procul à Susato siti, maleficio laborare credebatur. nã uenter tumidior erat, ut hydropicam quis iudicasset: & cum lotio calculos excernere uidebatur, qui uera erant

erant fragmenta latericia inæqualia, magnitudinis auellane nucis, & minora, precedente summo dolore: ad hæc, alterum crushabebat luxatum. quocirca quum extrema metuerent moniales, & puellæ parentes: ea Coloniam deferbatur, accerseranturq; duo celeberrimi eius urbis medici, D. Ioannes Echtius & Hubertus Faber. qui re ad exactam artis trutinam uocata, pensiculatâque, demonis opus foueri iudicarunt. Ad puellæ itaque curationem adhibebatur quidam ariolus uetulus, nomine Abrahamus, qui hanc sanandi formulam parentibus præscripsit. Omnium primò sacra administretur synaxis. Deinde potionis sequentis cyathus paruus plenus, uel uitreus, matutina hora & uespertina homini maleficio affecto propinabitur. Recip. rhabarbari electi drach. j. radices enulæ, artemisiam rubram uulgo dictam, centaurium minus, mentam aquaticam: hæc simul, præter artemisiam, in olla noua indentur, & in honore sanctorum trium nominum ebullient in uiuo albo: artemisia autem in aquæ pinta, quam hic uocamus, circiter uncias nouem ponderante, decoquetur. Item pauperi alicui homini pio commendabitur recitatio orationis Dominicæ & salutationis Angelicæ quinques separatim repetendæ: primæ, in nomine puellæ maleficio lese, quòd Christus in hortum duceretur: secundæ, quòd Christus aquam & sanguinem sudarit:

§76 De præstigijs dæmonum

tertiæ, quòd Christus Iesus condemnabatur: quartæ, quòd Iesus citra culpam in crucem conijciebatur: quintæ, ob Christi passionem, quòd in cruce exspiraret, ut sagam conuertere, & illatum malum amoliri dignetur Iesus. Præscripto modo hominẽ simplicem in genua prouolutum, attentione summa orare oportet: deinde octo diebus continuis Missam audire egrotum, & consistere ubi recitatur Euangelium: atq; in cibo & potu aquã lustralẽ, salẽq; expiatũ miscere.

Abdias epif.
Bab. lib. 8.
hyst Apost.
Fortal. fidei,
li. 7. de bello
dæmonum.
Curat mor-
bos demon
cessando à le-
sione.
In Apolog.
cap. 22.

Si iam obijciatur fœlix curationum harum magicarum successus: respondeo, in uita sancti Bartholomæi legi, demonem curasse morbos: atq; hoc fecisse non sanando, sed à lesione quam ipse inuexit cessando. Pulchrè id à Tertulliano docetur his uerbis: Habent de incolatu aeris, & de uicinia siderum, & de commercio nubium, cœlestes sapore paraturas, ut & pluuias, quas iam sentiunt, repromittant dæmones: benefici planè & circa curas ualetudinũ. Ledunt enim primò, dehinc remedia præcipiunt ad miraculum noua siue contraria. Postquam desinunt ledere, & curasse creduntur. Testatur & D. Hieronymus, licet uirtute magica possunt aliqua fieri miracula, ut illa quæ pertinent ad curiositatem tantum, & uanitatem (sicut Simon magus fingeat statuas ambulare, loqui, ridere, & similia) ea tamen quæ sunt salubria, ut existunt curatio languidorum, illuminatio cæcorum, & huiusmodi, non posse artibus magicis siue à demonibus effici.

Augustinus

Liber quartus.

377

Augustinus, & legitur 26. q. ultima, admoneant: Admoneant fideles sacerdotes populos suos, ut nouerint, magicas artes incantationesq; quibuslibet infirmitatibus hominum nihil remedij posse conferre, non animalibus languentibus claudicantibus uel etiam moribundis quicquam mederi: sed hæc sunt laqueus & insidiæ antiqui hostis, quibus ille perfidus genus humanum decipere nititur. & si quis hæc exercuerit clericus, degradetur, laicus anathematizetur. Idem ferè in lib. de ciuit. Dei legitur: & 26. q. 2. qui sine: ubi mortem potius esse dicendam eiusmodi curationem, quàm uitam, docetur.

Ad curationū harum demoniacarū cognitionem facit, quod Sabellicus scribit: Talis, inquit, Circensium ludorū fuit pōpa, quos tum instaurari contigit, quod quidam ē plebe homo T. Latinus, siue Tyberius Atinius, ut alij scribunt, à Ioue erat monitus, ut consiliis nunciaret, non placuisse sibi proximorū Circensium præsultorē: instare urbi periculū ingens, nisi darent operam, ut sibi ludi ex integro fierent. Id ille imperiū quū fortē detrectasset, ueritus ne si fidem nō fecisset, pro ludibrio abiret in ora hominum: ita accidit, ut paucis diebus quibus species illa fuerat homini noctu oblata, filium nulla euidentiore morbi causa amiserit. Ac tum iterum simili oraculo interrogatus, an satis magnam haberet spreti numinis mercedem? Ceterum quum rem adhuc in occulto haberet, subita est corporis debilitate afflictus. Tum demum propin-

Ennead. 2.
lib. 9.

A 5 quorum

378 De præstigijs dæmonum

quorum consilio usus, lectica primò in forum ad consules, mox per illos in curiam delatus, ubi quæ per quietem fuerat iussus dicere, ordine exposuit. Miracula accidisse aiunt, ut in pedes erectus, domum incolumis abierit. Sed malorum dæmonum aliquis Atinio in somnis affuit; qui futurum intelligens, ut paucis diebus ille filium amitteret, ipseq; aliquanto breuius graui esset morbo defuncturus, ubi scilicet à se affligi desisset, hanc fallendi ansam nactus, ut Romanū pop. in maiores adhuc tenebras conijceret, ridiculum illud ludorum schema oculis cæcæ multitudinis offudit.

Itaque liquet, fictam saltem simulatamq; curationem quandoque exhibere dæmonem, à cruciamento cuius ipse author extitit desistendo libenter, cuius rei admiratione faciles hominum mentes illaqueet, sibi que infidelitate subiuguet spiritus in diffidentie filijs efficax: hoc unum cum primis annitens, ut hi quos defraudarit, eum diuino cultu & honore dignentur: uel Deum, ob contumacem hominum incredulitatem, plerunque, aliqua permittere credimus, ut uidentes non uideant, & audientes non audiant, nec intelligant. uel, quo modo ex confidentia in medicum, medicamentis plus accrescere interdum uirium, conspiciamus: sic ex fide eiusmodi incantationum uerbis superstitiose adhibita, quanquam ex Scriptura frequenter furto satisq; incōcinnè subtrahitis, aliquid singularis energie accedere, non temerè quis credat. quod nec Galenum latuit, illum plures

curare

Li. Prognost.
cap. 2.

curare affirmantem, in quem plures confidunt. Tantum habet ponderis, intensa sanationis imaginatio.

Quare Pomponatius dicere non ueretur, si essent ossa canis, & tanta & talis de eis haberetur imaginatio, non minus subsequeretur sanitas: imò multa corpora ueneratione dignamur in terris, quorum anime patiuntur in inferno, authore Augustino. Ex maiorum historijs recentiq; patrum nostrorum memoria repetunt pleriq; exempla, asseruntq; non paucos ad sola uota sanctis nescio qua religione facta, aut ex contactu contuitu uel osium (non dicam thecarum) quæ de quorundam cadaueribus collecta ac reseruata ferebantur, recuperasse amissam uirium integritatē, sanitatis restitutione ei doxoraviarū stabiliente, uniuersi cultus impij authore unico diabolo. Imò inde natam peruasisse in animos hominum opinionem, auctamq; ætate & roboratam inueterasse aiunt: ut plus ualere, longeq; ualidius obortas corpori ægritudines euellere atq; extirpare sola uota statuis delata, quàm remedia censeretur. Eam inoleuisse consuetudinē addunt, ut si quid aduersi accideret, nō diuina desiderarentur auxilia, sed in subsidiū illi inuocarentur sancti, quos talibus præsidere ac dominari malis persuasum erat: neglectū ea ratione fuisse Deū, contemptūque & pro nihilo habitam medicorum operam: preces quoque Deo ad cœlestium mandatorum præscriptum deferēdas, directas fuisse ad sanctos, aut ad statuas: uim item medicatricem diuinitus remedijs

in natura

Lib. de incantament.

Imaginatio intensa sanationis efficax.

380 De præstigijs dæmonum

in natura ordinatis inditam, uotis fuisse tributam.

Constātis cre-
dulitatis po-
tentia.

Quantum autem ualeat constans credulitas, apud uulgus propè innotuit. Credulitatem requirit superstitio, quemadmodum fidem uera religio. Tanta siquidem potest obfirmata credulitas, ut etiam miracula operari credatur in opinionibus & actionibus falsis. Quilibet enim in sua religione, etiam falsa, modò firmissimè credat uerā, spiritum suū ea ipsa credulitatis ratione eleuat, donec assimiletur spiritibus illis qui eiusdem religionis duces sunt, & principes: eaq; uideatur operari, quæ natura & ratio non discernunt. Hesitatio uerò & diffidentia, institutum opus non modò in superstitione, sed etiā in uera religione infirmant: & effectum quæsitū, licet multo usu confirmatum, eneruant. Quomodo autem superstitio imitetur

De occult.
phil. lib. i.

genuinā religionē, exempla ostendunt, inquit Agrippa: uidelicet quando excommunicantur uermes & locustæ, ne frugibus noceant: quando baptisantur campanæ & imagines, & eiusmodi plura. Quia uerò prisci illi magi, & qui eius artis authores apud ueteres extiterunt, fuerunt Chaldæi, Aegyptij, Assyrij, Persæ & Arabes, quorū religio omnis peruersa erat, & idolorum cultu inquinata: cauendum nobis summo opere est, ne permittamus illorum errores supra nostræ religionis Christianæ purā ueritatem dominari. Blasphemum enim hoc esset, & βλάσφημα. Ceterum quid temeraria illa ualeat credulitas, exemplis ostendam ridiculis: at prius non illepidum, à uiro

Ecclesiæ

Ecclesiastico, non infimi nominis Theologo accepti. Narrabat is: ad mulierculā quandam oculorum lippitudine aliquandiu laborantem, casu nebulonem diuertisse, qui sanationem oculorum certissimā pollicitus, suspēsa in ipsius collo schedula, tam cauit strictē, ne ea auferretur aut aperiretur aut legeretur, ut nihil hinc prorsus expectandū iuuamenti asseruerit, si aliquo hīc modo delinqueretur. Mulier in multā erecta spem confidens, à lachrymis se quoq; continuit, quibus antea oculorum accrescebat malum: atq; hac ratione paulatim conualuit. Demū ob adeptam sanitatem schedula negligenter habita decedit: eiusq; cui hactenus unicè fidebat, animaduersa dein iactura, redeūt lachrymæ, malumq; recrudescit. Schemulæ interim ab alio inuētæ, reſeratæ et lectæ, inſcripta Germanico idiomate hæc aiebat uerba: Der teuffel kratze dir die augen auß, vnd ſcheiſſe dir in die löcher. Quod si uerbum uerbo reddatur, sonat: Diabolus eruat tibi oculos, ac eorum foramina merda sua repleat. Si horum aliqua fuisset uirtus uerborū, euulsi periſſent oculi, cauitatibus demonis excrementis rursus infartis. Non omnino abſimile ad lippitudinem arcendam, Plinio referente, uidetur, si charta in qua due Græcæ literæ P A inſcriptæ ſint, circumligata lino, ſubnectatur collo. Sic cuidam puellæ terriſtico furore interdū à dæmonio agitatæ, chartulam corio tectam, antea quidam in altari Miſſæ recitatione ſacratam ſcilicet, ſuſpēdit eccleſiaſtica profeſſionis uir, curationem

Schedula rī-
dicula collo
appenſa.

Lib. 28. ca. 9

Chartula ina-
nis collo ſub-
nexa.

curationem pollicitus: ea tamen cautione adhibita, ut in officio & rei fiducia retineretur puella, si schedula neglectui habita periret, eam ad pristinum relapsuram. Idcirco de custodienda uigilanter chartula, singularis omnibus incumbibat cura & studium. Tandem coniunx mea Iudit ad uillicum nostrum diuertit, è quo ubi miserabilem puellæ casum cognouisset, illam continuò accersendam curat. Atque hîc illa studiosè pieq; admonita ab uxore, ac rectius instituta, ut fiducia in Deum afflictorum patronum concepta, dæmonis negligat ludibria, sacrilegumque sacrifici consilium contemnat: eam mensa apparata cibo quoque refici iubet coniunx, simulque à collo periapton aufert. Qua re perculsi territique procul fugiunt spectatores, relictæ eum puella in domo coniuge, unâ cum Sophia filia: ueriti, ne ob suæ anchoræ sacræ iacturam, cui hucusque nixa puella minus angebatur, tanquam in portu subsistens, mox exiliret furore percita, insultuque uolento assistentes suo impeteret more. Interea admonitioni acquiescens, apposito fruitur uictu, citra ullam animi turbati notam, hilaris, ac, ne unquam amplius transuersam à uiua in Deum fiducia se auocari sineret, erudita: optimè inde, nostra quidem sententia, habuit. Corio autem conciso, implicata aliquoties chartula inerat sublutea, plana, sine characteribus: quam confestim Vulcano consecrauit, præsentē puella, uxor. Fallacem, captiosam
& periculo-

Et periculosam huiusmodi esse sanationē, nemo non uidet. Ludit sæpenumerò sub rerum harum ludicrarum specie diabolus, & hoc exequitur, quod machinatores illi malefici persequuntur, ut omnis uis ab eiusmodi figmento proficisci credatur. Rectè itaq; Rabi Moses ille Aegyptius, mendaces & stultos esse affirmat, qui soli figuræ, soli scripturæ, solis lineamentis, solis denique uocibus aere facto natis, tantam miraculorum uim & potestatem tribuant. Nec temerè Antoninum Caracallam imperatorem eos condemnare statuisse, tradit Aelius Spartianus, qui contra tertianas & quartanas febres periapta gestarent: quæ quoque à Luciano lepidè irridentur. Tales quoque curationum modos, ut superstitiosos, reiicit Augustinus his uerbis: Superstitiosum est, quicquid institutum est ab hominibus ad faciendā & colendā idola, pertinens uel ad colendam, sicut Deam, creaturam, partem uel ullam creaturæ: uel ad consultationes, uel pacta quædam significationum cum demonibus placita atque fœderata: qualia sunt molimina magicarum artium, quæ quidem commemorare potius quàm docere solent poeta. Ex quo genere sunt, sed quasi licentiore uanitate, haruspicum & augurum libri. Ad hoc genus pertinent omnes etiam ligaturæ, atque remedia quæ medicorum quoque disciplina condemnat, siue in præcantationibus, siue in quibusdam notis quos characteres uocant, siue in

Lib. 1. perplexorum, cap. 72.

In dial. philosoph.

Lib. 2. de doctr. Christi. ca. 20. & 27. q. 2. c. illud:

384 De præstigijs dæmonum

siue in quibusdam rebus suspendendis atq; ligandis in quibus omnibus ars dæmonum est ex quadam pestifera societate hominum & angelorum malorū exorta. Vnde hæc cuncta uitanda sunt Christiano, & omni penitus execratione repudianda atq; damnanda. Hæc ille. Quanquam excellentissimos quosdam medicos hic grauitèr impegisse non ignorem, qui non parum fidei his apposuerunt nugis. Ex horum numero est, doctissimus alioqui, Alexander Trallianus: qui Herculis erecti imaginem, leonem suffocantis, & in lapide medico insculpti, annulo aureo inclusam & gestatam, cholici mederi affirmat: sic & calculosis, podagricis & febricitantibus, consuluit non solum alligationum, sed & characterum & carminis usu. Galenum quoq; ab ijs quæ euidenter apparent, persuasum temporis processu, adducit, uim ijs inesse sentientem (in tractatu de Homericæ medicatione) quam tamen antea negauerat. Inscriptio- nis autem ea extitit causa, quod Homerus suppressum uerbis sanguinem, & mysterijs sanatos morbos tradiderit. Nec Actium, hærentes in gula & tonsillis spinas & osicula carmine superstizioso excantare pu- duit. Telum carmine ex thorace retractum, supra ex Beniuenio commemorauimus. Marcellus etiā passim inculcat carmina: his quoq; usus est Octauianus in Euporistis: item Q. Serenus, qui uerbum, Abracadabra, chartæ figura à se tradita inscriptum, ex collo appensum, à febris, maximeq; ab hēnitritæo li- berare

Lib. 10. ca. 1.
circa finem:
li. 9. cap. 4.
& li. 11. in fi-
ne: lib. 12. ca.
7. Hunc eo
nomine ta-
kat lo. Ger-
son.

Annulorū,
alligationū,
characterum
& carminis
usus apud me-
dicos.

Liber quartus.

385

berare docet. Gordonius itidem, & plerique alij superstitionibus addictiores medici recentiores, licet primarij, carmina tam habuere familiaria, ut etiam ad sanguinis profluvia, ad comitiales accessiones, ad partus difficultatem, ad febres intermittentes & erraticas, ad lumbricos, uulnera, fistulas, luxationes, hernias, & nescio ad quæ non, haud pauca inuenerint. Quorum experientiam (inquit Augerius Ferrerius, cuius eruditam sententiam non inconuenienter hic latius adducam) cum ob oculos positam, & tot illustrium uirorum authoritate confirmatam uideris, quid facies? Nam ijs quæ sensibus exposita sunt contrauenire, sani hominis non est: doctorum uerò experimenta infirmare, temerariū. Tu uerò (dices) qui hæc inculcas, quid sentis? Dicam liberè. Neque enim superstitiosus homo sum: neq; fabularū amans, sed ueritatis studiosus. In quā cum toto animo ac studio omni incumberem, prodigiosas quoq; has curationes attingere uolui, ne qua parte in artis operibus deficerem. Deprehendi itaque, curationis huius euentum non è characteribus, non ex carmine promanare: sed tanta est uis animi nostri, ut si quid honesti sibi persuaserit, atque in ea persuasionem firmiter perseuerarit, id ipsum quod concepit, agat, & potenter operetur, modò alterius, in quem agit, animum non habeat repugnantem, neque diffidentem. Nam si etiam fidentem & coadiuuantem habuerit, citius quod intenditur, perficietur: si neque fidentem,

B

neque dif-

Lib. 2. metho. ca. 11 de homericæ medicæ.

neque diffidentē, nihilominus uis animi agentis operabitur. Id in dentium doloribus, in quibus frequentissima est hæc medicatio, apertè uidere licet. Nam præcantator ita mouet non reluctantis ægroti animum, ut dolor illo submurmurante, uel cum characteribus agente, sensim extinguatur. Quod miraculo non caret. At si fortè æger diffidat, aut planè ridiculum existimet remedium, aut circumstantes habeat qui fidem eleuent, & remedium coram illo contemnunt, præcantanti nulla uis erit, quia persuasioni suæ repugnantem habet alterius animum. Hic illud interseram, quòd cuiusdam puellæ nobilis dolorem dentis à nobili uiro lenitum meminerim. sed illam redargutam ob impium curationis modum admissum, facti poenituit: quare recurrit dolor, qui tamen postea euauit spontè. Qui uerò citra fidem ac persuasionem ad incantandum accesserit, operam suam ludet: nisi fortè tam stupidum alterius nanciscatur animum, qui simulatione se decipi non sentiat. Non sunt ergo carmina, non sunt characteres, qui talia possint: sed uis animi confidentis, & cum patiente concordis. ut doctissimè à Poeta dictum sit,
 Nos habitat, non tartara, sed nec sidera cœli.

Spiritus, in nobis qui uiget, illa facit.

Verum confidentia illa ac firma persuasio comparatur indoctis animis, per opinionē quam de characteribus & sacris uerbis conceperunt. Doctis & rerum intelligentiam habentibus, nihil opus est exterius

ternis: sed cognita vi animi. per eam miracula edere possunt: qualia de Apollonio refert Philostratus, cum ab externis mundanisq; negocijs in animi secessum se recepisset. Indoctus ergo animus, hoc est suæ potestatis et naturæ inscius, per externa illa cōfirmatus, morbos curare poterit. Doctus uerò, & sibi constās, solo uerbo sanabit: aut ut simul indoctū animū afficiat, externa quoq; assumet, non solū quæ uulgo prolata dicuntur: uerum etiam alia quoq; à se inuenta, uel quæcūq; illi ad manū aut in mentē promptē uenerint. Hactenus ille. Vt porrò intelligatur manifestius, in illis quæ præter naturæ ordinē adhibētur curationibus, dæmoniū saepe operari & colludere in hominū exitiū, uerba Antonij Sabellici hic adferam: Mirū, inquit, quantū præstigiōrū, ipsius principis et aliorum oculis offuderunt mali dæmones per id tempus, quo Vespasianus Alexādriz fuerit. Nā & Basilides libertus, qui aberat, uisus est illi sacrificanti ministrare, ut regiū nomē futuro imperio omē fecerit: & mox paulo illū pro tribunali sedentē, duo è plebe uiri adierūt, opem sibi orantes à Serapide demōstratā: hic oculis captus, ille debili crure, per quietē se monitos dicere, fore ut cæco dies illucesceret, si ipsius oculos spūto Vespasianus inunxisset: alterq; firmior fieret, si calce cōtingeretur. Quum uix fides rei esset, nec res ullo modo successura crederetur, ne experiri quidem à principio Vespasianus ausus est. Cæterū amicis hortantibus, utrunque pro concione tentauit: nec

Enneadis 7.
lib. 3.

defuit euentus. Verebatur scilicet dæmon ille, quem sub Serapidis nomine colebat Aegyptus errorum mater, ne piorum ecclesia recens ibi constituta ex uetusto illo se exturbaret domicilio: præuiditq; futurum, ut duo ægri, uterque sua defuncturus esset clade: impulitq; proinde ambos, ut à Vespasiano opem implorarent, ut quum euentus secutus esset, eius fauore qui erat rerum potiturus, oraculi maiestas augetur, nec ex ipso Imperij fastigio ad ueræ lucis fulgorem animum intenderet.

*Ligatura
physica.*

Nullam tamen hic fidem ligaturis, periaptis & amuletis physicis subtractam uolo. Pleræque enim substantiæ in earum generatione specificæ aut individualis (ut sic dicam) constitutionis ratione, cœlitus aliqua imbuuntur uirtute, quæ ingenita & occulta antipathia aliarum quarundam actiones inhibeat & liget: unde physiciæ ligaturæ origo & nomen. Ita adamantis & allij præsentia, magnetis operationes, ne ferrum trahat, impedit: oleum, à palearum attractu uim succino adimit, ligatq;. Periapta adhæc & amuleta uerè physica, ratione quoq; fulciri naturali, & ab eorū substantia uapores quosdam uelut αἰθέρας defluere, quidam contendunt medici: qui spiratione occultè attracti, morbi causam uirtute sua alterare, corpusq; reficere possunt. Hac ratione radicē Peoniæ maris recentē, & anagallidem puniceo flore contra epilepsiæ minas suspendimus: strucus item lupi, doloris colici cruciatibus afflicto alligamus, non

*Periapta &
amuleta phy
sica.*

Galen. li. 6.
& 10. de
simp.

mus, non (ut opinatur Pamphilus medicus) incantationis uiribus, sed causa naturali (ut dixi) occulta. Quocirca Galenus eorū experientia doctus, periaptis sic confidere oportere admonet, ut substantia illorum, & non incantationis magorū uerba, auxilietur. Eandem sustinuit sententiam Theophrastus: Potius, inquit, absurda illa putentur, quæ alligata & ueneficiorū aduersantia uocantur, & tū corporibus tū domibus unice opitulari creduntur: quæ cōmenta hominū planè esse uidentur, qui suas artes magnificare celebrareq; cuperent. Vnde nullā contra malignos spiritus antipathiā inesse moly uel hypericoni, etiā si fuga demonū à superstitiosis credulis nuncupetur, nec alia facultate quàm cœlestiū gratiarū noxios malorū demonū uapores à nobis arcere putetur. nec item luporū capitibus ianuis affixis (uix enim scio, an usquā laxior his spiritibus fenestra aperiatur, quàm ubi portarū custodiam his capitibus demandatam conspiciunt) ingenuè assero: quanquā eas herbas in aedibus suspensas, ab hominibus & pecore maleficia arcere & fugare, quēadmodū cnebisij cardui (quē Cuus appellant Aegyptij) uiribus demonē in colloquiū allici, grauissimi pronuncient authores: quibus tamen, extra ueritatis metā, non est affectu danda fides, quū ijs multo citius imponi à simulatis demonū artibus potuit, quàm illis qui Christū induti penitus satanæ ludibria cognorunt. Quare etiā rerum & uaticiniorū diabolicorū labyrinthis, præcla-

Lib 9. de Hist. plant.

Moly.
Hypericon.
Fuga demonum.
Luporum capita.
Cnebisij cardui. Cuus.
Diosc. lib. 3. cap. 37.
Plin. lib. 28. cap. 10.
Diosc. lib. 3. cap. 15.
Proclus de Magia & sacrific.
Grauiter hic oppugnat Ioan. Franc. Picus li. 7. ca. 5 de prenot. superst. aduersus magiam.

Augustin. de
Ciuit. Dei.
Euseb. lib. 5.
ca. 1. 8. & lib.
7. cap. 6.
Plin. lib. 30.
cap. 1
Plutarch. de
Abol. or.

1. Parte. q.
15. ar. 5. ad. 3.

risissima illa ueterū ingenia implicita magis irretitaq;
fuisse perhibent historiæ: quæ Christi aduentu, mul-
torum testimonia, prorsus obmutuere. Spiritus sunt
dæmones, qui ut nullis alliciuntur plantis uel terrena
substantia, ita nec fugantur, etiamsi plerunque apud
suos cultores, se aliquarū rerum potentia inuitari, al-
lici, trahi, cogi, uel etiam abigi, ut impia credulitate
eos sibi magis obstringant, fraudulēter simulent. Hic
D. Thomas docet (allegans Augustinum 21. de Ciui-
tate Dei) dæmones allici per uaria genera lapidum,
herbarum, lignorum, animalium, carminum, ri-
tuum, non ut animalia cibus, sed ut spiritus signis, si
modò hæc eis exhibentur in signum diuini honoris,
cuius ipsi sunt cupidi. His ergo rebus utitur maleficus
instinctu dæmonis, per pactum inuocationis expres-
sè uel tacitè, uel ad infamandum creaturas Dei, quæ
de se bonæ sunt, uel ad maiorem credulitatem & de-
ceptionem fidei, animarum hominum perditorum,
qui his & alijs utuntur ad inuocationem. non igitur
utitur maleficus, imò uerius dæmon, huiusmodi tan-
quam rebus efficacioribus ad tale maleficium: sed tan-
quam signis pacti illius inter se & ipsum maleficium,
quem iam ut suum cultorem, possidet tanquam hære-
ticum, & à fide alienum. Hæc ille. Posse tamen que-
dam corpora, uelut melancholica uel cholerica, non
tam grauitè à dæmonio exagitata, quibusdam adhi-
bitis rebus uel harmonijs nonnihil immutari, & ab
afflictione leuari, inficias ire nolo: quo modo Saul mu-
sica per-

ſita per auditū demulcēte quietiorē redditū legimus.

1. Reg. 16.

In cuiusmodi religione ſuum habere locum credebatur ſulphur, ad expiādum ſuffitu malos demones: quo in purificationibus ſacerdotes uti ſolitos, uelut et aſphalto aut ablutione aquæ marinæ, ſcribit Proclus: quoniam purificat ſulphur ob odoris acumen, aqua uerò marina propter igneam portionem. Expiare et pentaphyllon herba putatur, proinde in hanc rem uſurpabant eam ſacerdotes antiqui: quemadmodum & oliuæ ramos, quæ tantæ eſſe puritatis dicitur, ut ferant oliuam à meretrice plantatā uel infructuoſam perpetuò manere, uel omnino exareſcere. Simili modo expiationi conferre arbitrantur thus, myrrham, uerbenam, ualerianā, phu Arabibus dictam, palmam Chriſti portatam, uel radicem bryoniæ ſiccam, ac radicis ariſtologiæ ſiccæ ſuffitum, item benediſtam, & gariophilatam, ſcillam quoque in limine domus ſuſpenſam. ſimiliter ſel canis nigri ſuffitū, uel eiſdem ſanguis linitus per omnes parietes, maximè præſtare dicitur tam ad expiandum demones malos, quàm maleſicia ubicunq; fuerint. Sunt & alia antiquis contra ſaſcinationes cōmendata, uelut palmarū lignum in pomo offeum dente limatū, radix ſatyrii Orchis cognominati, ſeminæ ſcilicet, quæ diſtinguitur internodijs & ramoſiore frutice. Rutam ſaſcini amuletū eſſe, tradit Ariſtoteles. Aliſſum in domo ſuſpenſum, ſalutare amuletū exiſtere contra hominū quadrupedūq; ſaſcinationes, tradit Dioſcorides. Baccharenā

Sulphur.
Aſphaltū.
Aqua marina.
Demones expiantia.

Quæ ſaſcinū & maleſiciū auferre creduntur.

Sectione 20.
Probl. 34.

392 De præstigijs dæmonum

Lib. 3. ca. 97.
Actius li. 6.

herbā beneuolentē, Virgilij testimonio freti cōtra fascinū singulari pollere uirtute putant: in Bucol. Bacchare frontē Cingite, ne uati noceat mala lingua futuro. Resistere et fascino, frōtis hyenæ coriū legitur. Hæc etiā multi lapides tum ex alijs, tū ex Alberto ut mēda cibus diaboli nundinis accedat authoritatis pondus, cōferri queūt. Iaspidē empusis & alijs idolis aduersari, refert Dionysius. Corallū rubrū collo infantīū appensum, aut armillis insertū, in brachioq; gestatū, uel etiam in domo retētū prærogatiuā habere aiunt contra fascino. Lapis magnes gestatus, discordiam inter maritū & uxore sedare putatur: ut & beryllus. Lyncurius lapis præstigia ab oculis auferre creditur: quomodo heliotropius lapis uisum perstringere, & gestantem inuisibilē reddere: lipparis suffitus omnes bestias euocare, synochitides umbras inferorū educere, anachitides diuorum imagines apparere facere: Enneatis somniantibus suppositus, oracula reddere putatur. Dicuntur & pennæ upupæ suffitæ, phantasmata fugare. Ouum quoque in lustrationibus acciri solet: hinc oua lustralia dicta sunt. unde Ouidius: Adueniat quæ lustret anus lectumq; locumq; Deferat & tremula sulphur & oua manu.

Oua lustralia.

Ligatos curantia.

Ligatum adhæc sanare creditur picus auis comesta, suffumigiū ex dente hominis mortui, si item corpus totum inungatur ex felle coruino & oleo sesamino, ex Cleopatra: uel si argentum uiuum in calamo uel auellanæ nucleo uacuo cum cera occlusum, sub pul-

Liber quartus.

393

sub puluinari maleficiolæsi collocetur, aut sub limine
ostij, per quod is in domū uel cubiculum ingreditur.

Hic nostri in primis confugient ad suffumigatio-
nem ex cinere incensuum, cui cor piscis & iecur im-
positum erat à Tobia: ex cuius odore in superiora
Aegypti fugisse dæmonium legitur, ubi angelus illud
ligauit. at non tam suffumigio fugatum hoc respon-
deo, quàm Tobia iunioris castitate, & attempta ipsius
eiusq; coniugis ad Deum misericordem oratione, ex
angeli institutione. Narrat & Eusebius Serapin, qui
Græcis Pluto dicitur, apud Aegyptios symbola de-
disse, quibus dæmones expellerentur: docuisse etiam
supplices, quomodo assumptis brutorum figuris in-
sidentur hominibus dæmones: quibus maxime ob-
noxij fiāt, qui cibis subinde distendantur lautioribus.
In sinum despuere, aduersus fascinationes ueteribus
quoque in usu fuisse legitur. Sic apud Theocritum,

Tobiz 8.

Tobiz 6.

ὡς μὴ βασιλεύθω ἢ τρις εἰς ἐμὸν ἐπύσσα λύλπον.
Ouidius,

Despuat in molles iam sibi quisque sinus.

Vehementiore strepitu & maleolentium grami-
num fumo dissolui & sedari acreorum dæmoniorum
insultum, creditum est. Idcirco (ait Gaudentius Me-
rula) tanquam ex Academicorum officina fluxerint,
etiam nunc Italæ mulieres tempestatibus imminenti-
bus, diri odoris pabula sub dio comburunt: sacerdo-
tes autem more Thracum (qui tempestate imminen-
te, armati cū strictis ensibus & crotalis, horribiliq;

Lib. 1. cap. 5.
memorab.
Contra tem-
pestates.

B s clamore

394 De præstigijs dæmonum

clamore in nubes fremebant) ad obstrepera cymbala, quæ campanæ dicuntur, conuolant, magis confidentes in boatibus illis apud Deum inanibus, quàm orationibus & ieiunijs. De suis conterraneis ferè quid simile scribit Olaus Gothus, qui cõcitato in nubibus fragore, sagittas ex arcubus in aera excutientes, ostendebāt se opem ferre dijs suis uelle, quos tunc ab alijs oppugnari putabant. Nec ea temeraria superstitione contenti, inusitati ponderis malleos, quos Iouiales uocabant, ingenti ære complexos, magnaq; religione cultos, ad eum usum habebant, ut per eos tanquã per Claudiana tonitrua, et per usitatã rerum similitudinem, cœli fragores, quos malleis cieri credebant, exprimerent: tantiq; sonitus uim fabriliũ specie imitantes, deorũ suorum bellis sic adesse, admodum religiosum existimarent. Durabat is Iouialium malleorũ usus usq; ad annum à Christo nato 1130.

Apud nostros quoq; proauos, non sana pastorum doctrina inoleuit longa annorũ serie persuasio: artemisiam in ferijs S. Ioanni Baptiste sacris ante domos suspensam, item alios frutices & plantas, atque etiam cadelas facesq; designatis quibusdã diebus celebrioribus aqua lustrali rigatas, uel nescio quo modo expiatas, & quando usus postulat cõtra tempestates, fulmina, tonitrua (in quæ etiam agminatim euestigio ad omniũ campanarũ uiolentũ continuumq; tractum atq; pulsum ut præsentissimũ auxiliũ & anchoram sacrã concurritur) & aduersus diaboli potestatem, ope-

Lib. 3. ca. 8.
de gent. Sep
cento.

Mallei Iouiales.

tem, opera, & quaecunq; maleficia, uelut prerogatiua quadā ualere. At ueritati minimè oportet præscribere uetustatis obseruantiam. Fides est, spiritalis existens, quæ demonem exterminat: uerbum item Dei, spiritu efficax. Vetusta huius rei testimonia & exempla, ex ueritatis libris sacrosanctis quā pluri-
ma atque irrefutabilia habentur.

Matth. 4.

Marc. 1.

Luc. 4.

Caterum quòd Iosephus gloriatur, se presente Vespasiano imperatore, uidisse quendā de gente Hebraica Eleazarū, naribus cuiusdam à demone obsessi annulum, cuius signaculo radix à Solomone reperi-
ta, erat subdita, applicuisse, & demonem è naribus odorantis extraxisse: qui cū in terram repentè concidisset, Eleazarum coniurationis Salomonis cantico demonium proscriptis: hic certè fatendum est, Iosephum Iudæum, ut & Vespasianum ethnicum, atq; Eleazarum Hebræum, diaboli prestigijs illusos fuisse, qui seradicis Solomoni ascriptæ potentia attrahi simulabat: quum non coactè, sed spontè, Dei assensu, cesserit (simulat enim se cogi, ut alios cautius dementet) quò plus fidei annulo, uel figmento radicis materie demoni exturbando ineptæ adhiberetur, nec ad Deum unicum, satanæ propulso-
rem legitimo confugeretur ordine: atque ut fabulæ exitus consimili initijs commento absolueretur, nimirum decoro tegeretur pallio actus hic per se impius, nec in doli quæstionem uocaretur, pondusq; acquireret quæ Solomoni ars ascribitur, cuius existima-
tione

Lib 8. antiq.

Iud. ca. 2.

Crinitus lib.

9. ca. 5.

Annulo in-
clusa radicis
demonem ex-
trahentis hi-
storia.

396 De præstigijs dæmonum

tione quasque suas stabiliret sanciretque fraudes diabolus. At hunc diuinum ueræ sapientiæ antistitem, atque à superstitiosa dæmonum magia alienum fuisse constat: & secundum sacras Hebræorum historias, disputare solitum de arboribus & herbis, à cedro libani usque ad hyssopum: item de iumentis, uolucris, reptilibus & piscibus, quæ omnia rerum saltem naturalium cognitionem, uel si mauis, naturalē magiam præ se ferunt: nisi fortè idololatriæ postea in uxorū gratiam, eum curiosas annexuisse artes, quis obstinatius suspicari uelit. Fortassis radix illa fuerit, quam idem Iosephus alio describit loco, cuius historiam, ut dæmonis figmenta & imposturæ magis elucescant, non pigebit annectere: Vallis, inquit, qua Macherus Iudææ ciuitas à parte septentrionali cingitur, quidam locus Baaras appellatur, ubi radix eodem nomine gignitur, quæ flammæ quidem assimilis est colore, circa uesperam uerò ueluti iurare fulgurans, accedentibus eamque euellere cupientibus facilis non est: sed tam diu refugit, nec prius manet, quàm si quis urinam muliebrem uel menstruum sanguinem super eam fuderit: quinetiam tunc si quis eam tetigerit, mors certa est, nisi forte illam ipsam radicem ferat de manu pendentem. Capitur autem alio quoque modo sine periculo, qui talis est: Totam eam circumfodiunt, ita ut minimum ex radice terra sit conditum: deinde ab ea canem religant, illoque sequi cum à quo religatus est cupiente, radix quidem facile euellitur, canis uerò continuo moritur,

De bell. Iud.
lib. 7. cap. 25.

Baaras radix.

moritur, tanquā eius uice, à quo herba tollenda erat, traditus: nullus enim postea accipientibus metus est. Tantis autem periculis propter unam uim capi eam operæ precium est. Nam quæ uocantur dæmonia, pessimorum hominum spiritus, uiuis immersa, eosq; necantia, quibus subuentum non fuerit, hæc citò, etiā si tantummodo admoueatur ægrotantibus, abigit. Minus fidei dabitur radici, si eius colligendæ modus sereniore mentis oculo perspiciatur. Memorabile est, quod 2. Decret. legitur: Semper diabolus sub uelaminibus latens, prodit se, dum ea confingit quæ hærent personis, per quas fallere nititur. Si autem quilibet opponit & dicit, Quomodo eueniunt illa, quæ illi diuini prædicunt futura: aut quomodo possunt ægris præbere medelam, aut sanis inmittere ægritudinem, si aliquid propriæ uirtutis aut potestatis non habeāt? hoc à nobis accipiat respōsum: Quod ideo quisquam non debet eis credere, quia aliquando eueniunt quæ prædicūt, aut sanare uidentur languidos, aut ledere sanos: quia hoc permissu Dei fit, ut ipsi qui hæc audiunt uel uident, probentur, & appareat qua fide sint uel deuotione erga Deum. sicut in Deuteronomio legitur Moses ex diuino uerbo Dei populo præcepisse: non esse credendum prophætæ aut somniatori, etiam si euenerit signum atq; portenium quod loquutus est, si à uero Dei cultu is abducatur.

Cap. 26. quæ-
stio. 5. epis-
copi.

Deuter. 13.

Adhæc, ad eorum qui maleficio affecti creduntur, uel à satana obsidione pressi, curationem, inepti, temerarij

Exopniæ.

*Superstitiosa
maleficio af-
fecti curatio.*

*Exorcismorū
abusus.*

merarij & audaculi homines, professione Ecclesiasti-
ci, sed uitæ spurcitia nimis mundani (quales in hoc
ministerium & scenam postulat fabulæ actor) suis
præscriptis exorcismis & formula certarum ceremo-
niarum obseruata, accurrunt, ut morbum soluant,
pellantq; dæmonium: quod interdum horum diris &
deierationibus cedit uolens & colludens, ut impieta-
tem corroboret. Næ incātatoribus iure optimo hi ac-
censendi erunt exorcistæ. Hic ut quasdā eorum obser-
uationes breuibus enarrem, unde (ueluti ex ungue
leonem) reliqua metiaris, post confessionē illius qui
coniurationibus expiabitur, per singulos domus an-
gulos, in lectisternijs & culcitris, uel sub limine ostij,
diligenti indagatione quæritur, num aliqua maleficij
materies possit inueniri, mox exurenda. Ab Aposto-
lis sanè uel primitiua Ecclesia, id promanauit mini-
mè. Si enim à diaboli malefico actu, exorcismis in-
tegrè quis curetur: quorsum ea in angulis recondita,
uel terra obruta, corpus nullo modo contingentia,
aut halitu feriētia oberunt? Inde candelā benedictam
cōtinet manu genibus flexis maleficio læsus, qui aqua
etiā aspergitur lustrali, & collū stola cingitur: ac præ-
ter orationes recitantur Litaneie uulgares, addendo
ad sanctorum inuocationem, Ora pro eo, uel Orate,
& Propitius esto, Libera eū Domine. Et orationum
loco adhibētur exorcismi, qui quoq; ut minimum ter
in septimana continuantur: ut multiplicatis interces-
sionibus, gratia obtineatur sanitatis. Hanc formam
præscribunt

prescribūt Mallei maleficarum authores Theologi, contra euidentem Christi doctrinam: Venite ad me omnes qui laboratis & onerati estis, & ego reficiam uos: Ego sum uia, ueritas & uita: Quicquid petieritis Patrem in nomine meo, dabit uobis. itē: Orātes ne sitis multiloqui, sicut ethnici: putant enim fore, ut ob multiloquium suum exaudiantur. ne igitur efficiamini istis similes. nouit enim pater uester, quibus uobis opus sit, priusquam oratis ab illo. De ceremoniarum lenocinijs nihil aliud dicam, quā ea quidem pietatis præbere speciem: sed quoniam inania rerum existunt simulachra, non arcent impiorum spirituum assultum: at maioris impietatis quandoque sunt occasio. Præterea extra ordinem exorcista procedere potest per orationes: & si legere nouit Scripturas (sic illi Theologi loquuntur: unde exorcistam quandoq; non intelligere quæ legit, manifestum est) legat Euangelia quatuor prima Euangelistarum: item euāgelium, Missus est angelus: & passionem Domini: quæ omnia magnam habent uirtutem ad expulsionem operum diaboli. Itē, Euangelium sancti Ioannis, In principio erat uerbum, scribatur, & ad collum suspēdatur, et sic gratia sanitatis expectetur. Hæc eorū sunt uerba. Hic plura Scripturæ testimonijs cōuelli posset: quæ ad modū, si exorcista quandoq; nō intelligat quæ legit, solumq; lingua loquatur, quomodo uerè pronūciabitur Amen? uide Paulū 1. Corint. 14. At breuis esse laboro. Commodè hic Augustinum in Ioannis Euangelium

2. Secundæ
partis. q. 2.
cap. 6.
Matth. 11.
Ioann. 14. 16.
Matth. 6.

Ceremoniæ
inania rerū
simulachra:

Tract. 7.

400 De præstigijs dæmonum

gelium me adducturum uideor qui ita habet: Fingunt spiritus mali umbras quasdam honoris sibi metipsis, ut sic decipiant eos qui sequuntur Christum. Usque adeo fratres mei, ut illi qui seducunt per ligaturas, per preces, per machinamenta inimici, suis præcationibus misceant nomen Christi: quia non possunt seducere Christianos, ut dent uenenum, addunt mellis aliquantum, ut per id quod dulce est, lateat id quod amarum est, & bibatur ad perniciem: usque adeo, ut ego nouerim aliquo tempore illius Palleati sacerdotem solere dicere, Et ipse Palleatus Christianus est. Ut quid hoc fratres, nisi quia aliter non possunt seduci Christiani? Ne queratis ergo alibi Christum, quam ubi se uoluit prædicari Christus. Et quomodo uoluit prædicari, sic illum tenete, sic in cordibus uestris scribite. Murus est aduersus omnes impetus, & aduersus omnes insidias inimici. Nolite timere: nec tentat ille nisi permissus fuerit, aut missus. Mittitur tanquam malus, à potestate dominante. Permittitur, quando aliquid petit: & hoc fratres non fit, nisi ut probentur iusti, puniantur iniusti. Quid ergo times? Ambula in Domino Deo tuo: certus esto, quod te non uult pati, non pateris: quod te permiserit pati, flagellum corrigentis est, non poena damnantis. Ad hæreditatem supernam crudimur, & flagellari dedignamur?

Hæc Augustinus.

Quomodo autem ad exturbandum demonem, uel opera eius euertenda, ualebit illa Euangeliorum recitatio;

Quare Christi nomē præcationibus et exorcismis immiscet seductores.

Verbis instituto consonis opus est in eliminando satana.

Liber quartus.

408

recitatio, quum non sint instituto huic, intellectu consona? & ubi demonia eijcerent Christus eiusque discipuli, & uiri postea sancti, uerbis huic negotio aptis consignatisq; loquebantur, & respondebant (ut fertur) ad formam. Si etenim in uerborum inconuenientium pronuntiatione simplici uirtus consistit desiderata, non minus, imò maius præstiterunt quidam è circumeuntibus Iudæis exorcistus, qui tentarunt super eos qui habebant spiritus malos, inuocare nomē Domini I E S V, dicentes: Adiuramus uos per Iesum quem Paulus prædicat. Erāt uerò quidam filij Sceuæ Iudæi, principis sacerdotum, septem, qui hoc faciebant. At respondens spiritus malus, dixit: Iesum noui, & Paulum scio, uos autem qui esis? Et insiliens in eos homo in quo erat dæmonium malum; & dominatus eis, inualuit contra eos, ita ut nudi & uulnerati effugerent de domo illa. Hoc autem innotuit omnibus Iudæis simul & Græcis, qui habitabant Ephesi, & timor incidit super omnes illos, & magnificabatur nomen Domini I E S V. Multi uerò ex ijs qui curiosas exercuerant artes, comportatos libros exusserunt coram omnibus: & supputatis illorum precijs, pecuniæ quinquaginta millia reppererunt.

Exorcismi modum nouit quoque diabolus, eoq; adoriri Christum ipsum audet: Adiuro te, dicens, per Deum, ne me torqueas. Sed sua potentia dæmoni uni uel pluribus imperauit Christus: Exi, Abite: & eue- stigio ad obedientiā sunt coacti. ut rectè Eusebius ille

C Cæsariensis

Actor 19.

Marc. 5.

Matth. 8.

Marc. 5.

Luc. 8.

402 De præstigijs dæmonum

Ad. 16. Cæsariësis in Panegyrico dixerit: Communis quidem omnium seruator rebelles potestates, quæ circū hunc qui terris imminet, aerem peruolantes, humanis animis insinuabant sese, inuisibili ac diuina potestate, uelut feras agrestes, suarum ouium ceu pastor bonus, procul fugauit. In ipsius nomine egredi dæmones iusserunt paucissimis uerbis Apostoli, & illius discipuli, totius naturæ dominium & imperium omnis abstrusæ uirtutis in cælo & in terra, & spiritum omnipotentis ore suo gerentes. Explosis itaque exterminatisq; nostris diuinis, ariolis, magorum occultis antistitibus, & quibuscunq; alijs superstitionum collegis: abijciamus Eegyptiacas disciplinas, feralia carminum arcana, uanos furores, execrandas artes, & philtrea uim factura dijs, & Colchicos succos, & dæmoniacas factiones, Plutonica denique uolumina, & umbrarū libros, Stygiasq; coniurationes, atq; Acherronteos ritus membrana chartaue contentos, pyrophlegethonti, hoc est igni focoq; (ut Capnion inquit) tradamus: & fidamus Deo, ac in Christo Dei filio, **Ad. 17.** per quē uiuimus, mouemur & sumus, sinceriter simpliciterq; spem omnem fixam habeamus.

Quare nobis hic longè alia, quàm inolita iamdudum consuetudine acceperimus, in profligando sathana, eiusq; sanandis maleficijs, ratio ineunda uidetur, doctrinæ Christi & Apostolorum conformior. Omnium uerò primū, ubi malum aliquod præternaturæ ordinem in aliquo se prodit, ad eum ex Dei ordinatione

Libër quartus.

403

Ecclesiastica.
38.

dinatione confugiendum est, qui professione, doctrina atque artis usu celebris, morbos eorum differentias & causas penitus dignoscat: nimirum ad bonæ conscientie medicum. Enimvero tam rara sæpenu-mero & graua in morbis suboriuntur symptomata, quæ ad maleficium mox referunt rerum imperiti atque exiguæ fidei homines: quemadmodum in diuer- sis conuulsionis speciebus, melancholia, epilepsia, uteri suffocatione, putrescente semine, & multifarijs uenenorum effectibus frequenter apparet. At inter hos affectus & accidentia discernens prudens & cir- cumspectus medicus, ubi ea pensicularit exacta tru- tina, adhibito etiam ad diligentem causarum natura- liū indagationem iusto, quoad fieri potest, perpendi- culo, ubi naturæ limites malum exuperare egrediq; ac satanæ motus actionesque animaduertit in Eccle- siasten aut Ecclesiæ ministrum inculpatum, sanæ doctrinæ, tenentem mysterium fidei cum pura con- scientia, uitæ innocentia notum, non turpiter lucri cupidum, non uinolentum, de quo etiam bonum à pijs perhibeatur testimonium, curationis onus trans- feret. Interim meminisse operæ precium est, multa non ex maleficio euenientia, sed ex occulta naturæ occasione, medicos quandoque latere. ut enim rebus inest secreta iuuandi proprietates, ita & no- cendi: quam tamen non perpetuò agnoscit me- dicus. Tantum tamen operæ à medico hic accedet, si fortè æger natura uel ex morbo,

Curandi ma-
lefici metho-
dus certa,

1. Timoth. 3.
Tit. 1.

C 2 aliunde

404 De præstigijs dæmonum

aut aliunde humore melancholico (cui, uti apte suis operationibus materiæ non illibenter se insinuare solet dæmonium) aut alio humore maligno grauari uideatur, ut hic prius blandè expurgetur medicamēto. Tradit enim Pomponatius: priſcos exorcistas, quos præcantatores uocant, ante coniurationem, obsessorum corpora ab atra bile expurgasse. Morbis siquidem geminis ut plurimum hi infestantur, corporis nempe, ex melancholico succo genitis: & animi, ut amentia, mœrore, timore, uitæ odio & desperatione, quibus nocte diūque eiusmodi homines macerati iuratus humani generis hostis, & ueluti lugubribus tentationibus ita uellicat, ut quasi aquila apud inferos Titij iecur arrodere uideatur. Obsessos expulso eo humore, nō amplius mirabilia facere, experimento se uidisse, in expositione illius problematis dicit Conciliator. Vxorem quoq; cuiusdam sutoris à dæmonio agitatum, uariaq; sonantem idiomata, eodem modo perfectè curauit Galgarandus medicus Mantuæ celeberrimus. Exonerato itaq; corpore, pròptius in reliquam sanationis obseruantiam, uelut à naturali iam impedimento leuatus, ab Ecclesiæ ministro inducitur *ἀξιμωνοφόντος*. Hic tum de obsessi uel maleficio lesi uita & moribus, itē de eius in religione Christiana, institutione, & in præcipuis fidei nostræ capitibus, & qua fuerit uel etiānum sit in Deū confidētia uigilanter inquiret. Qua de re ubi penitius fuerit instructus, procliuior & propemodum strata erit reſtitutionis

stitutionis uia. Etenim satanæ in corruptorum morum & spurcæ uitæ, itémque diffidentie filijs efficaciam, & illusionis potentiam permittit Deus, quorum sensus excæcauit Deus huius seculi, ne illucescat illis lumen Euangelij gloriæ Christi, qui est imago Dei. Affectuum quædam requiritur ἀνάλογια, ut sit quod dici solet, mali coruimalum ouum. Vbi ergo uigilanti inquisitione & artificiosa coniectura, affectus causam aliquatenus cognouerit Ecclesiæ minister, conueniens huic medicamentum applicet, ut si uita fuerit antea dissolutior, ex sacræ Scripturæ libris admoneatur, corripiatur, exemplis auocetur, & ad emendationem inuitetur, tandem resipiscentia in ordinem redigatur. Apud præfractæ indolis hominem instandum, urgendumq; tempestiuè & intempestiuè: item redarguendus hic, & iusto Dei iudicio in contumaces subinde terrenus. Pusillanimis, & diffidentia deiectus, in spem certam & fiduciam indubitatam de ineffabili Dei bonitate & misericordia incomprehensibili erigendus, & undequaque confirmandus erit: in quam sententiam plena consolationis testimonia extant quamplurima, quæ suo loco & tempore adducuntur. Si quoque peruersa doctrina aut fanaticis opinionibus, uel superstitionum ludibrijs quosdam transuersè raptos esse, uelut ansa eo modo demoni subministrata, comperiat: zizania hæc erunt eruncanda, atque salubriora doctrinæ purioris

Ephes. 2.

2. Thessal. 2.

2. Corinth. 4.

406 De præstigijs dæmonum

substituta semina cum omni uigilantia sedulo inferenda. Nec cognitione recitationis Dominicæ, orationis & Symboli Apostolici secundum literam, contentum esse oportet (tantum etiam posset quiuis maliciosus) uerum illud uiuum Dei uerbum ita in animis implantetur, ut apprehensum efficaciter, sentiat

Rom. 1.

tur potentia esse Dei ad salutem omni credenti, contra quoscumque dæmonū conatus: ut item uiuifica fide inuocare Deum uerum, æternum, omnipotentem, & multe miserationis parentem, in nomine Filij pro nostris peccatis mortui, & ad nostram iustificatio-

Rom. 6. 8.

nem per gloriam Patris, absorpta morte, uicto satana, debellato inferno, potenter exuscitati, ijdem ualeant. Si quis inter nos affligitur, orare iubet

Iacob. 5.

D. Iacobus.

Diaboli infirmitas qui nihil potest nisi permissus.

De diaboli item operibus & præstigijs erudiantur, & quàm enervatus imbecillisq; sit, ut nihil etiam possit, nisi Dei permissu: nec Deum quacunque permittere, sed in re concessa illi limites, ultra quos ferri nequit, præfigi: Christum profectum in cælum, sede-

1. Petr. 3.

re ad dexteram Dei, subiectis sibi angelis, potestatibus & uirtutibus: cui si tanta fuit subiugandi potentia, multo magis satanam subegit, coercuitq; , ut nihil omnino ualeat, nisi peculiariter illi conceda-

2. Petr. 5.

tur. Quod itaque clementer in nobis permittit Deus, non potest esse malum. illi enim cura est de nobis: qui cum omnis gratie sit Deus, nos ad eternam suam gloriam per IESVM CHRISTVM

uocatos,

Liber quartus.

407

uocatos, iam parumper afflictos instaurabit, ful-
 ciet, roborabit atque stabiliet. Quis est qui nobis 1. Petr. 3.
 noceat, si boni æmulatores fuerimus? Quicquid
 enim fideli irrogatur, id illi bono commodoque
 cedit, iuxta illud Pauli: Diligentibus Deum omnia Rom. 8.
 cooperantur in bonum. Precationem ergo perpe-
 tuam esse decet, quò fiat uoluntas cœlestis Patris
 in nobis. Quicquid patimur, teste Hieronymo, no-
 stris peccatis meremur. Non habent demones, in-
 quit D. Ioannes Damascenus, uirtutes aduersus ali- Lib. 2. ca. 4.
 quem, nisi à Deo dispensatè concedatur: sicuti in
 Iobo, & in porcis. Permissione uerò Dei facta, &
Iob. 1.
Matth. 8.
 fortitudinem habent, & transmutantur & transfi-
 gurantur in quancunque uolunt figuram secundum In Dialogo
lib. 3.
 imaginem, id est phantasiam. Item Gregorius:
 Absque omnipotentis Dei concessione nullam ha-
 bet potestatem contra hominem malignus spiritus:
 qui etiam in porcos transire non potuit, nisi per-
 missus. Rectè quoque Chrysostomus: Homines non Super Matt.
lib. 1.
 quantum uult, tentat diabolus: quoniam quantum
 ad se, nunquam cessaret à tentatione. neque enim ha-
 bet alium actum: non enim manducat, nec dormit,
 nec aliud operatur, nisi ut tentet, fallat & subuer-
 tat. Non magis itaque timendam diaboli potestatem
 quàm Deum impredientem, docet Ambrosius su-
 per Lucam. Spiritus enim mali etiam Dei uocantur
 spiritus, quòd eius captiui sint: nec attingere, ca-

C 4 figare,

408 De præstigijs dæmonum

figare, tentare quicquā ausi, nisi à Deo concedatur. Iobum ne pilum quidem ledere potuit satanas, nisi impetrata permissione, eaq; limitata. Quocirca non est formidandus diabolus, sed Deus, qui ursum hunc catenis alligauit captum, ut nihil omnino absque eius singulari nutu ualeat. Hinc Christianus quæcunque aduersissima à Dei digito excipiet, qui omnia in sua continet manu. Nec Christiani nomen merentur, qui malignæ alicui mulieri aut diabolo imputant malum inuectum, ad Dei uoluntatem minus referentes. Iobus affligitur à dæmone, at à Dei manu accipit dicēs: Dominus dedit, Dominus abstulit: sicut illi placuit, ita factū est: sit nomē Domini benedictum perpetuū. Non cadentis uirgæ rationē ille habet, sed uolētis patris. Virga punit filiū: at non eam fecisse hic dicit, nisi mente nondū constet, sed patrē, qui uirgā in manu habet, eaq; utitur. sine eius uoluntate, ne pilus quidē capiti excidit, quin omnia nostra ossa quoq; numerata sunt: ipse uirgā usurpat, quā grauitē, et quā multum. & ubi uelit. Propterea æquo patientiq; ferendū nobis animo erit, quicquid afflictionū acciderit carni, siue id lege naturæ, siue supra naturā contingat. idem quoque faciundum, si animum immensus inuadat dolor, angor, mœror, tristitia, tentatio: ob oculos uelut speculum semper reuocetur exemplum sanctissimi illius Iobi, qui tot exercitatus modis, & tatarum calamitatum ac miseriarum mole pressus, Deum laudibus extulit (quanquam malorum interim pondere

Iob. 1. 2.

Matth. 10.

Qualiscunq;
afflictio patienter feren-
da.

dere impar in uerba animi parum patientis erupisse
uideatur) uerum cū nullius male occasionis sibi con-
scius esset, non dæmonē accuset tamen, nec ab illo aut
uilo homine tantas sibi inflictas ærumnas queritur,
sed ex Dei æquissimi uolūtate sibi ista accidisse agno-
scit: ut cum uxor ei exprobraret, Vbi nunc tuus est
Deus, cui confisus es: non animū abiecit, sed respon-
dit, Vt fatua loqueris? Si bona à Deo acceperimus,
quare mala non tolerabimus patienter? Sic nos quo-
que in afflictione nostra, ad Deum oculos mentemq;
dirigere decet, & iustissimè eius uoluntati nos no-
straq; placidè submittere: quādoquidē ille nihil uult,
nisi quod optimum, quanquā nobis interdum secus
uideatur. Quos diligit, castigat: nec peccatoris uult
mortem, sed ut conuertatur & uiuat. Suorum famu-
lorum, ut diaboli uel cuiusuis alterius, ministerio
utitur, quo nos ob nostra scelera aut incredulitatem
punit, & hoc modo ad rectam conuersionis uiam
reducit: uel etiā sic tētat nos Dominus Deus noster,
quemadmodū Deuteronomij 13. legitur, ut palam
fiat, utrum diligamus eū, an non, in toto corde & in
tota anima nostra. Pro summo gaudio itaq; ducite
fratres (inquit D. Iacobus) quoties in tentationes inci-
deritis uarias: illud sciētes, quòd exploratio fidei pa-
rit patientiā. Caterū patiētia opus perfectū habeat
ut sitis perfecti & integri nullaq; in parte imminuti.
Beatū item prædicat uirum, qui suffert tentationem:
quoniam cum probatus fuerit, accipiet coronam ui-

Prouerb. 2.
Hebr. 12.
Ezechiel. 18,

Cur diaboli
& angelorū
eius ministe-
rio utitur
Deus.

August.
serm. 24. de
tempore.

Iacobi. 1.

C 5 te, quam

410 De præstigijs dæmonum

te, quam promisit Dominus his, à quibus fuerit dile-

1. Petr. 4. ctus. Hinc admonet D. Petrus: Charissimi, ne miremini, dum per ignem exploramini, quæ res ad experimentum uestri fit: perinde quasi nouum aliquid uobis obtingat. imò in hoc quòd consortes estis afflictionum Christi, gaudete, ut in reuelatione quoque gloriæ eiusdem gaudeatis exultâtes. Timotheum hortatur Paulus, ut afflictiones ferat tanquam bonus miles Iesu Christi. Non enim quis coronatur, nisi legiti-

2. Timoth. 2. mē certauerit. Exemplum accipite, fratres mei (mo-
Iacob. 5. net Iacobus) afflictionis & patientiæ, prophetas qui loquuti sunt in nomine Domini. Ecce beatos dicimus eos qui sustinent. Tolerantiam audistis Iobi, & finem Domini uidistis, quòd ualde misericors sit Dominus, ac cōmiserans, qui pios è tentatione nouit eripere, Pe-

1. Petr. 2. tro teste. Iobum totū (excepta illius anima, quā illam permanere uoluit Dominus) etiam in suis substantijs & sobole durissimè, Deo annuente, afflixit satan: uerū post inuiolatam illius patientiam, cum multa eius usura, cuncta illi uberrimè reposuit Deus: cuius iam non est decurtata manus, idipsum potest, & infinitis partibus maiora. Quorsum ergo alicuius hominis, aut etiam ipsius dæmonis, nos terreat uolentia aut malignitas? cur ab horū iaculis usque adeò expauescimus? quæ si in nos uibrentur, figanturq; non tamen ad internecionem transfigent, si constanti fide reuerberemus, retorqueamusq;. Resistendum diabolo, & fugiet à nobis: neq; illi locus est dandus. Fi-

delis est.

Iacob. 4.

Ephes. 4.

1. Corin. 10,

Liber quartus.

411

delis est Deus, qui non finit nos tentari ultra id quod possumus: imò faciet unà cum tentatione exitum, quo sufferre queamus. Nouit ille, quibus nobis opus sit, priusquā petamus. Ne exhorrescamus, hortatur David à timore nocturno, tētatione scilicet occulta: nec à sagitta uolante in die, tentatione quippe manifesta: nec à negotio perambulante in tenebris, nempe à spectris in tenebris uersantibus: nec ab incurſu & demonio meridiano, quod Paulo nuncupatur angelus lucis, in quem se trans figurat diabolus. Psal. 91.
2. Corint. 12

Ad tolerantiam inuictam cōtra demonū insultus, & constantem in Deū fiduciam, ita afflicti sedulò excitandi sunt patrū quoq; exēplis: uelut Antonij Aegyptiaci, quem in tumulto latitantē tam grauiter lacerarunt demones, ut tanquā mortuū ad hospitiiū reportarit illum minister: ubi nōnihil respirans et quasi reuiuiscens, clām alijs ad tumultum se referri iubet. ibiq; ex priorum uulnerum dolore prostratus, cum ex animi fortitudine ad conflictum demones prouocasset, nec illi cunctarētur, assumptisq; uariarū bestiarū formis, Antoniū dentibus, cornibus unguibusq; impeterēt, & denuò lancinarēt, subito lucis quidā radius demones et tenebras fugauit. statimq; sanatus Antonius Christū præsente esse intellexit, dicēs: ubi eras Iesu bone, ubi eras? quare à principio non adfuiſti, ut uulnera curares mea? Et uox ad eum facta: Antoni, inquit, hic eram, sed distuli ob tuum certamen, quod prius obseruare libuit: iam autem, quoniam strenuum te pugilem

Tolerantia.

*Antonij
Aegyptij la-
eta cum de-
monibus.*

412 De præstigijs dæmonum

te pugilem præstiteris, in toto orbe celebre tuum erit nomen. Hæc Vincentius in Histor. lib. 14, refert Athanasium annotasse. D. Hilarius à dæmone mirè excruciat, oratione uincebat. Hic ubi paululum ab oratione quiesceret, mox à dæmone in tergo & lateribus appetebatur, ipsum irridente ijs uerbis, Hordeum ianne an paleas fesso tuo asino offeres? Nam suam carnem nonnihil obstreperam, antea sic affatus fuerat: Ego te asine non hordeo, sed palea pascam, ne posthac recalcitres.

Anton. Sabell. li. 10. exempl. ca. 13.

Communes preces.

Vt insuper eorum fidem adaugeat, uulnera q; torture dæmone eius iussu fugato, sanare dignetur misericordiarum pater, communibus ad eum ex animi penetralibus, suis confidenter precibus iuuandi. Id ab authore epistolæ ad Hebræos disertè mandatur. Memores estote uinctorum, tanquam unà cum illis uincti: eorum qui affiguntur, uelut ipsi quoq; uersantes in corpore. Orate pro uobis inuicem, ut sanis sitis: piè monet D. Iacobus. multum enim ualet deprecatio iusti efficax. Helias homo erat similiter obnoxius affectionibus ut uos, & precatus est ne plueret, & non pluit super terram annos tres, & menses sex: & rursum orauit, & cœlum dedit pluuiam, & terra produxit fructum suum. Item: Infirmatur quis inter uos, accersat seniores Ecclesiæ, & orent super eum, ungentes eum oleo in nomine Domini: & obsecratio fidei saluum reddet laborantem, & eriget eum Dominus: & si in peccatis fuerit, remittetur ei.

Hebr. 13.

Iacob. 5.

3. Reg. 17.

Hinc

Liber quartus.

413

Hinc orationum fidei publicè & seorsim à Christi fidelibus ad rem præsentem accommodatarum respondentiumq; energia, liquidò constat. Ne Petri fides deficeret satanae insultu, qui expetiuerat, ut eum uelut triticum cribraret, Christi oratione intercedente Luc. 22. impetratum est. Contra diaboli astutias ut uigilent cum omni sedulitate & deprecatione pro omnibus sanctis, Ephesios studiosè exhortatur Paulus. Admonet item Timotheum, ut ante omnia fiant deprecationes, obsecrationes, interpellationes, gratiarum actiones pro omnibus hominibus. Fidem quoque Christi operâ, sibi augeri orant Apostoli. Per Moysis orationem ad Dominum, soror illius Maria liberatur à lepra. Sic patris oratione, Christo genua flectentis, dicentisq; Domine misere filij mei, quoniam lunaticus est, & miserè affligitur, &c. increpatur demonium, puerq; sanatur. Se autem credere testabatur hic uir, & orabat Christum, ut ipsius incredulitati succurreret. Mulier quoque Græca Syrophœnissa genere, ad pedes Christi prouoluta, rogabat eum ut demonium à quo filia miserè cruciabatur, exturbaret: & ob eius interpellationē, exonerabatur filia. Multum confidebat Iudith in oratione fratrum, quando dixit: Orate ut firmum faciat propositum meum Deus, &c. Nihil aliud fiat, nisi oratio pro me ad Dominum Deum nostrum. Petrus & Ioannes orant pro Samaritanis, ut acciperent Spiritum sanctum.

Luc. 22.

Ephes. 6.

1. Timoth. 2.

Numer. 12.

Matth. 17.

Marc. 9.

Luc. 9.

Matth. 15.

Marc. 7.

Iuc. 8.

Act. 8.

Indicantur etiam ieiunia, si fortè caro, nimia sui
indulgentia

Ieiunia.

414 De præstigijs dæmonum

indulgentia proteruiens, locū dæmoni dederit: ut hoc restricta freno, in ordinē redeat. Quare Porphyrius tradit ieiunium & castitatem maximè laudari, non quia ijs placatior in primis efficiatur Deus: sed ut retroagantur qui sanguine & immundicia gaudentes, quo perfrui possint his, utentium corpora inuadunt.

Matth. 17.

Marc. 9.

Luc. 9.

Iud. 4.

Est enim aliquod dæmoniorum genus, quod non nisi orationibus & ieiunijs eijcitur: Christo authore, incredulitatis, propter quam illud expellere nequiverunt, discipulos redarguente. Eleachim quoque sacerdos Domini magnus, sic omnem Israellem alloquitur: Scitote quoniam exaudiet Dominus preces vestras, si manentes permanseritis in ieiunijs & orationibus in conspectu Domini. Et Raphael Tobiam docet, bonam esse rationem cum ieiunio. Historiam in hanc rem mirè commodam narrat Boethius historicus, in Gareothæ scilicet regionis uico quodā, quatuordecim uix passuum milibus ab Aberdonia disto, eximie formæ adolescentem coram Aberdonensi antistite quæstum esse, palàm sese à dæmone succubæ (ut dicunt) gratissima omnium quas uidisset formæ, multos iam menses infestari, eandemq; occlusis foribus noctu ad se ingredi, & blanditijs in suos compellere amplexus: dubia luce eam penè sine strepitu abire. nec ullo se modo, quum plurifariam tentasset, à tanta tamq; turpi uestania liberari. Iubet continuo circumspectus & pius episcopus, adolescentem aliò se conferre, & ut secundum Christianam religionem

nem ma

Liber quartus.

415

nem magis laudatis ieiunijs, & orationibus solito attentius accommodaret animam: hinc fore arbitrabatur, ut pijs operibus intento, uictus caco-demon tandem terga daret. Nec felix defuit successus salubri consilio: quod adolescens religiosè exequutus, paucos post dies omnino ab illis uindicatur ludibrijs.

Accedat adhæc, pro facultatū ratione, earum communicatio, & in pauperes erogatio, oblatioq; quam odorem bonæ fragrantie, hostiā acceptam gratamq; Deo appellat Paulus ad Philipp. Romanos etiam impensè adhortatus ad tolerantiam in afflictione, & precationi ut instarent, necessitatibusq; sanctorum communicarent. Cornelius item centurio ex cohorte Italica, religiosus ac timens Deum, præstans eleemosynas plebi multas, deprecansq; Deum semper, quam audiuit ab angelo uocem? Corneli, orationes tuæ, & eleemosinæ tuæ ascenderunt in memoriam coram Deo. Et Raphael angelus ad Tobiam: Bona est, ait, eleemosyna magis, quàm thesauros auri recondere: quoniam eleemosyna à morte liberat, & ipsa est quæ purgat peccata, & facit inuenire misericordiam & uitam æternam. Item Tobias pater ad filium ante mortem: Ex substantia tua fac eleemosynam, & noli auertere faciē tuam ab ullo paupere: ita enim fiet, ut nec à te auertatur facies Domini. Quomodo potueris, ita esto misericors. Si multum tibi fuerit, abundanter tribue: si exi-

Eleemosyna.

Philipp. 4.
Roman 12.

Acti 10.

Tob. 12.

Tob. 4.

gnum

46 De præstigijs dæmonum

guum penes te fuerit, etiam exiguum libenter imper-
tiri stude. Præmium enim bonum tibi thesaurizas in
die necessitatis: quoniam eleemosyna ab omni pecca-
to & à morte liberat, & non patietur animam ire in
tenebras. Fiducia magna erit corā summo Deo elee-
mosyna, omnibus facientibus eam. Apud Lucam ipsa
ueritas loquitur: Date eleemosynam, & ecce munda
sunt uobis omnia. Nabuchodonozori Babylonis re-
gi suavit Daniel, ut eleemosynis redimeret animam.
Apud Ecclesiasticum legitur: Ut aqua ignem arden-
tem extinguit, ita peccatum expiat eleemosynam: cu-
ius Dominus gratiā redditurus, memor erit in poste-
rum, ut author tempore casus sui adminiculum inue-
niat. Nam eleemosyna uiri, quasi sacculus cum ipso,
& gratiam hominis quasi pupillam conseruabit, &
postea resurget & retribuet illis retributionem, uni-
cuique in caput ipsorum. Ergo concludere eleemosy-
nam in corde pauperis, & hæc pro te exorabit ab
omni malo. Apud ægrum lucida suarum exacerba-
tionum habentem interualla, horum plurima, cum iu-
dicio à prudente Ecclesiæ ministro proponi possunt.
Apud hunc uerò qui cōtinuò torquetur mente læsus,
orationes (ut dixi) communes, & fidelium interces-
siones necessitati præsentī cōsono sensu applicatæ, ie-
iunia et egenorum subleuatio, suū habebunt pondus.

*Vbi plures
maleficio læsi
simul uno in
loco sunt,
quid faciun-
dum.*

Ceterum si uno in loco, maleficio collisi sint nu-
mero plures (quemadmodum in monasterijs, potissi-
mum uirginum, uelut organorum satanæ ludibrijs
magis

Luc. 11.
Daniel. 4.

Ecclef. 3.

Ecclef. 17. &
29.

magis accommodatorū, frequenter usuuenire cernimus) ante omnia huc cura propendeat, ut separentur, & unaquælibet ad parentes uel sanguine aut affinitate proximos auehatur, quo singula seorsim commodius fideliusq; institui & sanari queant, restitutionis habito pro cuiusque necessitate delectu: ne uno (quod aiunt) calopodio (quorundam ineptorū, mendacium, impostorum, superstitionis impietatisq; antistitū more) quis calceare conetur omnes: & dissolutis præscriptorū uerborū minus conuenientiam formulis, commenticijsq; quibusdam ritibus & substantijs ad rem minime facientibus, profligare demonem in ijs ridentem illudentemq;, & fugam plerumq; simulantem egregie, quasi compulsū, licet ultrò cedentem, ut nos incredulitatis labyrintho altius inuoluat, si uetitis cum medijs fugatum credamus. Quæ uerò uirgines arctius oclusæ cohibentur, nec egredi permittuntur, mutuam hic ægrota præstent in suorum cruciatuum interuallibus operam, se mutuò consolantes, modumq; præscriptum quoad fieri potest obseruantes: nec ad cuiusmodi spectaculum admittantur iuniores, ne territæ tormentorum raritate & uehementia, quid mali contrahant. Quum aliàs ad piam puellam in cœnobio obseratam literas dedissem, quibus uirginum eo in loco olim incredibili cruciamentorum genere à demonio exercitarum, quarum superiori memini libro, historias mihi cupere describi, ea in hanc ferè sententiam respondit:

D

Duas

*Iuniores ad
tale spectaculo
non admittendi*

418 De præstigijs dæmonum

Memoranda
historia cura-
tarū monia-
lium apud
Mariaarbo-
rem prope
Xantos.

~~Duas adhuc ex illis superesse octogenarias~~ propemo-
dum, à quibus sæpius audiuiſſet, ne magno quidem ſe-
uelle graui illa caruiſſe calamitate, ex Dei uoluntate
nata, quòd inde peculiare gratiæ diuinæ donum &
illuminationem ſe conſequutas ſenſiſſent: nec ſecus
earum teſtari uitam. Quid Antonio nocuit, ſeueros
in ſuis ceruicibus tuliſſe magiſtros? cui eos ſecundum
Dei uoluntatem perpeſſo, in maius ceſſit lucrum &
gloriam. Scribebat quoq; miſſos eo tempore fuiſſe
undecunq; uiros doctos, qui terrificorū eorum ſym-
ptomatum laruas contuiti, eas penitiſſimè ſcutaren-
tur, amolirenturq;: ſed quo in eiufmodi cōſilijs conſi-
dentiùs perſtitère, eo malū recrudit grauius, ut tan-
dem Dei opus eſſe ſingulare faterentur: à cuius manu
quū id exciperèt, & ſe toto corde ſub potèti eius bra-
chio ſubmitterent, ſemet integrè abnegantes, humili-
tatemq; uſque adeò amplexæ, quo etiam cunctis ſuis
affectibus reſtiterint, eosq; uicerint: & breuiter, ad
diuini uerbi normam toto animo uitā conformarint,
tunc paulatim cuanuerunt uniuerſæ illæ diræ. Piam
epiſtolæ illius uirginis partē multis de cauſis inferere
uolui, quòd id conſiliū meo inſtituto prorsus reſpon-
deret: et ne eiufmodi uirgines uſque adeò à piorū nu-
mero alienas eſſe, quis temerè in animum inducat,
etiāſi adhuc multa in ijs deſiderari nō diffitear, quæ
inſcitia & non ſana informatione prætermittun-
tur. Porrò monaſterium id ingreſſus coràm cum al-
tera contuli uetula, quæ id mali decem ſuſtinuerat
annos,

annos, eo nomine gratias Deo agens quàm maximas: ac si ætas admitteret, se libenter denuò ijsdem uelle calamitatum fluctibus obijci asserebat. Hortata autem me est maximopere, ut si in consilium ad ita afflictas accersirer, ne exorcismos admitterem unquam. Quædam in eo tormentorum theatro constituta, à fratre uirgis ex quorundam consilio excarnificabatur, quemadmodum ab ineptis etiamnum hodie consulitur: quasi demonem profligent uirgæ, & non potius eo modo ille carnificinam procuret. ea rei indignatione & pudore perculsa, contabuit pedetentim, & moritura cecinit. rogata uerò cantionis causam, respondit: eo quòd de salute sua æterna minime hæsitaret. Altera quoq; iam diu à demonio excruciatæ, & morti proxima, se totam attenta oratione Deo offerebat, ut cū ea pro suo arbitrio quicquid uellet, in tempore & in æternum ageret, dummodo ipsius glorificaretur nomen: rogauitque reliquas uirgines, ut post eius mortem non ex more, Misere mei Deus, canerent: sed, Gloria patri. Memorabile abnegationis ueræ exemplum.

Singularem insuper, & suo loco imitandam aliquando curationis eorum quos uexat diabolus, rationem, ex sequenti colliges historia. Philippus monachus abbatiæ Knechtenstein, integer & simplex, à spiritu referente abbate maciletū, ante multos annos mortuū, exagitabatur miserè & multifariā: interdū anchebatur sub tectū, plerumq; per murū inopinatò

D 2

transferebatur;

Curandi demoniaci exemplum insignè.

420 De præstigijs dæmonum

trāsferbatur, inuentus quādoq; est corpore super pi-
scinā proiecto, capite autē in terram reclinante. Tan-
dem se prodit spiritus, diutinae et multip-^l cis uexatio-
nis causam explicans: se nimirū esse illum abbate tot
annis sepultū, ac eo torqueri, quod suff-^l ēsam D. Vir-
ginis effigiē exquisitē depingi curarit: nec satis fuis-
se factum pictoris laboribus & impensis, qui inde ia-
cturam senserit (uerum id fui). Subnectebat hinc so-
lutionis modum, cuius nomine hanc exorsus erat fa-
bulam diabolus: expiari scilicet hoc delictum non
posse, aut ulla se liberari ratione, nisi religionis ergo
apud Treueros & Aquisgranum peregrinaretur hic
Philippus (quem ob simplicitatem accommodatum
suis ludibrijs organum ratus est diabolus) & nescio
quot Missæ in eius assertionem recitarentur. Vt huic
spiritus uoto satisfaceret, consuluerunt Theologi Co-
lonienses: & capitulariter (ut illorum more loquar)
id reliqui postulabant quoque monachi à suo super-
stite etiamnum abbate: qui saniori institutione atque
acri increpatione in aliam potius sententiam Philip-
pum existimauit traducendum, ut uidelicet fide uiua
omnis miserationis Deo patri, & Christo assertori
nostro unico confisus, dæmonis imposturas animo
negligeret forti: redeuntiq; spiritui obijceret, se non
esse sui iuris: at sub aliorum degere imperio, pro-
pterea nec posse ob rerum penuriam à se obediri eius
uotis. Quo facto, spiritus respondit: Dic suppriori.
de eo enim, confirmandi sui instituti spem concepe-
rat. Qua-

rat. Quare Abbas, ubi dæmonem perseuerare, nec monachum illius illusionibus satis confidenter resistere animaduertit, ipsum denuò rectius instituit, studiose hortatus ut resipisceret, nec tam pronas offerret satanæ technis aures: si uerò manes, uti hactenus, audire pergeret, se illum flagris, & quidem capitulariter cæsura, seuerissimè minitatus est. Hinc irritos suos spiritus uidens conatus ob Abbatis constantiam, & animum Philippi magis erectum fiducia in Deum aduersus fraudulentæ exitialiaq; dæmonij studia, nunquam redijt, alioq; migravit. Hanc curandi methodum, in eo fraudiū diabolicarum genere, quandoque in usum reuocandam arbitraretur.

De naturalis congressus, satanæ opera præpediti, curatione ita scribit Igmarius Remensis archiepiscopus: Si per sortiarias atque maleficas artes occulto, sed nunquam Dei iniusto iudicio permittente, & diabolo preparante, concubitus non sequitur, hortandi sunt quibus ista eueniunt, ut corde contrito & spiritu humilitatis, Deo & sacerdoti purè cōfiteantur, &c.

In controuersia, ubi maritus ad congressum ineptus esse ex maleficio accusaretur, in foro Constantiensi decretum fuisse scribit Vlricus Molitor, ut primum à medicis ille, quem leges dicunt maleficiatum uel frigidum, inspiceretur, num alia illius impotentiae naturalis foueretur causa: deinde ut triëniū adhuc uxor cum marito conuiueret, qui suas interea temporis experiretur uires; utq; eleemosynas liberalius erogarent,

In cap. Si per
fort. 33. q. 1.

Decretum in
concubitus
maleficio.
In ra. de La
mij. & Py-
thoicis.

D ; garent,

422 De præstigijs dæmonum

garent, & ieiunijs uacarent, quò matrimonij institutor Deus eiusmodi malū amoliri dignaretur. Decretum sanè ad imitationem reuocandum.

Quando adhibendi exorcismi, et quomodo.

Qualè oportet esse exorcistam.

Ephes. 6.
In concilio
Carthaginē-
si 4. 23. di-
stinct. c. exor-
cista. ca. 7. de
consec. dist.
5. c. omni die
ubi de ener-
gumenis, id
est, obse-
sis agitur,
quibus ma-
nus impone-
bant exorci-
stæ.

Matth. 17.

Marc. 9.

Luc. 9.

Ioann. 14.

Matth. 21.

Marc. 11.

Luc. 20.

Porro si dictis rationibus nondū cedit inflicta calamitas, opusq; satanæ perdurat, eum increpare licet ex Christi doctrina Marci 16. quò credentes per eius nomen dæmonia sint eiekturi. Eapropter Apostolorum & primitiue purioris Ecclesiæ exemplo, per Christi nomen expellat minister, uero ductus zelo, conscientie bonæ testimonio fretus, habens peculiare illud Spiritus sancti donum, eiectendi nimirum dæmonia: gladio spiritus, quippe Dei uerbo accinctus, atq; diuina panoplia circumquaq; munitus, assumpto super omnia fidei scuto, quo omnia iacula mali illius ignita queat extinguere (qualè armaturā in huius libri initio ex Paulo proposui) ne cū discipulis Christi dæmoniū fugare nequeūtib. à Christo audiat: O' natio incredula & distorta, quò usq; tandem ero uobiscū? quò usq; patiar uos? firmiter hinc infallibilitatur promissioni: Amen dico uobis, qui credit in me, opera quæ ego facio, & ipse faciet, & maiora horū faciet, quia ego ad Patrē uado. Et: Quodcumq; petieritis Patrem in nomine meo, hoc faciā, ut glorificetur pater per filiū. Si quid petieritis per nomen meū, ergo faciam. Scribit itē Lucas, septuaginta reuersos ad Christum cum gaudio discipulos, dicentes: Domine, etiā dæmonia subiiciuntur nobis per nomē tuū. Ait aut illis: Videbam satanā sicut fulgur de cælo cadē-

cadentem. Ecce do uobis potestatem calcandi super serpentes & scorpiones, & super omnem uirtutem inimici, & nihil uobis nocebit. Ita in Christi nomine flectuntur genua coelestium, terrestrium et inferiorum. Nec aliud nomen sub caelo datum est hominibus, in quo oporteat nos saluos fieri. Solo hoc Patris aeterni uerbo creata sunt coelum & terra, et quicquid in eis consistit. Eius nutu in praecipitum ruit illa immensa angelorum caterua. Ad Christi aduentum imperiumque horruerunt & profugerunt, quotquot arctissimo uinculo in sua custodia miseros mortales constrinxerant diaboli. In hoc nomine credentes discipuli, demonia exturbarunt. Pythonis spiritum in Macedonia, ex puella demoniaca eiecit Paulus his uerbis: Praecipio tibi in nomine Iesu Christi, exire ab ea. & exijt eodem hora. Sic a Petro iussi demones egredi: qui uel unicum diem sibi indulgeri, ut in subiugatis permanerent corporibus, rogabant, teste Clemente. Apud Hieronymum presbyterum in uita Hilarionis Palaestini eremite, legitur de quodam Constantij imperatoris candidato, ex Francia Germaniae orto, quem a teneris unguiculis demon obsederat malignus. Ductus igitur ille Gazam ad Hilarionem, exponensque tam Syra quam Graeca lingua (quam tamen nusquam didicerat demoniacus) multiplicem obsidionis causam, ei respondit uir sanctus: Non curo quo modo intraueris, sed ut ex eas in nomine Domini nostri Iesu Christi impero. In hoc nomine Simon apostolus simu lachrum Solis cominuit: et Iudas Luna, demonibus inde

Philip. 2.
Act. 4.
Genes. 1.
Ioann. 1.

Matth. 8. 9.
12. 17.
Marc. 1. 5. 9.
Luc. 4. 8. 9.
11. 13.
Act. 16.

Li. 4. Recog.

Abdias episcop. Babyl.
lib. 6. Histor.
Apost.

424 De præstigijs dæmonum

*Ioannis euan-
geliste in fu-
gando demone
ne contra ma-
gam Cynopa
miracula.*

uisibiliter Aethiopum forma expulsis. Sic in Capito-
lio draconem clausisse Syluestrem, & Philippum
Leuiathan fugasse traditur. Ioannes euangelista su-
perato ueneno, dæmonem in Dianæ templo ducen-
tos & quadraginta nouem annos commoratum, his
uerbis loco expulit: Interdico tibi in nomine I E S V
Christi Nazareni, ne ultra hic habites: & confestim
decessit Epheso. Quocirca iussu Domitiani in Pa-
thmon insulam exul deportabatur uir sanctissimus.
Hic cum Cynops magorum princeps in Phara oppi-
do contra Ioannis doctrinam, & edita in Christi no-
mine miracula, ex falsa sacerdotum Apollinis in Io-
annem criminatione, maleficijs populum dementa-
ret, auocaretq; mortuos etiã se excire iactabat: quo-
rum facie assumpta etiam dæmones apparuerunt, è
mari emerfi. Tandem Ioanni ait Cynops: Veni sodes
ad portum, ut aspicias potentiã meam, et amplius ad-
miraberis. Igitur Ioannes cum uniuersa multitudine
rediit, præcipiẽs illis tribus dæmonibus, qui sub ima-
gine hominũ nuper resurgentiũ comitabantur, ne di-
scederent. Concußis itaq; manibus, & terribili maris
sonitu peractõ, Cynops se, ut antea, dimisit in mare,
atq; sic ex oculis hominũ euauit. qui clamare nõ ces-
sabant, laudando dicẽtes: Magnus es Cynops, & ne-
mo præter te. Ioannes interim orabat Dominũ, ut
inter uiuos ultra nequaquam cõnumeraretur magus
ille. Tum repente uehemens est pelagi murmur audi-
tum: & procellis ingruentibus ei loco, ubi se præci-
pitauit,

Liber quartus.

429

pitauit, nusquam apparuit. Et demones qui sub humana figura stabant, quasi iam pridem resuscitati à mortuis, adiurabantur ab Apostolo Dei, dicente: In nomine crucifixi Iesu Christi hanc insulā exite, nunquā redituri: & statim ab uniuersorū oculis disparuerunt, frustra expectantiū Cynopa, si fortè ex fretore resurgeret. Sic apparet, quantum uerè Christianis magistri nomen profuerit, & imitatio iuuerit.

Hæc est coniuratio, hic uehemens fortisq; exorcismus, hic modus fugandi demonis certus, hæc breuis formula, hi sunt characteres, quibus inuocatur omnipotētia rebus supra cōmunē uitæ rationē agendis: hæc doctrina uera, hoc fundamentum solidum: hic philosophorum lapis, longè quidem exuperans eum de quo Alchimici hallucinati contendunt: inò lapis angularis, in quo omnis structura firmiter coagmentatur. Hæc sunt diuina testimonia, hæc sacrorum nostrorum monumenta, hæc ueri sacerdotis memorialia, hæc purissima signa, hæc nostræ in exturbandis demonibus ceremoniæ, paucis contentæ, facili usu, uili apparatu. Hæc ars cælo sublimior, tartaro profundior, libera periculis, umbrarum hostis, contemptrix laruarum, simulachrorū perosa, nec thuris nec meri indiga, uniuersis manibus, lemuribus, laruis imperitans, omnia busta, omnia sepulchra et species mortuorum contēnens, & inania terriculamenta, & noctiū occurfacula, & inferorum commeacula (ut Capnion inquit) exporrecta fronte fugans, fatum & naturam

Esaiæ 28.
Ephes. 2.

D s uincens,

426 De præstigijs dæmonum

Matth. 8.
Coloss. 3.

Li. 2. ca 16. de
Orig. erro-
ris. Idē apud
Clem. lib. 9.
Recog.

Mal-ſicij cu-
randi & dæ-
monis expellē-
di modus un-
garis ineptus.

uincens, & quicquid unquā ritè optamus, si modus à magistro traditus obseruetur, indefinēter perficiens, & indeficiēter adimplens. Verbo languores uniuer-
sos sanauit, et dæmones expulit Christus. Si ergo secu-
rè operari uoles, necessariò illud Pauli cōsiliū ob ocu-
los pone: Quodcunq; facitis in uerbo & in opere, ut
omne id in nomine Domini nostri Iesu Christi facia-
tis. Hoc est salutiferū medicamētū, quin ipsa panacea
uel potius hæc salus nostra et medela. Rectè hinc Na-
zianzenus in Defensorio ait: Dæmones adhuc cōtre-
miscere, quādo Christi nōmen inuocatur. Contra hūc
nullæ ligaturarū præstigiæ, nulla maleficiorū ostēta,
nec ulla dæmonij opera, momentū quidē perdurant,
quin dicto citius euanescent. Proinde à Lactātio quā-
uerissimè dictū est: Dæmones iustos, id est ueri Dei cul-
tores metuere, cuius nomine adiurati, de corporibus
excedunt: quorū uerbis uerberati, nō modò se dæmo-
nes esse cōfitebuntur, sed etiā sua nomina edūt. Quia nec
Deo, per quē adiurantur, nec iustis, quorū uoce tor-
quētur, mētiri possunt. Itaq; maximis sæpe ululatibus
editis uerberari se ac ardere, & iam iamq; exire pro-
clamant. In hoc ordine curationis, Scripturæ sacræ
fundamēto innixæ, nullā erroris suspiciōē, nihil ido-
lolatricæ, nullā blasphemiciæ opinionē foueri, luce me-
ridiana clarius cōtuemur. Cuius uerò Scripturæ te-
stimonio, aut quo exēplo fulciatur uulgaris illa & ali-
quādiu malè molita maleficij per quēcunq; ineptum
& quandoq; bis cecū, curandi et dæmonis eliminādi
ratio, me

ratio, me profectò latet: ubi præter inutilē ceremoniarum congeriē, exorcismos adhibēt diros, ne dicā blasphemos: Stētores etiā uociferatione, profusorumq; uerborū turbine, uiolēter abigere demonē uelle uidetur, Euāgelia à proposito dissona, Symbolū Apostorum, orationē Dominicam, salutationē Angelicā, & nescio quæ alia, iterū atq; iterū repetentes. Quorsum hæc ad satanæ expulsionē cōferent? ubi mandatū, ubi exēplū, apud Christū, Apostolos, uel eius discipulos, siue etiā primitiue ecclesiæ ministros? Rei propositæ non respondet uerborum intellectus. Christus, eiusq; imitatores in fugādo diabolo cōuenientibus sunt usi uerbis. Illā autem uerborū recitationem cū instituta actione minimè cohærere, nemo nō uidet. At abominabile suū sacrilegiū ponderent illi, qui eam modum nedum usurpare audent: uerūm etiā bestiis & inanimatis rebus, præter subnascētis Ecclesiæ syncerioris exēplū, execrādas cōiurationes & frequentē tremendi nominis Dei nūcupationē solenniter applicare, itē signū crucis cū oratiōe Dominica et salutatione Angelica ter uel sæpius repetita (sic Mallei referunt auctores) uaccæ cōsecrare. Hos, ut minimū, in secundi Præcepti trāsgressione grauiter delinquere, ne quid grauius addā, sentiūt alij. Cōtra grādines uerò & tēpestates, ultra crucis signū, lapilli tres ex grādine in ignē sub inuocatione sanctissimæ Trinitatis coniiciuntur, oratio Dominica cū Angelica salutatione bis aut ter recitatur: adiūgitur Euangelium Ioannis, In principio erat

Bestiis & rebus inanimatis conuentiones superstitiose applicantur.

2. secundæ part. quæst. 2. cap. 7.

Grādinis & tēpestatis ex maleficio nata sedatio superstitiosa.

Ab Augustino interdicitur, & legitur 26. q. 7. non obseruetur.

pio erat uerbū, atq; signū crucis undiq; contra tēpestatē antè & retrò, & ex omni parte terræ subinfer-tur. Demum cū in fine ter repetierit exorcista: Verbum caro factū est: & toties annexuerit, Per Euāgelica dicta fugiat tēpestas ista: subito tēpestas, si eā maleficiū excitari, cessabit. Hæc uerissima experimēta, nec suspecta iudicāda, dicunt Theologi illi. Qui sanè illud ipsum uitium committere uidētur, quod in alijs emendare cupiunt: & ut ille canit poeta Satyricus, Dum stulti uitant uitia, in contraria currunt.

Quantum enim deest eiusmodi coniuratoribus, ut non uerè exprimāt rationem præstigiatorum & incantatorum? Et tamen ista non in leuibus solum experiuntur rebus, sed etiam in benedictis Dei creaturis, imò in mysterijs & institutis Christi perfidè abutuntur. Sed absurdiora hæc sunt, quàm ut longiori confutatione indigeant. In secundum Decalogi præceptum hic quoque haud dubiè impingitur, quamquam secus ab illis doceatur.

Atqui si in nomine Dei & Christi pronunciato preces & exorcismos finire, & exoptatum finem interdum consequi obijciant, Christi ueracis quæso uicissim uerba audiant: Multi dicent mihi in illo die, Domine domine, nonne in nomine tuo prophetauimus, & tuo nomine dæmonia eiecimus, & tuo nomine multas uirtutes præstitimus? Ac tum confitebor illis, Nunquam noui uos. Impiorum itaque exorcismi uirtute non cedit diabolus, sed sponte: ut impietatem con-

tem confirmet, & erroribus alios immergat altius.

Si uerò præter naturā quid pati iumenta credantur (quod tamen cognitu difficilimum, quum sæpe in pascuis uenena uel depascantur, uel spiritus attractu illiciant) primum omnium his pharmacum contra uenena uel similia uitia offerri potest, & reliqua administrari, quæ ex naturali coniectura & arte (quam doctè copiosèq; tradit Vegetius de arte ueterinaria uel mulomedicina libris quatuor, item Columella, Cæsar Constantinus, & pleriq; alij ueteres & recentiores) usui fore arbitrabimur, successum toleranter expectantes. Quæ si minus iuuerint, sed morte armentum abirpiatur: uelut speculum, mentis oculis opponenda erit Iobi patientia: & quicquid id est calamitatis ac damni, Deo sic uolenti (qui dedit & abstulit, idq; sicut illi placitum est, ita facit) ferendum erit acceptum: nec ad ariolos, aut diuinos, aut Pythonis spiritu turgidos, contra euidens Dei mandatum, impiè confugiendū. qui profectò M. Catonis idololatriam in agro lustrando certis ceremonijs, solennibus sacrificijs, uerbis atq; uotis Telluri dicatis, ut insuetas alat arbores: ipsis etiam arboribus exoratis ut transmigrant, & in alieno solo accrescant: rapis quoque obsecratis dum seruntur, ut sibi & familiæ uicinisq; benignè conferant: precibus Marti fufis, ut ager pecoraq; seruentur, imitatione sacrilega comprobare uidentur: qui etiam in foramen cornu uaccini terebra impressum, contra incantamentum quandoque intrudere

Iumenta si præter naturam quid patientur, quid faciundum.

Columel de re rust. li. 6. & 7.

Cæsar Const. li. 17. 18. 19.

De re rust. ca. 141.

430 De præstigijs dæmonum

De arte ne-
ter. li. i. c. 20.

trudere solent mixturam ex cereæ Paschalis, & eius-
dem thuris ac stolæ momento. Suffimentum autem
animantium morbis prohibendis utile, legitur apud
Vegetium. qui licet id quoq; lustrare animalia, fasci-
num tollere, dæmones fugare, et grandines inhibere,
ab alijs male persuasus scribit: tamen odore suo, cau-
sa quippe naturali, tam hominum quàm animalium
morbis resistere, & aerem defecare addit. ita habet:

Recip. sulphuris uiui lib. ij. bituminis Iudaici lib. j.
opopanax, achanti, galbani, castorei, irios crudi, an.
unc. sex. salis Armoniaci unc. ij. salis Cappadoces,
cornu ceruini, lapidis gagatis masculi, lapidis gagatis
feminæ an. unc. iij. lapidis hæmatitis, lapidis sideritis,
lapidis argeritis an. unc. j. equuleas, id est caballio-
nes marinos, caudas marinas, ungues marinos, an.
numero septem. uua marinæ unc. iij. medullæ cerui-
næ, cedrei, picis liquidæ an. pondera iij. ossa sepie
numero 7, auri semiunciâ, ballucæ siliquam. Hæc uni-
uersa cõmisceantur, & succédantur. Sed si memoratos
lapides aut inuenire nequiueris, aut enormitate pre-
cij ab emptiõe cessaueris, reliqua efficaciter prosunt.

Pecora dolo-
so maleficio
acta.

Interea tamen studiose inquirendum, num aliquid
monstri alatur, aut fucus alicubi foueatur: quemad-
modum à quodam latomo apud Batauos factum me-
mini, qui stabula ingressus, lupi stercus clam in præse-
pibus abscondebatur: cuius odore, ut uoracis sui hostis
præsentia, ob antipathiâ, ueluti malefico actu, territe
pecudes, ultrò citroq; exultare, & insolito concitari
furore

furorē uidebātur, unde turbati rustici incātamentum esse conijcerēt. Quocirca ad fabulæ actorē, uelut è specula hæc obseruantē, atq; sanādi maleficij nomine celebrem concurrebatur: qui tecta fascini materia, lupi nimirum excremēto, occultē ablata, ocyus malū amoliebatur. Sublata enim causa, tollitur effectus. Sic rem qualemcūq; ex hac professione faciebat: à uiris tamen bonis admonebatur, ut maturē eiusmodi falsitati renunciaret, ne merita falsariū consequeretur punitio.

Porro cōtra quæcūq; uenena, oblata philtrea aut cupidinis pocula, medicorū imploranda erit opera: ut postquam perspicaci indagine ex relatu, circūstantijs & symptomatibus obortis, si non in ueneni essentia absolutā cognitionē, saltē ad eius qualēcūq; cōiecturā, illi peruenerint quā ocyssimē (in mora enim hic sæpe periculū existit) tum pro eius qualitate deleteria & uehementia, quā poterunt artificiosa & exacta methodo amoliti euestigiō manū, alexiteria & quæ ars dictabit, ordine administrabūt. Morbi si tolli posset causa cognita, cōcidet simul effectus. Vena, eorūq; assumptorū uel aliās inficientium indicia, simul & propria antidota, medicorū nouit scholæ: nec ea hic explicare, nostri est instituti. Si uerò ita affectos, ad temerarios alterius scholæ homines aberrare contingat, mortis aleam profectò haud rarò, etiamsi pestifera ueneni uis sit lenta, uirulentia pedetentim accrescente, tandemq; cordis uitalem fomitem feriente, experiuntur infelices.

Contra uenenum quid faciendum.

DE MA

DE MAGORVM, INFAM-
mum sagarum & ueneficorum
pœnis. Lib. v.

QUod meam hic sententiam à uulgari, & iam multis annis inueterata diffultantem, uelut appendicem, quatuor superioribus libris annexam: non mihi professione medico, uerti uitio decet, quasi uocationis meæ sepes transfiliam. Veritatem enim in profundo abstrusam inuestigare licet cuilibet, nec illi uetustatis auctoritatem præponderare oportet ullam. Negocium uerò illud dæmoniacum tam inextricabilibus quum sit inuolutum labyrinthis, ut non facile quis hinc se explicet, etiamsi ducem habeat emunctarum narium Theseum: inde si aliquis pro ingenij modulo ueritatem elicere studeat, non is reprehensione coercendus: at potius iuuandus, suamq; merebitur laudem, si uel bonæ operæ momentum præstiterit. Quare autem non concedetur medico, rerum absconditarum ex professo indagatori, qui huic scholæ aliquandiu nauarit operam (quam uerò felicem, erit penes alios iudicium) in forum prodire, & suam proponere opinionem, citra eorum quorum interesse agnosco, præiudicium? Iurisperito uicissim, aut cuius alij, nedum non inuidebimus medici, sed eum cum scenore honorem libenter etiam deferemus, ut in re apud nos magis placitis aut longi usus obseruantia, quàm rationum firmitati nixa, uel alioqui con-
trouersa;

trouersa, ingenuè suam interponat sententiam: à nobis certè obuijs amplectendam ulnis, si in ueri cognitionem aliquo ducat modo: reijciendam autem, si à ratione comperiatur aliena.

Cum bona itaque Iurisconsultorum uenia dicam, magos uarios quum suprà multo discrimine à sagis et ueneficis meritò distinxerim, non eadem debet his simul confusè & indifferenter statui pœna. Quotquot enim magorū nomine dignatus sum, non ignoranter, aut coactè, sed studiò sedulàq; uigilantiâ, factis etiam grauib; impensis, interdum & peregrinationibus huc insitutis, curiosas has inquirunt artes, & blasphemiarum plaustra: libros uidelicet execrabiles magno frequenter ære redimunt, è quibus satanicæ scientiæ mysteria, si dijs placet, exugant diaboli mancipia & nutricij, ut post eximiam, nec uulgarem suo doctori primario præstitam operam, merita donentur laurea strenui discipuli (nisi ex Dei gratia, conscientie aculeo pungente adacti, satanæ nuncium remittât, ac maturè resipiscant) quæ is suos cohonestare solet, quos sibi & animo & corpore mancipatos, in præcipitium rapit. Eiusmodi Magos olim capitali supplicio mulctauit Moses. Fuisse item postea punitos, ex Petri uerbis apud Clementem liquet. Iste, fratres, (inquit) quem ostendo uobis, paulò antè uenit ad me, de Simonis mihi malis artibus nuntians, quomodo ipsam sceleris sui officinam proiecerit in profundum, non quasi pœnitentia ductus, sed

Magis omnibus non eadè potest infligi pœna.

Leuit. 20.

Deuter. 18.

Li. 3. Recog.

Et

metuens

434 De præstigijs dæmonum

metuens ne deprehensus publicis legibus subiaceret.

Lib. 10. re.
cogn.

Lib. 9. ca. 15.

Propterea etiam in Iudæa Antiochiam fugit territus, putans se à Cæsare quæri ad pœnam. Tradit quoq; Cassiodorus, Athalarici regis Gotthorum esse sententiam: Maleficos, uel eos qui ab eorum nefarijs artibus aliquid crediderint expetendum, legum seueritate puniri oportere. Quia impium est circa eos esse remissos, quos cœlestis pietas non patitur impunitos.

Lib. 8. ca. 19.
de ciuitat.
Dei.

Huc referatur Augustinus, qui ex Cicer. sententia dicit, in XII. tabulis, antiquissimis Romanorū legibus conscriptū esse: Ei qui has artes exercuerit, suppliciū sit. Magus & ueneficus hic intelligitur, non illusa uetula, cunctarum expers artium. Illorum artem exterminant respublicæ omnes bene constitutæ.

Sunt interim pleriq; magi nō ita extremè cū aliorū iactura, flagitio scelereq; exorbitantes, qui pro suo nutu ex occulta quadā, quā ex uoluntatis & studiorum consensu cū dæmonibus contraxerunt, societate, recitata superstitiosæ uel impiæ cōiurationis formula, uel submurmuratis secretò insulsis uocibus, cuiuscūq; formæ requisitæ imaginē aut spectrū, præstricto oculorum acumine, in urna uel speculo uel aere aut alibi ostentāt: nihil aut uerè in rei essentia, nō phantasticū uel imaginariū hac ratione præstare hi queunt: quēadmodum omnes Pharaonis magi, eiusdē cum his hominibus professionis & potentie, nihil præter rerum præstigiosam exhibuere faciē. Hoc magorū genus nō perinde alijs noxiū, ut repudiata dæmonū cōmunione ad

Magorum
alios non le-
dentium pœ-
na.

ne ad mentem redeat pœnitens, & admonendum & compellendū est: idē in republica ritē cōposita circūforaneis illis præsitiatorib. & ioculatorijs ἀγύεταϊς meritō accadat, ne ea impunitate, curiosarū rerum studiosæ plebis oculis cautē in posterū insidientur.

Quicumq; uerō diris execrationibus, ex orcismis, precationibus, blasphemio nominis diuini contra secundū præceptum abusu, barbaris uocibus authorem prodentibus, quęcunq; effectum præter naturæ ordinem, aduersus uerbi diuini insitutā à Deo rationem extorquere, in rebus serijs uel ludicris satagunt: ij ut curiosarum artium ad propriā perniciem cultores, saniori doctrina primum insituti, stricta lege coercēdi sunt, & ad resipiscentiam cogendi: quod si præfracti perseuerēt, arbitraria esto multa, qua constringantur, ne tandē in legem contra blasphemos à Mose latam deliquisse iudicentur. Ceterum magorū plurimi professione sunt religiosi quos uocant, qui occultam mentiti artem, maleficij dignationē curationēq; iactare non uerentur: ut si morbo aliquo contumaci, imperitæ plebi ignoto, nec uulgari quis cōflicteretur, atq; eorū fictæ cōfessus sciētiae, cōsiliū quærat, maleficiū esse uel incātationē persuadēt morbū ex naturali causa ortū, medicisq; doctiorib. nō obscurū: additis etiā indicijs, quib. uelut digito cōmōstratur innocēs saepe femina. Hi & morbū cōminiscūtur, et inuincibilē calūniam in fonti impingunt illusores: utroq; nomine non modò inter perniciosissimas iniqui quæstus ἀπαιτίας,

Magorū religiosorum multa.

adulterinæ monetæ (quod pietatis prætextu alios inescant, & dæmonio deuocant, offerantq;) architectos & falsarios reputandi, uerum etiam illis qui libellos spargunt famosos annumerandi, & uelut ciuilibus, ne dicam, publicæ tranquillitatis turbatores censendi, si hoc controuersiarum & atrocissimorum odiorum, quibus miserrimè confluantur intonantq; uicinie, pagi & urbes, feracissimum seminarium, ad iustam trutinetur bilancem. Suos tamen hi inueniunt patronos, ob religionis fortè titulum. hos enim qui tangit christos, Dei configere pupillam clamatur. Hoc grande nefas, & morte piandum. Interim tamen ut minimum, ab hoc instituto coercendi sunt, à bonorū fruitione suspendendi, uel etiam exilio puniendi: at pro sceleris enormitate, ijs quorū interest, ne sutor (quod dici solet) ultra crepidā, poenam decernendi, augēdi uel immutandi potestatem relinquo.

*Magi-
corum
medicorum
punitio.*

In horum magorum albo censendi suo quodam iure, quotquot contra diuini uerbi maiestatem & genuinum usum, in medicinæ, omniū artium & sacratissimæ & utilissimæ non tolerandum despectū, contra quoscunque tum hominū tum bestiarum morbos, salem coniurationibus execratum, & aquam eadem potentia expiatā propinant, uel exorcismis ueræ uirtutis exortibus, aut inconditis incongruisq; uerbis, sacro aliquo nomine, uel diuinæ Scripturæ uocibus, scitè palliatis (ut dolus lateat, teste Augustino) uel alioqui horrifonis sine intellectu dictionibus recitatis aut

tis aut scriptis, & collo suspensis, aut alcubi alligatis utuntur. Superstitionis limites hos transiliisse fatendum est, & propterea redarguendi acriter refrenandiq; ne in immane idololatriæ scelus & sacrilegium utriq; & actores & qui admittunt, incurrentes, illius olim diras subire se poenas serò querantur.

Pleriq; insuper magi Pythonis spiritu inflati, artem diuinandi profitentur, & res perditas quis suffuratus fuerit, aut ubi eæ reconditæ sint, & alia abdita, uel etiam ancipitia, se manifestare posse iactant. Quum autem hi uel φιλαντίας fumo inducti, ut aliquo habeantur saltem numero, sibi artem uendicant occultam, & scientiã quã ignorât, uel propria compulsi malicia ut fraudent: siue auariciæ illecti studio, ut quæstum si audulenter faciant, etiã si interdum per satanæ cooperationẽ nihil aut parũ nouerint, gloriatur nihilominus de diuinandi cognitione, siue etiã aliquibus exorcismis, execrationibus, uotis & ceremonijs, quod pollicentur, peragant: utriq; mendacijs & mendaciorũ authori, uelut testi certissimo innixi confisiq; quũ furti aut alterius sceleris notam inurant ijs qui hîc ut innocentissimi agnoscuntur, ita & illæsi nominis inter uicinos antea semper uixerũt pacificè: at hoc notati cauterio præter meritũ, calumniam in posteritatẽ multam susinent, ut hac ratione graui similitate et odio diuellantur cõturbenturq; numerosæ familiæ, & celebres uicinie antea continuò pacatissimæ: discordiæ huius exitialis & calumniarum exe-

Diuini & arioli ut Rei publice turbatores et falsarij, habedi.

crandarū authores, non alio habēdos esse loco, quā
 seditiosos Reipublicæ turbatores & falsarios, equidē
 sentio. Quibus, ut minimum, cumprimis silentium
 à magistratu imponi decet: deinde arbitrariā pro de-
 licti qualitate, pecuniæ irrogari mulctam: ac nisi à
 maleficio desistant, exilio puniri: quemadmodum in
 quodā ariola Ioachimo, ab ornatissimo Senatus Cæ-
 sarei ordine apud Geldros, olim prudenter factum
 memini. Enimuerò pœnam à Mose, ex Dei uolunta-
 te sub lege ueteri, eius sārithæ hominibus constitutam,
 illis nō imprecor. Ea ita sonat: Vir & mulier in qui-
 bus Pytho uel diuinationis fuerit spiritus, morte mo-
 riantur, lapidibus obruent eos, sanguis eorum sit
 super eos, uel capitali pœna digni sunt. Item: Ani-
 ma quæ declinauerit ad magos & ariolos, & forni-
 cata fuerit cum eis, ponam faciē meam cōtra illam,
 & excindam eam de medio populi mei. Et Deu-
 teron. 18. Non inueniatur diuinus qui diuinando
 futura prædicit, nec mathematicus, nec ueneficus,
 nec maleficus, nec incantator, nec consulens Pytho-
 nem, nec magus, nec à mortuis sciscitans. Abomina-
 tur enim Dominus quicumque ista facit, & ob istas
 abominationes excindit eos Deus tuus ante te. Sic
 4. Reg. 1. interijt Ochosias rex Israel, quia infirmus spreto
 Deo uero, & legitimis medijs, misit ad consulē-
 dum Beelzebub Deum Accaron. Quapropter
 1. Reg. 28. à populo Israelitico eos publico edicto designata
 pœna exulare uoluit rex Saul, qui magos & ariolos
 abstulit

Leuit. 10.
 Pœna diui-
 nis, magis &
 ueneficis à
 Mose consti-
 tuta.

abstulit de terra, atque interfecit eos qui Pythones habebant in uentre. Nec pœnas idem ille euasit debitas, quòd huius familiæ mulierculam in Endor consuluerit.

Suus hic locus quoq; debetur ijs, qui, ut sibi suæq; uoluntati obediat, & ad nutum respondeat, miserum circunferunt demonem, in deditionem extremè suffitibus & cceremonijs adactum, & iam annulo ab aurifabro sanè subtili & artificioso incarceratum: uel eum etiã ostentant in duro nec fragili scilicet crystallo, aut uitro (mirum est, id à diaboli, ex tartaris continuo ardentibus euolantis calore, non colliquefcere) tam strictè et irremissè concatenatũ, ut suis saltè nunc dominis uelut seruus captiuus & m̃cipiũ (quemadmodum ipse naturalis postulat ordo reciprocus, uti dominus serui dominus, ita & seruus domini seruus) suam diuinando aut res abstrusas detegendo, strenuè præstaret operam. Hi quum animæ suæ consulant malè, & alijs imponant, impietatisq; inquinamētum affricent, minimè tolerandi sunt. Præclarum iustæ pœnæ, imitationeq; dignissimũ exemplum ante paucos annos in huius professionis hominem, Iacobum Iodoci de rosa nomine, Cortricensem, Arnhemie apud Geldros proposuerunt, promulgaruntq; Cæsaris autoritate eximij uiri Senatorij, eius ordinis clauũ uigilanter gubernãte amplissimo doctrina, estimatione & prudentia uiro D. Adriano Mario Nicolai, cæcellario mihi multis nominibus obseruando.

Eorũ qui in annulo uel uitro demonem captiuũ circunferunt pœna.

Adrianus Marius Nicolai, Geldræ cæcellarius.

440 De præstigijs dæmonum

Annulum ille circungeſtabat, in quo exorcismis colligatum putabat dæmonem, quem ſingulis quinq; diebus, ut minimum, alloqui, & de rebus nouis alijsq; conſulere cogebatur: libros quoque maleficas artes coniurationesq; impias ſpectantes habuit, qua occaſione non modò hominum & beſtiarum morbos ex maleficio ortos ab alijs diſcernere, ſed & curare uoluit. Quapropter poſt ſuos carceres, heros ille publico loco ante ædes Senatorias circa forum ſolenniter ſpectatorum corona cinctus, malleo ſimulatũ captiui dæmonis carcerem, annulum uidelicet, poſti impoſitum, ſententia ritè lata aperiri, atque omnino perfringere cogebatur, eoq; modo captum libertate donare: niſi fortè uiolento mallei impulſu contritum dæmonem credatis, qui annuli ſolido munimento illo conſtringi poſſe ratus fuit. Acceſſit quoque, ut libros in ignem idem ille conijceret, aſtaretq; tantiſper, donec flammis abſumpti eſſent. Exilio inſuper puniebatur, poſt exolutas huius actionis cauſa factas impenſas. Actum Arnhemie, 14. Iulij, anno 1548. Eadem ratione erunt cryſtallus, uitra, & reliqua nefario uſui conſecreta organa, ſententia ſolenni condemnanda, & palàm inſringenda. Horum artificibus & patronis pro delicti magnitudine, ex æquioris magiſtratus arbitrio inſligetur pænna. Porro de curioſarum harum artium libris quid decerni debeat, ne quidem in quæſtionem uocandum: quum memorabile & poſteris omnibus ſine cōtrouerſia imitandum

hic exem-

Annulus,
cryſtallus, uitra et reliqua
neſario uſui
conſecreta,
ſolenniter inſringenda.
Magorum libri palàm
exurendi.

hic exemplum legamus in Apostolorum Actis, ubi Pauli apostoli prædicatione Ephesi comburuntur cuncti eo comportati execrationum libri, pecunie quinquaginta millium precio aestimati. Hos quoque prorsus corrumpi uoluit Vlpianus iuriconsultus, L. Ceteræ. §. 1. ff. fa. hercis.

Huc uniuersum illud diuinationum demoniacorum theatrum, secundo libro inter infames magos relatum, accenseatur. Ob necromantiam accusatus est L. Apuleius à Sycionio Aemiliano, corā Claudio Maximo Africæ procōsule: & ut quidā uolunt, dānatus.

Quid deinde leges de tota illa magorum colluue proposita statuant, subiiciendum duxi. Lib. 9. Codicis, Imperator Constan. A. ad Maximia. Nullus aruspex, nullus sacerdos, (id est, uetite magie doctor) nullus eorum qui huic ritui assolent ministrare, ad limen alterius accedat: nec ob alteram causam, sed huiusmodi hominum amicitia, quāuis uetus, repellatur, concremando illo aruspice qui ad domum alienam accesserit: & illo in insulam deportando post ademptionem bonorum, qui eum aduocauerit suasionibus uel præmijs. Idem Imp. ad populum: Nemo aruspicem consulat, aut mathematicum, nemo ariolum: augurum & uatum praua confessio cōticescat. Chaldei ac magi, & ceteri quos maleficos ob facinorum magnitudinem uulgus appellat, nec ad hanc partem aliquid moliantur, sileat omnibus perpetuo diuinandi curiositas. Idem Imp. Const. A. & c. ad Thaurū præ-

Contra diuinos, magos, sacrilegos, & ueneficos late Imperatorum leges.

Chaldei, magi et malefici.

442 De præstigijs dæmonum

fectum prætorium: Et si excepta tormentis sunt corpora honoribus præditorum, prætor illa uidelicet crimina quæ legibus demonstrantur, et si homines magi in quacunque sint parte terrarum, humani generis inimici credendi sunt: quoniam tamen qui in comitatu nostro sunt, ipsam propemodum pulsant maiestatem, si quis magus, uel magicis certaminibus assuetus, qui maleficus uulgi consuetudine nuncupatur, aut aruspex, aut ariolus, aut certè augur uel mathematicus, aut narrandis somnijs occultans artem aliquam diuinandi, aut certè aliquid horum simile exercens in comitatu meo uel Cæsaris fuerit deprehensus: præsidio dignitatis exutus, cruciatus & tormenta non fugiat. Si uerò conuictus fuerit, & ad proprium facinus detegentibus repugnauerit pernegando, sit eculeo traditus, ungulisq; sulcantibus latera, perferat pœnas proprio dignas facinore.

Nullus debet consulere diuinatorem, & quilibet à diuinando debet cessare: & contrà faciens punitur, h. d. secundum Sal.

Nullus debet consulere incantatorem. de his quæ futura sunt, nec Chaldaeos, nec maleficos: & qui contrà fecerit, ultore gladio capitali pœnæ subiacebit. Viuianus.

Qui dæmones inuocant, uel imagines cereas incantant, puniuntur, h. d. Sal.

Facientes incantationes ad finem mali, sunt puniendi: de iure uerò Canonico, etiam si faciant ad finem boni.

Liber quintus.

443

nem boni. 26. q. 2. cap. illos. & c. ex tuarum. extra, de
sortilegis. & c. si. c. tit. ubi glosa. Bart. Sali.

Vlpianus in l. item apud Labeonem. §. si quis. ff. de
iniur. dicit teneri constitutionibus principum eos, qui
aliquam illicitā diuinationē pollicētur, iuxta l. nemo
habet. c. de mathema. Diuinatio diuinorūq; consul-
ta in Toletana synodo, & in epistolis Decretalibus
condēnātur. Gregorius, & Hab. 26. q. 5. si quis: Siquis
ariolos, aruspices, uel incantatores obseruauerit, aut
phylacterijs usus fuerit, anathema sit. Idem, & Hab.
26. q. 5. contra: Contra idolorum cultores uel aru-
spices atque sortilegos fraternitatem tuam pastoralī
uehementius hortamur inuigilari custodia: quōd si
emendare se à tālibus nolle reppereris, si serui sunt, uer-
beribus uolumus castigare: si uerò liberi, inclusione
digni, districtamq; sunt in pœnam dirigendi.

Resipiscentibus autem, pontificis Romani 81. Syl-
uestris secundi famosum exemplum ex Platina, Nau-
clero, Petro Præmonstratensi, Bennone Cardinale, et
alijs, proponere uolui. Hic Gilbertus antea uocatus,
natione Gallus, ~~malis artibus~~ (ut aiunt) Pontificatū
adept⁹ est. Adolescēs enim, in Floriacēsi cœnobio dice-
cesis Aureliane inauguratus fuit monachus: relictoq;
monasterio, diabolū secutus, cui se totū mācipauerat,
Hispalim ciuitatē Hispaniæ bonarū artium causa profe-
ctus est, ubi se philosopho Saraceno magiæ perito in-
sinuat. Apud magū uerò hospitē uiderat librū necro-
manticum, quē illi clām surreptū cupijt. Cum autem
religiosius

Syluestris 2.
magi Histo-
ria, eiusq; re-
sipiscentia.

religiosius cautiusq; custodiretur, per hospitis filiã, cum qua illi domestica intercesserat familiaritas, tandem secretò ademptũ ut perlegeret, impetrauit Gilbertus, qui eo bona fide accepto, meditatur abitione: periculum tamen ex furto sibi metuens. Gilbertus igitur ambitione & diabolica dominãdi cupiditate impulsus, largitione primò quidem Archiepiscopatum Remensem, inde Rauennatem nactus: pontificatum postremò, anno millesimo (ut tradit Petrus Præmonstratensis: ut alij uerò, anno 997) maiore conatu, adiuuante diabolo consecutus est: ea tamen lege, ut post mortem totus illius esset, cuius fraudibus ad illud dignitatis fastigium conscendisset. Quanquam interim artes magicas in Papatu dissimularet, caput tamen æneum in abdito conseruabat loco, à quo responsa acceperit, si quando à spiritu maligno quicquam postularet. Demum cum Gilbertus regnandi cupidus, diabolu sciscitaretur, quãdiu in pōtificatu uicturus esset? respondit humani generis hostis ambigue, ut solet: Si non attigeris Hierusalem, diu uiues. Dum itaq; Pontificatus sui anno quarto, mense uno, die decimo in basilica sanctæ crucis in Hierusalem Romæ sacrificaret, graui statim correptus febre, fãto se moriturum cognouit ex dæmonũ strepitu (teste Petro Præmonstratensi) qui pensum sibi soluendũ existimarunt. At pœnitentia ductus Pontifex, & scelus magici erroris sui coram populo fãssus deplorat: omnesq; primò posthabita ambitione & diabolicis fraudibus, ad bene sancteq;

ne sancte q; uiuendum adhortatus est: deinde unum-
quemq; rogauit, ut post mortem truncum corporis sui
laceri & dissecti, quemadmodum merebatur, bigæ
superimponerent, eoq; loci sepelirent, quo sponte ab
equis uectum foret. Inter ipsas uerò mortis angustias
supplicat (inquit Benno) sibi manus & linguam ab-
scindi, per quas Deum blasphemasset, demonibus sa-
crificans. Ferunt igitur Dei nutu & prouidentia (ut
ait Platina) equos ipsos spontè ad Lateranensem per-
uenisse basilicam, eoq; in loco sepultum eius fuisse
corpus: ut scelerati sciant, apud Deum ueniæ locum
sibi relictum esse, si in uita aliquando poenituerint.

Tristiore maleficæ Anglicanæ finem describit
ex Guillerino Vincentius, licet figmentum esse cre-
dam: tamen ut misceatur seria iocis, lectorem iuuabit
fabula. Mulier, inquit, eodem tempore apud Berhe-
liam Angliæ uillā, malefica & diuinatrix, cum quo-
dam die conuiuaretur, cornicula quam in delicijs ha-
bebat, uocalius solito nescio quid cornicata est. Quo
audito, dominæ cultellus de manu excidit, simul &
uultus expalluit: ea q; diutissimè ingemiscens, in hæc
prorumpit tandem uerba: Hodie ad ultimum sulcum
peruenit aratrum meum, hodie incōmodum grande
& audiam & patiar. Adhuc ea loquente, aduenit
nuncius, eodem die eius filium & totam familiam su-
bita interiisse morte narrans. Ea re intellecta, conti-
nuò saucia dolore decubuit: iussitq; acciri superslites
libero, monachum & monacham, quibus cum gemi-
tu ait:

In spec. Hist.
l. b. 26. ca. 26.

Malefica &
diuinatrici
quid à morte
acciderit.

446 De præstigijs dæmonum

tu ait: Ego miserabili meo quodā fato dæmoniacis artibus hactenus operā nauauī, uitiorū omniū sentina, & illecebrarū magistra, spe tātū uestre religioni innixa, quā à me ipsa desperare. nūc itaq; quādoquidē me dæmones habiturā exactores pœnæ scio, quos habui scelerū suasores, per materna uos rogo uiscera, ut mea tētetis leuare tormēta: erit enim de animæ perditionē sentētia irreuocabilis. Corpus ergo meū in corio ceruino insutū includite in theca lapidea, operculum deinde ferro plūboq; cōstringite, & lapidē ipsum tribus magnis circūdate catenis. Si tribus noctibus ita securē iacuerō, quarto die me sepelietis, quanquā terrā corpus nō admissurā ob mea maleficia uerear. Cāten tur pro me Psalmi quinquaginta noctibus, & missæ celebrētur totidē diebus. Matris uoluntatē exequuntur liberi, at nihil promouerunt. Primis enim duabus noctibus, cū clericorū chori Psalmos canerent circa corpus, singuli dæmones ostiū templi immenso obice clausum, leui negotio cōfringētes, duas extremas thecæ diruperūt catenas, media autē opērosior permāsit illæsa. Tertia nocte circa galliciniū, strepitu eorū qui ostio appropinquabāt, totius monasterij fundamenta uidebantur succuti. Vnus autē cæteris uultu terribilior, & statura celsior, ianuās maiori uirtute collisas in frustra deiecit, arrogantiusq; funus petit: inclamatoq; mortuæ nomine, ut surgeret imperauit. ea mox respōdēte, Nequeo ob uincula: Soluēris, inquit, et malo tuo. statimq; catenā, quæ reliquorū ferociā eluserat, nullo

rat, nullo conamine ueluti stipem infregit, thesaurumq; funeralis operculum pede detrusit, & apprehensa manu palam omnibus eam ad templi fores protraxit, ubi in procinctu stabat equus niger superbe hinniens, undiquaque prominentibus uncis ferreis, quibus imposita misera, ab intuentium oculis cum uniuerso comitatu euanuit. Suppetias tamen orantis clamores miserabiles per quatuor fere audiebantur miliaria.

¶ Quoniam uero Lamiae, quas ita nuncupant, sint sexu mulierculae, ut plurimum uetulae, natura melancholicae, mentis impotes, animum temere despondentes, exiguae in Deum fiduciae: ijs ueluti idoneis organis libentius se diabolus adiungit, ac promptius insinuat, ut earum mentes uarijs conturbet formis, quarum ludibrijs effascinatae, se fecisse existimant, fatenturque id quod ab ipsis fuit alienissimum. Enim uero si perspicaciori mentis acie rem omnem ad normam exigas eorum quae a daemone & agi possunt & aguntur, ac quae ab hominibus, illius opera ac instrumentis propositis perfici creduntur: a demonio, quicquid id est, designatum esse comperies.

Quomodo
Lamia delusa
se demonis
opera putans
esse sua.

Vix itaque inducor, ut eas in haereticorum numero collocare audeam: quum hoc nomen nemo, nisi semel atque iterum admonitus, & tamen fanaticis imbutus opinionibus, constanter & praefractè perduret, mereatur. Error in mente non facit haereticum, sed uoluntatis pertinacia. Quare haec menti prorsus a satana corruptae, & falsis imaginationibus distractae.

Haereticus
quis.

Tit. 2.

448 De præstigijs dæmonum

distractæ, si nihil aliud ipso actu in alium cōmiserint, erunt examinādæ, & rectius in præcipuis nostræ fidei Christianæ capitibus instituendæ, ut quod in suæ huius religionis inchoatæ primordijs spondiderint, diabolo renunciātes, atq; eius tamen clandestino fraudulentoq; inductu (quod primæ parenti Eux quoq; contigisse scimus, postea declinarint incautæ, id iam resipiscentes, ex salubriori institutione præstare per Dei gratiam omnibus suis uiribus satagant. Quid hic demonio minus poterit, suasionē contraria fidelis Iesu Christi minister? qui ouem satanæ suggestionē perditam requireret, atque ad ouile Christi reducet. Facile uerò, factō attentē periculo in ipso Articulorum Fidei examine, si fortē alicubi aberrarit malē persuasæ elucescet: & num saniori doctrinæ pertinacius reluctetur melius docta, mereaturq; hæreseos notam: an conuersa, & à seductionis uitiatæq; mentis ueterno excitata, in Ecclesiæ membrum denuō recipi, & pro se orari ex toto pectore cupiat, obsecrēq;. Propterea non tam procliues esse decet Christianos, ut fidē & mentē propter sexum ac aetatem imbecilles uetulas, ex sinistra alicuius maleuoli opinione, sugillationeq;, in tetros illos, squalidos, hominum custodiæ non designandos carceres, horrida cacodemonum captos torquentium domicilia, præcipites agāt, atque crudelißimo cuius tortori immaniter excruciantas quouis etiam atrocißimo tormentorum genere, uelut in Phalaridis tauro conclusas, in carnificinam, huma-

nam, humanitatis profecto affectu omnem exuti tradant: quemadmodum multis in locis non tam prudenter quam seuerè fieri constat. Præter exorbitantium cruciatuum dolores inique inflictos, inter carcerem & custodiam multum discriminis constituit Iurisperitorum schola: quæ, eorum qui posita plectentur uita, custodiam neutiquam uuli esse pœnam: quam à carcere horrido dirâ irrogari etiam insontibus senserunt, qui præter meritum quandoque in illum fuere detrussi. Verum ut æquitatis commiserationisq; ratio labefactata negligitur, contemniturq;: sic & custodia nomen cum usu apud plerosque propemodum euauit. Ita fit, ut solitudine diutina, carcerum squalore, caligine tetra, uarijsq; dæmonum spectris exhorrescentes misellæ Dei creaturæ, antea nōnihil diaboli assidua suggestionē, fascino & delusione mentis sensu luxatæ, & iam denuò torturis uarijs excarnificate, dum quæstionibus atrociter subijciuntur, mortem semel momento cum acerbissima eiusmodi uita commutare malint, quæcunque proposita flagitia libenter confesse, quàm ferocius in easdem putidissimorū carcerum speluncas & equuleos præcipites retrudi.

Discrimen custodia & carceris.

Cod. 1 b. 9. de custodia reorū leg. 1.

Ceterum quod manibus pedibusq; colligatis Lamiæ maleficiæ reas, aquæ iniectas nunquam submergi, at supernatare, uelut certum experimentum, nec fallax indicium esse, apud magistratum & carnifices in plerisq; ditionibus obseruetur: næ illud minus est ridiculum, mirumq;, huic insulsæ persuasioni ullum

Experimenta in dignoscendis Lamijs fallacia.

F hominem,

450 De præstigijs dæmonum

Natationis
causæ.

Lib. 1. de
morbis mu-
lieb. in ini-
tio.
Plin. lib. 7.
ca. 2.

2. secundæ
partis. quæst.
2. in initio.

hominem uel leuiter rationis sensu præditum; fidei tantillum apponere. Natationis siquidem causas, uti leuitatē, raritatem, spiritus sustinentis conclusionem, corporis uiui habilitatem, idq; genus reliquas natura les occasiones, nō magis inesse his corporibus, etiam fontibus, ut quidem fateor: ita asserere audeo, si quid eiusmodi præter naturæ ordinem uideatur, id fieri suffulciente feminas, de quibus etiā falsa est suspicio, diabolo, ne submergantur (conniumente Deo ob incredulitatem magistratus, fallax hoc experimentum admittentis) quo in sententiam iniquam cum tandem inducat hac fraude impostor ille, ab initio sanguinarius. Mulierem quoque rariore carne præditam, & tene-riorem esse, quā uirum, docet Hippocrates. Tra- dit uerò Philarchus, in Ponto genus Thibiorum esse, & multos alios, quorum notas in altero oculo dupli- cem pupillam, in altero equi effigiem assignat: nec eosdem posse mergi, ne quidem ueste degrauatos. Id si uerum est, connatum esse oportet.

Similis temeritatis, & superstitiosæ dæmonia- cæq; falsitatis experimentum est, quod in Malleo le- gitur: Die Dominico sotularia iuuenum axungia seu pinguedine porci, ut moris est: pro restauratione fie- ri, perungunt: & sicubi ecclesiam intrant, tamdiu maleficæ ecclesiam egredi nequibunt, donec explora- tores aut exeant, aut illis exeundi licentiam expresse concedant. Nec absimile erit, quod in hanc digno- tionem plerisq; in locis obseruatur admodum impiè,
ubi ex

ubi ex terræ quam ter spatia primum in sepultura
inijciunt pastores, portiuncula Missæ sacrificio scili-
cet sanctificata, calcando templi limini supponitur:
nec sagam, si in templo sit, tum posse egredi putatur.
Item assulas sume ligni quercini, in quo aliquis sit su-
spensus, uel se strangularit: inspergantur illæ aqua
lustrali, collocenturq; in templi ingressu: nec egredi
ea poterit, nisi assulas summoueris.

Regulam autem hanc minimè fallacem à quæstio-
nibus obseruare decuit, ut de singulis illis flagitijs iam
confessis, accuratè cum iudicio inquiratur, quas alios
passos dicunt fatenturq; ærumnas & calamitates à se
illatas, nùm ita se habeant, uel in rerum sint natura:
& si comperiat quosdam ita lesos, uel morbos aut
damnum perpeffos esse, ut iam ab alijs hæc confes-
sis, designata huiusmodi mala putentur: inde quibus
medijs, materiebus aut organis perpetrata sint, peni-
tius inuestigetur: & num illa media, materies aut in-
strumenta istiusmodi effectibus producendis sint apta,
consonaque. Vbi naturalium rerum & uirtutum co-
gnitione celebrium medicorum iudicia in consilium
accerseantur, quemadmodum in alijs quoque casi-
bus eos spectantibus fieri uolunt leges. Vt enim
non est alicuius melancholici, aut mente uitiati stan-
dum confessioni: ita etiam ex harum confessione
non est infligenda temerè punitio, nisi ex certis
circumstantijs, & demonstrationibus euidentibus,
indubitatum constet ueneficium uel uenenatio, phar-

Qua in ma-
leficij perpe-
trati inquisi-
tione sunt fa-
cienda.

Confessioni
mente lesi nō
est standum.

452 De præstigijs dæmonum

maco uidelicet propinato aut illito, aut eo loci, unde halitu insicere manifestum est, deposito.

In actione criminali operari probatio- nes luce meri- diana esse cla- riores.

Oportet siquidem probationes luce meridiana esse clariores, maxime in actione quam uocant criminali: quæ Iurisconsultorum laudabilis est sententia. Nam in hoc maleficij negotio, multa turbulentè, uel ex sinistra opinione aut suspicione, uel malitiosè ex maligno affectu, uel ob morborum difficultatem, aut rerum iacturam, ex incredulitate, quòd non satis Dei iustæ uoluntati ex animo se totos quidam tradant, subiiciantq; dicuntur, multa confuse de alijs sparguntur, confessione item illusarum à dæmone uetularum sanciantur, diabolo frigidam hic suffundente, & machinationis clauum fideliter dirigente, ut si quis aurem applicet facilè, accusationem & confessionem ratas existimans, ita se tandè delusum sentiet, quo tanquam in labyrintho inexplicabili inuolutus, nunquàm sit exitum inuenturus, si ad legum normam & iuris rigorem cuncta ex auditis exequi statuatur. Ea satanæ ars est, ut res usque adeò tricis subtilissimis implicet, confundatq; quò nec ulla Thesei sagacitate extricari, nec Oedipi prudentia explicari queant. Sic uel in principijs omnino substitisse, & intra metas se continuisse, aut maturè retrogressum esse, ne diabolo ab initio homicidæ, uel apertis mendacijs aut ueritate dolo falsitateq; fermētata, aperiatur fenestra, per quam se in actiones nostras insinuet, præstare, ipsa re et usus obseruatione cōperi. Nec omnē longius grassandi occasi-
sionem

tionem satanæ præcedēdi, cōpendiosior unquam erit
uia: alioqui mēdaciōrum, calumniarū falsarum, ueri-
tatis momento interdum mixto ut dolus lateat, crimi-
nationum atq; accusationum nullus uidebitur modus
aut finis. Huc Cardani sententiā adduxisse iuuabit.
Constat has sæpe meritò plecti, inquit, quòd sint ma-
leficæ, aut etiam ob impietatem: ceterum plerunque
stultæ solum sunt, nec confessio integra, ac iudicium,
uelut de latronibus ac furibus reliquisq; sceleratis ho-
minibus, ad mortis pœnam trahi posset. Sed omnia
plena uanitatibus, mendacijs, repugnantia inconstan-
tiaq;: nam illud quod dicitur, conuenire & contesta-
ri absentes, omnino falsum est: nec nisi de die congre-
gationis conueniunt, cum uulgata sit quæ nam sit. Id
uerò argumentum si rectè & diligenter examine-
tur, ostendit hanc artem esse prorsus falsam, & illas
non uerè in unum coire: nam una centum aut etiam
plures detegere posset, cum illarum muliercularum
opinionē tot intersint. Verum non nisi fama agnitas,
aut uisu, accusant, quas non ex ludo (sic enim uisio-
nem illam uocant) sed ex auditu & colloquijs agnos-
cunt: utrum uerò uigilantes, an dormientes, certum
est quòd in utroque tempore. Eadem autem uident
atque audiunt, ob fixam contemplationem, fidemq;
illius rei: uelut Rasis enarrat de illo qui se gallum
ob stulticiam existimabat, statis horis gallorum mo-
re ad canendum surgens annis pluribus. Hæc autem
opinio ac uisio mutuis inter se colloquijs multum

De uariet.
lib. 15.

454 De præstigijs dæmonum

confirmatur. Neque adeo frequenter ad hunc abeunt ludum. quædam enim uix ter in anno accedere sibi uidentur, nec quidem uolentes: quamuis & hoc persæpe contingere putetur, maxime unguentorum auxilio.

Prioris mulierculæ uti Lamiæ confessionis.

Porrò ut exemplis lucidior euadat res per se obscura, tenebrisq; inuoluta, duarum muliercularum in ciuitate Imperiali paucis abhinc annis captarum, exustarumq; confessiones, à me requisitas, consulisq; assensu ex codicillis iudicialibus communicatas, hic proponere uolui. Primum una quidem fatetur, se à Deo omnipotente desciiuisse, & diabolo maleficio adhæsisse, ac amasium suum appellari Bernardum: deinde effecisse singulis uicibus pomo, ut matrona quædam N. sexies partum ediderit mortuum. Confitetur item, se cuiusdam uiri N. filiam, cereuisiæ haustu per maleficiū enecasse: identidem & N. uxorem ita iam in lecto tanquam ex morbo decumbentem, maleficio lesisse. Propter hanc confessionem, igni tradendam misellam decreuit magistratus: & quidem non immerito, si uerè compertum fuerit illa scelera ab ea fuisse designata.

*Ioann. 8.
1. Ioann. 3.*

Amabo autem tribus excutiaturs confessio uerbis. Quod à Deo desciiuisse se fateatur, & demonio adhæsisse, id in foro ciuili non erit criminale. Quotusquisque etenim nostrum est, qui idipsum non facit? Siquidem omnis qui facit peccatum, seruus est (doccnte Christo) peccati. Qui committit peccatum, ex dia-

ex diabolo est, quoniam ab initio diabolus peccat. *Ex diabolo est qui peccatum committit.*
 In hoc manifesti sunt filij Dei, & filij diaboli. Omnis qui non facit iusticiam, non est ex Deo: & qui non diligit fratrem suum. Qui non est mecum, ait Christus, contra me est: & qui non colligit mecum, *Matth. 12. Luc. 11.*
 dispergit. Sed admoniti resipiscere possumus, & poenitentiae locus est. quid ergo uetat, quo minus & illa redarguta, rectiusq; instituta, ad sui cognitionem ualuisset reduci? Quod se concubitus demonis Bernardi passam dixerit, phantasticum & *Concubitus cum demone imaginarius. Lib. 2.*
 imaginarium prorsus fuisse, ex superioribus liquet: ubi ex professo diluitur illud phantasma, ut minus fidei uel hoc saltem nomine confessioni eius fuerit adhibendum, quae ex mente hallucinante, erronea quoque censenda est. Quis aliud rogo huic poroco Bernardi nomen indidit, quam ipse sibi, id corrupto auditus sensui uel ui imaginatiue ingerens, ut edito nomine inter Christianos usurpato, in maiorem confidentiam, mente titubantem mulierculam illiceret, sibiq; deuinciret: nec ob hanc satanae illusionem, mentisq; mulierculae lesionem, mortis poena irrogari debuit. Nec potius interim potuit foetus, nisi accesserit uenenum, quod solertius indagandum erat: quemadmodum quoque, num ea fuisset illius ueneni efficacia foetui enecando peculiaris, ut matri hinc nihil inferri potuerit incommodi: nec solum eius inualidae confessioni standum erat. Quod etenim ex

456 De præstigijs dæmonum

Dei uoluntate & arcano consilio contingit, uel diabolo diuinitus permittitur, id uitiato feminae cerebro dæmon sæpe ingerit, quasi ab illa designatum sit: cuius tamen sceleris illam planè insontem esse comperiet is, qui singula ad rationis perpendicularum non somnolenter expenderit. Idipsum de filia N. cereuisiæ haustu sublata per maleficium, dicendum est. Quid enim cereuisiæ immissum fuerat, quod interimendi uim deleteriã obtineret, adhibitis in consilium medicis, in earum rerum cognitione insignibus, uigilantius erat inuestigandum. Nec minori studio inquirendum, quibus organis aut medijs coniugi N. morbum conciuisset. Nec uulgatæ & odiosæ carminis aut maleficij uoci pronas adeò offerre decuit aures. Enumerò ubi sola incantatione infortunium quodcunq; à se procreatum narrant amentes & inconstantes hæ uetule, peruerso dæmonis instinctu id fieri, easq; à uera morbi eiuscemodi inuectione tam esse liberas, quàm quemuis alium, deierare non uerer. Vnde cuius se criminis reos faciant, qui tam inconsideratè immaturas effundunt interdum sententias, ipsi uiderint.

Iam alterius quoque eodem in loco igni adiudicata confessionem editam audiamus, leuiq; inuestigatione excutiamus. Confitetur hæc, quæ ante sexennium ferè, hora quadam matutina, præ animi desperatione, sibi uim inferri cogitaret, ad se accessisse uirum quendam procera staturæ, & formæ non inuenustæ,

Alterius
exusta confessione.

nustæ, pallio nigro & reliquo eiusdem coloris uestitu ornatum: qui eius dolorem solatus, inter alia iussit eam non abiecto, sed confidenti esse animo: suum pollicitus patrocinium, seq; semper illi de necessarijs & pecunia sufficiente prospecturum, si modò uicissim ipsius consilio & uoluntati se deuoueret. Atq; magnū auri cumulum illi ostentabat hic uir. Ea uero in ipsius assensit consilium abnegans Deum omnipotentem, Mariam matrem IESU Christi, & omnes sanctos. Hinc chrisma ei ex fronte exemit uir, atque se perpetuum fore concubinum spondit: nomen sibi esse Alexander, inquit. Fatetur adhæc, concubinū quater domi suæ in lecto opus uenercū secum perfecisse: item, se cuidam cereuisiæ coctori N. felicem rerū fortunam carmine subtraxisse, resinae uulgaris pauxilio, uasi mancipato huic coctioni, subdito: item, se uectoris N. coniugē ualetudine bona per incantamēta priuasse, quod alicuius rei donationē ipsi denegasset: & puerū N. male scio morbidū reddidisse ac mutilasse.

Punienda certè flagitia, si uera sunt. Atqui uides eam non sanæ mentis mulierculam ad restim prope modum uenisse, atq; contractum inijsse uel imaginarium, uel nullius certè momenti, ut secundo libro amplissimè ostendi, cum amasio phantastico, qui ea imaginaria uestitus forma apparuit, quum saltem spiritus esset uestiū & coloris expers: speciē auri præstigiōsē hic protulit, qua illam delusit, non aurum: quemadmodum quoque concubitu eam exercuit ludibriosō.

458 De præstigijs dæmonum

Chrisma præterea eximere simulabat, cuius uirtus qualis qualis sit, si in externa duntaxat applicatione consistit, uel consimili exemptione perit, iam audum aqua, qua frons & reliqua toties mundatur facies, eam omnino absterfisset. Baptismi autē uis secus nos docet, eam minimè in carnis ablutione consistere, ut sordes abluantur: sed ut bona apud Deum cōscientia bene respondeat. Fusiore omniū refutationem libro secundo de Sagis inuenies. Non plus habebit ponderis, huius mulierculæ in fraudulento contractu abnegatio, quin si admonita, fideliusque instituta, eas diaboli cognouisset artes, resipiscens, erroremq; confessa, in Ecclesiæ sinum rursus debuerit admitti. Petrus à Christo præmonitus, ipsum ter, sana mente & corpore, contra animi testimoniū, abnegauit, etiam præstato iuramento: quem tamen clementiæ suæ oculis Christus usque eò non est dedignatus, ut ipsum etiam Ecclesiæ caput constituerit. Quid frequentius impunitiusque (apud Italos maximè, si quid illis ex uoto minus cedat, præsertim in illicito aleæ lusu) quàm blasphemis horrendisq; uocibus, pollice etiam inter indicem & digitum medium tenso, ac facie cœlum uersus erecta, in eorum despectum, Deum & Christum abnegare? Num insuper resinæ modicum, uasi suppositum, habeat eam potestatem uitiandi cereuisiam, in quæstionē exactiorē uocari oportuit. aliam etenim corruptæ cereuisiæ causam necessario fuisse asserent, qui rerum naturalium fontes uera ratione

1. Petr. 3.

Matth. 26.

Marc. 14.

Luc. 22.

Ioann. 18.

ratione scrutantur & intelligunt. Nec sanitate fraudari potuit uectoris uxor, nec puer mutilari, per carmen, nisi accesserit uenenatio, cuius hic nulla fit mentio. Eodem modo infinitæ possent recenseri confessionum formulæ ex publicis magistratuum codicillis, quas si penitus expendere æduæ uel impossibilitatem (si ita loqui liceat) inconstantiam, uanitatem, mendacia ueritate fucata testaq; uarietatem, labyrinthum, imò fabulæ comperies. Sic haud ita pridem quædam in uinculis detenta, se plurimas uirgines Vestales in cœnobio uarijs tetani cruciamentis exercuisse, indita oleribus mixtura ex aspidæ, bufone & sanguine menstruo simul confusis, fâtebatur. Hic omnium primum diligenter inquirendum erat, num ex horum uenenorum commixtione, eiusmodi resulerent effectus, uel morbi, uel symptomata. Tandem illa publico iudicio flammis tradenda, in hoc extremè perstitit constanter, illam calamitatem à se atque matre egrotis illis uirginibus irrogatam quidem, mortem que perpeti uelle: hoc autem se palam confiteri, ne tantillum unquam à se illis per os illatum fuisse. Quo igitur modo diram hanc induxisset sortem, rogata: se mente & imprecatione eam inuexisse fassa est. Quibus uerò medijs tolli possit illatum malum, deinde interrogata, respondit: matre & me prius è medio sublatis. Vnicum hoc demonis ab initito homicidæ studium est & machinatio, ut quàm plurimus fundatur sanguis. Vtraque enim exusta,

*Mente et imprecatione
infortunium
aut demonem
alteri non potest
se inuehi.*

460 De præstigijs dæmonum

exusta, nondum desijt horrendum spectaculum: sed à
 priore sacrificio secundus demum exorcista accessit
 cæcus, qui ex omnium fermè ægrotarum corporibus
 dæmonia fugam simulantia abegisse putabatur, à qui
 bus tam atrociter antea fuerant quibusvis conuulsio
 num speciebus excruciatæ: necdum remisit se hæc pe-
 stis, at longius hinc in proxima proserpsit oppida.
 Hic post muliercularum exustionem, se produnt mor-
 borum authores: nū uerò illæ uirginum corporibus
 dæmones cogitatu imprecatione uel immittere ualue-
 rint, libro tertio decisum est. Verè itaq; uidetur dice-
 re Aristoteles, incātamēta esse muliercularū figmēta.
 Cardani uerbis & historiæ suus hic erit locus, qui de
 Lamijs sic scribit: Sunt deformes, pallidæ & subob-
 scuræ, atram bilem ipso intuitu præ se ferentes. Sunt
 taciturnæ, amentesq;: ac parum ab his quæ dæmonio
 teneri creduntur, differunt: fixæ in suis opinionibus,
 atque adeò firmæ, ut si solum ad illarum uerba respi-
 cias, quàm intrepidè, qua constantia ea referunt, quæ
 neque unquam fuerunt, neque esse possunt, tamen
 uera illa esse existimes. Vnde nil mirum ab his mo-
 ribus, ijs qui philosophiæ expertes sunt, egregiè im-
 poni. Laborare autem eas atræ bilis morbo, tum ui-
 ctus ratio, tum aeris qualitas, tum forma atque effi-
 gies ipsa uultus et corporis, tum uerba ipsa stulticiæ
 & (ut ita dicere liceat) impossibilitatis plena, ipseq;
 toruus in dicendo aspectus, tum casus quidam qui
 Philippi uicecomitis Mediolani principis ætate con-
 tigit,

Lib. 8. de Hi-
 stor. animal.
 cap. 24.
 De Varietat.
 lib. 16.

*Lamia melā
 cholica, amē-
 tes, à demo-
 niacis parum
 differētes, opi-
 nonum te-
 naces.*

tigit, declarant. Res uero ita gesta est, ut pater meus retulit. Damnatus erat profanae huius artis uillicus quidam, nomine Bernardus: alioqui uir simplex & frugi, ob idque domino percharus. Sed quia nec minis nec persuasionibus adduci poterat, ut poenitere uellet, ad ignis poenam poscebatur à iudicibus. Dominus, cuius pigebat, quique principi gratus erat, obtinuit, ut fideiussione data, quanquam illis reluctans, liceret hominem apud se uiginti diebus habere. Coepit ergo illum alere non ut medicus: sed ut rusticum nobilis amicus. quatuor oua recentia manè, totidem uespere, tum uinum dulce atque iucundum suppetebat, carnes quoque & iura pingua. Postmodum ubi uidit hominem ex longo ueterino resipiscere, hortatus est, ut omnis falsis atque absurdis periculosisque persuasionibus, Ecclesiae adherere uellet. Sed paucis opus fuit, resipuit: optimusque Christianus factus, usque ad mortem absque aliorum querela perseuerauit: quem atrocitas iudicium immerito crudeli supplicio affecisset.

Adde his, celebre apud nostrates existere, praetorem quendam ex arioli indicio, delusas id genus mulierculas comprehendisse quam plurimas, easque incendio puniuisse: tandem ariolum uel pythium hunc uatem, cui haecenus ille fidem apposuerat, ad praetorem accessisse, adhuc unam maleficij ream indicaturum, nisi inique ferret. Praetore haud difficulter annuente, eius uxorem quoque insimulat iudex: ac ne quid hac in re haesitaret, palam se id demonstra-

Quidam à iudicibus igni deuotus ob maleficium, resipiscit ab amentia meliori uictu.

Pratoris uxor falso maleficij accusata.

turum

462 De præstigijs dæmonum

turum addicit: horamque præfigit, qua eam reliquarum sagarum conuentui & choreis interesse, suis ipse maritus testaretur oculis. Consentit prætor: qui statuta hora quosdam amicos & consanguineos in eadem mensa secum & cum coniuge cœnare uoluit, suppressa interim conuocatæ societatis causa. Hinc designata ab ariolo hora, è mensa surgit, iubetq; omnes simul cum uxore permanere: nec prius loco dimoueri, quàm ipse rediret. Deductus porro ab ariolo quò is uoluit, lamiarum cœtum, choreas, & nescio quas alias uoluptatum illecebras, quibus ipsius intererat coniunx, reliquarum delicias sectata, non obscure uidebatur spectare. Mox domum reuersus, amicos uocatos eo quo relinquerat ordine, unà cum sua uxore, letos mensæ assidere comperit. Et cum studiose, num stationem deseruisset coniunx, percunctaretur: eam eidem affixam fuisse loco in eius absentia, uno ab omnibus affirmabatur ore. Itaq; rem omnem aperuit prætor, ob inflictam innocentibus pœnam serò pœnitundine ductus: & si rectè meminì, Pythium accusatorem morte mulctabat.

Li. 8. Parergon iuris
cap. 22.

Narrat item D. And. Alciatus, hæreticæ prauitatis (ut uocant) inquisitorem in subalpinis uallibus, aduersus hæreticas mulieres, quas ueteres Lamiæ, nos Striges uocamus, inquisiuisse, et supra centum flammis consumpsisse: quotidieq; ceu noua holocausta, alias super alias Vulcano obtulisse, è quibus non pauca helleboro potius quàm igne purganda uide-

gandæ uidebantur: donec rustici arreptis armis uim illam inhiherent, & negotium ad episcopi iudicium deferrent. Et post: Et quamuis aliqui ex maritis, magnæ fidei homines, asseuerarent eo potissimum tempore, quo illæ in ludo & choreis sub Tellina arbore fuisse dicebantur, se exploratum habere, in lecto potius secum fuisse: tamen respondebatur, non illas, sed caco demonē potius, uxoris forma assumpta marito illuisse. Atqui ego replicabam: Cur non potius caco demonem cum suis demonibus, illā uerò cum marito fuisse præsumis? cur uerū corpus in ficto lusu, phantasticū in uero lecto cōminisceris? Quid hic opus est usque ad cō augere miracula, & non tã Theologum quā τὸ πάτολόγου agere, seu ioremq; partē in pœnis eligere? Cōstabat ex illis actis, semel in eo ludicro per quandā mulierculam nomine IESV appellato, oninem illum apparatū, omnes saltatrices cū amasijs suis repente euanuisse: qui fieri id potuit, si uera fuissent corpora, & non phantasmata, & Tantali hortii? quod apud Philostratū libro quarto, etiā Apollonius Tyaneus censuit: & apud Plutarchū in Bruti uita C. Cassius. Nam & medici maximos effectus corruptæ menti, imaginariæq; ludificationi tribuunt: unde Ephialtici, afflati, superstitiosi, incubitati, amore furentes, imaginosi, Lycaones, Cynanthropi, qui tamē medicamentis curantur: uidenturq; hæc esse quæ Plinius et alij ueteres Faunorū ludibria appellant, pœoniaq; herba emendari censuerunt, ut etiam harū ple-
rasque

464 De præstigijs dæmonum

rasq; curari posse sit uerisimile, nisi quod pauperes & femellæ omnes sunt quibus talis facultas non suppetit. Ego certè magis iuri Pōtificio, communiq; nostratum doctorum interpretationi hac in quæstione, quàm Theologis istis tribuerim, maximè in re à synodo decisa in cōcilio Anquirens. ca. 1. ubi talia phantasmata mētibus à maligno spiritu irrogari ait. & rursus: Infidelis, inquit, nō in animo, sed in corpore euenire opinatur: quis enim in somnijs & nocturnis imaginibus non extra seipsum deducitur? Quæ etiā uideatur fuisse Augustini sentētia li. 18. de Ciuit. Dei, ca. 18. ubi: Verum, inquit, corpus nulla arte dæmonum conuerti potest, sed phantasticum: quod etiam cogitando siue somniando per rerum innumerabilium genera pariat: & cum corpus non sit, corporum tamen formam capit, sopitis aut appressis corporeis sensibus, ita ut uera corpora alibi iaceant, sensibus obscuratis. Nec refert, quòd ibi Herodiadi aut Dianæ honor exhibetur. Hactenus Alciatus.

Cæterum quum earum plurimas mente corruptas esse, erroreq; à satana seductas, iam satis demonstratum sit, ut citius hæreticorum poenam, quàm uoraces mereantur flammæ: qui rectius instituti, si conuertantur, corporali punitione minimè afficiendi sunt, sententias summorum patrum paucas adducere placuit. Augustinus ad Donatum proconsulem Aphricæ: Ex occasione, inquit, terribilium iudicum ac legum, ne æterni iudicij poenas incidant, corrigi inimicos cupi-

Epist. 127.
De seductis
errore, & hæ
reticis, no ene
candis: senten
tia Patrum.

cos cupimus, non necari: nec disciplinam circa eos negligi uolumus, nec supplicijs quibus digni sunt exerceri. Sic ergo eorum peccata compesce, ut sint quos poeniteat peccauisse. Quæsumus igitur, ut cum Ecclesiæ causas audis, quamlibet nefarijs iniurijs appetitam uel afflictam esse cognoueris, potestatem occidendi te habere obliuiscaris, & petitionem nostram non obliuiscaris. Non tibi uile sit, neque contemptibile, fili honorabiliter dilectissime, quod uos rogamus, ne occidantur, pro quibus Dominum rogamus ut corrigantur. Idem ad Marcellinum: Poena illorum, quamuis de tantis sceleribus confessorum, rogo te, ut præter supplicium mortis sit, & propter conscientiam nostram, & propter catholicam mansuetudinem commendandam. Ad eundem epist. 159. Imple iudex Christiane pij patris officium: sic succense iniquitati, ut consulere humanitati memineris. Nec in peccatorum atrocitatibus exerceas ulciscendi libidinem, sed peccatorum uulneribus curandi adhibeas uoluntatem. Noli perdere paternam diligentiam, quam in ipsa inquisitione seruasti: quando tantorum scelerum confessionem non extendere eculeo, non fulcantibus ungulis, non urentibus flammis, sed uirgarum uerberibus eruij. Ex libro Quæstionũ euangelij secundum Matth. c4. 12: Hinc est quod serui dicunt, Vis imus & colligimus ea: Quibus Veritas ipsa respondet, Non ita hominem constitutum esse in hac uita, ut certus esse possit, qualis quisq; futurus sit po-

Epist. 158.

G

stea, cuius

466 De præstigijs dæmonum

Ita, cuius in præsentia cernit errorem: uel etiam quid error eius confrat ad profectum bonorum: non esse tales auferendos de hac uita, ne cū malos conatur interficere, bonos interficiat, quòd fortè futuri sunt: aut bonis obsit, quibus & inuiti fortè utiles sunt. sed tunc opportunè fieri, cū iam in fine non restat uel tempus computandæ uitæ, uel proficiēdi ad ueritatē, ex occasione atq; comparatione alieni erroris. Chrysostomus homilia 47. in caput Matthæi 13: Vis igitur abeuntes colligimus ea? Dominus autem prohibet, ne fortè simul cum zizanijs herbam etiam tritici euellant: quod dicebat, ut bella & effusionem sanguinis prohiberet. Nam si trucidarentur hæretici, absque fœdere pacis atque inducijs bellum Orbi inferretur. Duabus igitur rationibus prohibuit: altera, quia frumentis parum noceret: altera, quia nisi sanarentur, extrema supplicia non euaderent. Quare etsi puniri eos uultis, & frumentis nequaquam officere, opportunitas temporis congrua expectanda uobis est. Quid autem est quod eradicabitis simul cum ipsis etiam frumenta? Certè aut, quia si arma capietis, inquit, necesse est cum hæreticos trucidatis, multos sanctorum simul interimere: aut quia ab ipsis zizanijs multa commutata, in frumenti conditionem se ipsa conuerterent. Si ergo præuenientes euellatis, ea frumenta deperibunt, quæ à commutatis zizanijs prouenirent. Non prohibet autem conciliabula hæreticorū dissipare, ora obstruere, libertatem loquēdi concidere:

*Hæreticorū
conciliabula
dissipari pos-
sunt.*

concidere: uerum interficere & trucidare. Ex Homi-
lia 8. in caput Geneseos 2: Hæretici simili modo adse-
cti sunt, sicut hi qui morbo laborāt, & corporalibus
oculis cæcutiūt. Illi enim ob oculorū suorū infirmita-
tem solis luci aduersantur, & ob aduersam corporis
ualetudinem etiā optimos saluberrimosq; cibos asper-
nantur: ita & hi anima egrotantes, & mentis oculis
capti, ad lumen ueritatis respicere non possunt. Idcir-
cō nostro fungentes munere, manus eis porrigamus,
magna eis mansuetudine loquamur. Nam & beatus
Paulus ita nos admonuit dicens: Ut in mansuetudine
erudiantur aduersarij, si fortē det eis Deus pœniten-
tiam in agnitionem ueritatis, & emergant è laqueo
diaboli, capti ab ipso in illius uoluntatem. Vides
quomodo uerbis declarauit, quod quasi ebrietate
obruiti sint? Et iterum: Capti, inquit, à diabolo,
quasi liqueis irretiti sunt. Vnde & nobis gemina
opus est mansuetudine & longanimitate, ut possimus
eos eripere & educere ex laqueis diaboli. Dicamus
igitur eis: Emergite & resipiscite paulisper, aspici-
te lumen iusticiæ, &c. Idem in homelia de nomine
Abrahami: Dogmata impia, & quæ ab hæreticis
profecta, arguere & anathematizare oportet: ho-
minibus autem parcendum, & pro salute ipsorum
orandum. De hæreticis hætenus.

At in sagarum patrociniū annectam censuram
eximij iurisperiti Pauli Grillandi de sortileg. deci-
mo uolumine Tractatum, quæst. 7. fol. 44. pa. 2. 35.

468 De præstigijs dæmonum

*Lamie pœni-
tentes euitāt
pœnas corpo-
rales.*

Nota, ait, unum ualde singulare, quòd istorum apo-
statarum duæ sunt species. Vna est, quæ simpliciter
retrocedit à fide, & sequitur cultum & obedientiam
dæmonis: altera est, quæ postquam Christi fidem ab-
negando postergauit, & deiecit ex corde suo, iterum
se baptizat expressè in nomine diaboli, & aliud no-
men sibi superimponit. licet utraque species sit dam-
nata: prior tamen, si peccatum suum reuocat, ad-
mittitur ad pœnitentiam, & euitat pœnas corpora-
les: sicut hæretici. ut l. Manicheos. C. de hæreticis.
Identidem theologi authores Mallei, in tertiæ partis
initio, & quæst. 35. his uerbis docent: Ex corde ue-
rò apostatæ si nolunt resilire, ut hæretici impœniten-
tes tradentur curiæ seculari. Si autē uelint, recipiun-
tur, prout hæretici pœnitentes, iuxta cap. ad abolen-
dam. §. pœnitenti. de hæ. li. 6. Concordat Raymun.
tit. de apostolica. c. reuertentes. ubi dicit, Quòd re-
uertentes ab apostasiæ perfidia, cū fuerint hæretici,
tanquā reuertentes ab hæresi, sunt recipiendi: & hic
sumitur unū pro alio. Et in 2. parte Decretorū, caus.
26. quæst. 5. episcopi. Ex præmissis autoritatibus
colligitur, quòd arioli, aruspices, incātatores & sorti-
legi, atq; cæteri huiusmodi sectatores ab Ecclesia sunt
eliminandi: & nisi resipuerint, perpetuò excommu-
nicandi. Sed quod in ultimo Acquirensi capitulo, ea
quæ fiunt per incantatores, non in corpore, sed in
spiritu fieri dicuntur: Augustinus in lib. de Ciuitate
Dei idē uidetur asserere, ita dicens: Quæ magorum
præstigijs

præstigijs fiunt, nō uera, sed phāstica esse probantur. Quare criminali actioni hic nullus patet aditus.

Si urgeatur hic denuò propria earum confessio, cum D. Ioanne Francisco Ponzinibio Placentino, Tractatuū uolumine decimo, de Lamijs, respondere audeo: Cum tales personæ sint illuse, ut dictum est: ergo debere dici, earum confessionem etiam esse erroneam, nec admittendam. l. error. & l. cum post C. de iuris & fact. ignor. No. in l. de ætate. §. fin. ff. de interroga. action. Confessio enim debet continere uerum & possibile: ut per gl. Bal. & alios in l. i. ca. de confess. per gl. in c. si. de confess. in 6. ff. ad leg. Aquil. l. inde Neratius. §. si. Sed ista respuunt ius & naturam: ergo non sequitur, Iste mulieres sic confitentur, ergo sic est. Nam confessio longè distat ab actu (uel actus possibilitate) & quicquid est contra naturam, deficit in suis principijs, ergo naturaliter est impossibile. Præterea in criminalibus regulariter non statur soli confessioni rei, ut per Bal. & Ang. in l. i. cap. de confess. & dicam j. in 2. no. Nec obstat, quod dicit Bal. in d. l. si quis non dicam rapere: quia eius dictum procedit in hæresi, in quantum perficitur in sola mente ex cogitatione: quo casu bene, ut inquit ipse: quia cogitatio mentis, quam solus Deus nouit, non potest aliter probari, quàm per confessionem: ideo statur soli confessioni. sed confessio de qua in casu nostro, continet actum ab extra, & minus possibilem de iure & natura, ac etiam mi-

In criminalibus non est standū soli confessioni.

470 De præstigijs dæmonum

nus uerisimilem: & ideo potest dici, quod licet, quoad ea quæ credunt, sit standum confessioni earum, quoad punitionem, quia talis credulitas pendet ab animo & uoluntate: non tamen quo ad hoc, ut quia sic sit, uel sic fiat, sicut asserunt. Hactenus ille. Nec est quod hic lex Cornelia de sicarijs & ueneficis mihi obtrudatur, quæ suum paulo post sortietur locum, ubi de ueneficorum poenis agitur.

Lamia mentis errore à diabolo affecta, nec ulli noxie, quomodo reducenda, & quæ ipsi statuenda poena.

Quum ergo errore & phantasia hæ delusæ, & satanæ peruersa institutione seductæ cognoscantur: nec alicui ab ijs malum reuerà, at saltem imaginatione illatum esse sciatur: saniori doctrina informandæ erunt, ut repudiatis dæmonij ludibrijs, Christo sacramentum rursus præstent: atque ut luxata ex corporis compage membra, debita ligatura restituantur poenitentes. Quantopere hic fidelem mysteriorum Dei dispensatorem eniti decere, ut ad Christi ouile reduceretur ovis perdita, nemo non nouit. Suum quoque hic habebunt locum publicæ & communes preces ex animo fusæ. Admodum piè hîc D. Iacobus admonet: Fratres, si quis inter uos errauerit à ueritate, & conuerterit quis eum, sciat, quod qui conuer-
ti fecerit peccatorem ab errore uiæ suæ, saluam faciet animam à morte, & operiet multitudinem peccatorum. Ne hæresis solum in errore, quod quis dæmoniorum doctrinæ adhæret, figitur: sed in sui confidentia quoque, concepto fastu & præfracta pertinacia, ubi admittitur nulla admonitio: erro-

Iacob. 5.

rem etenim

rem etenim seductionemq; mentis confessus hæreticus, semper remissionem ueniamq;, ex Patrum consensu & Christiana mansuetudine meretur. Nam, teste Seneca, quem pœnitet peccasse, penè est innocens. & apud Ecclesiasticum legitur: Pœnitentibus dedit uiam iusticiæ. Eiusmodi itaque malè à Dæmonio persuasæ & resipiscenti feminae, rectiusq; iam in Christianæ fidei sanctissima basi confirmatæ, pecuniarum quoque (si eius res ferant) multa in pauperum subsidium imponi potest: & quæcumque alia arbitraria, non tamen uitæ, pœna pro delicti ratione & magnitudine. Si etiam ex usu ob reipublicæ tranquillitatem conseruandam uidebitur, ut exilio ad certum tempus puniatur, donec uitæ innocentia, uerè se conuersam esse, & fidelem, persistereque comprobet, ac deinde libertate hospitij pristina rursus donetur, non contraierim. Eiusmodi esto pœna temeritatis, quòd demoniacæ suggestioni & ludibrijs non satis constanter resistit, at etiam consenserit fatua.

In Thyeste.
Eccles. 17.

Quòd si quis contentiose uoluntatem puniendam defendat, is primùm distinguat inter uoluntatem hominis sani perfectam, quæ in actum uerè dirigi coeperit: & inter uitiatæ mentis sensum, uel (si uoles) corruptam amentis uoluntatem: cui suo opere, quasi alterius esset, colludit diabolus, nec alius insulse uolentem sub sequitur effectus.

Non omnis
uoluntas punienda.

Tale uoluntatis uitium impingi etiam possit

472 De præstigijs dæmonum

melancholicis, fatuis & pueris, qui facile inducuntur, ut uel hæc uel alia se designasse mala falso imaginantur, fateanturq;: qui tamen à Deo renes & corda scrutante, non æquè plecti permittuntur, ac alij mentis compotes: multò certè minus ab hominibus id fieri oportuit. Nec aliò torquenda erit Lex Cornelia, quàm ad ueneficas. Quæcunque enim femine morbos siue mortem, aut iacturam, alicuius ueneni potentia cuiquam induxerunt, Veneficarum nomen & punitionem merentur: atque his, pro criminis qualitate pœnam uel aggrauant, uel moderantur leges. Quemadmodum si quæ philtro uel amatorio poculo apud procos, aut alios, amorem extorquere contendunt, eosq; interim uel dementant, uel morbis excruciant, non tamen uita orbant: ijs noxæ magnitudinem & uoluntatis studium, pœnæ grauitatem uel moderationem præscribere iustum est. quod de quocunque illato rerum dispendio dictum semel uolo. Hic lex Cornelia de sicarijs & ueneficis celebratur: Qui uenenum malum necandi hominis causa fecerit, uel uendiderit, uel habuerit, plectitur. Eiusdem legis pœna afficitur, qui in publicum mala medicamenta uendiderit, uel hominis necandi causa habuerit. Et ex Senatusconsulto relegari ea est iussa, quæ non quidem malo animo, sed malo exemplo, medicamentum ad conceptionē dedit, ex quo ea quæ conceperat, decessit. Alio Senatusconsulto effectum est, ut pigmentarij temerè cicutam, salamandram, aconitum, pi-

*Veneficarum
pœna.*

*Lex Corne-
lia.
Digest. lib.
46. tit. 8.*

tum, pityocampas, mandragoram, cantharidas, aut quid lustramenti causa dantes, poena teneantur eiusdem legis. Hic Mosi quoque edictum habet locum, *καταδικάζεις δὲ τὸν ἐπιβιώσαντα: ἄλλας ποσὶ βιώσαντα, sic legis uoluntatem explicuerunt Septuaginta interpretes: Veneficos non patieris uiuere, aut, si mauis, ueneficas (genere feminino) ut uolunt Hebraeorū interpretes. Ea certē non alie erunt intelligendae, quā quas Moses & illud seculum nouit. Sagas autē uulgo nobis dictas, & à me descriptas, ne quidem Christi tempora norunt, multo minus Mosi. In Perside ueneficos plecti, ut in amplo lapide caput impingerent, rursusq; alio superinducto illud effringerent, fertur. Hæc autem prudentis magistratus æquitati & iudicio relinquenda censui, ne sibi extra professionis meæ limites quicquā præiudicari queratur ille, cuius ordinationem à Deo esse testatur literæ Sacræ.*

Exod. 22.

Pœna ueneficarum à Mo se constituta.

Rom. 13.

Epilogus.

Non dubium mihi est, candide Lector, plurimos fore, apud quos malam inicro gratiam, calumniam mihi pro opera qualicunque præstita reposituros: quorum pleriq; ut iniquorum est iudicium, id quod non intelligunt, criminabuntur: alij, opinioni longa annorum serie, hominum animis irradicatæ, & uelut iure consuetudinario obfirmatæ, quacunq; ratione patrocinari uolent: nec deerunt qui dentis Theonini prurigne insolescentes ex more, mordendi occasionem auidiùs quærent. Ad causas naturales quarumcunque rerum miracula & monstra re-

474 De præstigijs dæmonum

ferēt pugnaces Peripatetici: ac sacrosanctæ Scripturæ religioni, Aristotelis Platonisq; ratiōes præscribere, uehemēti pertinacia assueuerabunt. Hic Petri Pompanatij Mantuani, summi & clarissimi suo tempore philosophi, de Naturalium effectuum causis, siue de incantamētis Opus, abstrusioris philosophiæ plenum, requiretur, accuratiusque euoluetur, ut oppugner, pessumq; eam: nisi in inuictis Christianæ philosophiæ fundamentis constabilitus, sermonis probilitatem contemnam: ex D. Pauli, uasis electio- nis, consilio, qui studiosè præmonuit, uidendū esse, ne quis sit qui nos deprædetur per philosophiam & inanem deceptionem, iuxta constitutionem hominum, iuxta elementa mundi, & non iuxta Christum. Quoniam in illo inhabitat omnis plenitudo Deitatis corporaliter. Pompanatium quoque ante red- ditum spiritus extremi halitum resipuisse ex singu- lulari Dei miseratione, nec permansisse ἀβρον, spe- rare uolo. talem etenim fuisse, à Clarissimo medici- næ ornamento D. Helidæo Foroliuiensi, cuius olim discipulo, non semel auditum est.

At sibi iniuriam fieri à medico, quædam Scriptu- ræ sacre loca excutiente, & suæ uocationis metas transiliente, acclamabunt morosiores plerique Theo- logi: Ne sutor ultra crepidam, mordacius oblatran- tes. His nihil aliud responsum uolo, quàm, D. Lu- cam euangelistam medicum Antiochensem fuisse: ac me ex eorum esse numero, quorum huc spectat
studium,

studium, ut si quo modo tandem ex immensa Dei misericordia atque ineffabili Christi gratia, ad regale illud sacerdotium pertingere queant cuius D. Petrus apostolus & propheta Esaias meminerunt.

Regale sacerdotium.

1. Petr 2.

Esaiæ 61.

Quod malefij quosdam Ecclesiastici collegij homines impuros insinularim, si quoq; egrè serant, id non debui non facere argumenti ratione: atque apertius etiam nominibus eorū expressis potuissem, nisi modestiam hanc ex theologia edoctus, hos Christianæ fidei eversores ac reipublicæ sedate turbatores ut adhuc desistant, statuissem præmonere. Cum magicorum flagitiorum reis mihi controuersia est, non cum uiris pijs: quos unicè ueneror & colo, ut si quis alius. Si iniuste se traductos illi conquerantur, ut in theatrum palàm mecum prodeant, suamq; tueantur causam, non detrecto.

Doctioribus quibusdam nostri ordinis uiris, uel etiam delicatioribus, si à me non sit factū satis (quod equidē libenter fateor: quā sit mihi curta supellex, non ignarus) ijs tamen rē exactius perpendendi, altiusq; perscrutādi, ac methodo doctiore, ordine magis cohærente, oratione dilucidiore, uerbis aptioribus, & ueritatis argumētis ualidioribus describendi, qualemcunq; subministrasse occasionem pro ingenij tenuitate (quā certè magnā agnosco) uideor. à quibus si alicuius lapsus etiam admonear, conuincarq; plurimum à me reportabunt gratiæ, quemadmodum reliqui omnes eodem me prosequuti studio: nec me

errata

errata retractasse pudebit unquam. non mihi usque-
adeò Suffenus sum, nec ita φιλαυτίας afficit libido.
Est aliqua prodire tenus, si non datur ultra.

Quòd contra legum duodecim Tabularum autho-
ritatem de ijs qui messes excantarunt, à uulgari opi-
nionem & poetarum figmentis dissentiam, si grauius
tolerant Iurisperiti, mala mihi pro beneficio reponi-
tur gratia, quòd ueritatis in hoc argumenti genere
ab alijs inquirendæ, & criminalis sententiæ hic non
secundum placita cæci in religione Christiana seculi,
uerùm ex ipsis ueritatis mysterijs debito ordine eruẽ-
dæ, pronunciandæq; ansam porrigere qualemcunq;
uoluerim. Enimuerò si alicui in legitima sua uoca-
tione præiudicandi animus mihi fuerit, temerarij ho-
minis notam meo quodam merito haud recuso. Cæ-
terum si hac mea purgatione non contentis morda-
cibus inuidisq; ingenijs, me conuicijs proscindere,
imperitiæ redarguere, flagitij iniquè insimulare, &
calamum petulanter in me stringere lubeat: ea me
Deum omnipotentem confirmaturū tolerantia con-
fido, ut quoscunque aduersariorum dentes & insul-
tus, patiendò sim exuperaturus.

Irritas præterea suas apud me uident machinatio-
nes impij sacrilegiq; magi, quorum nec præstigijs,
nec terriculamentis culmum quidem latum moueor,
etiã si me diris suis imprecationibus aut diabolicis
exorcismis transformare studeant, aut eis λόφῶνας,
uel (si malint) cloacas execrandis suis artibus com-
pellerè

pellere nitantur monstrifici malefici. Delphica in me diuinorum oracula, quibus nihil non sinistri mihi in Pythij templo cacanti, & ob id à Pisistrato tyranno statuta poenae subiiciendo, uaticinabuntur homines perdit, prorsus contemno. Incaſsum me nocturnis lemuribus aut defunctorum manibus uel laruis terrebit tenebricosus necromantes. Nec contra Geoticorum umbras aquae lustralis asperginem, uel tedarum ignem iuxta sepulchra arcesso: suis hi spectris me neutiquam fatigabunt. Tartarearum uocum barbarie aut murmurum ludibrijs si me laceſſat nefarius exorcista, non mihi curae est. Incantatorum ligaturas quibus prodigiosos accersere morbos, congressum impedire naturalem, imò eius organa pro suo arbitrio auferre & restituere posse creduntur, ne pili quidem facio, rideoq;: Si quid maligna imprecatione aut uitiata uoluntatis affectu in me possunt delirae sagae, eis & permitto, & remitto. Vnicam solummodo ueneficarum pertimesco artem, quae suis uenenis uel propinatis uel admotis, uel spiritus attractione ferientibus plurima uerè, non phantasticè inferre nocumenta ualent: harum causam defendendam hic cepi minimè, sed iusta magistratus censura discutiendam decidendamq; relinquo.

At ex labyrintho praestigiarum demoniacarum, incantamentorumq; nonnihil extricatus, finem dicendo faciam de monstrosis his ludibrijs, excogitatis certè ut gloriam Dei & doctrinae utriusque, sacrae
& physicae,

478 De præstigijs dæmonum

& physica, ueritatem obscurent, atque maleficas
 diaboli artes occultent, uestiantque, quæ Domino
 Deo βολέλιγματᾶς siue abominationes sunt: has auer-
 semur, fugiamus & excremur, quacunque etiam
 artificiosa proponantur specie. Repugnemus &
 earum illecebris & occasionibus abiectis, quæ pri-
 ma fronte blandiri & allubescere uidentur. Nec so-
 lum corpora nostra, non sponte mancipia & domi-
 cilia satanæ faciamus: uerum etiam illi, licet astutis-
 simo λῆξι πᾶνσπρωτάτω, uera fide & uitæ sanctimo-
 nia omnes adoriundi nos aditus præcludamus, auxi-
 lium à Dei filio assidue ardētibus uotis implorantes,
 nosq; uiuo Dei uerbo & Spiritus sancti ope uigilan-
 ter, uelut in excubijs sedulo constituti, ita munientes,
 quò etiam si huiusmodi munimento tanquam firmissi-
 mo uallo undiquaque obseptos audacius insultet iu-
 ratus ille hostis, non tamen ualida hæc septa perfrin-
 gat, expugnetque.

Qualescunque etiam afflictiones nobis impositas
 æquo animo cum Iobo fortiter toleremus, aduersus
 Deum neutiquam cum gentibus frementes, nec ue-
 titam opem cum Saule inquirentes. Neque etiam
 curiosi, cum Ephesijs, uel lasciui, quæ nouisse nos
 aut non interest, aut non licet, siue minus expedit,
 anxie indagemus: uel ex ijs, à quibus exquiri seuerè
 inhibuit Deus, sciscitemur: sed illis quas Euangelij
 ueritas commonstrat, semitis insistamus, inhærea-
 musque: furiosas diaboli præstigias & lubrica tri-
 uia decli-

Iob. 1. 2.
 Psal. 2.
 1. Reg. 28.
 Act. 19.

Liber quintus.

479

uia declinantes, ne quemadmodum Iannes & Mambres resistebant ueritati, nos quoque Dei præcepto recalcitrantes, cum his qui à sinistris erunt, horrendam olim Christi sententiam audiamus: Discedite à me maledicti in ignem æternum, qui paratus est diaoblo, & angelis eius.

Matth. 29:

Nihil autem hic ita assertum uolo, quod æquiori catholicæ Christi ecclesiæ iudicio, non omnino submittam: palinodia mox spontanea emendaturus, si erroris alicubi conuincar.

FINIS.